



recepta

†
J. 8.
57.




livre d'aise. L'auteur n'a pas d'article
dans la Biographie universelle: il paraît
que port-aïse a fait. D'autres ouvrages:
1^o. De Verber Domini, hoc faute.
2^o.

025950

Porthouse

M. 15802





Digitized by the Internet Archive
in 2010 with funding from
University of Ottawa



AV TRES-CHRESTIEN ROY

HENRY IIIII.



I R E,

DIEU à eu vn singulier soin du salut des Rois & Gouverneurs des Prouinces de son Eglise. De là vient qu'il leur dict par David, Psal. 2. 9. 10. Maintenant ô Roys entendez, & vous Iuges de la terre, receuez instructiō. Ainsi auez vous fait (ô SIRE) des l'entrée de vostre Majesté à ceste unique couronne, qui à obtenu à bon droit entre toutes, le nom de Tres chrestienne; comme ont recongneu les historiens Grecz & Latins. Dieu à commandé au Prince Josué d'auoir le volume de la loy avecq luy, d'y lire, & mediter, & de ce gouverner en tout & par tout selon iceluy, Ios. 1. 7. 8. à condition que ce

EPISTRE.

Deuteronomie, où Mischna & double de la loy, seroit fidelement transcrit de l'exemplaire des Leuites & Sacrificateurs, Deutero. 17. 18. Ce que vous auez religieusement accompli, en vous adressant aux Euesques, & sacrez prelatz, & docteurs de vostre Royaume, és difficultez de la Religion. Deuter. 17. 8. 9. 10. Et singulieremēt à Monsieur d'Eureux tres-digne de sa charge, & suffisant, quand mesmes il seroit seul, & sans lures, pour vaincre de viue voix tous les Religioneires, quand ils voudroient rōdement proceder & acquiescer aux demonstrations de raison, sans allonger par leurs malicieux escrits la dispute, pour immortaliser le procez s'il leur est possible.

Mais de quoy se plaignent ils de vostre Majesté, où de monsieur d'Eureux, si on leur à fait & gardé les loix, & droictz que lon à obseruez à Arrius, Macedonius, Nestorius, & à Eutiches, lesquels on à premierement confutez de viue voix en assemblée de Iuges competans.

N'ont ils pas eu sur accez au sainct Concil de Trente, Brencé n'y fut il pas 1546. Illiricus m'a

confessé en plaine dispute 1565. en Anuers qu'il y auoit esté : n'en sont-ils pas reuenus sains & sauues, que ne nous ont-ils vaincus en gros?

Que ne produisent ils les raisons là proposees, que ne les refutent ilz par l'expresse escriture, sans tant parler en vain: ils ne peuuent nier que Brance ne proposast & n'argumentast tout ce qu'il peut, contre les sacremens de Confirmation & d'Extreme-unction, & que le lendemain il ne veist & ouist en plaine session, mō doctissime maistre Rouard Taper, pour lors Doyen de la faculté de Louuain, qui esclairecit si richement & profondement les nuées de Brence, qu'il l'estonna, & luy ferma la bouche, de sorte qu'il s'en alla sans dire mot aux Peres du Concil, comme fit le sieur du Plessis à Fontainebleau.

Que n'ont-ils rembarré la belle & docte Oraison grecque & latine touchât la confession auriculaire de Jeā de Louuain dit de Hasselles? que n'ont-ils foudroyé les escritures & raisons de Demedines Cordelier, & Orateur pour le Roy Catholique? Que n'ont-ils renuersé nostre petit escrit, De verbis Domini, hoc facite

pro œcumenico Consilio Tridétino, sans
se vanter tant oisient de leurs trophées & vi-
ctoires, auant qu'auoir poursuyui le combat?

Je diray bien (SIRE) ce que i'ay dict en
plaine Chaire toute la ville de Poictiers assem-
blée: Qu'en verité, deuotiō, & dexterité d'esprit,
vous auiez deuancé Constantin premier Empe-
reur Chrestien, Theodose le Grand, & Charle-
magne le redouté Empereur, voire tous ceux qui
vous auoient precedé, pour l'extirpation des he-
resies de nostre temps, car sans sortir les bornes
& limites de vostre vocation, vous auiez trou-
ué remedes pour empescher l'impetuosité du flux
& reflux des eaux Religioneux du iourd'uy.
Vous n'auiez pas voulu (SIRE) douter ou
examiner si les Catholiques disoient vray, ou
faux: ains seulement, si les Caluinistes estoient
fideles enquesteurs, & s'ils n'adioustoient rien du
leur aux tesmoins qu'ils produisoient, & s'ils n'al-
teroient point les tesmoignages qu'ils allegoient

Qui plus est, quand il à fallu venir à l'exe-
cution de ce iudicieux, expedient & diuin con-
seil, vous y auiez procedé comme fit Salomon, 3.

Reg. 3. 16. 17. au iugement de la legitime mere.
Car vous avez donné aux sieurs du Perron, &
du Plessis, Iuges tres-capables & non suspects,
tant d'une part que d'autre : & avez daigné,
toute autre negoce intermis, y assister pour mieus
iuger du different, & voir qui diroit vray, &
meriteroit sans finesse & dissimulation sur le
champ gain de cause. Dequoy dōc ce peut plain-
dre le sieur du Plessis de vostre Maiesté, vous luy
avez accordé des Iuges, ses parens, ses amis, &
de sa Religion, où qui l'ont tousiours aymé, Iu-
ges, qui ont prononcé contre luy; par ses propres
escrits & confessions plus que tres manifestes,
& par luy mesmes examinées & interpretees,
& n'à tenu qu'à luy, que ces liures n'ayent esté
ruinez de mot à mot : Car il s'en est fuy en ca-
chettes, & depuis ne s'est offert manifestement,
& en personne, au combat deuant Dieu, les
AnGES & les diuins hommes, qui luy ont fer-
mé la bouche, & l'ont rendu muet, où il estoit
besoin de parler, & non d'abandonner sa verité
desguisee, & sa Religion pretendue reformée.

Et ce neantmoins comme hors de soy, il ne

laisse pas de deffier tous les Docteurs de l'Eglise Romaine, & se promettre que par sa jappe & son aboy, il arresterà & enforcera toutes leurs raisons & inuicibles arguments.

J'ay experimenté en Anuers, en publicque dispute 1565. dauant les Ducs, Contes, Marquis, & Princes du pays: les outrecuidez mespris de Matthias Flaccius d'Illicicq, ministre de Magdebourg, de Iehan Volfius de Suric, de Syriacque Spemgembergue de Vuittebergue, d'Isbrand de Francfort, de Iohannes Beatus, de Muremberg, de Jehan Taffin ministre de Metz, & d'Anthoine Coran Espagnol, ministre du Prince d'Orange à Breda. Qui s'estoient de toutes pars assemblez, pour desraciner la Religion Catholique des ames fideles en Anuers; que Dieu conserua par la predication & les escrits du Theologal de nostre Dame, M. Sebastien de Baerts, & du docte Classonius Iesuite, & de moy religieux François. Je fus celuy auquel ils en voulurent le plus: car pour m'empescher de prescher, ils allegoient que i'estois estrange, & sedicieux sophiste, enuoyé des

Docteurs de Louvain pour troubler le repos de la ville, & le cours de la parole, & que j'auois esté foüetté en France à la poursuite de la Royne mere, que Dieu absolve, & condamné à Genéue pour y auoir quitté ma femme. En peu de temps leurs calõnies & impostures furent verifikes fauces, par la fidele diligẽce de messire Guillaume de Nassau, Prince d'Orange, pour lors chef des Calfstiars au bas pays, qui auoit veu maistre Iehan Garetius & moy en besoi-
gne, apres ses ministres Allemans, qui y prati-
querent si peu, qu'ils demandèrent à respondre par escrit, ce qu'ils obtindrent; A quoy ie repli-
quay en Latin, pour le sacrifice de la Messe, & en François pour la cheute pretenduë de l'Eglise Romaine, & de l'Eucharistie: oncques puis ie n'en ouys parler. Je croy qu'ils sont comme les Diables de Iulien l'Apostat, Theodoret. lib. 3. Eccl. hist. cap. 2. & Sozom. lib. 5. cap. 2. Lesquels vaincus par le signe de la Croix (en-
core, qu'il eust esté fait par un meschant) dirent qu'ils s'en estoient fuys, non pour sa vertu, ny de crainte qu'ils en fussent vaincus, ains de l'hor-

reur & desplaisir qu'ils en auoient eu : Ils ne peuuent nier que ceste dispute ne leur ostant monsieur de Roucouques, ancien, riche, & habile Lutherien, qui auoit esté trois fois Bourguemestre d'Anuers. Item monsieur Reubeins premier Conseiller d'Anuers, & le plus docte Caluiniste qui fust pour lors au bas pays : Qui fut vne playe mortelle à la Cene nocturne selon leur langage : & vne instruction de plus ne pro-uocquer ny contraindre les Docteurs Catholiques à la publique dispute, & verification sur l'ouuerture du liure des passages proposez.

A ma volonté que les nobles Princes Alle-mans voulussent, toute passion ostée, comme vostre Majesté en venir là. Ce que redoutans leurs Ministres, ne demandent plus si instamment de Concil en presence des Euesques & Docteurs catholiques, comme cy dauant.

Nous nous plaignons (S I R E) qu'ilz nous imposent que nous proposons les traditions Ecclesiastiques & Religion catholique, contre l'escriure expresse, & l'interpretation des anciens Docteurs. Or nous montrons & disons,

nous ne maintenons rien en la Religion, sans la parolle de Dieu expresse, & sans l'interpretation des anciens Docteurs, lesquels fondemēs nous doibuent assseurer de la verité & du salut. Esay. 59. 21. Ephes. 4. 11. 12. 13. 14. Psal. 88. 6. Exemple, ils nient & desdaignent l'Eglise, l'intercession des saincts deffuncts, bien-heureux avecq Dieu & ses Anges, y preposans sans escriture expresse, la fureur & resuerie de l'yurogne Vigilancē, comme dit S. Hierosme qui en demonstre l'intercession à minori à maius, Illation vallable mesmes par les Topicques d'Aristote en disant avec S. Chrisostome homil. 21. In Actus Apostol. Si S. Estienne & l'Apostre des Gētils ont prié pour les ames ennemies & non encores fideles, Act. 7. 59. 60. Act. 27. 34. 42. 44. Quand ils estoient encores combattans, viateurs, & empeschez pour eux, & non certains de leur salut; à plus forte raison maintenant, ils intercederont tres-volontiers pour les ames fideles, membres assseurez d'un mesme corps, car ils n'ont point de doute de leur salut, ains sont certains de leurs couronnes & repos.

EPISTRE.

Et en lieu de respondre à cest argument par une
 escriture expresse, Vigilance s'esquiue d'une ne-
 gative, sans escriture pour bailler blancque à S.
 Hierosme, en disant. Ce pédant que nous som-
 mes viuâs, nous prions les vns pour les au-
 tres: mais apres nostre decés, il n'en est rié,
 Nous demandons quelle escriture expresse dit,
 (ô Religioneire) ce que tu dis: si tu en as, metz la
 en auant, sinon, pourquoy parles tu en vain.
 La Religion est elle fondée en une negative de
 Vigilance, où d'un semblable ennemy de la
 communion des saincts, mēbre du corps mystic-
 que de nostre Seigneur Iesus Christ? S. Hieros-
 me replique à Vigilance: l'intercession est un of-
 fice d'esprit immortel, & non de la chair anima-
 le & sensuelle, laquelle l'ame s'en allant laisse
 non seulement sans connoissance sensuelle, mais
 aussi, dit S. August. de cur. pro mort. c. 15. sans
 animal sentiment de pâtir & endurer: Et selon
 ce sens là, Abraham & Israel nous ignorent,
 Esay. 63. 16. Et Iosias à esté osté de Ierusalem
 de peur d'en sentir la peine & la misere.
 En ce sens infirme, animal et mortel, l'ame sepa-

rée du corps, il n'y à plus de science, de memoire,
 & de cōnoissance en bas, ou sont les corps: là c'est
 une mesme mort des hōmes et des bestes, Eccl. 3.
 19. Eccl. 9. 5. Mais il y à en l'hōme un esprit biē
 heureux dōt la veüe penetre par tout, autāt qu'il
 est expedient à sa gloire et à nostre salut, & n'est
 empeschée par les choses corporelles, comme il est
 cler, mesmes és démons: c'est une veüe de raison
 & de discours: une veüe parfaicte, & digne du
 siecle bien-heureux, qui suit l'Aigneau par tout
 où il va, Apoc. 14. 4. Veüe digne de la beatitu-
 de eternelle, & de la vision de Dieu. Si l'esprit
 raisonnable n'auoit ceste veüe là, Abraham
 n'eust pas congneu le Lazare & le mauuais
 Riche, Luc. 16. & le mauuais Riche, n'eust pas
 reclamé & congneu Abraham qu'il n'auoit ia-
 mais veu, Rachel eust ignoré la deplorable mort
 de ses enfans par deux fois, Ierem. 31. 13. Math.
 2. 18. Et Ieremie & Onias n'eussent assisté à
 Iudas Machabée, 2. Machab 15. 12. 13. 14. 17.
 20. 26. 27 Felix martir n'eust pas esté veu sur
 les murailles de la ville dite Nola en Affricque,
 la deffendre du siege des Goz, comme assenre

EPISTRE.

S. Augustin de Cura pro mortuis, cap. 16. Si les bien heureux ne nous pouuoient assister, S. Ambroyse ne prononceroit pas, que cestuy la ne croit point en nostre Seigneur Iesus Christ, qui ne croit point que les hommes mortelz, peuvent estre visitez des martyrs, Serm. 91. de sanctis. Nous croyons que les saints prient pour nous; car ils sont cōme les Anges de Dieu au ciel, Math. 22. 3. Origen. lib. 2. cap. 2. In epistol. ad Roman. S. Iehan & S. Philppes bataillèrent visiblement pour Theodose contre Eugenius le tyran, & obtindrent victoire, Theodoretus lib. 5. histor. Eccles. cap. 24. Les Calvinistes ne contredisent point aux escriuains Romains, permettans avec Vigilance plus aux Démons qu'à Dieu, & à ses Saints, pour le secours des fantosmes diabolicques de Castor & Pollux, & impugnent l'apparition & secours des Saints, enuers les Chrestiens, comme choses non seulement diaboliques, mais aussi plus incroyables. Où estoit-il escrit que les corps des saints morts, deuoient ressusciter, & apparoir en Hierusalem à plusieurs, & tes-

moigner la resurrection de nostre Seigneur Iesus Christ, Math. 27. 52. 53.

Nous nous fondons sur le premier & general commandement de dilection, Math. 22. 38. 39. 40. & sur charité qui iamais ne deschoit, 1. Cor. 13. 8. & sur le diuin commandement non reuocé, Iacob. 5. 16. sur la conformité des membres après leur decez, avec leur chef, qui à plus manifestement intercedé apres la mort, qu'en son viuant: sur la parole qui met les trepassez & les viuans avec l'Ange, Genes. 48. 15. 16. Ierem. 15. 1. Hiezechiel 14. 14. Zachar. 1. 13. 14. Item, Dieu dit que comme il fera pour son saint nom, & pour sa promesse & iurement, aussi qu'il fera bouclier sur Ierusalem pour l'amour de Dauid son seruiteur, 4. lib. Reg. 19. 3. 4. Esay. 37. 35. Item les escritures qui sont dites, Psal. 2. 9. tant de nostre Seigneur, que des saints viuans en ce monde, sont exposees d'eux mesmes au Ciel apres leur decez, Apocal. 2. 26. 27. & cap. 19. 15. Aussi nous auons vn prejuge de la pratique Ecclesiastique, que quãd on congnoist en l'Eglise vne assistace

EPISTRÉ.

diuine, secours, & benefice special de Dieu, on
 reçoit cela comme saint, & venant du ciel,
 encores que l'on n'en ait point de commande-
 ment, ny aucune promesse en l'escriture: comme
 le sacrisme, sous la loy & sous les prophetes,
 Luc. 11. 18. 19. 20. Act. 19. 13. 14. 15. 16. & de la
 guerison des malades à la piscine de porte de
 misericordz, Iohan. 5. sans aucune promesse,
 ny commandemēt expres en la loy & aux pro-
 phettes. Or nous disons à ces modernes Vigilant-
 ciens, qui demandent commandement de Dieu,
 & promesses en toutes choses: A presant, qu'ils
 nous produisent tesmoignages expres pour con-
 uaincre expressement, que le Mariage n'est point
 vallable & Chrestien, si le Ministre ou Predi-
 cant n'y interuient point: Ils nous confessent biē
 que pour estre vray sacrement, il est besoin que
 la matiere & la parole soient exprimez expres-
 sement en l'escriture. Or ils confessent ingenu-
 ment que les ordres dont les vrais Prestres sont
 introduitz en l'Eglise, sont vrais sacremens,
 lib. 4. Institut. cap. 14. sect. 20. & lib. 4.
 cap. 19. sect. 28. Nous les requerons, de nous

AV ROY.

produire l'écriture, qui en exprime (comme ineptement ils parlent) la promesse.

Nous esperons au reste (SIRE) les traicter fidelement tousiours avec l'écriture, & saincts Docteurs; selon leurs fondemens, maximes, & promesses, comme desire vostre Majesté tres-Chrestienne: pour la conseruation & salut de laquelle nous prions incessamment iour & nuict que Dieu la nous conserue en longue vie & santé estans assurez de viure en paix ce pendant qu'elle regnera, en punissant ceux qui troubleront le repos publicq. A Poictiers le 12. de Mars 1602.

*Vostre humble sujet, & fidele seruiteur,
Frere IEHAN PORTHAISE,
Theologal de l'Eglise de
Poictiers.*

Received of the Treasurer of the
 State of New York

the sum of

Five hundred and

no more

for

the purchase of

the same

for the

year

1871

and

for

the

same

for

the

year

1871

and

for

the

same




IE souz-signé Docteur Regent en la faculté de Theologie à Paris, certifie auoir veu & leu cest *Examen general de la Religion priuée*: Auquel sont diligemment examinées & solidement confutées plusieurs fautes, erreurs & ignorances des Religioneux, & pretenduz reformez Caluinistes. Parquoy à l'vtilité des Catholiques, & de ceux qui particulièrement aiment la curieuse recherche de l'antiquité, ay iugé qu'il deuoit estre communiqué au publicq.
Fait ce 13. de Mars 1602.

Fr. I. BELLOT.

IE soubz-signé Docteur en la sacrée faculté de Theologie, certifie auoir veu & leu de mot à mot le presët liure intitulé *Parascene generale à l'exact examen de l'institution de la sainte Eucharistie, contre la particuliere interpretation des Religioneux de nostre temps*, composé par Reuerend Pere F. I. Porth-aïse, Theologal de l'Eglise de Poictiers, auquel n'ay rien trouué contraire à la Religion Catholique Apostolique & Romaine: ains contient vne sainte & salutaire doctrine concernant le salut de tous vraz Chrestiens: Et partant tres-digne de voir le iour, pour refuter les aduersaires de nostre Foy, & confirmer les Catholiques en leur creance. Fait ce 13. Mars 1602.

M. DARDIN Docteur, & Recteur
de l'Vniuersité de Poictiers.





GENERAL EXAMEN de la Religion Priuée.

Des raisons qui nous ont meu à escrire.

Chap. 1. Sect. 1.



N T R E les saints escriuains, il n'y a que S. Luc qui aye vsé de preface en ses escrits, pour rédre raison de ce qui l'a incité à escrire apres plusieurs autres suffisans & excellens. *Luc. 1. 2. 3. 4.* disant, que puisque de son temps estoient aduenues choses grâdes & salutaires, c'estoit bié raison qu'elles fussent redigées en escrit par ceux qui les auoient bien veües, cognües, ou aprinses par gens dignes de foy, 2. *Timoth. 3. 14.* Secondement, qu'il estoit decent que lon y tint l'ordre & verité en escriuant, selon qu'elles estoient aduenues. En fin que telle doctrine s'adressast à vn excellent personnage, tel qu'estoit Theophile, fort amy de Dieu, auquel il dedia son Euangile, & Histoire Apostolique. Nous en ceste façon, ayans eu de long temps la certaine cognoissance de la verité Catholique, qui est à present contredite par la prophane & priuée nouueauté des Religioneires. 1. *Timoth. 6. 20.* & 2. *Petr. 1. 20.*

GENERAL EXAMEN

21. Auons resolu maintenir le diuin Esprit, & parole de Dieu, & la foy en la bouche seulement de l'Eglise Catholique. *Esay* 59. 21. S. Augustin *contra epist fundam cap.* 4. *Rom* 1. 8. & aneantir l'ignorance particuliere & priuée des Confessionnistes, des Protestans, des Anabaptistes, des Sacramentaires, des Religioneux & de leurs semblables registes Anglois, principalement au mystere de l'Eucharistie, ou ils sont autant contraires entr'eux, comme a la verité: ce qui est propre aux auant-coureurs de l'apostasie, ou Apostat fils de peché & de perdition comme a bien escrit saint Augustin *lib. 20. de ciuit de cap* 19. Apres S. Paul 2. *Thessalo.* 2. 3.

SECT. II.

Nous auons esté encouragez a ce faire par les genereux & heroïques efforts d aucuns doctes Catholiques, qui ont faict playes mortelles a ceste rapsodie d heresies religioneuses, entassées, rabobelinées, & resourbies tout nouuellement sous le nom de Philippes de Mornay. Nos docteurs l'ont reprins de presumption & temerité: Car sans vocation ordinaire ou extraordinaire a leur ministrierie, ny sans charge, examen, & commandement des predicans: Et mesmes sans auoir en particulier esté prouoqué par escrit, par les Catholiques, ou protestans, a presumer de se faire iuge & censeur de la Religion diuine. Que luy a faict S. Hierosime en l'intercession des Saints, pour estimer le paillard & yurogne endormy Vigilance, plus zelé & scauant en la verité de l'vnique intercession de nostre Seigneur Iesus Christ, que le Chaste, sobre, & doctissime S. Hierosime? Quelle raison y a il, que S. Epiphane, S. Augustin, S. Iean Damascene & autres do-

cteurs de verité, soient iugez errans, heretiques, & faulxaires en la doctrine du purgatoire, des sacrifices & prieres pour les Trespassés, par Mornay qui n'est docteur, ny religieux ministre. Moyse appellé de Dieu, faict difficulté de presider en l'Eglise estant pour lors lay, & prince priué *Exod.* 3. & 4. & ne presume executer ceste charge sans insignes miracles, & approbation des Anciens de l'Eglise hebraïque: Combien que la deliurance de la posterité d'Abraham eust esté expressement marquée, *Genes* 15. 13. 16. apres quatre cens trante ans *Exod.* 12. 40. 41. Et Mornay hōme lay, sans promesse expresse de l'escriture, sans euidens miracles, & sans approbation des siens, presume iuger des ministres, & des Catholiques. Tacitement il donne a entendre aux ministres qu'ils sont ignorans, insuffisans, ou paresseux, n'ayans plus d'ancre charonique en leur cornet infernal. Aharon n'a poit prins charge du seruice de Dieu ny de la doctrine, sinon qu'il ait esté appellé deūment, *Heb.* 5. 4. Et Mornay sans vergōgne, sans l'ordonnance des ministres, & sans commandemēt definist de la religion par sus les docteurs & concils. S'il y a quelquefois quelque chose dite, ou escrite en leurs œuures inopinément contre le commun iugement de l'Eglise, Mornay veut selon sa priuée opinion, que cela soit ordinairement quand il luy plaist. Esaye de lignée royale, & fils de Prophete *cap.* 1. & 6. faict difficulté d'entreprendre la presidence de la doctrine celeste. Hieremie sanctifié des le ventre de sa mere, fils du grand Pontife Helchias, refuse ce que Mornay rauist. On ne trouuera point que Osée, Ezechiel, Daniel, & autres se soient intrus par sus les Prestres & Prophetes, ordinaires & extraordinaires, comme à

GENERAL EXAMEN

faict Mornay. Son pere ne presuma iamais d'en faire autant. Aisément ie me fusse teu, sinon que la matiere est de religion, & que ie suis prestre, & Theologal de l'insigne Eglise de S. Pierre de Poictiers: Et pour ce ie dois à cause de ma vocation & office arracher les vices & les erreurs, cultiuer la verité & les vertus comme i'ay faict en ce royaume, & hors, depuis environ l'an 1550. le second iour de Iuin iusques aujourd'huy premier de Iuillet 1601.

SECT. III.

Me souuenant aulli que Dieu voulut qu'on luy fist vn sanctuaire, pour luy acertainer vne familiere & speciale presence, *deut.* 4. 7. au milieu des Israëlitres, *Exod.* 25. 8. pour luy sacrifier solennellement, & pour y enseigner sa loy a son peuple, & pour y adorer deuant son Arche, & sa montagne, *Psal.* 98. 5. 6. 9. *Psal.* 131. 7. 8. 9. figure de nostre Eucharistie, en laquelle Dieu nous est plus prochain, qu'en la loy, *Numer.* 10. 35. 36. I'ai estimé que pour entretenir le sanctuaire chrestien, ie deuois franchement & volontairement y apporter en mon rang, Or, Argët, Cuyure, Airain, Plomb, Hyacinte, Escarlatte vermeil, fin lin, poil de Cheures, peaux de moutons teintes en rouge, *Exod.* 25. 3. 4. 5. 6. 7. peaux de Tessons, bois de Sethin, huile pour le luminaire, drogues aromatiques pour l'huile d'onction, & pour les encens, & parfuns, pierres d'ongles, & de plenitudes, pour orner l'espaulier, ou Camail, & pectoral du souuerain Pontife.

SECT. II II.

S. Hierosime allegorise cecy sur Ezechiel *chap.* 40. 5. & *chap.* 48. 18. & au preface sur Abdias *ad Pammach.* & aduertist vn chacun d'offrir pour l'edification de l'eglise ce qu'il pourra, & du meilleur, comme Abel,

& non du chetif, & mal choyfi, comme Cain. Dieu a requis, que nos oblations fussent franches & libres, des primices, & plus pretieux dons selon la puissance d'un chacun *Deuter.* 16. 10. saint Paul dict aussi que nostre seruice souuerain, qui est latrie, & sacrifice, doit estre logicien, c'est a dire raisonnable, *Rom.* 12. 1. Cerres ie suis tât respectueux enuers les escriuains catholiques, que n'eust esté l'importunité de plusieurs fidelles, & l'insolente iactance de quelques religionaires, qui s'estiment estre seuls bien entenduz, *1. Corinth.* 8. 2. combien qu'ils ne cognoissent encores rien, comme il appartient, & parlent tant presumptueusement, que l'on diroit que la parole de Dieu est venue d'eux, & paruenue seulement en eux, *1. Corint.* 14. 36. ie n'eusse point escrit, me contentant seulement de prescher au peuple, & d'enseigner les petits escholliers.

SECT. V.

I'estois aussi retenu d'escrire pour l'indiscretion d'aucuns qui sans grande occasion, n'y sans tres-manifestes raisons, censurent aucuns docteurs Catholiques, qui pour le moins sont mors en l'vnité & cōmunion de l'eglise de Dieu. Qui est celuy des Catholiques, qui mettra S. Cyprian au rang des Donatistes ou Anabaptistes? ou qui excusera les Donatistes, & Anabaptistes? S. Cyprien à contredit, sans diuision de communion. S. Cyprien n'a pas incontinent acquiescé a l'Euesque Catholique Corneille, Denys, & Estienne romains, car le debat n'auoit encores esté resolu en plain & general Concil. Certainemēt ceux qui sont demeurez en la communion catholique, doiuent estre instruits, & exposez doucemēt, & non censurez odieusement: Car s'ils ont failly particulie-

rement comme hommes, ce n'a esté presump tueusement, ny opiniaistrement contre l'v'sance manifeste, ny contre la definition de l'eglise: Et pour ce, si les heretiques alleguent, que Erasme, Caietain, Catharin, Ferus & semblables sont pour eux, il faut examiner s'ils disent expressement, ce que les ennemys leur imposent. Secondement il est certain, que leur intention, iugement, & arrest, n'ont iamais esté heretiques, ains eclesiastiques, & pource leur tesmoignage ne doit preiudicier a l'eglise, ou favoriser aux deserteurs des Catholiques. Si l'on vouloit examiner de pres les escrits d'aucuns de tels censeurs, on leur montreroit leur infirmité non moins grande qu'en ceux qu'ils desdaignent honorer, au grand cõtente ment des aduersaires. Les deputez du S. Concile de Trante y ont procedé bien plus iudicieusement, car ils ont voulu que l'on peut lire les œuures d'Erasme, veues par quelque faculté de Theologie.

*Du mot fatal de la Religion, & des noms
Chrestien, Catholique, ou Papiste.*

Chap. II. Sect. I.

LEs hommes aucunes fois augmentēt leur nom pour quelque chose de grand, comme Iacob, est appellé Israel: S. Iacques & S. Iean, fils de Tonnerre. S. Paul prend le nom de Paul, *Act. 13. 7.* pour la conuersion du Proconsul Sergius Paulus: Scipion prend le nom d'Africain, pour auoir vaincu & assubiecty l'Afrique. Quelquefois aussi le nom est changé pour quelque nouuelle dignité, & sacré mystere: Ainsi Abram

est mué en Abraham, & Symon est chagé en rocher ou Pierre, Ce neantmoins quand les noms se prennent du chef, ou du corps, ils ne sont point changez de ceux qui appartiennent au vray chef, & au corps: de la vient, que tous ceux qui ont faict profession de la religion Chrestienne; & ont prins vn autre nom, que chrestiens & catholiques. *Act. II. 26.* ont esté infalliblement trouuez en fin vrayz heretiques.

SECT. II.

Cecy a esté auéré es Valentinieniens sectateurs & cōsors de Simon Magus, qui se sont appelez G'nots, c'est a dire, sçauans. Les Nouatiens se sont nommez, Cathares, c'est a dire, purs: aucuns se sont dits Apostoliques, denians le salut a tous ceux qui se marioiēt ou qui auoient quelque chose de propre, autrement que les Apostres, voyez S. Augustin *de heres. cap. 40.* & S. Thomas *lib. 3. contr. Gentes cap. 127.* Les autres se sont nommez Angeliques, pour leur grand sçauoir & excellence de vie: Et ne s'en trouue point de ceux qui ont esleu autre nom, que Chrestiens ou Catholiques, qu'en fin ils n'ayent esté assurément iugés pernicieux heretiques. C'a donc esté vn destin fatal, & malheur sur vostre teste, quand en nos iours, laissans le commun nom de Chrestien, & Catholique. Vous parains de vous mesmes, vous vous estes baptisez, de la religion reformée.

SECT. III.

Vous pourriez ramener au runge l'opposition des Arriens, qui disoient, vous qui vous dites Catholiques, estes Homoussiens, & auez des moynes de diuerses religions & professions entre vous: Par-ce donc vous inferez indeüment, que nous, qui nous appellons Arriens, & sommes ainsi nommez, & au-

tres Eunomiens , soyons herctiques pour auoir changé le nom de Chrestien & Catholique, en Arriens, ou en Eunomiens, Veu que vous estes à present dicts Homoussians, & auez moynes de diuers noms. A cecy on respôdoit, Homoussian est vn nom que vous nous donnez que n'auons pas esleu, comme vous auez prins & choisy le nom d'Arrien. Homoussien est particulier, signifiant vn article seulement, & non vne personne determinée: Et est vn nom ancien dauât nous. Arrien est vn nom que vous auez prins en general, qui n'a esté vsté en l'eglise dauant vous pour signifier la doctrine chrestienne & catholique, emportant en luy vne personne determinée.

SECT. IIII.

En verité quand les escritures nous parlent de la foy elles veulent & commandent expressement, que nous disions, que nous sentions, que nous croyons tous vne mesme chose, *Rom. 15. 5. 6. & 2. Corinth. 13. 11. Philip. 2. 2.* Dôc pour exprimer cela on a esleu vn nom commun, c'est assauoir, Chrestien, *Act. 11. 26.* qui exprime la foy en general, comme venant du chef: Et pour declarer celle du corps de l'eglise, on a esleu le nom de Catholique, c'est a dire, Vniuersel. Car cela à esté des le commencement, car elle a regné par tout, car elle a esté estimée chrestienne de tous, car elle a succédé tousiours. Car ça esté le solide refuge, qui n'a rien changé de la pureté de la verité chrestienne, pour le moins les quatre cens premiers ans, comme Calvin mesme a reconnu expressement, *liu. 4. chap. 6. sect. 16. & chap. 7. sect. 5.* Dont les bons Euesques, & de saine doctrine s'y sont retirez, & en ont heu secours, comme ont faiât S. Athanase & le bien heu-

Rom. 1 8
2. Rom.
16. 16.

DE LA RELIGION PRIVEE. 5

reux Jean bouchedor. Vous ne deniez donc point, si vous demeuriez chrestiens & Catholiques, changer les noms anciens.

SECT. V.

Aportés quelqu'une de vos premieres Eglises, soit Vuittemberg, ou Genesue, & voyez si elle a esté des le commencement. Vous avez vous mesmes escrit en lettres d'or vostre commencement, & reuolte qu'avez faiet a Genesue, de la religion catholique, regardez si vostre doctrine a regné par tout. Vos histoires de Magdebourg, & de Genesue monstrét expressément du contraire, en escriuant que la catholique, que vous appelez la tyrannie du Pape, auoit tout occupé. Montrez si vous pouuez, par l'escriure expresse, que la foy d'une de vos eglises aye esté annoncée par tout le monde, comme nous faisons de la Romaine *Rom.1.8.* Que l'une de vos eglises aye esté estimée Catholique, & saluée des autres Eglises chrestiennes comme telle, ainsi que l'Eglise Romaine *Rom.16.16.* a esté.

SECT. VI.

Montrez nous, dit Tertulien, la succession de vos eglises, le Cathologue de vos ministres : Trouvez ^{*lib. de*} nous en vn Apostre; ou disciple des Apostres, ou qui ^{*prescrip.*} aye eu, ou qui soit demeuré en la communion des Eglises Apostoliques. Trouvez nous en vn ancien, qui aye laissé le nom de Chrestien & Catholique, pour prendre le nom de religionnaire, comme vous avez esleu fatalement, *de la Religion*, pour signifier vne profession de foy particuliere, & nouvelle, dont estes conuaincus par vostre parolle de nouveauté, comme monstre l'inscription grauée dans vne table d'Airain en l'hostel de la maison de ville de Genesue

en ces mots, *Après qu'en l'année 1535. la tyrannie de l'antichrist romain, ayant esté ruinee, & ses superstitions abolies, la sainte & sacree religion de Christ, par la grace de Dieu, fut remise en sa pureté, & l'Eglise en meilleur ordre, & que par mesme moien, ces ennemis ayans esté repoussez, & chassez, elle fut non sans insigne miracle, restituée en sa liberté. Le Senat & le peuple de Genesue pour perpetuelle memoire, a fait faire & eriger en ce lieu ce monument, pour rendre par iceluy tesmoignage a la posterité de sa reconnoissance enuers Dieu.* Si ceste inscription estoit vrayement de la pure Religion Chrestienne, elle devoit estre escrite au temple de Dieu, & non en la maison des affaires prophanes. Donc l'inscription est prophane. Ce n'est au Senat, n'y au peuple, de restituer, n'y definir de la pureté de la religion, ou de l'ordre de l'Eglise; ains aux prestres, & prophetes: Donc cette inscription sans le Clergé, est vn attétat sacrilege. Cette inscription fut l'an 1535. Auparauant ou estoit l'Eglise de Dieu, qui ne peut estre cachée? *Math 5.14.* Comment estoit ceste Eglise auparauant sans la bible en langage populaire, sans Catechisme, sans confession de foy, sans forme d'administrer les sacremens, sans institutition Chrestienne, & sans Psalmes, & sans forme de prieres publiques? Que lon mette vne Eglise reformee au monde, auparauiant ceste effrontée Genesuefane 1535. soit entre les catholiques, ou heretiques, qui eust telle confession de foy tel texte de la bible, telle interpretation, telle instruction chrestienne, tel nombre de Sacremens, telle forme de les ministrer, telle institutition chrestienne & telles formes de psalmes & prieres. Certes vne Eglise ne merite le nom de vraye Eglise, sans ces choses la, donc la Genesuefane, qui n'a pas tousiours eu

eela, n'est qu'une macquerelle de la Babylone pail-
 larde en L'apocalypse cap.17. Calvin dement ceste
 inscription lib.4.inst.cap.2. sect.3. & cap.6. sect. 16.
 ac cap.7.sect.5. Disant, *que depuis le temps des Apostres*
iusques au temps de S Augustin, rien n'auoit esté changé de
la verité & pureté de la doctrine chrestienne a Rome, dont
c'estoit grand honneur d'estre en sa communion, & grande
ignominie d'en estre excommunié, comme sont ceux de
 Genefue, qui ressentiront plustost qu'ils n'atendent
 l'effect de l'excommunie donnée par le souuerain
 vicaire de nostre Seigneur Iesus Christ: Car il n'est
 en la puissance de tous les predicans, de monstrier
 vne eglise soubz le nom Chrestien, qui aye faict tel-
 le confession de foy, & tenu tel estat d'Eglise, auant
 1500.ans. Semblablement ils ne pourront monstrier
 que l'Eglise romaine, aye rien changé en l'essence de
 la doctrine, depuis les quatre cens premiers ans, ius-
 ques auioird'huy: Donc l'inscriptiō de leur maison
 de ville de Genefue demeure honnie, si leur institu-
 tion chrestienne de Calvin dict vray; Et reste aux mi-
 nistres de Genéue à mōstrer que la saincte Eglise ro-
 maine, à changé la commune doctrine chrestienne
 quelle tenoit du tēps de S. Augustin, qui recognoist
 en ses confessions lib.9.cap.12.13.tom.1. que l'on of-
 froit à l'autel pour les viuans & trespassez le sacrifice
 du prix de nostre salut, la saincte victime, par laquel-
 le à esté effacee l'obligation qui estoit contre nous,
Collo. 2. 14. Le sacrifice du corps & sang de Christ,
 que les prestres offroient contre la vexation des ma-
 lins esprits lib.22.*de ciuit.dei*, cap.8. Auquel sacrifice
 nous rememorons les saincts, & les prions de nous
 ayder par leurs deuotions, lib.8.*de ciuit.dei*, cap.27. &
 lib.22.cap.10. & lib.20.*in faust*, cap.21. & *de sancta vir-*

ginitate cap. 45. & *in Iob tract.* 84. Les Lutheriens ont esleu le nom de Protestans au commencement de Luther, & venans à se multiplier, se sont dits, Confessionnistes. Les Anabaptistes ont prins le nom d'e-uangeliques. Les Zuingliens se nomment plus communement, reformez. Qui mōstre assez, que le nom ancien, de Chrestien, & Catholique, ne leur est pas propre, ny par consequent la foy : Car s'il leur eust esté propre, ils l'eussent retenu. Autrement c'est temerairement faict a eux de changer les mots, s'ils n'ont point mué de foy.

SECT. VII.

Vous nous appelez Papistes, les Protestans nous nomment Pontifes, & nous auons esté nommez de nostre origine chresttiés, & Catholiques. Vous pouviez a bon droit reietter ces deux noms d'honneur ancien, Chresttié & Catholique, puisque faisiez profession d'une religion nouvelle. Mais les nous ostans sans puissance qu'avez sur nous, vous les prescriuiez de l'univers, comme noms pestilencieux. Si vous ne vous fussiez nommez *de la religion*, non plus que nous ne nous nommons pas Papistes, nous ne vous eussions pas appelez religionnaires. Nous vous pourrions desplaire, si nous vous nommions autrement, que vous ne vous estes appellés des le commencement, *de la religion*, & pource vous nous faictes iniure en nous nommant papistes : car nous ne nous sommes iamais ainsi inscripts, ioint, que vous ne trouuez aucune autre profession de foy, sous nostre nom Chrestien & Catholique, que le Credo des Apostres, de Nyce, de Constantinoble, & de Latran. Et nous trouuons sous noms nouveaux & particuliers, la confession de foy des Albigeois, item des Vaudois,

& la cōfession de foy d'Auguste, de Vvitemberg, de Saxe, de Mansfeld, De la Religion, qui est vn tesmoignage manifeste, que le nom general & primitif Chrestien, & Catholique, ne vous appartient point, non plus qu'aux Donatistes, demembrant l'Eglise en prouinces particulieres.

SECT. VIII.

Ie vous diray en passāt, que le nom de Romain a esté exposé par S. Paul, *Rom. I.* & par nos anciés docteurs, pour, Catholique : S. Ambroise *de obitu Satyri, cap. 7.* Theodoret, *Epist. ad Renatum presbiter.* S. Bernard, *Epist. 190. Innocentio.* Autant en disent S. Irenée, Tertullien, S. Cyprien, S. Hierosime, & S. Augustin. Si donc le nom de Papiste, auoit esté esleu de nous, ou s'il estoit de quelque seul Euesque, ou personne & doctrine particuliere, comme sont les noms de la Religion, Lutheriens, Caluinistes, & Huguenots, il nous pourroit aucunemēt estre attribué: mais attendu que le mot de Pape, est vn nom indefiny, dont les Euesques, tant Romains que autres, ont esté cōmunément nommez par les anciens, & que nul Euesque Romain en particulier n'a eu ce nom là : ioin & qu'on ne peut nommer vn Pape, dont nous ayons en particulier receu, ce que communément nous croyons : Parquoy nous ne pouuons proprement estre appelez Papistes. Le mot de Papiste ne me seroit tant odieux, si nous l'auions esleu, & si ses ennemis ignorans ne le nous imposoient point par iniure & fraude, Car il signifie Pere de la Foy: Mais nous ne voulons changer le nom de Chrestien, & Catholique, Parce que nous auons prins par legitime succession nostre creance de nostre Seigneur & Pere IESVS-CHRIST, & de son corps & Espouse, qui

GENERAL EXAMEN

est nostre mere Sainte Eglise, par la regeneration du saint Esprit inuisible, operant avec la Parole, & Pelement sensible.

SECT. IX.

Quand l'écriture parle de Charité, & des œuvres elle dit, *Psal. 118. 96. Ton commandement est tres-large:* car en charité nous n'auons point vn degré prescript d'aimer en vne mesme perfection, comme de croire vne mesme chose. Et pour ce en la Foy, il n'y peut auoir diuerses professiōs, comme en la Charité. Aussi les commandemens de Dieu, nous sont donnez, les vns en maniere de loy necessaire, de laquelle toutes-fois l'accomplissemēt n'est prescrit en son dernier, & possible periode: Les autres aduertissemens de Dieu, sont donnez par maniere de conseil, & de pris, à ceux qui franchement, & non de foy par necessité y voudront atteindre. C'est pourquoy donc en charité, & aux œuvres, & non en la foy, il y peut auoir diuerses professions. Aussi, attendu qu'en l'Eglise il y a heu aux fonctions ecclesiastiques, diuersité, comme des Prestres, Leuites, Prophetes, & du peuple, aussi ont ils eu diuerses professions & habits, non en la foy, mais en leurs actions.

SECT. X.

Saint Athanase en sa defence contre la persecution du Duc, ou Gouverneur de Syrie, enuiron l'an de nostre Seigneur 360. disoit, *Les Troupes & le Capitaine, entrerent par force dedans le temple, & les gens d'armes m'assiégerent au sanctuaire pour me prendre, & alors le reste du peuple, & Clergé me crioient & prioient, que souz main ie m'ostasse de la voye: Moy au contraire, ie leur disois, que si premierement ils ne se retiroient, ie ne sortirois pas: Et ayant laissé ma chaire, ie les adiuurois avec saintes*

prieres d'auancer leur yssue, & qu'il estoit meilleur que ie portasse le peril, qu'aucun d'eux eust dommage. La plusspart donc sortis, & le reste suiuant, mes Moines, & aucuns du Clergé, en s'en allant, m'ont entrainé avec eux. l'atteste la verité, que plusieurs gens d'armes tenoient le sacraire assié-
gé, & les autres couroient ça & là par le temple, & Dieu nous conduisant & defendant, nous auons passé entre eux, & eschappé san qu'ils en ayent rien apperceu. Alors nous auons magnifiquement glorifié Dieu, de ce que le peuple n'auoit point esté abandonné ou trahi, & que nous auons euade les mains de ceux qui nous cherchoient. Voyla clairement diuerfes professions en l'Eglise, quand aux mœurs, & non en la Foy: Notez que dès ce temps là, les Arriens hayissoient les Catholiques, le Clergé, & les Moines. Certainement si les Religionnaires les aymoient sincerement, ce seroit vn signe de leur salut, que tous chrestiens doiuent desirer: Les vrayes Moines du iourd'huy qui sont deuotieux priēt pour eux, les sçauans escriuent pour leur conuersion, à celle fin que tous reunis ensemble, nous contraingnions les indeuots & desbauchez a viure sainctement selon leur profession.

SECT. XI.

Dauid au Ps. 44. 10. parlât de Dieu, & de son Eglise, dit, *la Roine a assisté à tes mains dextres en accoustremēt doré, toute la magnificence de ceste fille du Roy est du dedans, & s'imbrées d'or vestue a l'entour de diuersitez. Telles sont les brodures d'or, & de passemens.* Ce qui monstre clairement que les diuerfes professions des Chrestiens & Chrestiennes en l'Eglise, sont comme brodures, & passemens d'or & de soye, ornans & enrichissans les habits d'une dame. Cela n'a point pleu aux Sabelliens, non plus qu'aux religionnaires du

iourd'huy: Desquels, S. Basile parlant au Clergé de Cæsarée la nouuelle, epist. 63. disoit, *Nous sommes blasmez des Sabelliens, de ce que mesmes nous auons des hommes Moynes, studieux de pieté, qui ont renoucé au monde, à tous les soucis de ce siecle icy, que le Seigneur compare aux espines Math. 13. 22 qui empeschent la fertilité de la parole de Dieu: Ceux la qui sont ainsi portent çà & là au corps la mortification de nostre Seigneur Iesus, Et vn chascun prenant sa croix Math. 10. 38. Math. 16. 24. suyt Dieu. Et peu apres. Nous cõparez aux parfaits, ne sommes qu'enfans: il y a aussi des femmes, lesquelles ayans embrassé la vie Evangelique, ont preferé la virginité aux nopces, & assubiectionnent le sens de la chair, au saint seruice. A ma volonté que les religionaires n'eussent iamais fauorisé les affections charnelles des Moynes, & Nonnains apostats, en estimant moins la promesse & serment fait à Dieu, que celle que nous faisons à vne personne charnelle & mortelle, combien que les difficultés, que l'on dit empeschier l'obseruance du vœu, entre Dieu & le Moyne, entre Dieu & la Nonain, peuuent interuenir non moins entre le Moyne & la Nonain mariez.*

SECT. XII.

Il vaut mieux (a ceux qui ne sont liez d'aucune promesse) *se marier que brusler.* Mais les Moines, Nonains, & ceux & celles qui ont promis à d'autres, n'ont ce choix de S. Paul. Certes S. Paul cõcede le Mariage, a ceux qui sont non mariez, ou en viduité, leur desirant plus la continence, qu'autre chose. Mais a ceux qui ont promis la puissance de leurs corps (qui est le temple de Dieu) soit à Iesus Christ, espous de nos ames, ou à autre personne, il ne leur est permis se marier, que par la mort de l'un ou de l'autre

1. corint.

7. 9.

1. corint.

7. 6. 7. 8.

9.

l'aurre, 1. Timoth. 5. 11. 12. Rom. 7. 2. Cela à esté cause que les Moynes qui ont tenu leur promesse, & la foy Catholique à nostre Seigneur Iesus Christ, plus excellent qu'homme ou femme du monde, plus soigneux à nous ayder à luy garder promesse, & chasteté; qu'aucun mary ou femme de ce monde, ont esté odieux aux Arriens, Iouiniens, Eunomiens, Donatistes, & autres semblables. Sainct Paul ne dict pas *qu'il soit necessaire de brusler, ou de se marier*, mais c'est l'excuse des ennemis de cōtinence: Item il ne dit pas, *que les mariez ne brusleront plus*, Imò il prononce, *que ceux la endurerōt des tētations & afflictions de la chair*, 1 cor. 7. 28. tellemēt qu'il incline absolument, que pour servir Dieu plus aisement, il faut faire election de continence: Ce que les vrays Moynes & Nonains ayans esleu & gardé avec la foy Catholique, ont esté, sont, & seront en habomination aux heretiques. Dont S. Augustin faiēt foy en ses escrits contre les Donatistes disant lib. 3. In Petilianum Donatistam Episcopum Constatiniensem cap. 40. *En apres Petilian à passé outre en vituperant d'une bouche mal disante les Monasteres & les Moynes, & me blasmant de ce que i'ay institué une telle façon de vie.* Or il ne sçait point du tout qu'elle est ceste façon de vie, ou pour le moins il feint du tout ne le sçavoir point, combien qu'elle soit tres cogneuë par tout le monde Et sur le Psal. 132. 1. *Voicy combien il est bon, combien il est ioyeux que les freres habitent ensemble: De la voix de ce Psalme icy, les Moynes ont esté appelez, donc qu'aucun pour ce nom icy, ne se moque de vous catholiques* Quand donc vous aurez commencè à bon droit aux heretiques à vous mocquer des circoncellions, à celle fin qu'ayant honte ils soient saueez, eux se moquent d's Moynes, & feignent ne sçavoir que les Moynes sont

plusieurs freres seruans a Dieu ensemble, comme un cœur, & une ame. Act. 4. 32. Le mesme S. Augustin traicte 97. sur S. Iean monstre que combien que le nom de Moynes ne fust usité au temps des Apostres, & ny en eust aucun vestige, comme escrit S. Chrysostome homil. 25. in cap. 11. ad hebr. Ce que les imposteurs de Magdebourg n'ont oublié à remarquer, Centur. 1. lib. 2. cap. 6. de Moribus Christianorum in fine pag. 506. La chose religieuse toutesfois estoit hebr. 11. 37. 38. dauant que le nom fust inuente : Ainsi fut il de Homonssion, contre les Arriens. Nous voyons à present clairement, comment les Moynes n'estoient point du temps des Apostres, c'est Assauoir sous le nom de Moyne, & comment toutesfois ils estoient deslors, selon leur façon de viure, & profession, par ce il est licite d'auoir diuerses religions quand aux mœurs, qui ne repugnent point aux commandemens de Dieu, & de son eglise: Mais quand à la foy, il n'y en doit auoir qu'une, qui est chrestienne & Catholique, laquelle iusques icy, auoit esté gardée sous le nom de Chrestien, & Catholique: Mais le nom nouveau, de la Religion, y estant subrogé, à conuaincu le changement que les religionnaires y ont apporté.

SECT. XIII

Si nous suyons (comme nous deuous) l'écriture, nous verrons que les Moynes estoient de toute antiquité recogneuz en leurs habits, en leur vie, & conuersation austere, en leurs vœus & seruices distincts des autres: tels estoient les Nazariés pour leur tēps, numer. 6. 1. 2. 3. 4. 5. 6. Helie, Elizee, & les disciples des prophetes ont obserué toute leur vie vne mesme regle, non moins que S. Iean baptiste, & ces disciples, auxquels il aprent vne speciale façon de prier, iulner, & vestir, outre la commune & legale, 4. Reg. 4. 1. 8.

zachar. 13. 4. Hebr. 11. 37. Math. 9. 14. Math. 11. 16. Luc. 11. 1. Que si les predicans & anciens de la nouvelle religion, ne croient à la Sainte Escripture, & à la raison, touchant l'ordre monastice, qu'ils oyent Beze, leur second pasteur en ses annotations, Math. 3. 4. Math. 7. 15. Math. 11. 16. qui cōfesse que les Moynes sont tels, & n'ayant raison apparente pour contredire, les acuse de fignerie, & d'hypocrisie: C'est à Beze, & à ses complices de prouuer sa calomnie. Il est incroyable que S. Anthoine, S. Paul, S. Bazile, S. Hierosme moynes, & auparauant eux S. Denys Pape, & martyr, & des le temps de S. Paul les benits martyrs S. Geruoyse & Protaise Auguft. de confl. vertu. & vicior. cap. 28. moynes & martyrs, & ceux qui sont venus depuis, ayent esté meschās, fignes & imposteurs en leur profession. Auoir tout son bien, & viure en communauté n'est-ce pas vne espece de Moynerie? Act. 4. 54. 55. Auoir speciales & religieuses compagnies, oraisons, iufnes, & vestemens, Math. 3. 4. Luc. 11. 1. Math. 9. 14. Math. 11. 16. n'est-ce pas vne façon monastique? Se faire tondre les cheveux, & se sanctifier specialement à Dieu, comme sous la loy on faisoit, *Numer.* 16. 18. & comme ont obserué S. Paul, Prisca, Aquila, & plusieurs autres chrestiens, en la primitiue eglise, Act. 18. 18. 21. 24. ne sont ce pas obseruances monastiques? Moyse ne fit il pas le Cuueau d'airain avec son baze, des mirouers des dames religieuses, qui se dedioyent à Dieu, à la porte du tabernacle en continuelles oraisons, chasteté, iufnes, & audience ordinaire de la predication Exod. 28. 8. Luc. 2. 36. 37. Et les enfans d'Ely perirent pour auoir paillardé avec ses nonains là, 1. Reg. 2. 22. Que les Ministres blasment donc les sales Moynes, & les

GENERAL EXAMEN

puantes nonains, & non l'angelique profession monastique: Les vignes sont bonnes, & les yurongnes sont hors du sens.

SECT. XIII.

Le nom de Moyne est nouveau, cōme Homoussior, Theotōcon, mais il n'est pas prophane 1. Timoth. 6. 20. ains sainct & antique en substance, comme tesmoigne S. Augustin sur le psal. 132. disant, qu'il est prins de cediēt psalme: & au traicté 97. sur sainct Iean, *le nom est nouveau, & la chose est ancienne*: ce qui est confirmé par la verité de religion contre les peruers. Les predicans doiuent apprendre que le mot de Moyne est dict *ὑπὸ τῆς μοναζεύ* viure en solitude, en contemplation, & separement des autres, cōme Dauid tesmoigne auoir fait, Psal. 101. 7. 8. *I'ay esté fait semblable au Pelican du desert, & ay esté comme le hibou des solitudes: I'ay veillé & esté fait monaζor* comme Passereau solitaire, ou Moyne seul sous le roict, Les Hebreux le nomment *Boded*, solitaire, à part & vnique, Esay. 14. 31. Psal. 101. 8. ou bien *Galmud*, Iob. 30. 3. *Iesaiab.* 49. 21. de mesme signification Moyne. Les Rabins modernes, & les plus doctes predicans ennemis de verité les nomment, *Camarim*, noirs, bruslés, & ardans, ou zelez. Item *Galahhim*. tōdus & razez. Mais pas vn de ces deux mots derniers, & iniurieux, ne signifia iamais anciennement, Moyne, solitaire: Ains sont cassades d'Elias Iuif, de Mercier, de Tremelius, & Munster reuoltez de la Catholique. Les predicans de nostre temps n'ont garde de bien dire des Moynes ou des prestres, car ils se sont apostatez des Abbayes, & parroisses: Luther, Marlorat, & Tremelius estoient Augustins, Butcere estoit Iacobin, Pelicain & Munster estoient cordeliers, Ver-

milly, dict martir, estoit chanoine regulier de S. Augustin. Iean Oecolampade moyne de saincte Brigide, Calvin Curé du pont l'euesque pres de Noyon, Carlostade & Zuingle estoient curez. Sabellius, Arius, Donat, Pelage, & autres anciens heretiques, ont esté moins meschans que ceux du iour d'huy : Car combien qu'ils ayent impugné beaucoup d'articles de la religiō catholique, & qu'ils ayent hay & persecuté les Moines & les Ecclesiastiques, ce neantmoins ils n'ont pas directemēt opugné les vœux, & l'excellence de la Prestrise Euangelique, cōme ont fait les protestans, lutheriēs, & les religionaires caluinistes. Certes il repugne essentiellement, que le predicant ayme le Moyne, car le predicant veut viure és embrassemens de sa Cananeanne estrangere, & és delices de sa Dalile philisteāne, hypocrite & tromperesse: Et le Moyne doit estre solitaire, & retiré de tout ce qui le peut detourner, diuertir ou retarder del'entier seruice de Dieu, 1. corinth. 7. 32. 33. 34. Vous diriez a voir les predicans religionaires, que le principal du diuin seruice, est, que le predicant soit marié, iusne rarement, & ne viue austerement. Ils confessent qu'il faut tenir la promesse à sa femme, & licencient l'homme de son pariure enuers Dieu.

SECT. XV.

Nous auons veu l'antiquité & saincteté de la vie solitaire, voyons à l'opposite l'antiquité de l'eglise religionaire: Car la saincteté heroïque n'y est point, comme viure en perpetuelle continence, laisser tout son bien pour seruir mieux à Dieu, & à son Eglise, se soubz mettre à la puissance & commandement d'autrui, pour mieux regler ses actions, ne se trouue entre les religionaires. Ils se disent l'Eglise du

GENERAL EXAMEN

Seigneur, en laquelle les vns ont le don de perpetuelle continence, les autres non: & pour ce, se doiuent marier: Mais comment font ils cette eglise de Dieu charnellement reformée, veu que le don de chasteté ne s'y trouue non plus que le vœu, & n'y a aucun membre ou celebre compagnee entre eux, qui puisse dire, Nous sommes les Nazariens du Seigneur, *Numer. 6. 6.* Nous sommes les femmes qui veillons à la porte du tabernacle du tesmoignage, *1. Reg. 2. 22.* Nous sommes ceux & celles, qui auons en la vraye eglise du Seigneur, le don de perpetuelle continence. *corinth. 7. 7. 17. 32. 33. 34.* Dieu dit par Dauid, *Psal. 76. 12.* *vous tous qui à l'entour du Seigneur apportez des presens, vouez luy & rendez vos vœux au Seigneur vostre Dieu* Dieu ne dit point, qu'il y aye quelque chose sainte, que l'on ne luy puisse vouer; Et si on la luy peut vouer, qu'on ne luy puisse rendre, & impetrer de sa sainteté, & bonté. Et puis que cela est, pourquoy donc les predicans au contraire esleuent ils la chair par sur l'esprit? Nous sçauons bien que le conseil, est es choses douteuses, & difficiles: & qu'il n'y a aucune difficulté de garder continence à ceux, qui en ont receu le dō: Donc nostre Seigneur, n'a pas conseillé continence, seulement à ceux qui en auoient receu le don, ains aussi a ceux qui ne l'auoient, mais qui le pouuoient impetrer: Autrement il seroit vn conseiller trompeur & Caluinique, en suadant ce qui ne peut ordinairement tomber en nostre puissance par la bonté paternelle de Dieu. Nulle escriture dict, Ne vouez point chasteté, personne ne la peut impetrer de Dieu, les iusnes austeres, les feruentes & humbles oraisons, & les perseuerantes prieres n'y font rien. Telles sont en coniecture les

parolles de l'antichrist desirant les femmes Daniel 11.37. Les religionaires veulent bien, que la promesse de la puissance de nostre corps, tiene faicte à la femme, ou à l'homme, & non pas à Dieu, & à l'Eglise, tienne, pour le plaisir charnel, & non pour le meilleur seruice de Dieu, 1. *Corinth*, 7. Pourquoy donc S. Paul repréd il les veufues,, qui auoient luxurié contre nostre Seigneur, & sevouloient marier, 1. *Timoth*. 5. 12. 13. cheminantes apres Sathan, c'est a dire, charnellement, Math. 16. 23. & non qu'elles s'apostataissent du Christianisme, 2. *Thessalon*. 2. 3.

SECT. XVI.

Venons à l'antiquité de l'Eglise reformée; Premièrement l'Eglise de Dieu touchant la foy ne se nomme iamais reformée aux sainctes escritures: Ce langage là, à esté inuenté par Iean le trompeur, car la foy catholique ne sort iamais de la verité de la forme. Secondement il faut noter qu'il y a l'antiquité premiere, qui seule est bonne, veritable & certaine, de laquelle n'est licite de disputer, n'y d'en doubter, comme l'antiquité d'un seul Dieu, l'antiquité de son seruice & vraye religion, & legitime Eglise. Il y a vne seconde antiquité, qui n'a que l'age à se monstrier, à laquelle la verité n'est point conioincte inseparablement comme l'antiquité de la pluralité des dieux, ou de l'idolatrie, de Mahommet, ou des heresies. Troiesmement, il y a vne antiquité desguisée, qui vraiment est nouvelle, & n'a paru au monde, dauant la naissance de ses auteurs: Tel à esté le Christianisme des faux Apostres, des Gots, Arriens, Aeriens, Pelagiens, Lutheriens, & aujour-d'huy des religionaires. Quatriesmement le vray Christianisme, est celuy, qui par tout à esté premie-

rement presché, *Psal.* 18. 5. *Math.* 13. 27. 28. *Rom.* 1. 8. *Rom.* 10. 18. Et ce qui est venu par apres à esté zizanie, & prophane nouveauté : De la vient que Dieu n'a point permis que l'heresie fust premierement preschée aux infidelles, que le vray Christianisme, donc la doctrine premierement preschée à Gencfue par laquelle ils ont esté chrestiens 1490. ans entiers, à esté le vray christianisme, & non la reformation schismatique graüée sur leur Maison de ville seulement l'an 1535. Comment peut on dire cette religion là estre chrestienne, de laquelle la bible ne parut iamais que à Neufchastel 1535. le 4. iour de Iuin, & au mesme an leur cõfession de foy, ou symbole, en Suisse, & leur reformation pleine d'iniures, & de fureur contre l'Eglise catholique, & contre nostre S. Pere le Pape. Quand a l'institution de leur religion Chrestienne, elle ne parut que l'an 1536. a Basle le premier iour d'Aoust. Les Psalmes de Marot, qui sont la perfection de leur seruice, n'eurent lieu en leurs assemblées que l'an 1543. Leur Cathechisme, & la forme de prier, de faire la Cene, de Baptiser, de Marier, de visiter les malades, ne fut escrite par Calvin que l'an 1545. Ostez tout cela, qu'elle eglise sera ce? Comment donc pouuuoit subsister leur Eglise, quand cela n'estoit point encores, & leur premier rimeur Marot, à mené vie peu Chrestienne & reformée, comme dict Beze en sa vie.



*Que c'est que signifie proprement
le mot de Religion.*

Chap. 3. Sect. 1.

LE seul Zuingle à escrit, *rom. 2.* de la vraye & fausse religiō, sans la definir, que c'est, sans dire, si c'est vne vertu diuine, cōme la Foy, ou morale, comme la Prudence: sans expliquer à quelle vertu elle appartient, sans dire, quelles sont ses actions propres, ny quelles sont ses actions commandees: seulement il dict avec Ciceron lib. 2. de la nat. des Dieux, qu'elle est dicte de Relire, Car ceux-là qui lisoient & relisoient, ou qui reelisoient ce qui estoit du seruice des Dieux, estoient dictz religieux. Lactance Firmian lib. 4. cap. 28. à cōfuté clairement ceste faute en Ciceron hōme payen, & en eust condamné bien plus asprement Zuingle, qui à cuidé, comme Prophete, reformer tout. Sainct Augustin à approuué le iugemēt de Lactance, disant que Religion est dicte de Relier: car elle nous relie avec Dieu, & non pas proprement de reeslire, ou de lire, *lib. 1. retract. cap. 13.* Et de vera religione, *cap. 55.* Ce qui nous monstre assez que Zuingle n'a guiere bien entendu, que c'est que Religion proprement: toutesfois il dict, que souz ce mot de Religion, il entend la Foy, la vie, les loix, les façons, les Sacremens qui concernent la pieté Chrestienne. Mais il laisse là à dire, que c'est que Religion en son essence, & en l'exterieur: C'est le propre des presumptueux, de prendre & ptoposer des bons auteurs, ce qui est presque faux, ou le moins vray.

GENERAL XEAMEN

SECT. II.

Caluin dict, tract. de Cœna, en ses Opuscules, pag. 194. *Nous auons donc, en quoy Luther à failly de son costé, & en quoy Zuingle & Oecolampade ont failly à leur, en ne mōstrant point quelle prēsence de Christ on doit croire en la Cene, & quelle communication de son corps, & de son sang on y reçoit.* Puis que nous voyons que Zuingle, au iugement de Caluin, à oublié ce qui estoit le principal en la Religion, & qu'il y a failly: Nous deuons donc rechercher la verité, & la congnoissance d'ailleurs.

lib. I. cap.
12. sec. 1.
2.3.

Caluin à entrepris l'Institution de la religion chrestienne, mais il n'a point dict, que c'estoit que religion, ains seulement, que le mot Grec signifie seruice bien réglé, & ne trāsporter pas le seruice de Dieu, ailleurs. Si Caluin eust allegué l'escriture expresse de son dire, ou quelque autheur receu, ou se beau mot Grec, qui signifie simplement, & distinctement le seruice de Dieu bien réglé, nous aurions quelque goust de sa religion. Il dit que Ciceron le prend bien du mot de relire, comme disoit Zuingle, toutesfois il corrige incontinent son iugement, disant que la raison de Ciceron est forcee & prinse de trop loing, & que la Religion est corrompuë, quand on y mesle des erreurs pat zele inconsideré, mais il ne dit point que c'est, ains poursuyuant son dit & dedit, avec son ordinaire de calomnier, escrit (sans le prouuer) que cy dauant on a exalté les saincts trespassez, iusques à les faire compagnons de Dieu, en les honorāt comme luy, & inuoquant, & leur rendant graces de tous biens: Et craignant la distinction δουλειας καὶ λατρείας de l'escriture de S. Basile, de S. Augustin, de S. Iean Damascene, du venerable Bede, & autres anciens, il s'en mocque, en ergotant cōme grimait ou

courtant de boutique; & fuyuant ces erres il en son-
ge vne digne de luy, qu'il nomme Religieuse, & l'au-
tre Ciuile: Esquelles presumptions cy apres, Dieu
aidant, nous monstrerons que, selon son nom, *Calui-*
sur in lege 12. tabul. si Coluitur pede, ve struit, il trompe.
Et si n'en auez assez pour entendre que Caluinier,
soit tromper, lisez le thresor latin de Robert Estien-
ne, sur les dictions de Caluo & Caluor, il vous fera
foy de nostre dire, par Saluste, Pacuius, Plaute &
Nonius.

SECT. III.

La sainte Escriture exprime *aux Hebreux*, Religi-
gion, par le mot *ghabnodah*, le verbe Hebreu *ghabnad*,
signifie seruice, honneur, recongnoissance, œuvre,
religion, ceremonie, homage, & tout ce que nous a-
uons au dedans de deuotion, sainteté & fidelité aux
volontez du superieur, que nous estimons Dieu, soit
vray, ou faux. De la vient, que au Thalmud ordine.
4. *Nezikin*, des dommages, tract. 8. distinct. 1. 2. 3. 4. 5.
Il y a vn traicté *Masseket* contenant cinq distinctions
nomme *Ghanodah Zara*, seruice & religion estrange-
re, comme idolatrie, & cōmuniquer avec les payens
contre la loy de Dieu. Le mot *ghanad*, & *ghanodah* est
assez frequent pour seruir, & sacrifier à Dieu, &
pour les ceremonies saintes, & religieuses actions,
dont on vse au diuin seruice. Exod. 10. 26. Exod. 12.
26. & 2. *Paralip.* chap. 31. 21. & 35. 16. Aucunefois les
hebreux expriment la religion, sous ce mot, *Derec*, qui
signifie chemin, religion entreprinse, conuersation,
comme, 3. Reg. chap. 15. 26. Nadab à cheminé en la
voye de Iarobeam, c'est a dire en la religion. Et en E-
zechiel cha. 20. 30. Vous estes polluz en la voye, c'est
à dire en la religion de vos peres. Le mot *bhukah*,
qui signifie statut, ordonnance commandement, ce-

GENERAL EXAMEN

remonie, façon, seruice, ce prend souuent, pour religion, *Exod. c. 12. 14. 43. Exod. c. 13. 10. Exod. c. 27. 21. Exod. 29. 9. Leuit. 7. 36. Leuit. 16. 31. Nume. 19. 2.* L'energie de ces mots nous mōstre, que religion est vn seruice deu a Dieu, & aux choses diuines, tant interieur, que exterieur.

SECT. IIII.

Les Grecs semblablement, ont certains mots pour exprimer la religion soit vraye soit faulse ; comme *Ἱερουσία, Triskia*, Cult, religion, dont S. Paul disoit, *Act. 26. 5.* Ayant cy dauant cogneu (fils en veulent resmoigner) que de mes ancestres i'ay vescu Phari sien. *Act. 23. 6.* selon l'opinion trescertaine de nostre religion. Et au premier chapitre de S. Iacques le mot religieux y est vn coup, & religion par deux fois, *vers. 26. 27.* Si quelqu'un entre vous s'estime religieux, ne refrenant point sa langue, ains seduissant son cœur, la Religion de cestuy cy est vaine : la Religion pure, & sans macule enuers Dieu ; & le pere ; est ceste cy mesme, de visiter les Orphelins, & les veufues en leur tribulation, & ce garder sans macule de ce siecle : Et aux Colossiens chap. 2. 18. Que personne ne vous seduise : Voulant cheminer en l'humilité & religion des Anges qu'il n'a point veu, estant pour neant enflé du sens de sa chair. Voila la religion tant vraye, que faulse, proposée souz vn mesme mot. Autant est il de *εὐλαβεία* *eslaui* hebr. 5. 7. hebr. 12. 28. reuerence religion *εὐλαβείης* *Eslauis*, religieux, deuotieux, *Luc. 2. 25. Act. 2. 5. Act. 8. 2. εὐσεβείης* *Eseuis* religieux *Act. 10. 2.* Senomenis, religieuse deuotieuse, *Act. 13. 50* & plusieurs mots semblables, car ils ne sont pas tous expressement en la saincte escriture.

SECT. V.

L'escriture vse souuent de *Doulie*, c'est a dire ser-

uice, reuerce, religion soit à Dieu, soit aux hommes, lequel seruice est interdit ou damnable, quand estât d'heu a Dieu, il est rendu aux hommes: tellement que ce mot Doulie, ce préd aussi pour religion, cōme l'on peut tirer souuent de l'escriture Mat. 6. 24. Luc. 15. 29. Luc 16. 13. Ioh. 8. 33. act. 20. 19. rom 12. 11. rom. 14. 18. Rom 16. 18. Or pour ce que l'escriture en vse, tant enuers les hōmes, que enuers Dieu: C'est pourquoy nos anciens chrestiens, ont estimé ce mot doulie, moindre & inferieur, que l'aurre: qui est vn souuerain seruice attribué seulement à Dieu. Car puis que Doulie est attribuée non seulement à Dieu, mais aussi aux hommes, & creatures sans abus, elle est moindre que l'autre religion & seruice souuerain, qui n'est point attribué aux hommes & creatures sans abus, Mat. 4. 10. Luc 4. 8. Ioh. 13. 2. Act. 7. 42. Act 24. 14. Act. 26. 7. Act. 27. 23. Rom. 1. 9. 25. Rom. 9. 4. Rom. 12. 1. Philip 3. 3. hebr 8. 5. hebr. 9. 1. 14. hebr. 10. 2. hebr. 12. 28. hebr. 13. 10. Apocalyp. 7. 15. Apocalyp. 22. 3. tellement que les septante deux interpretes exprimans l'idolatrie l'ont spécialement interdite, & commandé le seruice deu à Dieu, souz ces mots, *Ergon Latrefron*, œuvre de diuin seruice *Leuit. 18. 21. Leuit. 23. 7. 8. 25. 35. 36. numer. 29. 1. 12. 35.* Parquoy Calvin & Beze ne deuoient pour la liberté d'Aristophane, & Grammaire d'Eustathius, estimer la distinction de Doulie, & Latrerie, friuole: Car outre ceste raison par nous cy dauāt alleguée & fondée en l'escriture, nous sçauōs que les mots accommodez en vsage de quelque art ou science, changent de signification, comme *Genus, Species, Natura substantia, natura accidentis.* Les faulconniers disent voler la gtuë, qui est oyseau, les Maçons disent voler la Gruë pour leuer vn grand

GENERAL EXAMEN

fardeau: Car la raison à apporté diuerses significations, d'un mesme mot, selon les diuers vsages. Donc posé le cas, que l'escriture attribuaist sans abus aussi bien aux hommes, que à Dieu, ce mot de Latrîe, cōme elle a faict celuy, de Doulie: Ce neantmoins l'usage de la religion Chrestienne à peu legitiment prendre le mot de Latrîe, seulement pour le souverain seruice de Dieu: Et Doulie, pour vn seruice qui se peut faire à Dieu, & aux hommes, aussi bien sans abus, qu'avec abus.

SECT. VI.

L'exemple en est familier en ce mot ὑπόστασις, qui signifie tellement substance, & non propremēt, personne: que S. Hierosme epist. 55. à S. Damasc, craint le venin caché souz le mot de trois hypostases: Et aujourdhuy toutesfois, par vsance catholique, nous entendons par ce mot de hypostases, les personnes, & nō la seule substāce. Encores dōc, que l'escriture ne fist rien pour nous, ce qui est tres faux: Calvin & Beze ne pouuoyēt raisonnablemēt reptendre les grecs & latins, en vsance & explication de Religion, d'auoir prins Latrîe, pour le souverain seruice de Dieu, & d'auoir exprimé, l'autre, & plus commun seruice par ces mots: Voyez S. Basile ad Amphiloche. cap. 18. Damascene lib. 3. Apologet. August. lib. 15. in Faustū cap. 10. & lib. 10. de ciuit. dei, c. 1. Bede in ca. 4. Lucæ. Laurens Humefroid Angloys, en son liure premier de l'interpretation des langues pag. 148. 149. Et Calvin lib. 2. sect. 2. & chap. 12. sect. 2. avec Beze *ad Rom.* 1. 9. s'enflent, disans, que ceste inscription est vne ignorance de la langue Grecque, & le prouent (ce pensent) par sornettes & cauillations: & au lieu de Chrestienté & escriptures, en matiere de religion

Catholique, mettent en avant Pindare, Homere, Aristophane, & semblables tesmoins, non à propos: car la dispute est de l'vsance Ecclesiastique, & non du theme profane. Nous sommes donc deliurez par cecy de leur mer rouge, c'est à dire d'erreur, qui ne veut rien distinguer, tant il est rigoureux. Et pour ce avec Israël, chanterons à Dieu l'Exodion, c'est à dire le Cantique, de l'issuë des tenebres d'Egypte, *Exod. 15. 1. 2.* qui nous est rememoré par les septante deux interpretes, *Leuit. 23. 36. Numer. 29. 35.* Ce neantmoins, pour ce que ce liure que nous auons à examiner, en parle plus amplement, ie reserue là la verité de Latrerie, & l'vsage de Doulie, en Grammaire, & par les autheurs qu'ils alleguent, sans les bien entendre: En attendant toutesfois ie les supplie, sans presumption, iuger, que saint Tharrasse, & saint Germain Patriarches de Constantinople, & le second Concil de Nicie, ou s'assemblerent 350. Euesques, où l'on traicta en Grec, de la distiction d'adorer, & où on resolut, que Latrerie ne se deuoit qu'à Dieu seul, est de tel poix & erudition, qu'il n'est licite de les esgaller en religion & sçauoir, à ces saints & doctissimes peres. Quand donc la religionnaire & menteuse Grece de Humefroid, aura monstre Latrerie & Doulie de mesme vsance en l'escriture, sans boufonner, de seruir, à honorer pour caluiniser: Alors nous defendrons plus expressement par l'escriture, ce que nous croyons de Latrerie & Doulie, de Benedico te, & Benedico tibi: desquelles come presumptrueux farceurs, vous vous moquez, en cajollant du maistre des Sentences de S. Thomas, de saint Bonaduanture, & autres scholastiques, hommes d'honneur, homes de maison, & de rare erudition, qui ont laisse tous les biens, tous les

*Psallus
de septē
synodis.*

*Lauren.
suis hu.
mesre.
dus lib.
de inter.
pret. lin.
guarum
Caluin
lib. 1. m.
stis. cap.
11. sect.
11. Oca.
12. sis. m.*

GENERAL EXAMEN

plaisirs, & preeminences de ce monde, pour seruir à Dieu en austerité de vie, sans prouuer par l'escriture ce que dictes contre eux.

SECT. VII.

Les sages ont remarqué l'excellence de l'homme, l'ont posé en la stature, & posture: car il a la bouche haute, & les yeux, & le visage esleuez vers le ciel; & les animaux en bas. Secondement l'homme parle avec discours, entendant ses propos, & exprimant ses cōceptions avec paroles non naturelles, mais à plaisir, & d'eslection. Troisiësmement, la raison, selon laquelle il faut viure, en ensuiuant la vertu, & non la sensualité, & apetit charnel. Quatriësmement, qu'il y a vne Diuinité supérieure, qui a tout faict, & dont tout est regi & gouuerné, *Rom. c. 1. vers. 18. 19. 20. 21.* Cinquiësmement, qu'il faut seruir à Dieu par forme de religion, *Act c. 17. vers. 17. 22 23. 27. 28. 29.* C'est pourquoy Ciceron au premier des loix escrit, *Que l'homme naist avec Religion: & qu'il n'y a iamais eu nation tant sauuage, inhumaine, & cruelle, qui n'aye esté touchée & regie de quelque Religion: & combien qu'elle n'ait pas tousiours sceu le vray Dieu qu'il falloit auoir, elle a toutesfois creu, qu'il en falloit auoir vn.* Ceux donc qui proprement, selon leur doctrine, seront trouuez sans religion, seront plus brutaux qu'aucune gent qui ait esté souz le Ciel.

SECT. VIII.

Ciceron à esté fort deuotieux en religion, & en a rapporté de belles sentences, disant, *lib. 1. off. Celuy qui vit, comme Dieu veut, est bien heureux:* ce que sainct Augustin à bien remarqué, *lib. 1. retract cap 26.* car ceux qui ont en verité tenu grand compte des religions, ont augmenté les Royaumes & Empires: &

& les Romains ont tout surmonté car ils ont aimé
 plus qu'aucuns autres, le service, qu'ils ont estimé
 estre deu à Dieu, *lib. 2. De natur. deorum*: Et ailleurs
 il a remarqué, que ceux qui ont nyé Dieu, ou
 qui ont esté contempteurs de religion, ont misera-
 blement péri: comme Diagoras, Protagoras, &
 Theodore, atheistes, qui ont péri en exil. Publius
 Claudius Consul Romain, qui ne tenoit compte de
 la responce des Prestres, à perdu l'armée romaine en
 la guerre punique, dont fut condamné par le peuple
 Romain, à mourir honteusement: Son compagnon
 aussi Consul Romain, Lælius Iunius, moqueur du
 iugement des Pontifes, perdit sur mer l'armée Ro-
 maine, occasion qu'il se tua soy mesme: Autant en
 aduint à Claudius Flaminius ateiste, qui perit avec
 l'armée romaine, à Trasymene. Ceux là, dit il, qui ont
 estimé que la religion auoit esté controuuée; pour,
 par ce moyen de deuotion, contenir les hommes en
 leur deuoir, que l'on ne pouuoit assez ranger par rai-
 son, ceux là ont osté toute religion: Car si vne fois
 nous admettons, que la lumiere naturelle, qui nous
 monstre vn Dieu, & vne religion, est vne ruse des
 hommes, & vn phantome, il n'y aura plus qu'un
 Atheisme au monde.

SECT. IX.

En Religion, il faut suyure l'ancienne vsance du
 pays: Car il n'est point probable que les premiers
 Pontifes, & docteurs, hommes de conscience, de iu-
 gemēt, & de sçauoir, eussent voulu en chose de tant
 grande importance, tromper les autres, & se laisser
 tromper: Et pour ce entre les loix des douzes tablès,
 l'une estoit, que des coustumes de la patrie, on pra-
 ctiquast celles, qui estoient tres-bonnes. Car à ce pro-

pos, les Atheniens, gens bien aduisez, consulterent Apollo le Serpentin, demandans quelle religion il falloit tenir. L'oracle respōdit, celle que les maieurs auoient accoustumée; Dont de rechef le consulterent, disans, les religions des majeurs sont muees souuent, ou diuerser, laquelle suyurons nous: L'oracle dist, la tres-bonne, qui est la tref-anciēne, *Deuter. cap 4 vers 6 7* Et la plus proche de Dieu: Cecy s'accorde avec l'Euangile; qui dit, *Que la premiere semence diuulgūee par l'vniuers, Roma cap. 1 vers 8* estoit bonne, *Mat cap 13 vers 27 28*. Et que la corruption est suruenue par l'ennemy non par l'ordinaire ecclesiastique; que l'Euangile, n'accuse, sinon d'auoir dormy.

Orat. ad
Pontif.

orat. ad
hæresp.

Certes dit il le chef & principal point, que l'on doit garder en la reception d'une religion, est de sçauoir si elle s'accorde avec l'honneste volonté de Dieu: autrement i'ay tousiours tant deféré à la sapience de nos majeurs, & au zele qu'ils ont porté au seruice de Dieu. qu'ils ont cnogneu fort bien, & sagement ordonné, tout ce qui concernoit la diuine religion: Et pour ce i'ay iugé qu'il ne falloit rien innouer: A ce propos nous disons, attendu qu'il y auoit en Ierusalem des Iuifs, gens religieux, de toute nation, qui est souz le Ciel, *Act. cap. 2. vers. 9.* le iour de la pentecoste: desquels aucuns se conuertirent, & diuulguerent par tout le monde, ce miracle de l'aduenement du saint Esprit, chacun en son quartier, comme l'enucque Æthiopien, des l'an premier, de l'Ascension de nostre Seigneur, *Act ch 8 vers. 27 28 37 38* Et peu de temps apres S. Denys preicha à Paris, S. Altin à Orleans, S. Gacien à Tours, S. Iulien au Mans, S. Defenseur à Angers, S. Victorin à Poictiers, qui endura martyre souz la persecution de Diocletian, S. Martial à Ly-moges & à Bordeaux, S. Saturnin à Tholose, S. Cres-

cens, disciple de saint Paul, à Vienne Gauloise, & ainsi des autres Euesques enuoyez de ce temps là, pour augmenter & regir les Chrestiens, qui estoient desia és Gaules auant leur venue: Est il croyable, que ceux cy eussent esté choisis & enuoyez pour deüimér planter, & arrouser la Religion Chrestienne és Gaules, s'ils n'eussent esté tres saints, doctes & suffisans: Il n'y à couuerture probable, que ces tant zelez seruiteurs de Dieu, eussent voulu changer le seruice de Dieu, en la doctrine, aux prieres, ou aux ceremonies des sacremens, & ordre, ou police en l'Eglise: soit aux ieusnes, Mariages, ou aux festes, autremét que nostre Seigneur, & les Apostres mesmes.

SECT. X.

Tous les escrits de Lactance Firmian, sont presque en accusation & refutation de la religion payenne, & en explication & defése, de la vraye religion Chrestienne contre les infidcles: Il n'a rien repris en Ciceron, touchant la signification de religion, sinon qu'elle est dictée, de nous relire avec Dieu, & non de relire les choses diuines, comme ont estimé Ciceron & Zuingle. *Le souverain bien, & singuliere excellence du salut de l'homme, dit nostre Lactance, est la religion: Car l'homme est né pour cognoistre & servir Dieu, & non seulement le monde, par bonnes œuvres, & iustice: Ceste prerogative de Religion, distingue l'homme des bestes, plus que nul autre. Et n'y a iamais eu nation, qui ait vescu sans aucun Dieu & religion Car Dieu a fait l'homme cupide de deux choses, C'est assavoir de sapience, & de religion: quand donc les hommes ont une fausse sapience, ils ne peuvent auoir une vraye religion: & quand ils cherchent ou reçoivent la religion sans salutaire sapience, ils n'empoignent point la bonne religion qui est procedee de vraye sapience, qui con-*

lib. 3. ca.

9. 10. &

11.

lib. 5. ca. 20. de iusticia. gnoist sinceremēt Dieu & le sert saintement Et derechef, Les gens de bien scauent, qu'il n'y a rien au monde plus excellent que la religion, & le legitime usage de la defendre: Il faut defendre la religion, non en tuāt, mais en admonestant, & mourant, non par cruauté mais par patience, non par crime, mais par la foy. Ces choses la sont des meschans celles cy sont des bons: & est de besoin, que le bien, aye son repaire, & non le mal, en la religion: Car si tu veux aduancer la religion par l'efusion du sang par tourmens par meschanceté de sia elle ne sera pas defendu, ain po'ue & violée il n'y a certainement rien tant libre & franc que la religion, en laquelle, si l'ame du sacrifiant est retournée de sia la religion est oitée & est nulle. La droite raison veut donc que tu defende la religion ou par la mort ou par patience, en laquelle la foy conseruée est p'aisante a Dieu, & adionste auctorité a la religion: Car religion dit il, est renouer aux vanitez & erreurs, pour cognoistre Dieu sincerement & luy rendre les iustes seruises qu'on luy doit, & l'ensuyure: & pour ce, elle est dictée religion, de relire, à cause qu'elle nous relie avec Dieu.

Nota
qu'il ne
parle pas
icy du
magistr.
auquel
apartient
de defendre
la
religion,
& le public,
ny
des perturbateurs
& apostats
ennemys
de vraye
religion
qu'il
faut punir: mais
de ne contraindre
personne
à croire
lib. 4. de
vera sapientia
cap. 28.

SECT. XI.

Nonobstant que Zuingle, à mon aduis, inconfidemment die en son Comment de la vraye & faulſſe religion, que tout ce que les Theologiens ont raporté de Dieu, de la philosophie, est vn fart, & faulſſe religion. Enquoy il condamne non seulement les tresdoctes Scholastiques, mais les saincts Peres de l'eglise, comme S. Augustin, S. Eusebe, S. Theodoret, S. Chrysostome, & autres: Mais S. Paul, Rom cap 1 vers. 19. 20. 21. qui dit, que par la creature, on a cogneu l'eternelle puissance & nature de Dieu, tellement que les philosophes ont esté inexcusables: Non pas qu'ils l'ayent aprins de la bouche de Dieu, comme

commente Zuingle, contre S. Paul, qui dit que ça
 esté de la creature du monde: Ledit Zuingle calom-
 nie le benoist S. Paul, disant, qu'il ne l'entendoit pas
 comme il parloit, ains qu'il c'estoit accommodé à
 l'usage de parler des Gentils: Chrestiens, voyez icy
 l'orgueil de ce sedicieux guerrier, qui impudammét
 peruertist la parole de Dieu, dit faux, ce qui est vray,
 condamne & calomnie tous les saincts & diuins do-
 cteurs: Nous ne laisserons pas, à l'exemple de S. Paul
 se servant en explication de religion du dire d'Ara-
 tus, *act cap 17. vers 28 29* de nous seruir du tesmoi- *lib. 4. ca.*
 gnage de Ciceron, pour expliquer, que c'est que reli- *28. lib.*
 gion. En premier lieu, Lactance ne la point censu- *83. 9. 2.*
 rée, ny S. Augustin, ny Isidore, ny S. Thomas, qui *31. li. 10.*
 l'ont alleguée & suiuié: Qui plus est, Zuingle & Cal- *or. 2. 2.*
 uin, assés feueres en leurs iugemens, l'ont laissée sans *q. 81.*
 la condamner. *art. 1.*

SECT. XII.

Religion escrit Ciceron, *lib. 2. de iuuent. & lib par-*
tutio oratoriar C'est vne vertu d'instinct naturel, qui ap-
 porte avec soy vn grand soin. & ceremonie du seruice de la
 nature supreme, qu'on appelle diuine. Tel estoit le sens de
 Ciceron: Mais ceux auxquels nous auons affaire, esti-
 ment nature tellement perdue en santé, comme en
 sa saincteté, que ie crains, que pressez de ceste descrip-
 tion de religion, ils la diront inique: car Ciceron la
 propose comme d'un instinct naturel, qui est enclin
 à mal, inutile à tout bien du tout, disent ils; Seconde-
 ment, que ceste ceremonie, & ce soin singulier qu'elle
 apporte, n'estant que naturels, & non diuins, elle
 ne peut deument seruir Dieu, & luy plaire, comme il
 appartient au vray seruice de religion salutaire: Il leur
 en faut vne, formée de diuine reuelation; Ce neant-

GENERAL EXAMEN

moins ils deuroient penser, que quand Lactance, S. Augustin, & autres doctissimes Catholiques, ont fuiuy la description de Ciceron, touchât la religion, ils en ont parlé en la cognoissance generale, que Nature nous imprime, & non en l'aplication & opinion, que les gens & nations s'en forment chascun à son iugement: Comme nous scauons tous qu'il y a vn Dieu. Mais qu'il est, & que c'est, la reuelation seule le nous apprend, Semblablement nos saincts maieurs, ont cogneu nostre nature estre du tout perduë & damnée en la saincteté, & outrageusement blessée, & empeschée, en la santé: Et pour ce, que absolument elle à besoin d'un redempteur pour le peché, & d'un parfait docteur; reuelateur, & medecin, pour la difficulté, blesseure & empeschement, ils ont bien creu que la religion salutaire n'est point de nature, ains d'une reuelation diuiné: Aussi ont ils humblement creu, que nature inspiroit tellement la deuotion de religion, quelle cognoissoit, que ce qui estoit de Dieu inspiré & reuelé, estoit certainement salutaire & asseuré, & non ce que les hommes diuersément en ordonnoient: De là vient que quand les oracles aux hebreux, ou aux payens determinoiét quelque chose en la religion, ils suiuiuoient la reuelation, & non l'ordonnance humaine.

SECT. XIII.

Les escriuains catholiques different des religieux. Car les Chrestiens, escriuent clairement, simplement, & plainement: Les religieux escriuent obscurément, requerans souuent diuerses locutions figuratiues, escriuent captieusement, en l'entendant autrement, qu'ils ne parlent, en attribuant telle ruse, piperie & hipocrisie, mesme aux diuins & anciens

escriuains : ils n'escriuent point entierement , ains laissent à dire, ce qui est le plus salutaire & necessaire, comme dit Caluin *lib. de cœna*, de Luther, Oecolampade, & Zuingle, touchant l'Eucharistie. Disons donc en catholique, que c'est que religion, cleremêt, simplement, & plainemêt , puisque les religionaires n'en ont traicté qu'en passant, combien qu'ils ne fassent profession d'autre chose à les ouyr parler. *Religion*, est vertu morale ressortante de iustice, enuers la pure cognoissance, & seruice souuerain des choses diuines, par vn soin special, & ceremonie deuotieuse tant interieurement, que exterieurement. Quand à l'Etimologie du mot, Religion, Ciceron la prinse de relire, regardant au soin singulier, qu'elle à du seruice diuin, cōme si on relisoit tous les iours le seruice que lon doit à Dieu, pour le reelire comme de nouveau. Lactance le deduiet *de religo*, ie relie, car la religion nous relie & oblige au diuin seruice: Et saint Augustin recognoist ces deux deductions , & la seconde luy plaist le plus, *lib. 1. retract. cap. 13 & cap. 55. d. Thom. 2. 2. q. 81 artic. 1.* *de vera relig.* Le Docteur Angelique estime que lon peut dire religion, comme election, & chois du seruice deu à Dieu : Ou pour ce que l'on fait election de Dieu sur tout, auquel on doit la religion, ou pour ce que l'on reelist Dieu, & son seruice, que l'on auoit changé, obmis, ou negligemment fait.

SECT. XIII.

Religion est vne vertu morale, cest à dire d'inclination naturelle, appartenante aux mœurs, non pas qu'en soy & de soy, elle nous face plaie à Dieu, mais pour ce qu'elle nous incline, & achemine à ce qui plaist à Dieu, que d'ailleurs gratuitement nous reuele la salutaire & parfaicte Religion, tellement

GENERAL EXAMEN

que cette naturelle congnoissance de Dieu, & inclination de le seruir saintement, & souuerainement, est comme la matiere imparfaicte, & corps sans esprit de religion : Et la diuine reuelation, de sçauoir distinctement qui est Dieu, & comment il veut estre serui, est l'ame & la forme de la religion salutaire. Il n'est donc pas raisonnable, de separer ce corps de religion inspiré de Dieu naturellement en nous, d'avec l'esprit de religion reuelé de Dieu, gratuitement aux hommes. Les Payens y ont peché en ne cognoissant point de religion que la Naturelle. Les Pelagiés y ont peché, qui ont esgallé la nature à la grace, & songé vn estat auquel nostre Seigneur n'eust esté que demy redempteur: Il eust esté mediateur oportun en ayde & secours, & non absolument necessaire. Les religionaires y offensent aussi : en ce qu'ils cognoissent tellement la religion de reuelation, qu'ils reiettent la religion naturellement inspirée de Dieu, cōme si la grace cōtre la nature de toutes diuines qualitez, estoit pour laisser & destruire nature, & non pas pour la resusciter, guerir & parfaire.

S E C T. XV.

Religion est vne vertu, & pour ce, ceux là pechent grandement qui n'ont point de religion, comme les Atheistes, ou qui maintiennent vne fausse religion, comme les Payens, & Iuifs d'apresent, ou qui pensent auoir vne parfaicte religion, sans sacrifice proprement prins, comme les Mahometistes, & religionaires, qui n'ont sacrifices, que metaphoriques, ou qui suyuent le idole de religion, au lieu de religion, comme les religionaires de Calvin. Religion est dite vne vertu, car souz vn respect d'vne majesté vnique & souueraine, elle rend le sacrifice & supreme hon-

neur à Dieu. Religion est fondée en volonté, & pour ce, elle dispose de ses actions, & des actions des autres puissances : Les actions de religion, qui luy sont elicites, comme parlent les theologiens, c'est à dire mises hors par sa propriété de nature, sont celles qui appartiennent immédiatement à tout service, & reuerence que l'on faict à Dieu seul : comme sacrifice, adoration, inuocation, descouurir la teste, flechir le genoil, se courber, se prosterner, en recognoissance d'vnique & souueraine diuinité. Or religion, à d'autres actions, que nous disons imperées ; c'est à dire auxquelles elle commande, & desquelles ordonne, comme à foy suiectes, ainsi que sacrifier par foy, esperance, & charité, comme donner l'aumosne en faueur de religion, faire vne fondation en faueur du diuin service : Et selon cette contemplation, la religion ; est la plus grâde de toutes les vertus, tant theologales que morales : Car comme foy, esperance, & charité tendent directement en Dieu, aussi faict la religion, & ainsi que la religion est parfaicte par la foy, esperance, & charité, & sans icelles elle est infectueuse : Aussi elle ordône des actions de la foy, d'esperance, & de charité : Par la religion nous recognoissons la majesté de Dieu, & par la religion nous y asubiectionnons toutes nos actions.

SECT. XVI.

Religion encloist les actions interieures, comme, la pleine, pure, & reglée cognoissance de Dieu, & de son service diuin, selon sa volonté : Et la seconde partie, est la saincteté, chasteté, & deuotion de celuy qui offre : ce qui est l'essence de religiō. Et les actions, gestes & ceremonies exterieures, en sont la secōde partie : Car rendre à Dieu seul le service souuerain, selon

GENERAL EXAMEN

la regle de sa sainte parolle & reuelation, est acte de iustice, que lon appelle proprement, religion. Dauantage, ainsi qu'en la foy religieuse, & diuine deuë seulement à Dieu, on croit subalternement & copulatiuement en Dieu, & à Moyse. *Exod, cap. 14. vers. 31.* aussi à ce propos le religieux Roy Iehosaphat disoit. *2. paralyp 20. 20.* à Iuda, & aux habitans de Ierusalem. Oyez moy, Croyez au seigneur vostre Dieu, & soyez fideles, c'est à dire, reposez vous en luy : Croyez à ses prophetes, (cest à dire, adioustez foy à leur parolle & doctrine) & vous prospererez. De mesme façon il est escrit *1. Paralip. 29. 20.* Que Dauid dit à toute l'Eglise, benissez le seigneur vostre Dieu: Et toute l'Eglise ont beny le seigneur Dieu de leurs peres, & se sont prosternez, & ont adoré Dieu, & le Roy : Enquoy nous voyons l'adoration religieuse, estre attribuée conioinctiuelement, comme la foy, à Dieu, & aux saints hommes, quand ils president aux actes de religion. Patquoy il est besoin que l'adoration de L'atrie & Doulic aye lieu, & que les religionaires ostent de l'escriture la diction copulatiue, pour dōner lieu à leur nouveau Dieu d'adoration ciuile, qui n'est en l'escriture ny aux religieux escrits des anciens chrestiens, ou hebreux, qui n'ont iamais meslé & conioinct, les choses sacrées aux prophanes.

SECT. xvii.

A ce propos S. Augustin, *lib. 20.* contre Fausse Manicheem *cap. 21.* qui calomnioit les fideles chrestiens, comme font les nouveaux manicheas du iourd'hui, disans, que l'on auoit conuertit le seruice des idoles, au seruice des martirs, pour les assemblees, deuotions, festes, & sacrifices qui se celebrent aux Eglises, ou sont leurs memoires, respond sans mettre en auant

la nouvelle doctrine d'adoration religieuse, & civile de Calvin: *Le peuple Chrestien celebre ensemble par religieuse solemnité, voyés qu'il ne dit point par solemnité civile la memoire des martyrs, pour induire à leur imitation, & pour estre assurez à leurs merites, & estre aidez de leurs oraisons (Que s'ils ne prient point Dieu pour nous, & si nous ne les prions point, ains seulement les viuans, comment seroient nous aydez de leurs oraisons?) En cette façon toutesfois, que nous ne sacrifions à aucun martyr, ains seulement au Dieu des martyrs, auquel nous esleuons des autels en la memoire d'iceux martyrs. Qui est celuy des Euesques qui assistant à l'autel es lieux des corps saincts à dit, nous t'offrons, Pierre, Paul ou Cyprien, car ce qui est offert aux memoires des martyrs, est offert à celuy qui a couronné les martyrs: Nous honorons les martyrs du seruice de société & dilection duquel les saincts hommes sont honorez en ceste vie: desquels nous cognoissons & estimons le cœur preparé à une telle passion pour la verité euangelique: or nous les honorons d'autant plus deuotement, qu'ils ont plus asseurement surmonté les combats, & nous les preschons à present vainqueurs en la vie plus heureuse, avec plus fiable louange, que quand ils combattoient encore en ceste vie: Mais quand il est question du seruice, & honneur qui est dit en Grec λατρεία, latreia, latreie, seauice deu à Dieu seul, nous n'en honorons point les martyrs, ains seulement un seul Dieu. Iusques icy saint Augustin, qui eust bien eu besoin de l'adoration civile de Calvin, si elle eust esté desia introduite au monde.*

GENERAL EXAMEN

Que les Religioneux n'ont point selon leur doctrine, proprement de Religion, soit fausse soit vraye.

Chap. 4. Sect. 1.



Actance Firmian entre ses escrits, en à intitulé vn de la vraye sapience, ou religion. S. Augustin la suyui, escriuant amplement de la vraye religion : qui est vne saine cognoissance, du souuerain & sainct seruice de Dieu, selon la regle de sa saincte parole, dont on à soin d'estre interieurement sainct & iuste ; & au dehors mortifié, par ieusne, chasteté, sobriété, aumosne, & semblables œuures pieux, qui appartient à religion, en tant qu'on les fait à l'honneur de Dieu, lequel, autrement n'en à que faire: Ils sont aussi œuures de Pieté, en tant qu'ils apportent secours, & bons offices à nostre prochain, & à sa patrie: Tellement qu'un mesme bon œuvre, est acte de religion si on le raporte à l'honneur de Dieu, & est action de pieté si on le refere au secours du prochain, ou du public. Or, l'un des fondemens religionnaires est, que le seruice de Dieu, n'est point constitué au ieusne, & en semblables œuures, & qu'il n'est point meritoire, & n'est point œuvre du seruice de Dieu: mais que c'est vn exercice & seruice de foy inutile: Voicy la parole de leur legistateur, *lib 4. cap 12. sect 16. Anne Profetesse ne constitue pas le seruice de Dieu, à ieusner, Luc 2. 37.* Mais il denote que cette saincte femme s'exerçoit par ieusnes, à prier continuellement.. Et *sect 19. Il se faut aussi donner garde d'un autre mal prochain à ceste la: C'est de repouter le ieusne estre un œuvre meri-*

Cainin

reire, ou vn seruice de Dieu : car c'est vne chose indifferente de soy, & n'est d'aucune importance sinon en tant qu'il regarde les fins que nous auons dites. C'est vne superstition tres-dangereuse de mesler simplement avec les œuures commodees de Dieu, & necessaires de soy sans autre esgard. Iustiques icy Caluin. Dont est euident, que par telles œuures, vous ne seruez point à Dieu, ains vous vous exercez à prier, c'est à dire, vous faictes vos guerets, sans iamais rien y semer, qui raporte fruit, ou merite: En quoy, vous diminuez le regne de vertu, & auancez la tyrannie du mal. Il vous sert de peu de defricher vostre terre, par la mortification que vous dites porter en vostre corps, voire mesme de la labourer, ou excercer par le ieusue, comme vous estimez, sans la semer du seruice de Dieu, comme vous protestez.

SECT. II.

Nous lisons en S. Luc, 2.37. que Anne prophetesse veufue aagée d'environ quatre vingts quatre ans, depuis sa virginité ne bougeoit du temple, seruant à Dieu, en ieusnes & oraisons nuit & iour. Lisez nous en l'escriture, quelle ne seruoit pas à Dieu : car le saint Esprit, auquel nous croyons, nous dict par saint Luc; qu'Anne seruoit de latrerie à Dieu, au temple iour & nuit, en oraisons, en ieusnes, & en chasteté: voyez vous l'exemple de la professiō monastique, de seruir Dieu, tout le temps de nostre vie. Lisez nous en l'escriture, que ce n'estoit point seruice de latrerie, ains vn exercice seulement. N'est ce pas l'Antichrist qui s'esleuera, qui s'opposera sur tout ce qui est dict, Dieu, ou diuin, & se feoira en temple de Dieu: & ostentera soy mesme qu'il est Dieu. 2. Thessal. 2.4. Dieu dit en sa diuine parole, qu'Anne le seruoit de latrerie, au temple iour & nuit en ieusnes & orai-

sellemēt
qu'elle
auoit
plus de
cēt ans.

GENERAL EXAMEN

sons. Et vous au contraire vous seoyans en temple de Dieu, côme si estiez Dieux vous dites, Elle ne seruoit point de latrerie à Dieu. Quelque presumption, que vous ayez de vostre glose, que vous croiez & adorez comme diuine au lieu du texte, si est ce que les Chrestiens, ne recognoistront iamais vostre creature, pour laisser le texte expres du Createur, qui ne manquoit de parolles & industrie, pour nous expliquer simplement la verité laquelle vous voulez charger par vos gloses: Regardez quand nous serons dauant Dieu, Nous dirons: Nous auons creu qu' Anne fille de Phannel vous seruoit de latrerie en ieusnes, & oraisons, comme nous à expressement escrit vostre Euangeliste S. Luc inspiré de vous: Les religionnaires diront, Seigneur, nous auons tousiours protesté ne croire rien s'il n'est expressement escrit, item de n'adiouster, ny diminuer à ce qui est expressement escrit, car tel stile peruertiroit les parolles de Dieu viuant: Alors Dieu vous pourra dire. Ou est il escrit qu' Anne de la ligne d' Asser ne me seruoit pas de latrerie en ieusnant? Vous direz, Calvin & les predicans nous l'ont dit, & nous l'auons trouué en nos gloses. Pourquoy les auez creuz? estoient ils mes prophetes, mes Apostres, Euangelistes, ou mon Eglise? que n'auiez vous adiousté foy à ma parolle, comme vous disiez de bouche qui a dit expressement *λατρεύουσα*, qu'elle me seruoit de latrerie en ieusnes, & oraisons, de ta bouche ie te condamne, seruiteur peruers, tu dis l'un & crois l'autre.

SECT. III.

Daniel. Voyons maintenant, le Maghozim, c'est à dire, les
 11.38. forces de celt Eidole ou faux ieusne, qui n'appartient

point au seruice de Dieu: Car puis qu'il n'est point commandé de Dieu, aux saintes escritures, & qu'il est vne chose indifferante, & qu'il n'est d'aucune importance en foy, il est euidét qu'il n'appartient point au seruice de Dieu. Or nous disons à Calvin, puis qu'il ne faut rien receuoir en la religion reglée, s'il n'est expressement escrit. Lisons en l'escriture, le ieuſne n'est point commandé de Dieu, le ieuſne est chose indifferente, & n'est d'aucune importance. S'il n'est point expressement en l'escriture, pourquoy le crois tu? s'il y est expressement, produis les passages: car nous ne voulons pas laisser la parolle de Dieu veritable, pour adiouter foy, qui es homme menteur. S. Augustin parlant de cecy, epist. 86. dit *vous cherchez ma sentence en cecy: I'ay reuolué en mon esprit les escritures Euangeliques, & Apostliques, avec tout l'instrument qu'on apelle le nouueau Testament, & i'y voy le ieuſne estre commandé, Mais ie ne voy point desiny par le commandement de nostre Seigneur, ou des Apostres, quels iours il faut ieuſner, & quels iours il n'est ordonné de ieuſner.* Y a-il raison de croire Calvin, qui sans escriture en cecy c'est separé du corps de l'Eglise Catholique, par sus S. Augustin, qui y est demeuré avec l'escriture: Si le ieuſne n'est point commandé, pourquoy dict Dieu par le prophete Ioel, cap. 2. 12. 15. 16. Or maintenant dit le Seigneur, conuertissez vous à moy de tout vostre cœur, en ieuſne: assemblez le peuple, sãctifiez le ieuſne, & l'Eglise: Et Calvin, contre ceste prophetie tant expresse, ose dire, que le ieuſne n'est point commandé: N'est-ce pas dire le iour la nuit, & les tenebres la lumiere, & la verité de l'escriture, estre le mensonge religieux?

GENERAL EXAMEN.

Certes puisque le ieufne est commandé de Dieu, il appartient à son seruice réglé : il n'est pas de foy vne chose indifferente, & sans importance, comme le commante Calvin, pour demeurer sans actions interieures, & exterieures de religion. Certes Calvin à bien monstté son ignorance & outrecuidance, quād il à estably en matiere de religion, son songe de ieufne indifferēt: Car la religion ne se sert pas de choses, qui n'importent de rien, c'est autre chose de nature, & philosophie. Le ieufne & l'oraison, avec l'aumosne, sont patties de penitence requise & commandée expressement, faictes fruićts dignes de penitence, *Math* 3. 8. faictes penitence, & croyez à l'Euangile, *Marc*. I. 15. Si vous ne faictes penitence, vous perirez tous ensemblement, *Luc*. 13. 3. Si le vray ieufne estoit en foy indifferente, & sans importance, pourquoy Dieu en met-il les circonstances, *E/ay*. 58. 3. 4. 5. 6. 7. 8. 9. 10. comme celles de l'aumosne, & de l'oraison. *Mat*. 6. 4. 6. 18. tellement que Dieu le rendra, ou salarira à descouuert : L'escriture faict mention, d'un faux & mauuais ieufne, & d'un bon & vray ieufne : comme d'une bonne ou mauuaise adoration : Mais le ieufne indifferente vient de la piperie & ruse caluinique. Si Calvin veut, que l'on adore son ieufne indifferente, & qui n'importe rien, il faut qu'il le mōstre par l'escriture expresse, & non par ses vaynes speculations: Car si le ieufne est mauuais, ce n'est de luy, ains faulx d'auoir les circonstances chrestiennes.

SECT. V.

De cecy il est euident, que, puisque le ieufne, aumosne, oraison, mortification de la chair, & semblables actions, sont œuures indifferentes, & sans importance, & qui n'appartiennent point au seruice de
Dieu,

Dieu, qu'en ces actes là, vous n'avez point de religion, à proprement parler selon vostre doctrine. Venons maintenant à ce qui est le plus essentiel à la religion, comme sont la verité en l'entendement, la saincteté en la volonté, la pureté & rectitude en nos actions. Si donc nous sommes réellement & de fait enclins à tout mal, & inutiles à tout bien, & que tous nos œuvres sont immondes & imparfaits, & qui jamais ne satisfōt, & n'accomplissent la loy de dieu, & ont besoin de la miséricorde de Dieu: & qui plus est, sont proprement pechez: & d'auantage, ne sommes iustificiés, que par imputation: C'est à dire qu'en nous sommes, & demeurons peruers. Il s'ensuit, que nous n'auons, à proprement parler, de saincteté en nostre ame; ny en nos actions, & par consequēt, de religion, qui doit estre & subsister és consciences, qui sont proprement sainctes, & és actions, qui sont en soy iustes. Si de verité nous sommes iustes par imputation seulement, & non proprement & formellemēt; il s'ensuit que la grace est moindre que le peché, & qu'Adam a esté pire à nous perdre, que nostre Seigneur n'a esté bon à nous deliurer. Nous prions, que Dieu nous pardonne nos pechés, non pas qu'ils soient tousiours mortels, comme vous dites trop rigoureusement, sans escriture: Le iuste tombe souuent, mais non pas tousiours mortellement, car autrement il ne seroit pas iuste: Nous pechons, si nous disons; que nous n'auons point de peché originel, ou mortel, ou veniel, ou d'inclination, & aptitude à mal, ou imperfection enuers l'aspiration à bien, nous ne cognoissons aucun bien en nostre chair, & par l'entendement, nous seruons à la loy. Nous croyons la concupiscence estre peché par denomination, car

elle est venue de peché, & encline à peché, & est peine de peché, non proprement, si lon n'y consent: car la loy qui dit, tu ne convoiteras point, parle à l'homme comme raisonnable, c'est à dire tu ne consentiras pas & n'iras pas apres tes concupiscences, c'est a dire, le peché ne regnera pas en ton corps mortel: Mais quand à la concupiscence animale charnelle & bestiale, elle est du tout sans raison: Et par ce n'est subiect à la loy de Dieu. En verité toutes nos œuvres, c'est assavoir de nostre esprit charnel, sont immondes: Mais celles qui procedent de l'esprit de Dieu avec nous, sont bonnes, & en servons Dieu, en sainteté & iustice: car Dieu ne requiert point en nous vne perfection, que nous attendons au Ciel, ains par iustice se contēte sans rigueur de nostre enfantine perfection, attendu qu'elle n'est point peché proprement, & par ce n'a que faire de misericorde, & n'est point imperfection; si elle est rapportée à l'estat fragile ou nous sommes. Par ce les religionaires, qui n'ont sainteté & iustice realement, & proprement, ains seulement imputatiuement, n'ont point de vraye religion, ains seulement vn phantôme.

SECT. VI.

Hebr. II
I. 2. Outre tout cecy, nous servons Dieu par la foy, esperance, & charité: Or la foy, est substance des choses, qu'il nous faut esperer, & consequemment aimer, craindre ou hair, & demonstration des choses qui n'apparoissent point: tellement que la foy est vne cognoissance, & assurance certaine de tout ce qui nous est reuelé en la parole: Ou absolument, comme l'omnipotence de Dieu, vne essence diuine, & trois personnes, l'incarnation de nostre Seigneur, la resurrection de la chair: Ou souz condition, *Amis*

mei eritis, si feceritis Si vis ad vitam ingredi serua mandata: Car croire ce qui n'est point reuelé & déterminé en la parole, croire plus que ce qui est déterminé en la parole, ou presumer de resoudre ce que Dieu c'est reserué, Comme, qui sont les esleus, sçauoir si Dieu c'est conuertý, & si nous sommes en grace, & si auons faict, ce qui estoit requis de nostre costé, & si auons bien fondé nostre cœur peruers & inscrutable, & si auons bien compris les profonds & inscrutables iugemens de Dieu, & si auons bien mesuré, fuiuy & atteint les voyes inestigables, de l'election, de la grace, ou reprobation particuliere de nous, ou des autres, comme se iactent les religionaires, sans reuelation en l'escriture, ce qui est se seoir en temple de Dieu, & s'ostéter comme Dieu: Attendu donc que telles actions sont hors la saincte parole expresse, les religionaires ne seruent à Dieu selon aucune vertu theologale.

SECT. VII.

Dauantage, si la foy, l'esperance, & charité, sont tousiours imparfaites, d'une imperfection proprement damnable en foy, & n'accomplissent point les commandement de Dieu, comme croient les religionaires, elles ne sont actions de religion parfaites car l'imputation religionaire ne suplee point à cela, attendu que l'homme, & ses actions sont tousiours peruerses. Si cela est, pourquoy Dieu a-il loué la foy du Centenier: à quel propos à il dit, ta foy est grande, te soit fait selon ta foy, ta foy ta sauué: Que n'en a-il reprimé l'imperfection, cōme quelquefois de celle des Iuifs, des Apostres, & de S. Pierre? Si ceux qui espèrent en luy, sont bien heureux, & ceux qui cheminent en la voye du Seigneur, & qui le craignent,

& de tout leur cœur, ou amour le recherchent, comment pechent ils? pour auoir besoin en telles actions de la misericorde, ou de l'imputation religionaire. Certes l'imputation ou iugement doit estre selon la verité: Donc, si Dieu n'impute plus le peché il faut qu'il l'aye pardonné, & que l'homme ne soit plus coupable: Et par ainsi l'homme n'est plus meschant, ny son action. Que si Dieu ne m'impute point ma meschanceté dont de faict ie suis coupable, son iugement ne seroit pas vray: car il me reputeroit homme de bien, & ie ne le serois pas en verité: Que si en ne le m'imputant point, ie suis vraiment iuste, cela est Caluinique, de dire que ie suis proprement en vn mesme respec, iuste & meschant ensemble: Car és choses contraires, comme iuste, & non iuste, si l'un y est, l'autre n'y est pas.

SECT. VIII

Attendu que la foy est vn argument demonstratif, des choses qui n'aparoissent point, sinon en tant qu'elles sont reuelées en la parolle de Dieu. Item la foy est le fondement, & substance des choses, qu'il faut esperer. Nous ne pouuons donc esperer, si nous ne croyons, & si ne pouuons croire, sinon ce qui est escrit, & ainsi qu'il est escrit. Or la bonne volonté de Dieu & la diuine, & certaine cognoissance de nostre election particuliere est cogneuë seulement à Dieu, 2. *Timot* 2. 19. & les hommes n'ont qu'y voir, comme

lib. 3. ca. 22. sect. 6. Et lib. 4. cap. 1. sect. 2. 8. Rom. 11. 22. 23. Calvin mesme accorde, car Dieu le s'est reserué, *Rom.* 11. 33. 34. Parquoy ceste reuelation du S. Esprit en particulier, que Calvin se promet de sa foy, *lib 3. c. 2. sect. 7.* & election particuliere hors l'escriture, est vne illusion de Sathan se transferant en Ange de lumiere, comme font ses ministres, 2. *corinth.* 11. 13. 14. 15. Car

Dieu n'a point promis ordinairement reueler ou seeller à vn chascun en particulier, l'euenement de son secret iugement : car si quelqu'un vouloit s'asseurer, comme parle S. Paul *Rom. 8. 35.* Il nous deuroit monstrier les signes de son apostolat, cōme S. Paul, 2. *Corinth. 12. 12. Hebr. 2. 4.* Aussi on peut dire, que S. Paul parloit de la nature, propriete & effects, de la charité parfaicte, que Dieu maintient & corrobore : & que quand cela aduient, c'est argument, qu'un tel sainct & patient amour, estoit de Dieu : Mais ce n'est pas à dire que l'inspiration, ou opiniastrerie, dont cestuy cy, ou cestuy là, se vanteroit fust certaine, sans escripture, ou sans inspiration speciale, iugée & reconnue particuliere par l'eglise, 1. *corint. 14. 29.* Autrement, la discretion des esprits, est vn don de Dieu special, 1. *corint. 12. 10. & Act. 8. 13. 21.* pour cognoistre les esprits. Donc, tous les œuvres d'une telle foy caluinienne ne peuuent estre actions saintes, seruantes à Dieu, & à sa gloire, ains se sont applaudissemens de l'esprit malin, qui par telle piperie seduit, & perd les ames, comme hypocrite & pere de mensonge qu'il est.

SECT. IX.

Quand à vne multitude d'erreurs, qu'ils maintiennent comme veritables, ils ne peuuent estre actes de vraye religion, qui n'admet rien au seruice de Dieu, s'il n'est bon, & veritable : & ne peuuent estre actes de fausse religion, car elle ne maintient rien, qui puisse par les principes de son estat, & cōmune creance, estre monstrier peruers, comme ces choses icy, qui par la foy commune des chrestiens, peuuent estre monstrees iniques. Les vœus apartiennent au seruice de Dieu : Car Dieu dit, Vouez, & rendez voz

GENERAL EXAMEN

vœuz au Seigneur, Pl. 75. 12. & vous ministres dites, ne vouez pas, car vous ne sçauriez les acomplir, sont promesses, superstitieuses & folles, qui n'appartiennent point au seruice de Dieu: Les predicâs deuroiēt prouuer ce qu'ils disent, par l'escriture expresse, & non par leur mondaines & charnelles gloses. Ils disent, que cecy, s'entend des sacrifices du vieil testament, mais l'escriture ne le dit pas, qui le pouuoit dire, aussi bien que les ministres, s'il eust esté: Le vœu & le sacrifice sont diuerses choses, & pour ce, il ne faut confondre l'un avec l'autre. S. Paul ne nous eust pas plus inuité à continence, qu'au mariage, si elle eust esté impossible. 1. *corint.* 7. nostre Seigneur, n'y eust pas mis l'exercice, si elle eust esté hors de la puissance de l'homme sur soy mesme. C'est grand cas, ie puis bien pour vne affection charnelle, & mondaine dōner puissance de mon corps à vne femme, encore qu'elle n'en iouyra point, ou guere, à cause de maladie, ou autre danger, qui suruiendra, ou à cause d'une longue absence, pour mon office, ou capture de guerre; & alors le remede, & l'aide de continēce, sera l'oraison & le ieusne avec la craincte de Dieu: Pourquoy donc ne pourray ie aussi donner à Dieu la puissance de mon corps, & recourir à luy, pour obtenir le secours necessaire à continence. Donc, les religieux, ne seruent point Dieu par vœuz, & par consequent, n'appartiennent point à l'Eglise du nouveau testament de laquelle est escript *Esay.* 19. 21. Et
 „ le Seigneur sera congneu d'Ægypte, & les Ægyptiens
 „ congnoistront le Seigneur en ce iour là, & le ser-
 „ uiront de sacrifice & de presens, & vouërōns vœu au
 „ Seigneur, & le luy redrōt. Cela ne plaist pas à Calvin,
 & aux religieux: ils veulent que nous n'entendiōs

pas sacrifice proprement, cōme à escrit le prophete: Or il faut qu'ils nous alleguent l'escriture, & non leur glose, s'ils veulent, que les croyons: nous croyōs aux prophetes, & non aux doctrines & mandemens des hommes. Ils ne contredisent point à la conuersion d'Ægypte à la lettre, dont on tire la conuersion d'autres natiōs, & la religion semblable entre chrestiens. Les Ministres reconnoissent à la lettre la religieuse congnoissance de Dieu en Ægypte, & les vœux proprement en signe de recognoissance: Mais le sacrifice Chrestien leur deplaist, comme à Iulien l'apostat; & mettent au lieu, la confession de foy, & l'inuocation; comme si le prophete, n'eust pas bien vsé de ces mots là, s'il eust voulu, sans en laisser le supplément aux predicans, qui sans escriture expresse, changent par leurs gloses, l'escriture expresse. S'ils veulent, que nous croyōs, leurs interpretations contre la simplicité du texte, il faut qu'ils nous montrent en l'escriture, que nous devons adiouster plus de foy à leur dire, que au diuin texte de l'escriture. Cela est le grand chemin de l'antichrist, & doctrine receüe, au thalmud des modernes Iuifs; disans, que ceux qui contredisent aux paroles des scribes & rabbins, ne peuuent estre absous, & seront plus grieuement punis, que ceux qui contredisent à la loy de Moysé, qui en peuuent estre absous, *ordine thalmud*, 4. *Nezikim tract.* 4. *Sanhedrin*, au cōsistoire des iuges ordinaires, *Perek.* cest à dire distinction, 10. *helec*, portion & partage du royaume aduenir, & du Messie.

SECT. X.

Il y à beaucoup de choses à dire du sacrifice, à la loy, que ie reserve au chapitre suiuant: Et viens aux œuvres, ceremonies, & mysteres, qui sont prins au ser-

uice de Dieu, comme sont les Sacremens, par lesquels nous sommes liez à Dieu, & entre nous, en l'Eglise, comme enseigne S. Augustin, *lib. 19. cap. 11.* contre Fauste Manicheem, qui rabaissoit la dignité des signes & elemens, comme l'eau au baptême; disant, qu'elle estoit du mauuais Dieu de ce monde; & pour ce non necessaire au baptême: ioint, qu'elle ne sanctifioit point, estant creature de foy mauuaise. Les mesmes Manicheans aneantissoient l'Eucharistie, disans, que le pain, & le vin, n'estoiēt point le corps, & sang de nostre Seigneur, qui n'auoit prins que la figure d'un corps humain, & que le pain, & le vin, estoient les vrayes & anciens signes de Ceres & Bacchus, que l'on adoroit avec ces signes là, & que les Chrestiens, les destournoient en autre vsage. Dont aujourd'huy les religionaires, ont amoindry les Sacremens, car les Elemens ne sont necessaires pour ce que l'on est sanctifié par adoption, auant qu'estre né. *Gene. 17.* Je seray Dieu de ta semence: Mais Dieu ne dit pas, sans la circoncision, & le baptême, il n'y a que les religionaires, qui le maintiennent sans escriptions. S'il estoit ainsi: Comment Dauid dit il, qu'il est conçu, & né en peché, *psal. 50.* S'ils eussent esté sanctifiés dès le ventre de la mere, sans le baptême comme disent les religionaires au Cathechisme; & non S. Paul. *1. corint. 7. 14.* auquel ils imposent impudemment (des le ventre de la mere) l'escriure ne les prieroit pas du royaume, faute de regeneration d'eau, & d'esprit, *Ioh. 3. 5.* Calvin pour diminuer, & dissoudre par sa tradition, l'ordonnance de Dieu, dit: Si quelqu'un n'est regeneré d'eau, qui est esprit. Est-ce la raison que nous separons le Sacrement d'eau, & d'esprit, que Dieu a conioinct pour estre

sacrement entier, pour n'y admettre qu'une partie & chager le texte, pour la resuerie des religionaires? Béze dit, epist. 2. à Thomas Tillet, qu'il baptiseroit aussi bien sous une autre liqueur, comme sous l'eau: & feroit aussi bien la Cene sous autre viande & aliment, come sous le pain, & sous le vin. Si Beze veut que nous le croyons, il faut qu'il allegue l'escriture: car nous ne croyons point la doctrine des Démons, qui parlent d'eux mesmes, & Dieu ne leur a point parlé, & ne les a pas enuoyés: Ils n'ont donc point de sainte religion, ou de vray seruice de Dieu en la matiere des sacremens.

SECT. XI.

Certes ils ostent une partie des sacremens: & de ceux qu'ils retiennent, ne s'en accordent. Calvin en son Cathechisme, ne nombre que le baptisme, & la Cene: & en son Institution, il reconnoist l'imposition des mains aux ordres pour sacrement, *lib. 4. cap. 14. sect. 20. & cap. 19. sect. 28.* Et en son Comment sur la premiere à Timothee *cap. 4. 14.* encore aneantissent ils l'efficace desdits sacremens, car ils n'ont vertu de sanctifier, ny de remettre les pechez, ny de produire en nous aucun effect supernaturel: ce que l'escriture ne dit point. Quoy? l'esprit saint estant avec l'eau au baptisme, à il perdu la vertu de regenerer, de sanctifier, de viuifier, & de remettre les pechez? ferez vous un sacremēt du signe seul, un homme, du corps seul, sans l'esprit, ou sans l'ame? L'ame au corps, l'esprit, en l'element, ont ils perdu leur energie? Quaués vous laissé de saint, de diuin, & mysterieux aux mysteres chrestiens, que les Turcs, & profanes ne fissent bien laisser? Vous dites, il nous signifient par Analogie naturelle les choses spirituelles, l'effusio de l'eau;

GENERAL EXAMEN

le lauement spirituel: Mais si vous estiez nets auparavant, comme vous dictes, Si vous auiez auparavant receu le benefice par la foy, si vous estiez conioinct avec Dieu auant que receuoir le Sacrement, il ne peut vous signifier quelque chose, qu'il aye fait, ains seulement, ce qui estoit en nature sans luy. Montrez nous en l'escriture, cette sterile signification des sacremens, qui n'aye point de vertu: Dieu dit qu'il a nettoiyé son eglise par l'eau, & par la parole, Item il regenere d'eau & d'esprit, ceux qui entrent au royaume de Dieu, & qu'un chacun soit baptisé en la remission des pechez, Il ne dit pas pour signifier, & confirmer la remission des pechés faite auparavant: L'escriture attribue cela au sacrement, sans exclure la foy, la pénitence, & l'oraison. Car ce sont plusieurs causes secondes, & subalternes à Dieu, concurrentes à un mesme effect: Comme Dieu, nature, le soleil, le pere, la mere, la viande, l'aage, la fécondité concurrent à la production de l'homme. Puis donc que vous avez despouillé les sacremens, de la nécessité du signe sensible, de la cōiunction du signe à l'esprit, & exterminé la vertu des sacremens, n'y laissant, que la signification de l'analogie naturelle, il n'y reste aucun mystere diuin, pour en seruir Dieu proprement en religion.

SECT. XII.

Venons au seruice, qui à tousiours esté distribué en portions selon les temps, selon les iours, & solemnitez, comme il est euident par les 53. parascbots de la loy, c'est à dire sections, & portions chacune parascbah, c'est à dire section, contenoit cōmunement cent trante six versets entiers: La premiere section, qui commençoit au premier mot du premier verset

de Genese, s'appelloit, *Breschit*, & duroit iusques au neuuesime verset, du sixiesime chapitre, ou commençoit la seconde diuision, ou *paraschah*, qui se nommoit *Noach*: qui est le troisiemes mot de ce verset la: Et ainsi des autres sections, qui sont bien marquees es bibles hebraïques: ce qui se disoit entierement trois fois, au matin, enuiron six heures, & de neuf heures iusques à douze. Au soir de trois à six heures, par chacun sabbat. *Ms 13.27.* principalement, quād on celebroit le sacrifice: & puis ils auoient d'autres sections des prophetes, correspondantes à celles cy comme rapporte Rabbi *Ælias* en son *Thisbi*, c'est à dire dictionnaire de sept cens douze dictions, au mot, *Patar*. Car en la sepmaine ou ils lisoient, *Breschit*, de la loy, ils lisoient la section qui s'accorde à cecy, *Esay. 42.5. Coamar hael i h u h bore schamaïjm*; Ainsi dit le sci-gneur createur des cieux: Et quand ils chantoient le second *paraschah* de la loy, *nohac*, *Genes. 6.9.* ils commençoient la *haphhtarac*, d'*Esay cap 54.9. qî-'ieme*, selon le seau de Noé: les autres lisent en vn mot, *Bima*, es iours de Noé. Le sens n'est point varié, la section de la loy s'appelloit *paraschah*, cest à dire section, & portion: celle des prophetes se nommoit *haphtarah*, c'est à dire *Missa*, congé licence, & quittance pour s'en aller si lon veut, car le seruice est finy. Outre cecy, les tiltres des psalmes, selon l'edition des septante deux interpretes, qui les intitulent à diuers iours, chans, personnes, matieres, & offices, monstrent, qu'il y auoit vn bel ordre; comme nos breuiaries le monstrent, & nostre droit canon le confirme, *distinct. 15. Can. sancta Romana & Ceterum qui libri*. Les diuers tiltres du nouueau testament Syrien, imprimé à Vienne, en Autriche, & en Anuers, le monstrent expres-

GENERAL EXAMEN

sement : Et Emanuel Tremelius en sa version, l'a rescindé, craignant la touche. Quand à l'ordre, vous n'aués personnes deputées tous les iours à chanter, & sacrifier, comme la loy de Dieu, vous donnoit exemple: vous n'avez prieres pour chacun iour, & diuersité de temps, determinées, comme ont pratiqué les Eglises de Dieu qui nous ont precedé: Outre tout cela, vos Pſalmes, que chantez ordinairement, sont priuez, & idiots, c'est à dire proposez, voire rimez de personnes non appellées deuëment à vostre ministère, comme estoit le farceur, & enchanteur Clement Marot, qui à tousiours esté homme idiot, ou priué, mesme entre vous. Le Concile Laodicien l'an 364. dict, Can. 58. Il ne faut point, qu'en l'Eglise, on lise les pſalmes *idiōtμοις*, cest à dire vulgaires & priuez. Je vous prie me dire, si le chemin des meschans perira, c'est à dire l'entreprinse, comme escrit Dauid; Est ce que Dieu n'a point soucy des meschās, comme dit Marot: Je trouue bien en l'escriture, que Dieu ne congnoist point & n'aprouue point les meschans: Mais qu'il n'en aye point de cure vous le chantez, & Dauid ne l'à pas dit: En verité, ce n'est assés de rimer, mais aussi il n'est licite de changer la parolle de Dieu, comme il à faict souuent, & vous n'honorez point Dieu en ces mots là, puisque vous changez son sens & son langage.

SECT. XIII.

Vous chantez les loüanges publiques en leur non parfaicte, & esleuë contre le dire du prophete Tſephonie *cap. 3. 9.* qui commande qu'on inuoque le Seigneur en vne langue esleüe; Nous n'auons point esleu la langue Gauloise, qui nous est naturelle, ou l'Espagnolle, ou Italienne, & ainsi des autres estran-

geres: Ny elles n'ont faiët chois de la nostre, pour inuoquer le nom du Seigneur: Nous auons bien aprins, esleu & choisy les langues, hebraïque, Grecque, & Latine, que Dieu à choisies pour escrire sa loy par Moyse, par les prophetes, Euangelistes, & Apostres. Et pour ce le seruons & inuoquons en ces langues là, disans *Hallelu ia, Oschan-na, Amen*. Louez le Seigneur, sauue ie te prie, en verité, que nous prenons de l'Hebreu, pour monstrier, que nous auons le salut des Iuifs. Item nous priôs *Kyrie eleisson, Christe eleisson mas*, des Grecs Seigneur, oinct de Dieu, pardonnez nous. En latin, *Gloria Patri & Filio, & Spiritui sancto*. Qui est vne expresse profession de la trinité contre les Arriens, Mahometistes, & semblables ennemis iurez du Christianisme: Et est grand cas, que vous qui tranchez tant de la religion chrestienne & reformation, ne dites point en vos prieres, *Gloria patri & filio, & spiritui sancto*, & ne l'auiez point encore rimé. Craignez vous les Arriens, les Iuifs, ou les Turcs? Pourquoy le taisez vous en vos assemblées? Ostez le soupçon, que plusieurs ont, de ceux, qui vous ont baillé le formulaire de vos prieres, & non sans pregnâtes coniectures, si on les vouloit bien peser. Pour moy ie ne voudrois charger plusieurs de vos ministres, escriuains, & Eglises, des heresies & erreurs, dont Luther, Zuingle, Oecolampade, Vermilly, Butcere, Caluin, & Beze sont manifestement suspects. Parce ie vous supply' croire, que cest examen est plustost, pour vous remonstrier leurs erreurs, à celle fin, que vous vous en retiriez, que pour vous en condamner comme auteurs. Ie vous adiuue ne les croire legerement, non plus que moy; Mais, preferez sans passiô la parolle expresse, à ceux,

aussi bien, qu'à moy.

SECT. XIII.

Sainct Paul veut, que toutes choses se fassent honnestement, & par ordre, *1. cor. 14. 40.* En la loy figure de nostre Eglise, chacun auoit son lieu, selo son sexe, comme recognoist Vermilly, *in 2. Reg cap. 6. 16.* Tertullien au liure de la prescription contre les heretiques, *cap. 41.* se plaint, de ce que chez les heretiques homes & femmes, clerics & laics, & les clers mesme entr'eux font pisse mesle: Et S. Augustin *lib. 2. de ciui. dei cap. 28.* Les peuples par une chaste celebrite contlent ensemble aux Eglises. & par une honneste discretion, ou cest qu'ils doiuent ouyr de l'un ou de l'autre sexe. En l'Eglise de Dieu, il y auoit Pontifes, Prestres, & Leuites, spécialement pour louer Dieu, par chacun iour, au matin, & au soir, *1. Paralyp. 24. 30.* Outre, il y auoit quatre mille chantres, organistes, violons, & musiciens, *1. Paralyp. 24. 5.* Et n'estoit licite à vn chacun de se mesler de ce qui ne luy estoit point commis: Aussi que tel meslange, desordre, & Anarchie est contre S. Paul *1. Cor. 14. 40.* Et contre la pratique de toutes les eglises, qui nous ont precede, & n'y a eu que les heretiques, qui ont faict autrement. Quand Marie sœur de Moyse (combien qu'elle fust princesse de la lignee de Leuy, & prophetesse) chanta & sonna du tabourin en l'Eglise de Dieu, *Exod. 15. 20.* elle se retira à part, avec celles de son sexe, hors de la compaignee des hommes: Et S. Paul les distingue, *1. Cor. 11. 4. 5. 6. 7.* Quand il parle de la femme qui prie ou prophetise, c'est à dire d'office public, ce que les femmes ne font point ordinairement en la compaignee des hommes *Exod. 15. 20.* ouy bien extraordinairement. *Iud. 4. 4. 5. 6.* & *1. Reg. 2. 1.* & *4. Reg. 22. 14. 15.* Et comme ont faict

Debora, Anne, Holda, & la vierge Marie Luc. 1. 46. prophetesses : Et Dieu auoit promis prophetes ; & prophetesses sous le nouveau testament *ioel* 2. 28. 29. *act.* 2. 17. Et S. Philippes Euāgeliste, auoit quatre filles vierges qui prophetisoïent, *act.* 21. 8. 9. Dōt est euident que les femmes ne peuuent, & ne doiuent ordinairement en leur personne prier, ou prescher publiquement en l'assemblée des hommes : Car l'escriture parle de prier, & prescher en l'Eglise, qui ne se peut faire, sans enseigner ou parler, ce qui leur est interdit *1. corint.* 14. 34. 35. & *1. Timot.* 2. 11. 12. Et vous voulez restreindre ce commandement de prier, & prophetiser, & de se taire, & de ne parler point, touchant la predication seulement, contre l'escriture, & contre toute raison, qui enseigne, que prier est parler. Comment dōc vos prieres, qui se font sans ordre, & avec peu d'honnesteré & decence, eu esgard à la publique compagnee de l'eglise, seront elles seruice réglé ? Certes aux estats publics & mondains, vous ne leur permettez pas tant.

SECT. xv.

Il seroit bien plus sobre leur dire, Dieu qui faiet tout pour le mieux, & pour le plus decent, ne vous à point baillé la dignité sacerdotale, ny l'office de prescher, ou ministrer les sacremens, ny de faire les prieres publiques en l'eglise : Il à trouué la simplicité, loaille, & le silence plus honneste à vostre sexe, principalement en l'eglise : Il ne faut point, que vous licentiez plus, que vostre creation ne porte. Il y auoit douze lignées en Israël, & Dieu n'esleut que Leuy, pour sacrifier : Et toutesfois est dit en general & en particulier que le peuple sacrifioit ce qui estoit vray ; Car ce que les Prestres faisoient à l'autel, & au tem-

ples,& aux sinagogues, & assemblées enuers Dieu, pour eux & pour le peuple, le peuple est dit l'auoir faict: Par ainsi, quand au public, le Clergé sacrifiant, baptisant & priât, nous sacrifions, baptisons, prions, & preschons: La langue parle pour le corps, & pour tous les membres en public, & distinctement; Les membres ont leur parolle; mais priuée, & sans bruit en montrât leurs playes, leurs griefs, enfleures, maladies, & blesseures: par ainsi nous prions tous à l'Eglise, & respondons, *Amen*, mais diuersement, chacun en son degré, les vns haut, les autres bas: les vns en y assistant, & prestant consentement, car la diuersité, qui s'accorde, est la perfection des œuvres de Dieu: Parquoy la louange & seruice de Dieu en l'Eglise, est vne action parfaicte, & vn œuvre de plusieurs causes, concurrēt là diuersement à vn mesme effect. Celuy qui voudroit faire tous les membres d'un corps esgaux, & conuenir esgallement en mesme ordre d'action, se tromperoit manifestement: Il faut donc aux fonctions de prescher, prier, disputer, resoudre, presider, regir, sanctifier, & ministrer les sacremens, faire distinction de personnes: Ioint que l'ordinaire & la necessité sont bien distincts. S. Paul ne veut pas, que la femme prie, ou prophetise, 1. *cor.* 11.5.6. en l'Eglise, si elle n'est couuerte: Et en cest endroit, il met conioinctiuement, parlant des fēmes, la priere, & predication, & dit: que le silence, & audieſce, sont propres à la femme: Parquoy si elle prioit haut, ou preschoit, elle parleroit en l'Eglise, ce qui luy est interdit, 1. *cor.* 34.35. Or il veut absoluëment que la femme ne presche point publiquement, 1. *Timothee* 2. 12. Il ne luy permet donc pas, de prier haut, & en public, principalement selon vostre tradition, qui dit,

les

les prieres estre en fin proprement parolles d'instruction : Et pour ce, qu'il est necessaire les auoir en vulgaire pour instruire nous, & les autres: Car vostre argument de prier populairement, est, qu'il faut entendre distinctement, & expressement, & nonseulement en general, & par autres, tout ce qui se dit en l'eglise: que si vos femmes prononcēt haut vos prieres, que vous dites estre instructions, elles ne se tairont pas, & alors enseigneroient publiquement: ce qui leur est interdit, *1. timoth. 2. 12.* Elles se tairont donc, & ne parleront point pour les prieres publiques, & n'enseigneront point, pour la predication: Se taire & ne parler point, sont plus, que ne prescher point: Car beaucoup parlent, qui ne preschent pas: Ce sont donc deux prohibitions distinctes.

SECT. XVI.

Vous vous fondez, ce pensez, sur le quatorziesme chapitre de la premiere aux Corinthiens: Mais si ne creez vne nouvelle grammaire grecque, & sainte escriture à vostre poste; vous verrez que vos ministres ont mal versé l'escriture. En premier lieu, il est clair, que parler la langue, parler d'esprit, chanter d'esprit, & benir d'esprit sont vne mesme chose, *1. corinth 14. 2. 15. 16.* Secondement, là il ne louē le prophete, qui parle la langue populaire, sinon pour l'edification des auditeurs de sa doctrine; Et pour le bas style & infirmité du langage, il l'assubietist au iugement & examen de l'eglise: Ou donc il n'est point question d'enseigner, mais de prier (dont la fin est l'exaudition, que l'on obrient par la foy & deuotion, & non pour bien entendre, & exprimer en bons termes, ce que l'on demande) S. Paul n'en ordonne rien, Car si ceux qui entendent mieux les langues, & la

propriété des choses, estoient les mieux exaucez, le
 Royaume des cieux ne seroit pas aux simples & pe-
 tis. De verité nous allons au sermon, pour adorer
 Dieu, comme vnique & souuerain docteur, & pour
 estre instruits. Nous allons à la messe, pour l'adorer
 en souueraine majesté, comme seul createur, gou-
 uerneur, & iuge de l'vniuers, en luy rendât le seruice
 du plaisant sacrifice de son sacré corps, & precieux
 sang, souz les especes de pain, & de vin, en commemo-
 ration de sa salutaire mort & passion. Car *Lax-*
carab, cest à dire sacrifice memorial, *Leuit* 2.2.9. *Leuit.*
5.15. estoit fort estimé de Dieu, *num.* 5.26. Or cest *Az-*
carab, estoit sacrifice, qui estoit brulé en souëfue
 odeur au Seigneur, & estoit memoire du sacrifice le-
 quel de la mesme chose, auoit esté auparauant offert
 à Dieu, comme nous auons aprins au sermon: Nous
 n'alons donc pas à la messe pour apprendre, non plus
 que vous, à la Cene: Mais nous y allons pour rece-
 uoir, faire, & rendre l'homage, que luy deuons, selon
 qu'auôs aprins au sermon. Vous allez par tout, pour
 apprendre au presche, aux prieres, ce dites, & iamais
 ne parueniez à la congnoissance de verité, *2.Timoth.* 3.
 17. Nous alons au seruice pour louer Dieu, pour luy
 demander pardon, pour luy rendre graces, & vsons
 d'vne langue bien parfaicte, que nos peres enten-
 dent bien: Nous sommes comme les hebreux du
 temps de nostre Seigneur, qui preschoient en Sirien,
 & prioient en hebreu, comme en langue plus par-
 faicte: C'est la raison qu'en vne compaignée bien
 reglée, on suyue le langage des plus doctes. Les lan-
 gues Hebraique, Grecque, & Latine, ont esté con-
 sacrées au tiltre de la croix de nostre Seigneur, elles
 apartiennent donc à son saint seruice. Pilate, com-

S. Hil-
 laire pre-
 fat. in ps.
 August.
 in titulo
 psal. 58.
 Ciniob.
 19. 19.
 tract.
 117.

bien qu'il fust homme profane, ne les à voulu oster, ny effacer de la croix, & ny en à mis aucune vulgaire: car cela faisoit à l'honneur du crucifié, dont la gloire & seruice deuoient estre tesmoignez és langues, lesquelles, les sainctes escritures, auoient esté redigées par escrit.

SECT. xvii.

La langue populaire n'est reprinse de S. Paul absoluëment, *1. cor* 14. 5. 9. 13. 26. 28. ains seulement, pour ce qu'il ny à personne en l'Eglise, qui l'entende, pour la pouuoir interpreter aux autres. Or attendu qu'il n'y à point de celebre Eglise, en laquelle, il n'y aye quelques vns, qui entendent la langue Latine, Grecque, ou Hebraïque, pour la pouuoir interpreter aux autres, car on les apprend aux escolles communemēt, & non les vulgaires: Il s'ensuit, que par la langue incongneüe, il à entendu quelque langue populaire, priuée, & estrangere, & non la langue hebraïque, ny la grecque, ny la Latine, qui sont communes à aucuns, de toutes gens, & non idiotes, ou priuées, comme les populaires. Il reprend les prieres, que l'on n'interpretoit point, & les nostres s'interpretent: les prieres que personne n'entendoit, & plusieurs entendent les nostres: les prieres, non congneues, & examinées, & les nostres sont congneues, choisies, & examinées. Les prieres proposées en langage incongneu à tous, & par ce elles ne pouuoient estre interpretées: les nostres ne sont incongneues à tous, & peuuent aisement estre interpretées. Il reprend les prieres, qui se font en langage ou il n'y à point d'idiot, ny aucun qui supplée le lieu de l'idiot, comme sont les vulgaires des religionaires, ou il n'y à point d'idiot, & ou il n'y à besoin d'auoir aucun, pour sup-

GENERAL EXAMEN

pleer le lieu de l'ignorant, & indocte. Or quand les prieres se font és Gaules en latin, il y a des idiots qui n'entendent le latin, & y en a qui l'entendent, pour suppleer, & remplir le lieu de l'idiot, & dire, Amen, en son lieu sur l'actiō de graces latines: Nous sçauons, que l'idiot, est vn indocte & ignorant, *act 4 13.* c'est aussi vn hōme priué, qui n'a point de charge publique, *1. cor 14. 16. 23. 24.* Tellement que quand il vacque au diuin seruice, il faut quelqu'un, pour faire pour luy, Le mot est grec, mais l'vsage d'iceluy en religion, est venue des hebreux, comme nous pouuons monstrier du Paraphraste Caldean, qui en vse plusieurs fois, comme, l'euangile vse de Profelytus, c'est à dire conuertý d'autre religion au Iudaïsme. Vous donc, qui mettez les oraisons és lāgue latine, au rang des langues priuées, & qui reprenez la latine comme populaire, & incongneuë, ce que S. Paul ne dit point, ne seruez à Dieu en seruice réglé: ains seulement és visions de vostre desert.

SECT. XVIII.

Vous auez exalté sur tout, vos prieres en vulgaire; que vous dictes congneu, lequel est autant incongneu à l'Alleman, comme l'Alleman au Gaulois: Mais le latin, est congneu à tous deux; tellement que venans à nostre Eglise, qui prie en latin, langue commune aux doctes de l'une & de l'autre nation, il ne fera point idiot, ouy bien si ie prie en populaire, qu'il n'entendrait pas. Vous parlez tant de la langue vulgaire aux prieres, & S. Paul ne dit point ce que vous dites, ains il blasme seulement les prieres, qui se font en langage priué, & tellement incongneu, que ceux qui suppleent le lieu de l'idiot, comme est le clergé, n'y entendent rien. Vous deprimez fort la langue la-

tine, que vous dites incongneuë, comme si personne
 n'alloit à l'escole pour aprendre la langue Latine,
 comme si aucun de l'Eglise ny de Iustice, ny des No-
 bles, ny du peuple ne la congnoissoit, non plus que
 le basque communement, ou bas breton. Je ne sçay
 comment ceste langue latine, fort voyfine de la no-
 stre, vous est tant odieuse; principalement quand il
 est question de parler correct, parler en langage de
 l'assemblée ou les plus doctes le doiuent emporter.
 Pourquoy les bas bretons plaident ils en François,
 & non en leur langue, les biscains plaident en es-
 pagnol, & non en basque; N'est ce pas pour recon-
 gnoistre la Majesté & excelléce du langage, que par-
 lent les Roys, & iusticiers qui leur president? Pour-
 quoy donc en priant, en ministrant les sacremens, &
 en faisant profession de foy n'vserons nous de lan-
 gue plus parfaicte, reglée, & non muable, comme les
 vulgaires; Puis que les Ecclesiastiques, en çecy nos
 Capitaines, en vsent avec aduis, chois, & iugement?
 Vous en voulez moult à ces langues parfaictes, dont
 dites ce neâtmoins, faire profession. A tout propos,
 vous criez l'Hebreu, le Grec, & le Latin en chaire, &
 en vos escrits; Mais vous les detestez à prier Dieu,
 pour donner lieu, aux langues barbares, priuées &
 vulgaires; En forcluant indignement, les langues sa-
 crées en l'escriture & en la croix du sainct seruice de
 Dieu. Les Romains ne parloient pas Grec, ains seu-
 lement les plus doctes, & S. Paul, leur escrit en grec,
 & non en Romain. S. Iean escrit aux Parthes en grec
 son Euāgile, & non en vulgaire Parthois. S. Paul dit,
 que l'homme qui parle langue incongneuë, ne laisse
 pas de parler à Dieu, ne laisse pas de le prier, il pro-
 nonce les secrets de Dieu, il edifie soy-mesme, il est

pl^o que le prophete, ſil y a vn interprete, *1. cor. 14. 2. 5.*
 13. Sixieſmement l'eſprit de celuy qui parle les lan-
 gues prie, *1. cor. 14. 14.* Il rend graces à Dieu *1. cor. 14. 17.*
 Le don de langue eſt vn ſigne à la conuerſion des in-
 fidelles, *1. cor. 14. 22.* Il eſt licite de parler en langage
 non vulgaire, au moyen que quelqu'un en ſoit edifié
1. cor. 14. 26. Dixieſmement il eſt licite de parler de
 langue non populaire, ou priuée, au moyen qu'il y
 aye vn interprete, *1. cor. 14. 27.* Auſſi eſt il licite de
 parler à Dieu, & à ſoy, en langue non congneue au
 peuple, *1. cor. 14. 28.* L'interprete & le prophete ont
 des iuges, *1. cor. 14. 29.* non celuy qui parle les langues
 car perſonne ne l'entend, *1. cor. 14. 16.* Finalement, il
 ne faut point empeſcher de parler en l'Egliſe le lan-
 gage incongneu au peuple, *1. cor. 14. 39.* Vous donc
 qui le voulez empeſcher en l'Egliſe catholique, en-
 treprenez contre le commâdement de Dieu, publié
 par S. Paul, & vous qui ne parlez point en voſtre
 Eglife, langage incongneu, ce dites, ne ſemblez à l'e-
 glife reformée par S. Paul, qui veut, que lon y parle
 langage non entendu de tous, ains entendu de ceux
 qui ſuppleeront, le lieu de l'idiot, *1. cor. 14. 16. 39.*

SECT. XIX.

Venons au texte, & non aux gloſes, ou aux ver-
 ſions plus recentes, S. Paul dit, *1. cor. 14. 16. ἐπεὶ εἰς αὐ-*
τοῦτο τοῦ ἰδιώτου, πῶς ἐρεῖ τὸ ἀμὴν ἐπὶ τῇ σῇ
εὐχαρίστια; la verſion Catholique liſt, *Caterum ſi be-*
nedixeris ſpiritu, is qui ſupplet locum idiote. quomodo dicet
amē, ſuper tuam benedictionem. Au reſte ſi tu benis d'eſ-
 prit, c'eſt à dire, en langage non priué, comment ce-
 luy, qui ſupplee le lieu de l'idiot, dira-il Amen ſur ta
 benediction, car il ne ſçait que tu dis. Calvin, & Beze

ont tourné, *Quandoquidem si benedixeris spiritu is qui implet locum idiota, quomodo dicturus est Amen ad tuam gratiarum actionem nam quid dicas nescit.* Puisque, si tu benis d'esprit, celuy qui remplist le lieu de l'idiot, comment dira il Amen, sur ton action de grace, car il ne scait que tu dis. *Robert Estienne & Marlorat, tournent. Alioqui, si benedixeris spiritu, is qui implet locum indocti, quomodo dicturus est Amen ad tuam gratiarum actionem? quando quidem quid dicas, nescit.* Autrement, si tu benis d'esprit, celuy qui remplist le lieu de l'indocte, comment dira il Amen, à ton action de graces, puis qu'il ne scait, que tu dis. Voyez que tous ont tourné selon le grec, & texte de S. Paul; Qu'il n'est licite de faire les prieres publiques, en vn langage, que les suppléans ou remplissans le lieu de l'idiot, n'entendroient point. Comme si en nostre eglise de Poictiers, les prieres se faisoient en basque, le Clergé qui supplée & y remplist le lieu des indoctes, ny pourroit dire, Amen, car nous n'entendons pas le basque; Mais on prie en latin, en grec, ou en hebreu, nous pourrions dire Amen, & l'interpreter aux autres, comme veut S. Paul. Or vous, qui en vos prieres vulgaires, n'avez point d'idiot, ny gens pour suppleer, remplir & tenir leur lieu, n'avez réglé la forme de vos priers, selon l'expresse parole de Dieu, à laquelle nous nous rangeons, sans rien alterer, ny changer du grec, ni du latin, comme mesme vos ministres l'ont leu en grec, & tourné en latin: Nous ne tenons compte de ce qu'ils ont entendu autrement, que ne portent les simples mots du texte: car c'est le grád chemin de l'Antehrist, & de ces avantcoureurs, de corrompre quelquefois le texte, les autres fois la version en quelque langue, ou bien le sens par quelque nouvelle inuen-

tion.

SECT. XX.

Robert Oliuetain, qui le premier de nostre temps à mis en lumiere vostre bible françoise le troisieme iour de Iuin, mil cinq cens trente cinq, lequel Calvin louange beaucoup en son epistre mise au commencement de ladicte bible imprimée à Neufchastel et Suyssé, qui faict icy, & ailleurs bien souuent, plus pour nous, que pour vous. Calvin recongnoist Oliuetain, pour son parent, pour homme tresdocte aux langues, fidele, & eloquet en sa version. Bien est vray que Calvin, n'a pas voulu escrire cette epistre là, sans faire à sa coustume, qui est d'adiouster, ou diminuer, & changer quelque chose, à la parolle de Dieu, en nous calomniant; & en disant, que si nous eussions esté du temps de S. Philippes, qui auoit six filles vierges prophetisantes, que nous les eussions endurée tres-indignement: Je ne scay où il à trouué cela: Car l'Eglise honore les vierges & le don de prophetie. Mais luy, & ses semblables, ayment à les deuirgine contre leur vœu. Cest homme dit que S. Philippe auoit six filles. S. Luc ne dit que quatre, *Act. 21. 9.* tellement que Calvin, pour augmenter le mesnage, luy en adiouste deux comme par adultere. Oliuetain tournans ce lieu icy en vulgaire, escrit, *1. Cor. 14. 18.* autrement; Si tu benis d'esprit, celuy qui tient le lieu du simple peuple, comment dira-il Amen à ta benediction? car il ne scait que tu dis. Les predicans considerans, que si la version latine, qui fait mention de celuy, qui supplée le lieu de l'idiot, & celle de Robert Oliuetain qui escrit, celuy qui tient le lieu du simple peuple, sont receuës: Il s'ensuyura que ces prieres doyuent estre faictes, en vn langage, où n'aye des idiots, comme est le peuple, au regard dda

langue latine, & le Clergé, qui entédant le latin, remplist, & supplee le lieu de l'idiot. Certes l'ange, lieutenant de Dieu, n'estoit pas Dieu : le Lieutenant de Poictou, n'est, n'y le Roy, ny son Seneschal, ny le Poictou : le Lieutenant d'un peuple, n'est pas le peuple. Il y a bien à dire, entre estre idiot, & suppleer le lieu de l'indocte ; Mon procureur remplist, ou supplee mon lieu, parle, raisonne, respond, & conclud pour moy, mais il n'est pas moy-mesme. Ce que voyans les ministres 1561. ne voulurent plus suyure leur ancienne version, en cest endroit fidellement traduite, selon le grec, & latin; ains ont supposé vne autre de leur inuétion, laissans la simplicité des mots de Dieu, car autrement ils ne pouuoient introduire leurs prieres vulgaires pour y establir leur sens, qui est. *Autrement, si tu benis d'esprit, celuy qui est du simple populaire, comment dira il Amen à ton action de graces ? car il ne scait que tu dis.* Ceste fourbe de ces nouueaux Rabins à esté tellement parée, qu'aucuns n'esleuans point leurs yeux, comme ils doiuent, au grec, & à la vulgaire edition latine, se sont laissez piper aux ministres de Geneue; en n'aduifant point qu'il y a bien à dire entre, estre le simple populaire, comme disent les predicás, ou suppleer, & remplir le lieu de l'idiot, ou simple populaire, comme escrit S. Paul.

SECT. XXI.

Ie desire, que sans animosité, on considere le texte de S. Paul, qui eust bien escrit. Celuy qui est du simple populaire, comme ont escrit les predicans, s'il eust voulu que l'eussions ainsi entendu. Or considéré qu'il à escrit. *Celuy qui supplee le lieu de l'idiot.* Nous ne pouuons changer les mots de S. Paul, pour donner lieu au langage des ministres. Certes, estre du sim-

ple peuple, est autre chose, que supplier le lieu de l'idiot. Aussi remplir, ou supplier à quelque chose est y mettre quelque chose, qui y defailloit. De là vient que Henry Estienne en son thresor grec, dict, que πληρόω signifie ie remplis, c'est assavoir ce qui n'y estoit pas, & ἀναπληρόω ie remplis du tout, & supplée ce qui n'y estoit pas, comme dit Platon en son banquet ἄλλ' εἴτι ἐξέλιπον, σὸν ἔργον, ὦ Ἀριστοφάνει, ἀναπληρῶσαι, Si j'ay laissé aucune chose, ô Aristophanes, sera ton œuvre de le supplier. Ο ἀναπληρῶν τὸν τόπον τοῦ ἰδιώτου, *ad verbum, implere locū idiotæ, quod exponitur sedere inter idiotas.* Henry Estienne bon grec, le tourne bien, *remplir le lieu de l'idiot.* Mais estant religionnaire, il l'interprete mal, *se seoir entre les idiots.* Il est bié vray toutesfois, que les lais & ecclesiastiques, auoient lieux & places distinctes, & non pesse messe, comme Beze recongnoist bien, 1. cor. 14. 16. ce qui ne s'observe pas en vos presches: Mais que les lais fussent assis, comme Henry Estienne & Beze disent, S. Paul n'en dict rien, & pour ce, *implere locum idiotæ*, ne signifie pas expressement, se seoir entre les idiots. Car le peuple priant, est ordinairement à genoux, & les clerics debout le plus souvent. Le mot Anapliro, pliroo, & plirome, remplir, estre remply, accomplir supplier, signifie y mettre ou supplier ce qui n'y estoit pas comme, *Math. 13. 14.* Ainsi a esté acomplie en eux la prophetie d'Esaye, & aux Galat. 6. 2. Portez les charges les vns des autres, & ainsi accomplissez la loy de Christ, 1. cor. 16. 17. Je m'eslouys de la venue d'Estienne, de fortunat, & d'Archaique, pour ce qu'ils ont supplée à ce que defaillez Aux Philipp. 4. 10. Celuy qui est descendu, est le mes-

me, qui est monté sur tous les cieux, affin qu'il remplist toutes choses: Et aux Philipp. 2. 30. Epaphrodite a esté voyfin de la mort, pour l'œuvre de Christ, ayant abandonné sa vie, affin, qu'il suppleast au defaut de vostre seruice enuers moy : Dont il est euident, que remplir, & suppleer le lieu de l'idiot est autre chose, qu'estre du simple populaire. Vous donc qui châtez tous, & toutes, qui priés tous, sans distinction de laics, & du Clergé, vo⁹ qui priez en l'agage ou il n'y a point d'idiot, vous qui n'avez aucuns, pour supleer le lieu du simple populaire, n'avez, ny ne faictes à Dieu, en vos assëbles vn seruice réglé seló sa parole expresse, car femmes & hommes ne sont assez distincts.

SECT. XXII.

Ie n'eusse ia parlé si auant de leurs prieres, sinon qu'elles ne sont pas si bien réglées, comme ont cuidé leurs anciës ministres: & n'eusse si expressement maintenu celles de la Catholique, sinon qu'aucuns d'entre-eux les blasment à outrance, qui est cause que i'en diray encores vn petit mot, pour ce que les nôtres cy dauant en ont traicté simplement, côme en passant: ie me reserve à en parler plainement aux chapitres, que l'auteur de ce liure, que nous examinerons Dieu aydant, en a faict: Ou nous traicterons des trois sortes d'Amen aux hebreux, de la langue de Canaan, de la langue esleuë & de la perfection du seruice de Dieu, selon les saintes escritures expressement. S. Augustin tient vne belle resolution touchant la tradition de l'eglise, & v'sance d'icelle, qui semble n'estre de prime face en l'escriture, comme le baptême des petits enfans, le baptême donné par les heretiques, l'immunité de tout peché, & perpetuelle virginité de la sacrée vierge Marie, même

après son enfantement, non moins, qu'en la conception, & naissance de nostre Seigneur, cōme le chemin du Sabbat, dont est faict mētion aux actes Apostoliques, & du Dimanche en l'Apocalypse, sans dire les escriptures, dont cela est prins. Ceste difficulté de trouuer la tradition aux escriptures aisément, à cause à Tertullien à Vincent Lyrinense & autres, de dire qu'il n'y en auoit rien en l'escriture. C'est assauoir clairement & expressement : car il y est ; mais il n'est aisé de le trouuer, Et pour ce, en telles difficultez, il faut necessairement recourir, non à la tradition des hommes, ny à leurs debats & diuerses opinions, mais à l'obseruāce & tradition de l'eglise de toute antiquité, non iudaïque ou turquesque, mais ecclesiastique: Et pour ce dit S. Augustin, *ep. 118. cap. 1. Ianuario & li. 2. in donatist. cap. 7. & lib. 4. cap. 24. & lib 5. cap. 23.* Ce que l'eglise vniuerselle tient, & n'a point esté ordonné par les Concilz, mais tousiours à esté retenu, on croit tres droictement que cela n'a point esté baillé, que d'auctorité apostolique. Or l'eglise Romaine, & les Eglises de sa communion, ont dés le temps des Apostres faict leurs prieres Ecclesiastiques, non en vulgaire : l'Eglise Grecque à tousiours prié en Grec correct, & scolasticq, & non en populaire, & les autres en Hebreu, en Sirien & en Abissin, langues correctes & réglées, & non vulgaires. Il s'ensuit que nostre façon de prier en latin, est non seulement de l'escriture, mais aussi de la tradition Apostolique: Trouuez nous vn Concile, vn Pape, ou vn Euesque qui le nous aye ordonné? C'est doncq la premiere semence Apostolique, *Mat. 13. 24. 27. 28.* qui est bonne touchant les prieres. Vous estes suruenus, & auez commencé vos prieres populaires, seule-

ment le 26. de Decembre 1526. Vous avez eu vostre Catechisme seulement le 28. iour de nouembre 1545. comme dit Calvin en son Epistre liminaire sur ledit Catechisme en latin, l'annee que le diable ne voulut sortir d'une fille, pour les exorcisme de Luther, qui en fut au danger de sa vie, vn an dauant qu'il mourust. Voyez vous, que vostre religion est plus ieune que moy, ie n'allegue point mon antiquité pour le temps. Mais pour l'Eglise Chrestienne & Catholique, en laquelle Dieu par sa sainte grace ma conserué, sans m'en separer, comme vous avez fait. L'antiquité seule; depuis qu'elle n'est plus, l'Eglise n'est rien: au contraire, l'antiquité ecclesiastique prescrit, à cause qu'elle est le peuple de Dieu.

SECT. XXIII

Il est certain que Moysé a donné la loy en hebreu au peuple iudaïque, car cette langue là est parfaite, reglée, & invariable: Et il estoit bien decent, que la foy fust ministrée par son semblable, comme est la langue sainte, qui est vne, sans mutation & parfaite: Et quand les Iuifs ont mué de langue, Dieu ne leur a pas donné sa loy en populaire Caldean, ou Sirien, mais en Hebreu, ou Caldean correct, ou en Syrien parfait & regulier, comme sont Esdras, Nehemias, Daniel, & nostre nouveau Testament Siriac, qui ont vn langage parfait, regulier, & non vulgaire; Et nos Apostres ont presché aux Eglises en vulgaire, mais ils ont escrit aux Eglises, en langue parfaite, & plus vstée de leur temps, pour mieux conseruer la religion en sa perfection, par la solidité immuable des langues parfaites. Or attendu que la profession de foy de l'Eglise, l'administration des Sacremens, & les prieres generales, doiuent estre vne, parfaite, & im-

muable religion. Il à donc esté necessaire, qu'à la façon des escritures, elles feussent exprimées par langues regulieres, communes & immuables, ce que ne font, ny n'ont les langues priuées. Dauantage, on doit iuger d'une chacune action par l'intention & par la fin: Or la fin de la predication est pour enseigner les autres: Le sermon ordinaire se doit donc faire en langue populaire, Que si l'on s'y sert d'autre langue il là faut interpreter. La fin des prieres, & l'intention, est de faire saintement, & fidelement, avec foy, deuotion, & affection nos requestes, en demandant à Dieu pardon, ses graces, secours, & ayde & luy en rendre graces, pour estre exaucé, & obtenir ce que l'on demande: Et par cela, Dieu qui voit nos cœurs, & qui entend toutes langues, n'est necessaire de luy proposer nostre oraison en langue irreguliere & muable; ains seulement en la forme de priere & louange, que l'Eglise trefaduifée nous à donné, tant par traditiō, que par coustume ou escrit, & pratiqué depuis le temps des Apostres iusques à present. Que si l'Eglise prescrit les prieres, le temps, & la forme, pourquoy non la langue? Les Roys & toutes republiques, prescriuent la langue en laquelle ils veulent qu'aux affaires communes & d'importance, on escriue & que lon parle pour certaines causes à ce raisonnablement les y mouuans, de parler en telle, ou telle langue: Pourquoy donc l'Eglise ne là elle peu iustement faire? Autrement tant de saints & doctes personages, que nous auons en ces Gaules, comme Roys, Euesques, & Docteurs, ne l'eussent enduré & permis: pourquoy plaident les bas Bretons en François.

SECT. XXIIII.

L'Eglise Chrestienne à tenu & deu tenir quelque

marque, par laquelle elle feust aucunemēt tousiours semblable à soy-mesme. Or en la primitiue Eglise estoit le don de langues, non congneu, ny commun à tous, qui toutesfois apres par les sçauans estoit interpreté aux idiots. C'est donc bien la raison d'auoir retenu en l'Eglise, vne langue incognëue à plusieurs, pour estre declarée aux indoctes par les sçauans en temps oportun, comme l'on fait de la langue latine. Ainsi que le malade appuyé sur la sùffisance & fidelité du medecin, scait & croit que la Medecine est salubre & profitable, combien qu'il ne sache les ingrediens, ny leur vertu: Aussi le fidele se remet du tout raisonnablement en ses oraisons, en la sùffisance, & fidelité de l'Eglise. Certes, le peuple hebreu, seruoit Dieu en plusieurs ceremonies qu'il n'entendoit point, dit S. Augustin, ains croyoit simplement, que en ces actions là, il seruoit & plaisoit au createur de toutes choses, *lib. 3. de doct. christ. cap 6.* & apres au chapitre 9. Il est meilleur sèbler estre foulé de signes non entendus, & inutiles, que d'interpreter induëment les choses congneues, & souz mettre son col aux lacez d'erreur: Car, dit il, *lib. 6. in donatist cap 25.* il aduient aucunesfois que l'affection du priant, surmonte le vice de la voix. Donc le peuple Chrestien sert bien à dieu, encore qu'il n'entēde ny la signification des mots, ny le sens profond de la langue. Origene Homil. 20. in Iosué; En cccy recongnoist vn secret de religion: Car c'est vn grand cas, comme dit S. Paul, *1. cor. 14. 14.* Que mon esprit prie, combien que ie n'entends point, ce que ie dy: Certes l'efficace, & exaudition de l'oraison, ne vient de mon eloquence intelligence, & signification des dictions, ny de la grandeur de mon intelligence, ains de la foy, de la

GENERAL EXAMEN

deuotion, de Phumilité & obeissance du priant.

SECT. XXV.

Comme les prieres des Payens, n'ont point esté plus recommandables, combien qu'elles feussent longues, eloquentes, en vulgaire, & bien entendues: Aussi celles des Iuifs faictes en Hebreu & non en vulgaire du peuple parlant Syrien, depuis le retour de Babylone, n'en ont pas moins esté agreables à Dieu: Les Iuifs en Allemagne, Poulongne, Italie, & en Auignon, prient en Hebreu, & non en vulgaire: Les sourds au seruice diuin, qui n'y entendent rien, ne laissent pas de prier en leurs cœurs: Les muets ne disent rien: & les aueugles ne voyent rien, & Dieu ne laisse pas d'exaucer la compagnee qui voit, qui parle, & qui entend pour eux. Le petit enfant que l'on baptise, n'est pas sans fruit, combien qu'il n'entende françois, non plus que le latin, combien qu'il ne sache ce qu'on luy faict; ains seulement quelques vns de la compagnee. Ainsi les prieres publiques de l'Eglise faictes en latin, ne profitent pas moins au peuple Chrestien, qu'en vulgaire: Au moyen que quelqu'un les entende pour leur interpreter en tēps oportun. Les François, & Guillaume Duc de Normandie, dit le conquerant, ne monstrent pas la perfection de la langue françoise, l'vnité & estenduë de leur Empire, en ordonnant que les arrests seroiēt escrits & pronōcez en françois, ce qui à eu lieu depuis l'an. 1067. Iusques à l'an. 1361. que Edouard 3. Roy d'Angleterre l'an. 50. de son aage avec son Parlemēt, le reuoqua. Les bas bretons, Languedoquins, Prouençaux & autres subiectz à la Couronne de France, ne plaident en langue populaire, ains en François, & les Basques, en Espagnol. Les Leuites Hebreux,

breux, qui garderent leur langue en Ægypte, monstrent qu'ils ne se congnoissoient point proprement sujets à l'empire de Pharaon, ny ses alliez. Nos anciens religieux Gaulois, qui ne se congneurent point subiects, ains alliez & confederez des François, en tesmoignage d'amitié & vnité, retindrent leur langue Gauloise, que les François comme bons confins embrasserent, qui à ceste cause iusques aujourdhuy est dictée langue Française; c'est à dire, libre & franche; Tellement qu'elle est gauloise, quand à son origine, & française, quand à la libre election qu'en ont fait les Franks ou François. Pourquoy dōc la langue Latine, Grecque, ou Hebraïque, en argument de maiestueuse religion, en defense de singuliere erudition, & en tesmoignage d'une graue puissance, ne seront elles donnees en exercice de religion au peuple Chrestien?

SECT. XXVI.

On ne peut nier, que la foy, ne soit proprement Catholique; Cest à dire vniuerselle, comme commune à plusieurs: aussi elle est invariable: l'escriture canonique est telle, & les sacremens: Il a donc esté de besoin, pour conseruer la verité des escritures, la conformité de mesme profession de foy, l'vnité de religion entre plusieurs nations ensemble, & la legitime administration des sacremens, auoir vne langue solide parfaite & immuable, pour la conseruation des escritures, foy, religion, profession de saine doctrine, & vniforme administration des sacremens, comme sont les trois lāgues du tiltre de la croix: Car cela ne se pouuoit tāt bien faire par les langues populaires. Pourquoy ne seruirons nous donc à Dieu en ses langues mieux réglées, plus communes, immuables &

parfaictes. N'avez vous point remarqué, que les romains n'ont point osté aux peuples les langues maternelles: Mais quand il à esté question de leurs loix, & du plaidoyé du droit souuerain, ils ont voulu, que cela seut en vne langue particuliere, & souueraine. N'avez vous point leu en Valere le grād *lib 2.c.2.* que l'Empereur Romain, encores qu'il sceust plusieurs langues, toutes-fois il ne permettoit pas, que les estrangers, parlaissent à luy, qu'en latin, soit par eux ou par interprete: Et luy pour môstrer la perfection & puissance de la langue latine, ne donnoit responce qu'en latin. Pourquoi donc l'Eglise, aux prieres ecclesiastiques, parfaict seruice de Dieu, n'y reseruera t'elle la langue latine, reguliere, commune de foy invariable & parfaicte.

SECT. XXVII.

Sainct Paul reprenoit à bon droit les Corinthiens; car ils vsoient du don des langues à iactance, à leur honneur particulier, & non par obedience & deuotion, pour estre interpreté quelquefois: Iamais personne n'auoit ouy parler de telles choses, ils parloient si tost que l'on ne les pouuoit entendre, ny mettre ce qu'ils disoient par escript, pour l'interpreter apres. Or nous vsons de la langue latine en nos oraisons, & diuin seruice à Dieu, par obedience & humilité, non pour nostre particulier, mais pour l'vnité du corps commun de l'Eglise, de laquelle nous sommes membres: Nous interpretons souuent en nos predications, ce que nous disons aux oraisons, au seruice, & en ministrant les sacremens, nos prieres sont re-

Plineli. digees par escript: S'il y à tant d'impietez, cōme vous
7 cap. I. dites, que ne les montrez vous? S. Augustin apres
S. Aug. Plineli, recognoist en la pluralité & diuersité des lan-

gues vne grande misere, Car les hommes, par la lan- *lib. 19. de*
gue, sont estrangez les vns des autres: Et l'homme *ciuit. des*
aymeroit micux estre avec son chien, qu'avec vn hō- *cap. 7.*
me dont il ne pourroit entendre la langue. L'vnité
de la langue, est argument de mesme subiection: Car
les villes victorieuses, donnent leur langue aux sub-
iects. Et derechef, *lib. 2. de doct. christ. cap. 3. 4. 5.* La di-
uision des langues est dangereuse, car elle est bonne *August.*
de dissention, & d'orgueil, car elle est pleine d'igno- *in i. sal.*
rance, & de guerre: Et pour ce l'Eglise nous ramene *44. 10.*
par vnité de foy & de langue, à la plaine vnité, à l'hu- *Et in p. s.*
milité & obediēce, à la congnoissance des choses *54. 10. d.*
non congneuës qui tombēt en difficulté. Et ailleurs, *ser. 59.*
les langues ont esté diuisées par les superbes, & sont *de verbo.*
r'assemblees par les humbles, l'esprit d'orgueil les à
esparse en leur cōfusion, & le sainct Esprit les assem-
ble en chacun des Apostres. Ceux donc qui veulent
vne langue, qu'ils viennent à l'Eglise, la diuersité des
langues est en la chair, l'vnité en est au cœur, & en
la foy. Je ne sçay que vous à faiēt la langue latine, pis
qu'aux Donatistes, lesquels combien qu'ils appellas-
sent l'Eglise Romaine, comme vous, chaire de pesti-
lence, ce neantmoins ils ne recongnoissoient que
deux langues: C'est assauoir, la latine & la punique.
August. tract. 2. in 2. cap. epistola beati Ioh. N'est-il
donc pas bien raisonnable pour ramener les hom-
mes à paix, à humilité & à obediēce, vser d'une lan-
gue en religion, ou ils se doiuent aymer, vnir & con-
gnoistre plus qu'en nulle autre chose.

SECT. XXVIII.

Or dira quelqu'un, pourquoy est ce que les Dona-
tistes Africains ne recongnoissoient autres lan-
gues, que l'Africaine & la Latine; non la Grecque,

quelque eloquente qu'elle fust, non l'Hebraïque, quelque voyfine qu'elle fust de la Punique, comme escrit S. Augustin, *lib. 2. In Petilianum Donatist. c. 104. & tract. 15. 25. in 4. cap. Iob* C'estoit pource que par toute l'Afrique, on ne preschoit qu'en langue Punique, & on ne faisoit le seruice, qu'en langue latine: Ce que l'on peut colliger de S. Cyprien *de orat dominica*, disant. Le sacrificateur met vne preface, auant que dire l'oraison (dominicale) pour preparer les ames des freres, en disant, *Les cœurs en haut*; A celle fin, qu'en ce pendant, que le peuple respond, Nous les auôs au Seigneur: il soit aduertty que alors, il ne doit rien penser qu'en Dieu. Ce qui monstre euidemmēt que la Messe est le sacrifice, propremēt dit des Chrestiens: Car ce Sacerdos icy, estoit vn officier sacrifiant, distinct des autres, *hebr 5. 1. 2.* Secondement, qu'elle se disoit en latin. Troisiēmemēt, qu'il y auoit la preface du iourd'huy, que l'on la disoit auparauant le pater noster: Item que auoir les cœurs en haut, estoit penser seulement en Dieu, & non pas protester, que la presēce du corps de nostre Seigneur n'est qu'au Ciel. Les 318. Peres du grand Concile de Nyce disent, qu'il ne se faut amuser au pain, & au vin: Aussi apres la consecration, ne sont ils plus pain & vin en substance, comme disent S. Ambroise, & S. Augustin. Il faut donc par foy congnoistre (car sans la foy, cela ne profiteroit de rien) que sur l'autel ou lon dict la Messe, est posé l'agneau de Dieu, qui oste les pechez du monde, qui est immolé des sacrificateurs, sans violente effusion de sang. Notez qu'il y à bien à dire, entre *Athyros*, sans tuerie, mort, & effusion de sang violente, comme dit ce saint Synode, & *Ane-matos*, qui signifie, sans sâg; ce que ne disēt les saints

Peres. Car le corps n'est point sans le sang, comme ont cuidé les Nestoriens, ny le sang sans le corps: Et pour ce, le premier Concil d'Ephese dit, *Anemaïtos*, c'est à dire, sans violence de sang, & non pas *Anematos*. En fin il est dit, que le peuple respondoit, non pas vn chacun en vne mesme sorte & degré, mais les vns ensemble & en haut, les autres à part & en voix basse, ou respondoient en la personne de leurs chefs, comme les femmes, & petits enfans, qui ne sont point nombrez, entre les peuples hebreux: Et toutesfois, on dit que le peuple immoloit és hauts lieux ce qui estoit licite, auant, que le temple fust basti, 3. *Reg.* 3. 2. Mais apres il n'estoit licite, 3. *Reg.* 22. 44. sinon par priuilege des prophetes. 4. *Reg.* 18. 32. 36. 38. Or il est certain, qu'il n'y auoit que les Pontifes, les Prestres, les Leuites, & Clergé, qui se meslast du sacrifice, en y mettant la main, en offrant, & priât, & non le peuple, qui est dit toutesfois sacrifier, à cause de sa presence, & assistance, le clergé sacrifiant. Ainsi le peuple respondoit *habemus ad dominum*, en la personne du Clergé, & d'autres licentiez à le dire haut, les autres le disoient bas, ou à part, ou apres les autres, ou en la personne de leurs chefs. Je scay bien, que la femme respondoit au prestre, Amē, *numer.* 5. 22. Mais tel Amen, n'estoit pas des prieres *Tsfibuurim*, c'est à dire communes. Mais il estoit, *partsuph*, disent les hebreux, cest à dire personnel, & de sermēt particulier. En ceste mesme façon, estoit l'Amen, *Hamonberith*, c'est à dire Amen, de la multirude faisant alliâce personnelle de benediction, ou malediction vniuerselle. *Deuter.* 27. 12. 13. 14. 15. 16. 17. 18. 19. 20. 21. 22. 23. 24. 25. 26. & 1. *Paralip.* 16. 36. *Nehem.* 5. 13. *Nehem.* 8. 6. Mais l'Amen, *Qeneschut*, cest à dire l'Amen de l'oraison ec-

GENERAL EXAMEN

clésiastique; ce faisoit par personnes à ce ordonnées, comme à sacrifier, ainsi qu'auons desia dit, dont le peuple est dit, faire, & dire ce que les Leuites & deputez faisoient d'office commun pour tous.

SECT. XXIX.

Sainct Augustin, parlât du diuin seruice, que quelquefois aucuns ne prononcent pas bien, ou n'accroissent pas bien, ou ne gardent pas la congruité; respond, *lib. 2. de doct christ cap. 13.* Les vns ne sçauent fil faut faire la troisieme *de ignoscere*, brieue ou longue, Les autres disent *inter hominibus*, en lieu de dire, *inter homines*. Les peuples à nous chantent au Psal. 131. 18. *floriet* par coustume, au lieu de *florabit*: toutefois, mais que cela ne chage pointt rop la sentence, il nuist peu: Le sçauant auditeur toutesfois, voudroit bien qu'il fust corrigé, & que le peuple ne dist point, *super ipsum autem floriet sanctificatio mea* Mais plustost, *Super ipsum autem flor. bit sanctificatio mea*: Et n'y à rié qui en empesche la correction, sinon la coustume contraire des Chantres. Par là il est bien euident, que le seruice de Dieu, en l'Afrique, se faisoit en latin, & non en vulgaire punique. Et au second liure du bien de perseuerance, *cap. 13.* il dit. Quand à ce qui est dit, aux sacremens des fideles, que nous ayons nos cœurs en haut au Seigneur; C'est vn don de Dieu, duquel don, nous sommes admonestez apres par le sacrificateur, de respondre, Que cela est chose digne & iuste. Ce qui montre clairemét que la Messe se disoit en latin. Qu'elle raison y à il donc contre la tradition Apostolique, contre l'escriture, contre l'vsance de l'Eglise vniuerselle, receuoir vos prieres nouuelles & populaires?

SECT. XXX.

Combien que Dieu ait voulu toute son Eglise en-

tendre toute sa loy, ce neantmoins, il n'a pas obligé vn chacun de la loy, à la sçauoir toute, ny esgalemēt: car beaucoup de choses obligeroient les Prestres, & non les Leuites: d'autres le Roy, & non les Princes: d'autres les Iuges, & non le peuple: d'autres les hommes, & non les femmes, ou enfans. Ce qu'il à donc parlé à eux en vn mesme langage Hebreu & parfait, n'a pas esté pour estre immediatement entendu de tous: car s'il eust parlé en Cananean, en Caldean, ou Ægyptien, ils l'eussent bien entendu, non moins, que en Caldean originaire, qui est le vray Hebreu. Il y a vn autre Caldean correct, & regulier, dont Daniel, Esdras, Ionatas, & Onkelos, ont vsé: & vn commun & national, dont le peuple de la terre à vsé, fort iuiect à changement. Or les Iuifs ont communément entendu & parlé deux ou trois langues, au moins, & parlent encores auourd'huy: c'est assauoir, l'Hebraïque pure, la prochaine Caldeanne non pure, ains alterée, & fort meslée par les Rabins d'vne chacune nation, & la populaire, des prouinces où ils exulent. Ce neantmoins, au diuin seruice ils n'vsent que de la langue Hebraïque: ce qu'ils ne font pour necessité d'entendre, car ilz entendent bien d'autres langues, ains pour perfection de l'ague, & proportion de perfection immuable; qui doit estre entre Dieu; nostre Foy, & la langue de l'Eglise. Semblablement, ce que Dieu à patlé aux Iuifs en langue Hebraïque, n'a pas esté precisément, pour ce qu'elle estoit entendue de tous, & populaire qu'ad aux Iuifs, car il eust pu le dire en Ægyptien, s'il eust voulu, que les Iuifs en eussent bien: mais ç'a esté pour la perfection de la religion, qu'il n'a point voulu iamais originairement

estre escripte, leuë & propoſee à l'Egliſe en langue populaire, imparfaicte, & irreguliere: ains ſeulement en langues parfaictes & regulieres: côme ſont l'Hebraique, Grecque, & Latine: telles ſont aujourdhuy la Caldeanne, la Syrienne, la Byſſine, & l'Arabique ſcholastique. C'eſt pourquoy aucune parolle de Dieu, ny diuine eſcripture, ny lecture premiere d'icelle, n'a eſté propoſee aux Gaulois, Italiens, Eſpagnolz, François, Grecs, Allemans, Eſcoſſois & autres nations, en langues populaires, ains en langues regulieres, immuables, & parfaictes ſeulement: comme ſont l'Hebraique, la Grecque, & la Latine. De là viét que les Apoſtres & leurs aſſociez & ſucceſſeurs propoſoient premieremēt, eſcriuoient, ou liſoient la parole ſelon l'original Hebraique, ou Grec, ou Latin, & puis la publioient & interpretoient en populaire, autant qu'ilz iugeoient expedient. Ce que donc le peuple Catholique prie, non en populaire, ains en langue parfaicte, eſt argument qu'eſtant reduit en corps d'Egliſe, il doit parler le langaige parfaict auquel Dieu à parlé premierelement à toutes les Eglises du monde.

SECT. XXXI.

Les predicans ſe voyans aculez de ce que le ſimple peuple Catholique leur diët: L'eſcriture a eſté leuë ſeulement en Hebreu, & non en Syrien, qui eſtoit le langaige populaire des Iuiſ, depuis le retour de Babilone, iuſques à la deſtruction de Hieruſalem: Et les publiques oraiſons, & adminiſtrations des ſacremens & ſacrifices, ont eſté celebrees en Hebreu, & non en la lāgue populaire du païs, pour lors. Et quād aux ſermōs populaires, ils ont eſté & ſont en lāgues des nations ou demeurent les Iuiſ: Par ce les eſcri-

tures, entre les Chrestiens, peuuent legitiment estre leuz aux Eglises, en autres langues qu'és populaires, & le seruice celebré en autre langaige, qu'en national; puis que cela c'est faict du temps de nostre Seigneur, & auant & apres en l'eglise des Iuifs: Mais les sermons ne se font qu'en langages populaires: car la fin du sermon, est l'intelligence, l'erudition, & la generation, tuition, & auancement de la foy: Mais la fin de l'oraison, est impetrer ce que lon affectionne, ce que lon croit, & ce que lon puist apprendre & demander en langage non populaire: Et pour ce les oraisons publiques se peuuent faire, tant en general qu'en particulier, en autre & meilleure langue qu'en la populaire. Ce que voyans. comme auons dict, les ministres, chāgent leur logis, & remuent le picquet, disans: Nous ne disputons plus à sçauoir si les escritures ont esté leuës, & les prieres faictes en autre langue que populaire, comme il est bien certain. Mais la question est à present, à sçauoir si la langue en laquelle les escritures ont esté leuës, & les prieres faictes apres la captiuité de Babylone, estoient en lāgue entenduë des Iuifs, ou incogneuë au peuple. Or attendu que l'escriture leur fut proposee en la lāgue Hebraique, à eux bien congneuë, cest argumēt de ne proposer les escritures, ny ne faire les prieres en autre langage sinon en celuy qui est entēdu du peuple: comme il est clairement monstré au second liure d'Esdras, *cha. 8. vs. 2. 3. 7. 8. 9.* La responce n'est pas impossible comme estiment les predicans: Et pour ce, nous disons, que quād il aduient qu'un peuple parle plusieurs langues, dont il y en a vne parfaicte, cōme l'Hebraique entre les Iuifs, qu'il la faut lire, & s'en seruir aux actions publiques & sacrees du peuple, &

GENERAL EXAMEN

non de la nationale, & gentille. Mais sil aduenoit qu'un peuple ne parlât qu'une ou plusieurs langues populaires; alors la parole de Dieu premièrement, ny les prières ne deuroient estre introduites en aucun langage vulgaire, ains seulement en langage invariable & parfait, qui par apres s'interprétât, & fust donné à congnoistre au peuple. Et pour ce S. Paul & S. Marc ont proposé la parole de Dieu aux Italiés & occidentaux, non en italien, en gaulois, ou en François, ains en grec, ou en latin, pour par apres estre publiée en vulgaire, autant qu'il sera ou à esté de besoin. Et pour ce, il n'est pas besoin que la parole de Dieu soit leuë en vulgaire à un peuple, ny que le divin service soit célébré en langue variable & populaire: ains est raisonnable que ce soit en une langue reguliere, & immuable; comme sont l'Hebraïque, la Grecque, & la Latine. Les predicans donc, qui exercent les fonctions ecclesiastiques en langages barbares, variables, prophanes & populaires: montrent clairement que leur foy est muable, & leur service prophane, n'appartenât point au sacré & triomphât titre de la sainte croix de nostre Seigneur **I E S V S C H R I S T**, en Hebreu, en Grec, & en Latin: comme ont observé les matrices Eglises Chrestiennes par l'univers, iusques aux Mahumetains & plante bourdes du iourd'huy, qui ont mis tout en desordre & confusion, tant qu'ils ont peu.

SECT. XXXII.

Il est bien vray que l'écriture n'a iamais esté leuë, ny proposée aux Iuifs, qu'en mots congneuz, car il n'y a eu aucun autre peuple, qui ait parlé nationnellement une langue parfaite, fors le Iuif: mais ou le peuple a parlé barbarement, & vulgairement, l'es-

criture, & la parolle luy ont esté proposée premièrement en langue parfaite, que bonne partie des plus grands d'entre eux entendoient, & la pouuoient faire entendre aux autres. Ce neantmoins, ne se trouue iamais, que Dieu, Moÿse, les Prophetes, les Apostres, & Euangelistes, ayent leu ou escrit populairement la diuine parolle, ains se sont contentez de la y prescher. Puis donc qu'il ne l'ont point écrite ny leuë en langue vulgaire, ains seulement en langue reguliere, & parfaite, que les plus celebres de l'Eglise, a laquelle ils escriuoient, & la propoient, entendoient seulement. C'est vn argument, que dauant mesme le peuple, on ne puit proposer, écrire, lire, & prier qu'en langue non populaire, que les plus celebres de l'Eglise entendent seulement.

SECT. XXXIII.

Combien que les Apostres parlaissent, & entendissent toutes langues, il ne s'ensuit pas pourtant que quand ils propoient l'écriture en hebreu, ou en grec, qu'un chascun du peuple là essemblé, l'entendist: mais apres en preschant, & non en priant, ils exposoient populairement le texte, & le sens de la langue parfaite, & reguliere: Car l'interpretation des mots estoit necessaire à ceux qui n'entendoient pas la langue, & l'interpretation du sens, de la punctuation, & lecture, estoit necessaire, pour la difficulté de la parolle, mesmes à ceux qui entendoient la langue, & non la lecture. Exemple. Quand le S. Esprit descendit es Apostres. *act. 2.* Il y auoit en Hierusalem plusieurs pelerins, qui n'entendoient pas la langue hebraïque, dont S. Pierre proposa, ou leut, auxquels il interpreta familièrement la lecture & les mots en diuers langaiges populaires. Et pour ceux

mesme qui lisoient , & entendoient bien les mots & le texte, comme pouuoit probablement estre le tresorier Ethiopien, *act.* 8.27. auquel S. Philippes exposa le sens : Mais quand à ceux qui entendoient communement les mots , & dictions hebraïques , & ne sçauoient pas lire, plainement, distinctement, & intelligiblement ; Il estoit de besoin leur apprendre non la langue, mais à lire, comme fit Esdras & les Leuites aux Iuifs, apres le retour de Babilone. 2. *Esd.* 8.2. 3.4.5.6.7.8.9. Et pour mieux facquiter de cest office, il se fist faire vn haut dais , ou doxal , c'est à dire , vn grand large & haut poulpitre ou chaires eminentes sur vn eschaufaut, Et tenant és mains le liure de la loy, dauant les faces de l'Eglise, depuis l'homme iusques à la femme , & à toute personne qui pouuoit entendre en oyant, lisoit; & les leuites lisoient au liure de la loy, ש פ ר מ *Mephorasch*, distinctement, clerement , & posement à cadence, c'est à dire, avec tels points, & vocales, avec tels accens, distinctions, & periodes, & avec silence, & repos, ou addition & prolation de telles lettres , qu'il estoit de besoin , au vray sens : Car la lecture en hebreu deüment faicte, en est la premiere exposition, comme doctement enseigné les hebreux, car *Thalmud* traiète des vœux. En Esdras aussi, liure 2. *chap.* 8. 8. 9. est escrit que les leuites faisoient entendre la loy; en mettant l'intelligence, c'est à dire en mettant les vocales , & periodes, les accens, & distinctions necessaires , & que les auditeurs, ont entendu la leçon, c'est à dire, ont congneu les lieux ausquels falloit faire distinction, arrest grand ou petit, *passak*, pause, ou fin de verset : ou *Parascha*, commencement de leçon le iour de feste : ou *Hapharah*, fin de plusieurs versets, en certain nom-

bre, tellement que la lecture de la Bible n'estoit pas cogneuë clerement aux Iuifs, subitement apres le retour de Babilonne, iusques à ce, qu'Esdra, & les leuites eurent aprins au peuple, autāt qu'il luy estoit de besoin. Par là nous voyons que le peuple hebreu à eu la loy en langage entendu quand aux mots, mais non pas parfaictement, car il ne le sçait lire distinctement, & bien intelligiblement, comme avec sa premiere interpretation, iusques à ce qu'Esdra, & les leuites le leur ont aprins. Argument que nous pouuons proposer la parolle de Dieu à vn peuple, combië qu'il ne l'entende pas bien entieremēt pour la lire deuëment. SECT. XXXIII.

Les Ministres ont donc bien manifesté leur ignorance, quand ils ont pensé, que le peuple sceust bien intelligiblement lire la langue hebraïque, apres la captiuité de Babilone, sans qu'Esdra & les leuites, le leur eussent monstré. *Imò*, la sainte Bible hebraïque à vne telle & certaine caballe, ou' tradition à estre intelligiblement leuë, que si on ne là apprinsē, on ne la sçauoit bien lire asseurement, ny entendre certainement; Car elle à cela de particulier que tout son alphabet n'a aucune vocale, & pour ce, les dictions ne se peuuent lire aisement. Seconde-ment, mesmes consonantes peuuent auoir diuerses vocales, & signifier diuerses choses, comme ד ד ד parler, dauar, parolle, debuar, peste &c. דבר, ה ה ה halabf, laiçt helebf, gressē: finalement, elle s'escriit indistinctement toute d'une tire sans separations, pauses, poinçts, ny accens, comme nous voyons encores aujourd'huy es bibles dont vsent les rabins es synagogues iudaïques: De là vient que la distinction des versets premiers & des pauses, ny estoit point dauāt

GENERAL EXAMEN

Esdras, & S. Hierosime l'ayant trouuee en la Bible hebraïque, là suyuite en sa version. *prefat. in paralippom. & in Esayam.* Et pour ce ne se trouue auiourd'huy, comme ont bien remarqué Rabbis Racanathi, Elias & autres: aucun liure purement hebreu que la Bible qui se list en vne façon seulement, que Moysse aprint de Dieu au mont de Sinay. Et moysse là monstra aux prestres, prophetes, & seribes, qui l'enseignèrent à leurs disciples, dont Esdras, & les docteurs de la grád synagogue l'aprirent, & là donnerent à congnoistre aux anciens des lignees, qui fut cause que le tres-sage & curieux Ptolomée voulut auoir l'experience de ceste tant accordée cabale, de lire, & interpreter vni-formement vne mesme langue hebraïque, separa en diuerses chambres les diuers interpretes qui se trouuerent du tout d'accord, en en conferant finalement ensemble. Ceste certaine façon de lire le texte de la sainte bible à esté redigée en escrit, 478. apres l'incarnation de nostre Seigneur par les doctes hommes de Tyberiadie enuiron 56. ans apres la mort de saint Hierosime; tellement que la bible, dont les 72. interpretes, & S. Hierosime ont fait leurs versions, estoit sans les poincts, accens, & vocales, qu'elle à auiourd'huy. Combien qu'il ne faut faire doute, qu'elle à eu tousiours les lettres qu'elle à auiourd'huy, soient grandes, soient petites, soit au commencement, soit à la fin de la diction, soit qu'elles soient changées l'une pour l'autre, soit qu'elles defaillent, ou qu'elles soient adioustées: & y auoit bien tousiours vne distinction de versets & d'oraisons & de sentences, mais elle n'estoit aisée à discerner iusques apres le temps du pontife & scribe Esdras, & n'a esté publiquement redigée par escrit à sa perfection iusques à

l'an 478. apres nostre Seigneur Iesus Christ. Ce qui montre clerelement, que la sainte eſcriture propoſee par eſcrit aux Iuiſ, n'eſtoit diſtinctement leue, & entendue, comme il eſtoit de beſoin aux peuples; iuſques à ce que les preſtres, les ſcribes, & les leuites la leur euſſent appriſe à lire plainement & diſtinctement comme il appartenoit. L'Egliſe catholique à donc raiſonnablement peu propoſer au peuple vne eſcriture, à lire, & à prier, incertaine & obſcure, iuſques à ce qu'elle luy puiſſe eſtre declarée par ceux qui l'entendent: comme ſont és diuerſes Eglises du monde, les langues hebraïque, grecque; & latine: ou celles qui leur ſont conformes, comme la Caldeane, la Syrienne, & l'Abiſſine ſcholatiſtiques & regulieres. On a tolleré le ſeruiſe en Armenien; car communément les plus eminens de ceſte miſerable & ignorante nation, ne ſçauent ny l'hebraïque, ny la grecque, ny latine, ny caldeanne, ains ſeulement la leur maternelle. Peut eſtre que les Moſcouites, qui ont changé comme il leur a plu d'Egliſe, ne ſe ſont conformez ny à l'Egliſe latine, ny à l'Egliſe grecque, non plus que les ſectaires, qui ſeruent Dieu publiquement en autre langue que leurs maieurs; & que S. Paul ne veut, ſil eſt bien entendu, 1. *cor.* 14.

SECT. XXXV.

Venons aux autres exercices de religion, comme ioindre les mains en priant, ou les eleuer, ou les eſtendre en priat, 2. *Paralip.* 6. 13. S'agenouiller, *Genef.* 24. 48. *Pſal* 95. 6. Flechir à Dieu le genoil, 2. *Paralip* 6. 13. Se proſterner en terre ſur ſa face. *Genef.* 48. 12. *Iofu.* 5. 14. *pſal* 95. 6. Adorer, *Genef* 24. 48. *Exod* 4. 31. *Exod* 33. 10. *Pſal* 5. 8. *pſal* 29. 2. *Ierem* 8. 2. Ainſi nous liſons que nostre Seigneur, voulant ardemment prier, & deuo-

GENERAL EXAMEN

tement adorer, se prosterna sur sa face, *Math. 26. 39.*
 En terre, *Mar 14. 35.* Et estant à genoux prioit, *Luc. 22.*
 41. Le publicain priant frappoit sa poictrine. *Luc. 18.*
 13. S. Paul aussi en priant, plioit ses genoux, *Ephes. 3.*
 14. Et les Mages orientaux en offrans leurs presens à
 nostre Seigneur, & en l'adorant, se prosternerét *Mat.*
 2. 11. Or tous ces signes extérieurs, sont argumens
 certains de la religion interieure, du souverain serui-
 ce que lon rend à Dieu, ou du seruice, inclination, &
 reuerence subalterne, que l'on faict à la creature, se-
 lon la Chrestienne distinction, de *Latreie & Doulie*,
 qui est bien recongneuë expressement au grand di-
 ctionnaire de *Sanctes pagninus*, en la diction *Schachab*,
 pag. 2928. Comme portét les annotations euulguees
 par vous, souz le nom de Ioannes Mercerus, profes-
 seur royal des langues à Paris, & de Bonaduanture
 Corneille Bertran de Thouars, & d'Anthoine Che-
 ualier professeur des langues à Geneue. Desquels
 deux premiers, ie louë l'erudition, & la modestie,
 comme les ayans bien congneus, & pratiquez : Tel-
 lement que quand ie trouue quelque chose moins
 docte, ou trop piquant, és œuures qu'auiez euulguez
 eu leur nom; Ie ne leur attribue point asseurement,
 ains plustost à quelques mousches infectes, qui ont
 hõny la rare condition de François Vatable, de Iean
 le Mercier, & de Corneille Bertran, qui eussent bien
 faict vn plus grand fruiet, s'ils n'eussent point esté
 transportés de vos opinions. Ie coniecture Vatable,
 auoir esté alteré par Iean le Iard, & par Robert Estié-
 ne. Quand est des escrits de Mercerus & de Bertra-
 mus, en ce qui est mué i'ay grãde suspision sur Ema-
 nuel Tremelius Iuif Chrestien, Augustin, Lutherien;
 Zuinglié, & Caluiniste, qui peut auoir aidé aux mini-
 stres

stres de Geneue , à ce faire. Or c'est grand cas, que vous adorez tellement en esprit, & vetité, sans vous mettre à genoux, sans vous prosterner, sans esleuer, ou ioindre les mains, sans frapper la poictrine, & sans autres semblables, & religieux exercices, & que en cela, vous ne suyuez, ny les saincts Patriarches, ny Moysse, ny les prophetes, ny nostre Seigneur, ny les benoists Apostres: Car si vous faisiez comme ils ont faict en leurs oraisons, sacrifices, & reuerences, en suyuant la distinction des escolles Chrestiennes de *Latreie & Douleie*, vous seriez, ce dites, idolatres, superstitieux, bigots, hypocrites, & papistes. A ce que ie voy, vous auez au dedans, comme au dehors, vn autre seruice de Dieu, que les saincts du vieil & nouveau testament; & pour ce apres vostre mort, aurez lieu à part: Et alors voyans les vrayz Chrestiens & Catholiques en beatitude, avec Abraham, vous gemirez, & direz: sont ceux là que nous auions en moquerie, leur improperant la simplicité, l'austerité, & obeissance de leur religion.

SECT. XXXI.

Nous trouuons fort estrange, que vous disiez peeres religieux, sans benir les enfans, que vous aiez des ministres qui ne benissent point le peuple de Dieu. Si vous dites, qu'ils vous benissent par la predication & administration des sacremens: Ce neantmoins Abraham, Isaac, Iacob, outre la predication de la saine doctrine, & administration des sacremens, ils ont beny leurs inferieurs, avec prieres, & certaines ceremonies. Les prestres de la loy, par special commandement de Dieu, en ont faict autant sur le peuple de Dieu, *numer* 6. 23. 24. 25. 26. Car celuy qui est beny, est moindre que celuy, qui le benist, *Hebr.* 7. 7. Nostre

Seigneur aussi benist les petis enfans, *Math* 19. 13. 15. *Marc* 10. 16. Or nous ne voyons point que les ministres benissent leur assemblee ecclesiastique, comme faisoient les Prestres, 1. *Reg.* 2. 20. & comme faisoient les roys, prophetes, 2. *Reg.* 6. 18. 20. & 3. *Reg.* 8. 14. 55. Ainsi 1. *Paralip* 16. 2. 43. & *cap.* 29. 20. Et fils benissent, nous ne sçauons leur formulaire, ny leur ceremonie tant ils sont secrets, aux oraisons, & gestes de leurs benedictions. Iacob benissant les enfans de Ioseph, & priant, mit les mains en croix *Genes.* 48. 14. Les ministres n'entendent ce mystere: Mais Iacob le fit entédre à ses mains *Genes.* 48. 14. que nous deuons benir & prier en forme de croix, qui est de tel efficace, que le moindre surmonte le plus grand. En benissant il inuoque Dieu, & l'Ange creature & tuteur de sa peregrination, comme entend Calvin, *lib.* 1. *Inst.* *ch.* 14. *sect.* 6. Et pour ce, inuoquer ne signifie pas nuelement estre heritier; comme à bien remarqué S. Augustin, *lib.* 1. *locutionum in Genesin cap.* 48. 16. Mais plustost faueur, priere & exaudition. Alors, qui dira que Iacob ne prioit pas pour ses enfans, & qu'ils ne vouloient pas associer leurs prieres d'un pere tant saint & deuotieux qu'estoit Iacob? cōme fil leur eust voulu bien à l'heritage temporel, & non pas plus au spirituel? Inuoquer, n'est ce pas recongnoistre, faueur, deféce & secours de quelqu'un, *Esay.* 4. 1. Direz vous que Esaye, qui ne l'a pas pris du seul heritage temporel, comme vous, estoit papiste, ignorant les phrases de la langue hebraïque: Certes, d'autant que cuidez plus doctement parler, c'est quand plus euidement, vous faictes paroistre vostre presumptueuse ignorance: N'estes vous pas trop passionnez, de penser, que auparauant vous, & mieux que vous, on

n'eust pas entédu l'hebreu, le grec, & le sens d'iceux? Conrad Pelicanie, & Sebastien Mustere, cordeliers, le vous ont monsté les premiers à Suric & à Basle. Galatin Cordelier, & Pagnin Jacobin ne les vous monstrent ils pas par leurs escrits, mesme aujourdhuy, Zuingle prestre, Oecolapade, Butcere, & Vermilly, moynes & voluptueux apostats, ne l'auoient ils pas aprins au temps qu'ils estoient encores en la Catholique? Pourquoi Iacob met il icy l'inuocation du nom de Dieu, le nom de l'ange, le nom de luy viuant, avec deux deffuncts Abraham & Isaac. C'est grand cas qu'enuers Dieu, l'Ange & Iacob viuant, *ykare*, signifiera, non seulement heriter, mais aussi prier, & reclamer, & non pas enuers Abraham & Isaac, qui aussi bien ont heu l'heritage de Canaan par la promesse de Dieu spirituellement, comme Dieu, son Ange, & Iacob.

SECT. XXXII.

Nous lisons, que le prestre en benissant esleuoit sa main, *Leuit. 9. 22.* Ailleurs qu'en benissant, croisoit les mains esleuées par dessus la teste de ceux qu'il benissoit, *Genes. 48. 14.* Et nostre Seigneur, auant que monter au Ciel, esleua ses mains pour benir les Apostres *Luc. 24. 50.* Et Moysé en priant pour Israël contre *Ghamaleck*, esleua ses mains, deça, & delà sustantées par *hur*: & Aharon en forme de croix, dont elles furent dictes *Aemunah*, foy & fidelité: Mais quand il mettoit sa main à repos *Ghamalech* surmôtoit Israël, car ce n'estoit plus forme de croix, *Exod. 17. 11. 12.* Quand les sacrifices estoient separez à Dieu, pour estre benis, consacrez, & offers, auant que mourir, le prestre les prenoit entre les mains, les esleuoit en haut, pour les reposer en bas consequemment, &

pour ce le sacrifice estoit dict *Therumah*, C'est à dire, esleuation, pour la ceremonie que lon y obseruoit, en les esleuant & rabaisant, *Exod. 25.2. Exod. 29.27. 28. Exod. 30.13. Exod. 36.6.* Elle estoit aussi dite, *Thenu-phah*, c'est à dire agitation, car elle estoit agitée en auançant, en reculant, à gauche, & à droicte, comme commandoit l'escriture, en agitant, tu l'agiteras: C'est assauoir, en esleuant en haut, & deprimant en bas, tu l'agiteras en auançant, & en reculant l'agitation de gauche à droicte, comme aux quatre parties du monde, C'est à dire, en forme de Croix. *Leuit. 7.30. Leuit. 8.27.29. Leuit. 9.21. 22. Leuit. 10.15. Leuit. 14. 12. Leuit. 23.20.* C'est vne singuliere prouidence de Dieu qu'encores que les Iuifs & Rabins, depuis la Resurrection de nostre Seigneur Christ, soient ennemis de la croix: ce neantmoins, ils n'en ont point impugné le signe, aux benedictions sacrées, separatiōs à Dieu, aux consecrations, & oblations, figure que nostre vnique sacrifice seroit offert en croix, & que toutes nos oraisons benedictions & sacrifices seroient sanctifiees, & efficace, souz vn tel signe. Aaron esleua sa main, se tournant de l'autel, vers le peuple, *Leuit. 9. 21. 22. 23.* Les Ministres ne benissent point (pour le moins ie ne lay leu en leurs ordonnances ny en leurs liures) ny les viuās, cōme nostre Seigneur aux enfans *Marc. 10. 16.* Ny mourans, comme Iacob. *Genes. 48.* Et fils benissent, ils n'esleuent point la main vers l'eglise comme fit Aharon: Car il est escrit, que Aharon esleua sa main au peuple, & le benist, comme à tourné la vulgate edition. Il y en à qui tournent, *il a esleué ses mains*, mais cela n'est pas du texte escrit, ou il y à *Iadan, Vau*, pour *Iod*, singulier nombre pour le plurier, sans *Iod* plurier, sa main, car *Iadan*, avec le *Iod*

plurier, est l'adition, la mutation, & la leçon des scribes, qu'ils appellent le *Tikun sophrin*, c'est à dire la correction des Scribes. Ils le nomment aussi le *Karihamassorah*, C'est à dire la lecture de la tradition des Rabins, mais nous ne sommes obligez à telle leçon, qui n'est au texte hebreu, ains seulement en marge, sinon en tant qu'il nous vient à commodité. En quelque façon que ce soit, il est manifeste, que aux benedictions, & oblations legales, le signe de la Croix y estoit exprimé comme figure occulte de nostre benediction. A plus forte raison d'oc la verité manifestée, on doit prier, benir, & consacrer, avec ce signe: Autrement il n'y à rien legitiment fait, disent SS. Cyprien, *serm. de Passione domini*, Chrysost. *Homil. 55. in Math. opere perfecto*, August. *tract. 118. in Ioh.* Dont les ministres, qui n'v'st point du signe de croix, ne font rien deüment, & sont sans religion, & mesmes sans le signe Chrestien d'icelle religion.

SECT. XXXIII.

Les Juifs ont quelque pretexte de hair le signe de la croix, car ils ne font profession du Christianisme, & selon l'vsance & interpretation commune de leur loy, *Deuter. 21. 22. 23. Genes. 40. 19. Ester. 7. 9.* nul encore viuant n'estoit crucifié, & par-ce ils tiennent qu'il fut crucifié estant desia mort: Et par consequent, que les paroles en la croix, & les peines que nous en croyons sont fausses, avec le signe de †, pour maintenir ce disent nostre erreur: Mais ils ne regardent pas, que nostre Seigneur à esté crucifié en execution selon les Romains, & non selon l'appetit des Juifs, qui n'ot iamais mis de cloux, aux pieds, & aux mains des autres crucifiez. Iulian l'Apostat ayant abiuré la religion Chrestienne, en à par consequent renoncé le

signe. Les Turcs, qui tiennent Mahomet pour prophete, haysent tellement la croix qu'ils ne permettent pas le signe; mesme sur vne maison ou Eglise Chrestienne, fors sur l'Eglise du Patriarchat de Constantinoble, qui à cause de cela, paye au Turc trois milles Cequins, ou ducats, par chacun an: Car Mahomet leur à enseigné, que nostre Seigneur Iesus Christ, ne fut onc crucifié, & que cela estoit indigne d'un si sainct & humain prophete, & que tout ce qui se list de sa mort & passion, resurrection, & ascension à esté controuvé, & puis inseré aux histoires Evangeliques, esquelles les Chrestiens ont effacé beaucoup de tesmoignages, qui estoient predits de Mahomet: & ce qui en est resté, lesdits Chrestiens l'ont détourné au S. Esprit, qu'ils ont introduict au lieu de Mahomet, qui à enseigné que celui, qui fut crucifié, estoit frere de S. Iean l'Euangeliste, fils de Marie, vierge, pour la conception de Iesus de Nazaret, qui sans patir, auoit monté aux cieux, & que apres la conception par Ecstase, elle auoit de son mary d'autres enfans, dont l'un estoit S. Iean, & le crucifié estoit son frere: Et parce ce que les Chrestiens croyét du supplice de la croix est faux, & que l'on les y entretient, par ce signe de croix, qu'ils mettét par tout & en pensent sanctifier, & munir tousiours toutes choses. Mais quand aux religionaires, qui ne sont Iuifs, apostats, ny Mahometistes, c'est scandale, qu'en l'exercice de la religion chrestienne, contre l'ancienne vſance de l'Eglise apostolique, & de tous vrais chrestiens, depuis nostre Seigneur Crucifié, & cōtre le plain accomplissement des figures de la Croix, ils detestent, ou deschirent ce signe là, fils ont puissance, autant & plus que les Iuifs, & les Turcs. Nonob-


stant cela, ce signe paroistra es nues du ciel *Math.* 24. 30. le fils de l'homme venant au iugement avec grande puissance, & gloire. Donc ce signe là, qui est abiect au monde, ne sera pas la gloire, & la puissance en laquelle il viendra, comme Beze & ses consors ont controuué. Mais qui monstre mieux la misere de l'homme; ou le triumphe du crucifié, que la croix? Pourquoy la niez vous donc, pour signe de Chrestien, & de salut? Pourquoy ne vous en signez vous le front, car il est signe de salut & de penitence, *Ezech.* 9. 4. 5. 6. Il est signe de protection: L'ange n'a point frappé les habitans des maisons marquées de ce signe là. *Exod.* 12. 13. C'est le sceau, & cachet de Dieu vivant, pour marquer le frôt des seruiteurs de Dieu *Apocal.* 7. 2. 3. Et vous ne vous en sceillez, ny signez. Vous avez vn signe de regeneration & n'en voulez point de nostre profession chrestienne. Le signe, pour la figure, bois, pierre, metal, ou peinture n'est rien, & n'a vertu, mais pour ce qu'il est signe de Dieu homme crucifié, il est salutaire, & digne que la foy en soit munie, & tesmoignée à eternelle memoire. Vous donc qui ne vous en seruez point, n'estes aucunement Chrestiens; car les murailles de Hierico ne sont point cheutes sans la procession exterieure, *Iosu.* 6. 10. 11. 12. 13. 14. 15. 16. Nous nous pleignons, & disons que c'est sans raison, que vous reiettez le signe de la croix, hors du seruice de la religion chrestienne. Si estes vrais disciples du Seigneur crucifié, si croyez, que par l'ignominie & suplice de la croix, foyez rachaptez, qu'elle escriture auez vous, qui impugne la croix & le signe d'icelle? en quoy vostre foy est elle fondée pour l'impugner? Si vous auiez quelque chose contre nous en cecy, vous le feriez bien

valoir. Et vous en ceste ceremonie, ou la raison, la religion, la figure antienne, les miracles, *Exod.* 12.23. *Exod.* 17.10. 11. 12. & Pvsance de l'Eglise chrestienne nous fauorise, & vous contredit, & toutesfois vous ne voulez acquiescer.

*Que la Religion vraye ou fausse; ne peut
subsister sans sacrifice proprement dit.*

Chap. V. Sect. I.



I nous parlons du sacrifice, en tant, que c'est vne sainte, vertueuse, & bonne action de soy, à plaire à Dieu, il n'y à doute du monde, que le cœur net ou contrit, ne soit vray sacrifice, plus que faire la ceremonie externe du sacrifice public, laquelle ceremonie de soy, n'est point acte de vertu: Et en ce sens, faut prendre S. Augustin liure dixiesme de la Cité de Dieu, *cap.* 4. *sect.* 6. Car comme nostre Seigneur, comparé aux vignes des champs, est la vraye vigne: Aussi le cœur net, le cœur contrit, le corps mortifié, sont vrays sacrifices pour seruir & plaire à Dieu. Tels sont donner l'aumosne, remettre les offences, & semblables actions de vertu, mais ces actions là sont sacrifices metaphoriques, c'est à dire, propres à vn chacun, & non communs, & delegués, à certaines personnes, pour toutes les autres. Aussi ils sont communs, salutaires, & necessaires à toute loy. Et ce n'est pas ce sacrifice là, qui establit, ou destruit la vraye, ou fausse religion. Il y à vne autre façon de sacrifice absolu, commun, seul, & necessaire à toute loy, pour estre sauué, qui est celuy de la  auquel tous les autres se

doivent rapporter: soit le sacrifice de la loy de nature comme d'Abel, de Noé de Melchitsedek, de Ietro, & de Iob: Soit le sacrifice des religieux, patriarches, Abraham, Iitfaak, de Iacob, soit celuy de la loy de Moyse, soit le sacrifice Euangelique: Car tous les autres n'ont valeur, ny vigueur que par cestuy cy de la \dagger , car tous se reiterent, fors cestuy cy, Car tous sont proprement particuliers à chasque loy, fors cestui cy, sans la vertu duquel, les autres ne sont & n'ont esté plaisans à Dieu, ny salutaires aux hommes. Sacrifice, sans ceremonie, sans actes d'honneur, sans ministres, vicaires, coadiuteurs, ou lieutenans. Sacrifice, sans q la substance se departe: Sacrifice, sans que l'on le participe, que par foy: Sacrifice, sans sacrement: Sacrifice iniurieux dauant les hommes: Sacrifice du captif, Sacrifice de passion: Sacrifice de chair humaine, à la mort violente; Sacrifice de consommation, Sacrifice de redemption, & payement, Sacrifice, non monstté par la loy de nature, Sacrifice personnel de Dieu incarné, à Dieu sans chair bestiale. Et de cestuy là nous ne parlons point, pour monstter la loy de Nature, la loy religieuse des Patriarches, contenant le vieil & nouveau testamēt, ou pour mōstrer la loy de Moyse, & la religion selon le temps, & conditions des loix: Car il est la vie de toutes loix par chacun temps.

S E C T. II.

Maintenant nous parlons du sacrifice ceremonial propre & annexe à la loy qui dure autant que la loy. Tellemēt, que la loy changée, ceste façon de sacrifier est aussi muée & changée, *hebr. 7. 12.* Car religion est inseparable de l'homme, luy estant essentielle, non moins que la raison, & le distinguant plus des bestes que ne faiēt la raison, comme ont dict Ciceron, La-

Etance & S. Augustin. Secondement, la religion à le sacrifice annexé en foy inseparablement, comme vn souuerain seruice & acte de iustice, que l'on luy offre au dehors avec certaine ceremonie, en luy presentant quelque chose digne de luy, selon la condition & perfection de la loy, souz laquelle on est, en honneur & recongnoissance directement, de sa souueraine maiesté. Or le sacrifice de la croix à esté directement pour appaiser, payer, & satisfaire à l'ire de Dieu, & aux peines deuës par nous pecheurs. Nos pechez estant donc du tout espuisez & payez en la croix, il ne faut point reiterer ce sacrifice crucial, car il n'en est plus de besoin. Certes moy pechant, mes pechez ne laissent pas d'estre rachetez & payez; Dont il n'est besoin que nostre Seigneur, soit derechef crucifié pour racheter nos pechez. Mais moy estant retourné en l'inimitié de dieu, par mon peché, ma foy, & penitence ont besoin, de trouuer quelque chemin à rentrer parfaictement en alliâce derechef avec Dieu, & pour iouyr du payement faict en la † en remission de mes pechez: duquel payement faict bien amplement, i'estois priué pour ma cheute reiterée. Or la perfection d'entrer, & de iouyr de la remission des pechez plainement, c'est le sacrifice; Car il n'y à point de remission sans effusion de sang, *hebr.* 9. 22. Celuy de la croix, ne peut plus, & ne doit estre respendu: car tout estant vne fois plus que tres abondamment bien acheté & payé, il n'est plus besoin de payer: ains seulement de rentrer en amitié & alliance, pour iouyr du payement tres suffisamment faict en la †. Or on n'y peut entrer parfaictement sans sacrifice, & effusion de sang: il faut donc par la raison religieuse de S. Paul, *heb* 9. 22. establir vn sacrifice, &

une effusion de sang pour nous remettre en amitié avec Dieu, & pour nous faire deuëment iouyr de la redemption faicte en la † tresparfaictement. Or nous n'auons point de seruice ordonné de nostre Seigneur Iesus Christ par maniere de sacrifice sans effusion de sang, selon la condition de l'euangile, que l'Eucharistie en remission des pechez. *Math. 26. 28.*

Luc. 22. 19. Parquoy, nostre action de graces. au precieux corps, & sacré sang de nostre Seigneur Iesus-Christ, souz les elemens de pain & de vin, sont l'unique, & tresparfaict sacrifice du nouveau testament pour seruir à Dieu, en alliance, & du payement en parfaicte iouissance. Vous donc religionaires, qui n'avez point de sacrifice ceremonial, selon l'excellence & condition du nouveau testament, n'avez point de religion Euangelique, car l'effusion de sang de nostre Seigneur Iesus Christ en la croix, n'est point ceremonie, & seruice à Dieu, plus pour le nouveau testament, que pour la loy de nature, des Patriarches, & de Moÿse: ioinct que nostre Seigneur à confirmé au sang de la † le nouveau testamēt, *heb. 9. 16. 17.* Mais il l'a faict, estably, & dedié au sang de l'Eucharistie *Math. 26. 28. Marc. 14. 24. Luc. 22. 20.* Ce qui monstre clairement que l'Eucharistie en est le propre & distinct sacrifice.

SECT. III.

Nous n'ostons donc pas au sacrifice de la Croix la perfection qui luy appartient, comme vous nous imposez, en cuidant faire à croire, que nous auons introduit la sainte Messe, & noz bones œuures, pour y supplier. Certes, nous ne suppléons non plus, par l'eucharistie & saintes actions, que vous faictes par vostre foy, & par vostre Cene; ou par le saint bap-

tesme, qui vous sont moiens, sans lesquels le sanglant sacrifice de la Croix vous seroit inutile: De verité, comme nous ne voulons attribuer au sacrifice de la Croix, que ce que l'escriture avec la raison qui en est tirée, & l'Eglise, luy attribue: Aussi ne pouvons nous oster au sacrifice de l'Eucharistie, ce que la mesme escriture, avec la raison, & nostre mere sainte Eglise, luy concedent. En verité nous mesurons l'une & l'autre façon de Sacrifice, & leur valeur, selon l'institution que Dieu en a voulu distinctement faire, & le nous reueler: car quand il eust voulu, il ne l'eust mis ny en l'un, ny en l'autre, ains seulement en un baïsement de terre, ou en quelque moindre ceremonie, voire en un seul acte interieur. Ne deferōs donc point tant à l'un, que nous priuions l'autre, de son efficace: Le penible, abiect, laborieux, & mortel sang de la Croix à appaisé l'ire de Dieu, & nous à reconciliez avec Dieu; à payé les peines que nous deuions pour nos pechez, & à plainement satisfait pour noz iniquitez, voire luy seul à confirmé le nouveau testament, *heb. 9. 15. 16. 17.* faisant la redemption ou rachapt des peines, & de l'ire de Dieu. Mais le mesme sang diuin & immortel, mystiquement & vrayement, par le S. Esprit, respandu en l'eucharistie en mystere de foy, pour la remission des pechez, pour renoueller l'alliance, par maniere de Sacrifice, & pour nous introduire en la iouissance du fruit de la Croix, à institué & dédié le nouveau testament, *Math. 26. 28. Mar. 14. 24. Luc. 22. 19. 20.* Nous confessons qu'un seul & mesme sang de nostre Seigneur, à confirmé le testament, comme mortel, en redemption, *heb. 9. 15. 16. 17.* Et l'a institué & dédié, comme inuisiblement respandu en secret de foy, pour remission de nos pe-

chez, *Math. 26. 28.* La Messe n'est donc pas pour nous destourner de la Croix, ains pour nous y ramener. Le Sacrifice de l'Eucharistie n'est donc pas pour suppleer à celuy de la Croix, cōme vous nous imposez, estans malins, ou ignorans des mysteres chrestiens: Car ce sacrifice icy de confession, ou louāge, est pour nous introduire en la iouissance du fruit de celuy de la † duquel nous estions tellement destournez par nostre peché, que nostre foy; & penitence n'estoient suffisantes pour nous y remettre plainement; par maniere de sacrifice, introduisant au payement & satisfaction; comme faiēt la celebration de l'Eucharistie selon l'expresse parolle de Dieu, *Math. 26. 28. Luc. 22. 19. in remissionem peccatorum.* Que si la remission des pechez, qui meine à la redemption, ne se faiēt point sans effusion de sang, *heb. 9. 22.* Et le sang de nostre seigneur, mortel, & en qualité abiecte & corripible, en cette humilité là; ne peut plus apres, & n'est de besoin qu'il soit respendu: Pourquoy nous empescherez vous d'vser du mesme sang respendu en l'Eucharistie, pour auoir la remission de noz pechez, *Math. 26. 28.* qui ne se fait point sans effusion de sang *hebr. 9. 22.* Certes la redemption nous seroit infructueuse, si la remission ne nous y menoit, & introduisoit pour en iouyr. Entendez bien nostre foy, qui ne suit que la parole expresse, & vous croyrez, cōme nous, & serez sauuez, comme nous desirons.

SECT. IIII.

Si vous consideriez bien ce que l'on dit en l'oblation de l'Eucharistie, les ceremonies dont l'on vse, l'autel, & la façon dont il est basti, l'appareil, & les vestemens sacerdotaux, que nous appellons selon le langage de l'escriture, Ornemens, *Marc. 14. 15.* Vous

croiriez que la Messe n'est qu'une tres presente memoire, qu'une viue expression, & certaine profession, & plain usage de la sacrée mort & passion de nostre Seigneur Iesus Christ, qui à commandé de faire & celebrer cecy en sa commemoration: Il y a bien à dire, entre dire quelque chose en commemoration, ou faire quelque chose en memoire. Vous dites beaucoup, & si ne faictes rien; Mais Dieu commande de faire, & pour ce nous faisons nostre substance sacrificale par action de graces, en viue & expresse commemoration de la mort & passion de nostre Sauueur Iesus Christ: Car le precieux corps & sacré sang de nostre Seigneur, qui fut offert en la Croix, auoit esté de substance purement humaine, en la benoïste vierge Marie, mué & faict substance de la personne du diuin verbe, non par conuersion de la chair au verbe, mais par assumption & vnion personnelle de la chair au verbe. Ainsi en nostre Eucharistie y interuient mutation substantiale, & non accidentaire, ny d'usage seulemēt, du pain & vin, au corps & sang de nostre Seigneur, par l'operation & energie de la parole de Dieu efficace; puis qu'il l'a dit en l'institution de cest auguste sacrement. Là nous offrons à part le corps, à part le sang, comme en la Croix ils ont esté separez l'un de l'autre. En nostre Eucharistie, il y a effusion de sang mistique; Nous prenons le pain entre les mains pour l'eucharistiser, cest à dire, benir par action de graces, & ne le laissons sur la table, prononçant les paroles d'inuocation & consecration: Nous l'esleuons en haut en argument d'oblation, comme l'escriture nous à monsté, *Leuit.* 10. 15. Or puis qu'au morceau de vostre Cene il n'y interuient point de vraye & propre mutation, puis

que n'y adressez la parole de cōsecration, puis qu'en faisant le pain, vostre action de grace, vous ne le prenez entre voz mains, ny ne l'esleuez : puis qu'il n'y a point d'oblation realle, & sacrifice à part du corps, & à part du sang, qu'il n'y a point en vostre Cene d'effusion de sang, de remission des pechez, ny de corps, ny de sang realement & de faict, en fin, puis qu'il n'y à rien de diuin; mais seulement vne signification, & naturelle analogie. Il sensuit que vous ne faictes point en memoire de ce qui à esté faict en la Croix, ains seulement faictes vne signification, que dictes mystericuse, pour vous souuenir de cela. Si Dieu vous eust dit, faictes la signification & figure, ou representation analogique de mon corps, & de mon sang, en memoire de moy crucifié pour vous; vous auriez quelque couuerture apparente : Mais c'est Calvin, & non Dieu, qui vous dit cela : Par ce vous ne faictes point cecy, c'est à dire, mon corps precieux, & sacré sang offerts non seulement à vous, mais aussi pour vous en remission des pechez, en memoire de ma mort & passion : ains seulement vne signification de cela, selon vostre folle inuention, & non selon la simplicité de la parole de Dieu. Y a il rien plus absurde, que vostre pain, qui n'est point offert, qui n'a point de vie, & de sentiment, ny de lineamens, ny de diuinité, vous signifie l'oblation du diuin corps, & vray sang ne nostre Seigneur Iesus Christ, offerts pour nous, qui auoient vie, sentiment & lineamens humains, enrichis de la personne du diuin verbe? Le pain ne peut signifier que ce qu'il est, & que ce qu'il à, c'est à dire la force de nourrir, & l'analogie à nourrir : Mais l'analogie que vous y songez, pour l'oblation, mort, & passion, est procedée de

l'une de vos refueries supernaturelles. Ce ne seroit la raison de croire cela, au lieu de la diuine parole, & de laisser passer ceste fourbe, sans vous en aduertir: Vous voyez bien que l'image du Crucifix ne me signifieroit pas nostre Seigneur crucifié, s'il n'en auoit point la posture, & lineamens. Si vostre pain Cenal ne nourrissoit point, il ne pourroit signifier la nourriture de voz personnes, du precieux corps & sang de nostre Seigneur. Or attendu qu'il ne nourrist que mortellement, il ne peut legitimement signifier la nourriture diuine & immortelle, que nous auons du precieux corps & sacré sang de nostre Seigneur Iesus Christ. Comment donc vostre pain, non offert, comme auons desia dit cy dauant, non mué proprement, non diuin, non viuant, insensible, non immortel, vous pourra il signifier par analogie naturelle, comme refuez, Poblacion, la diuinité, la vie, le sentiment les lineamens, & immortalité du corps de nostre Seigneur Iesus Christ? Si nous pouuez monstrez cela par l'escriture, nous ne diròs plus que vous refuez quand à cela.

SECT. V.

Vous voyez par consequence infallible, que puisque ne tenez point l'Eucharistie, pour ceremonial sacrifice du nouueau testament, que vous n'avez point de religion. Secondement, puisque vous n'avez plus d'effusion de sang, *heb. 9. 22.* sans laquelle ne se faict la remission des pechez, & par consequent estes exclus du fruiet du payement, & du sacrifice, & hommage faicts en chastiment par les pechez suruenus. Vous demeurez donc en peché, vous vous frustrez du payement, & priuez Dieu de l'hommage & seruice qui luy est deu à cause du chastiment de souveraine iustice

iustice, & pureté qu'il nous auoit acquis. Outre cela, le sacrifice ce faict en seruice de l'honneur souuerain que nous deuons à Dieu, non seulement comme iuge souuerain pour chastier & remunerer, mais principalement comme cause, fin, commencement & gouvernement de toutes choses. Or le sacrifice de la croix n'a pas esté directement en l'honneur que nous deuons naturellemēt, & religieusement, à la Maïesté diuine, mais plustost en dur & ignominieux chastiment, que nous auons merité pour noz offences. A cette cause S. Irenée martyr, Euesque de Lion dit, liure quatriesme contre les G'nots chap. 32. *Nostre Seigneur à donné conseil à ses disciples, d'offrir à Dieu les premieres de ses creatures, c'est assauoir luy mesme, qui est le premier né de toutes creatures, Colocens. 1. 15. non qu'il en soit indigent, mais à celle fin qu'ils ne soient point infructueux à eux mesmes, ny ingrats à Dieu. Le Seigneur à prins la creature de ce pain, & rendant graces à dit, CECY EST MON CORPS, & a prins semblablement le Calice, qui est de la creature selon nous, & l'a confessé estre son sang. Et ainsi il a enseigné, que c'estoit la nouuelle oblation du nouueau testament laquelle l'Eglise ayant prins des Apostres, l'offre à Dieu, par le monde vniuersel.* Iusques icy S. Irenée disciple de S. Policarpe, & disciple de S. Iean l'Euangeliste. Dont vous autres religionaires, qui n'offrez point à Dieu, le precieux corps & sacré sang de nostre Seigneur, en l'Eucharistie, estes sans religion, infructueux à vous mesmes & ingrats à Dieu; car vous ne reconnoissiez point par singulier sacrifice du nouueau testament, l'honneur diuin & souuerain que deuez à Dieu, non seulement comme iuge, mais comme createur, & gouverneur de toutes choses.

Il n'y a iamais eu gens sans religion, ny religion sans sacrifice en ceremonie sacrificale, fors les Turcs & religionaires du iourd'huy : Quand aux Iuifs ils confessent bien qu'ils sont sans exercice de sacrifice, mais non pas sans sacrifice , fil leur estoit loisible de sacrifier hors Hierusalem. Les Turcs impugnent le sacrifice exterieur & ceremonial; car Dieu n'ayme le sacrifice des bestes , ny des fruiçts de la terre ; sinon pource qu'il aime les hommes:& les auoit ordonnez aux Iuifs en tesmoignage d'amitié,& pource ne sont plus necessaires aux hommes, d'ailleurs assurez de l'amitié de Dieu: disans, qu'il est trop inferieur à la dignité de Dieu, qui aime le cœur pur & humble, & le corps net & mortifié, & les louanges dont ils le prient, & se lauent ou baptisent souuent. Au reste, croyent que la leçon & presche est *Lalphurkan*, ou *Al-koran*, c'est à dire redemption & salut , en oyant lire ou prescher les frenesies de Mahomet qui y sont cōtenues: Et par ce ils n'ont point besoin d'autre sacrifice, puis que cela les assure & leur tesmoigne l'amitié de Dieu perpetuelle. Mais les religionaires qui n'ont point de sacrifice qui soit concurrent avec la foy & predication de l'euangile, comme il est requis, sont plus ingrats & iniurieux à Dieu, que les Iuifs, & les Mahometistes, qui ont quelques apparèces d'excuses. Certes le sacrifice de la Croix à esté necessaire & salutaire aussi bien à Adam , qu'à Abraham, & à nous, & ne se partcipe que par foy, commune à toutes aages, à toutes loix, & à toutes personnes. Ioint que le sacrifice de la Croix à plus resenti son payement, passion, & ignominie, que non pas sacrifice, & honneur simplement ; Et pour ce il n'est peculier à

l'euangile, & nouveau testament, ains l'eucharistie seulement, laquelle, puis que les religionaires despouillent du vray nom & propriété de sacrifice, ils sont absolument sans religion.

SECT. VII.

Sainct Paul dit, *heb. 7. 12.* que le Sacerdoce, ou sacrificature translatée, nécessairement il faut, qu'il y aye mutation de loy. En quoy il monstre qu'il y auoit vne prestise muable selon Aharon; Secondement, qu'elle est changée en la sacrificature selon Malkitsedec, qui est perpetuelle, & sans fin: troisièmement qu'il y a en toute loy, quelque sacerdoce, quelque sacrifice, & quelque façon distincte de sacrifier, & que celle du Messie est selon l'ordre de Malkitsedec, c'est à dire non selon aucun ordre de creation mondaine, ou le fils succede au pere, ou la generation à pere & mere, comme en l'ordre leuitique: mais Malkitsedec n'a succédé à personne, & personne ne luy à succédé. Malkitsedec, est introduit sans pere, & sans mere congneuz. Or Aharon, & les prestres & leuites, auoient peres & meres congneuz. La façon la plus parfaite d'Aharon estoit l'holocauste, non l'oblation à nourriture, comme Malkitsedec. Le premier sacrifice d'Aharon fut en chair de veau, & de mouton, ou le pain, *Leuit. 8.* estoit seulement accessoire. Finalement Malkitsedec offrit en amitié, & en action de graces: Aharon en redemption de peines, & pour le peché: Malkitsedec, paisible, & en honneur, non pas Aharon en sa creation au veau d'or, & contre Dathan, Corah, & Abiron. Or nostre Seigneur en l'Eucharistie, n'a ny pere, ny mere en chair, ouy bien en la croix, la vierge Marie, & autres parés, ny nous qui par la parole sommes créés prestres:

Personne ne succede à nostre Seigneur, car nous disons tous, au nom du seul prestre eternal, C E C Y EST MON CORPS. Icy on offre en amitié & en action de graces, & en nourriture. En la loy, pour la peine, pour le peché, & rien à participer de l'holocauste, sinon par foy. Aharon offre chair, pour auoir pain & vin, nous en pain & vin, pour auoir la chair: Aharon offre avec violence, & debat, & nous sans violence & debat. Parquoy la religion du nouueau testament, requiert la façon de sacrifier selon Malkisedec, que nous suyons.

SECT. VIII.

Il faut que le sacrifice propre à la loy, soit en vne solennelle ceremonie & action, qui puisse estre exercée des officiers publics & deleguez à ce faire, routeffois & quantes que lon assemble l'Eglise pour seruir à Dieu. Or l'action de la Croix n'estoit point quelque ceremonie qui se peust reiterer, elle n'estoit donc pas le sacrifice du seruice d'honneur, aïns celui du payemēt, & de l'opprobre laborieux: Et pour ce il estoit bon pour la redemption: mais non pour rendre l'honneur amiable avec honneur. Et pour ce il a esté besoin, y introduire l'eucharistie du precieux corps, & sang innocent de nostre Seigneur Iesus Christ, & non autre chose: Car le Sacrifice doit estre faict du meilleur & plus precieux que l'on puisse trouuer: Les predicans, donc, qui impugnent ce sacrifice du nouueau testament, qui se faict avec louange, & action de graces, priuent Dieu de son honneur en tant qu'ils peuuent, & se monstrent manifestement sans religion. Ils osent bien sans iniure du sacrifice de la Croix, qui tout abrège, offrir à Dieu leur corps sacrifice viuant plaisant à Dieu, raisonna-

ble, *Latreie*, *Rom. 12. 1.* & ne veulent offrir à Dieu en *Latreie*, le corps de nostre Seigneur, qui est vne hostie cent fois meilleure. Ils confessent bien, que Dieu prend plaisir au sacrifice de beneficences, & communication de biens, & de louange des lèures, qui offrent en confessans le Seigneur, *hebr. 13. 15. 16.* Comme si la consecration du precieux corps & sang de nostre Seigneur, n'estoit pas la plus signalée action de graces & louanges, le plus digne fruit des lèures confessantes le nom du Seigneur qui fut onc, & qui nous dit, *Cecy est mon corps liuré pour vous en remission des pechez*. Y a il vne plus grande beneficence, ou plus intime communication? Pourquoy ostez vous ce qui est de meilleur, & ce qui est moins de la loy, & qui est le plus du nouueau testament, hors du rang de sacrifice & seruice souuerain deu à Dieu, comme est l'Eucharistie, pour donner lieu de *Latreie* à des sacrifices infiniment moindres? Rabaissez vostre colere contre l'Eucharistie, & vous congnoistrez la verité: Les sacrifices de vous mesmes ne sont pas pour rien rabaissez du sacrifice de la Croix, ains pour en iouir, & en seruir à Dieu. Comment le saint Sacrifice de l'eucharistie, qui est le corps du Seigneur: ne fera-il plus conioinct, avec celuy de la croix & plus plaisant à Dieu? Ou Dieu a-il osté l'eucharistie du rang de sacrifice, & souuerain seruice, plustost que le cœur contrit, ou voz corps? Et prenez en payement de nostre costé pour l'eucharistie, sans iniure du sacrifice de la Croix, ce que pourriez dire des autres sacrifices que concedez, & admettez, sans rabaiz de celuy de la croix.

SECT. IX.

Les sacrifices furent donnez aux Iuifs, pour seruir à Dieu, & pour les destourner des idoles, ou de l'a-

theisme & ingratitude, fils n'en eussent point eu : & principalement avec la loy, pour les distinguer des autres loix, & des autres peuples. Il nous faut donc souz la loy Euangelique, qui nous distingue de toute autre nation, vne sacrificale ceremonie à seruir à Dieu, à nous destourner de l'idolatrie, à nous affranchir d'ingratitude, & à nous distinguer coniunctiue-ment des autres peuples. Ce qui ne peut estre par le sacrifice de la Croix, qui à esté commun à toute nation, qui à eu salut, ou qui aura cy apres : Et pour ce S. Iean dit, *Apocalip. 13. 8.* L'aigneau auoit esté occis dès l'origine du monde. S. Augustustin à ce propos, *lib. 20. cap. 21.* contre Fauste Manichean, impugnant l'Eucharistie, que l'on celebroit sur l'autel à Dieu seul, en la memoire des martirs, dit. *Mais que feray-ie à vn tel grand auenglement des heretiques, quand leur demonstreray-ie icelle vertu à ce qui est chanté au Psalme 49. 23. Le sacrifice de louange me glorifiera, & là est le chemin, ou ie luy monstreray mon salut. La chair & le sang de ce sacrifice promis és similitudes des victimes legales, à esté rendu par verité en la passion, & apres l'ascension de Christ à esté célébré par le sacrement de memoire.* Icy S. Augustustin monstre clairement, que le sacrifice de la Croix, à esté commun à tous temps & à toutes loix ; Et pour ce il ne peut estre le seruice qui nous distingueroit des autres peuples. Secondement que la chair, & le sang de nostre Seigneur (il ne dit pas le signe) ont esté celebrez : c'est à dire solennellement sacrifiez par le sacrement de memoire : Et pour ce, ce sacrement de memoire, auoit le corps & sang de nostre Seigneur, pour le solemniser comme il se faisoit en *Laſcarah* legal, c'est à dire au sacrifice memorial, *Leuit. 2. 2. 9.* Car *Laſcarah*, c'est à dire memoire de sacrifice, estoit offert de mesme substance,

que le *Zeuangh*, cest à dire, le sacrifice, comme sont celui de la Croix, & de l'eucharistie, & estoient reputés pour vn mesme sacrifice, combien que ce fussent deux diuerfes actions d'offrir vne mesme substance. Or cest *Azcarah*, est tourné par Dauid, *kimhi*: par Variable, & autres doctes personnages, odeur: combien qu'il signifie proprement memoire: Et ce pour ce que l'odeur rameine en memoire la chose dequoy elle est. Dont il faut en cas pareil, quand S. Anaclet à tourné *Cepha*, chef, & non pas rocher, il à regardé non à la langue Caldeane, mais au ministere de l'Eglise, de laquelle S. Pierre estoit le chef: Parquoy il est necessaire que nostre Seigneur nous aye laissé l'eucharistie azcaratique pour seruir à Dieu, & pour nous distinguer des autres loix, & religions. Or nostre *azcarah*, c'est à dire vray sacrifice, & memorial de foy mesme, est appellé sacrifice de louange ou d'action de graces: car il est consacré à Dieu, par louanges & actions de graces, dont il en faut louer Dieu, & le remercier, d'auoir fait son corps donné à Dieu pour nous, & son sang respandu en la remission des pechez, souz les especes de pain & de vin, pour estre beu & mangé de nous à nostre necessaire salut, & vie immortelle, que nous ne pouuons tirer d'aucune viande mondaine.

SECT. X.

Personne ne scauroit raisonnablement nier qu'il n'y aye eu sacrifices deuant la loy, figurans celui de la croix: comme celui d'Abraham, *Genes. 22.* Et souz la loy, il y en a eu à ce mesme effect semblablement, *Leuit. 16.* pour seruir Dieu iusticier par foy en vertu de la croix, & pour appliquer le mesme sacrifice de la croix à leur salut. Parquoy donc, puis que le sacrifice de la croix nous appartient aussi comme aux amys

establis en vn estat plus parfaict, il nous faut par illation necessaire, semblablement vne ceremonie & sacrifice exterieur, de mesme perfection & nature, qu'est la loy euangelique, pour seruir à Dieu, & pour appliquer en maniere de sacrifice à nous, celuy de la croix. Quel autre pourrez vous trouuer proportionné à la loy du nouueau testamēt, sinon l'Eucharistie? Donc les religionaires qui ne l'admetent point, sont sans religion, qui ne subsiste point sans sacrifice proportionné à la loy ou l'on est. Item, sont ingrats à Dieu, infructueux à eux mesmes, en n'offrant point à Dieu du meilleur qu'il nous aye donné. En fin ilz se priuent du fruiet de l'oblation de la Croix, par maniere de sacrifice en l'Eucharistie: & nostre Seigneur tint ce chemin là, & l'institua pour premier poinct, de sacrifice, du passage de ce monde, par la Croix, à Dieu nostre pere. Voulez vous donc qu'en faueur de vos metonimies, metaphores, signes, analogies, & meditations non expresses en l'écriture, nous rescindions rabaissons, ou changions la verité, la clarté la simplicité de la diuine institution du nouueau testament, qui n'a non plus esté institué en signe de propre corps, & vray sang, que conformé. Car c'est le mesme sang qui dedie le testament en remission des pechez, *Math. 26.28.* Et qui le cōfirme en redemption, *heb. 9.15.* L'ancienne alliance n'a pas esté confirmée par foy, par esprit, & par signe du sang seulement: Mais le sang qui l'a confirmée en substance, en a esté ensemble le signe. Il faut donc que le vin en esce au calice ait esté substantiellement le sang de Iesus nostre legistateur, pour dedier & confirmer la nouuelle alliance. De verité, vous ne trouuerez jamais en l'écriture que le sang qui n'est present que

par signification, confirme ou dedie vn testament present realement. Mais les religionaires disent ce qu'il leur plaist sans rien prouuer.

S E C T. XI.

Nous croyons que les sacrifices de la loy ont esté terminez, & arrestez par le sacrifice de la Croix, & non pas muez ou changez audit sacrifice, qui les à consommez, & ostez. Aussi il n'y a aucune diuine es- criture, qui die que le sacrifice de la croix aye succe- dé aux sacrifices Mosaiques. Car pour succeder il faut estre de la mesme nature, ou auoir quelque cho- se de semblable comme le fils au pere, & à faute de fils, l'oncle ou le cousin, & par consequent les succes- seurs en ligne directe; & où cela defaut, on succede en ligne collaterale: & où cela cesse, la substitution, ou selon la volonté du testateur, fil à puissance, on herite: Autrement le Prince y interuient comme sur ses serfs, & aubeinez. Or le sacrifice de la croix estoit sans ceremonie, absolu, vn seul, vne fois, & en con- firmation, & commun à plusieurs loix, ce que n'ont eu les sacrifices de la loy: Et pour ce il n'a point suc- cedé aux sacrifices legaux, ouy bien l'Eucharistie, cō- me dit expressement S. Augustin, *lib. 17. de ciuit. cap. 20.* *Il n'est pas bon à l'homme, sinon ce qu'il mange, & boit Eccl. 2.* *17. & 5. 24.* *Qu'est ce que l'on peut entendre, qu'il aye voulu dire plus croyable, sinon qu'il à entendu la participation du corps & du sang du Seigneur, sacrificateur selo l'ordre de Malkit sedec, qu'il nous exhibe comme mediateur du nouveau testament: Car ce sacrifice icy est celuy qui à succédé à tous les sacrifices du vieil te- stament, qui estoient offers en ombre du futur: Et pour ce nous congnoissons la voix du mediateur au Psalme 39. 7. parlant par prophetie: Tu n'as point voulu de sacrifice, & d'oblation, mais tu m'as par fait le corps, car pour toutes ces oblations la, & sacrifices,*

GENERAL EXAMEN

son corps est offert, & administré à ceux qui le veulent participer. iusques icy S. Aug. Puis donc que l'eucharistie succede souz le nouveau testament, aux sacrifices legaux, il s'en suit, qu'elle est vray sacrifice pour seruir à Dieu & pour nous introduire en la parfaicte iouyssance du sacrifice de consommation. Ce que les religieux ne voulans recongnoistre, monstrent clairement, que faute de sacrifice, ils vivent sans religion absolument.

SECT. XII.

Sainct Paul en l'epistre aux hebreux, excluist tous les sacrifices ceremonies, & sacerdotaux, non pas absolument toutes oblations, car la mortification du corps luy plaist, *heb. 12.* Car les aumosnes & actions de graces, sont sacrifices plaisans à Dieu, en bon odcur, *Philip. 4. 18 heb. 13. 15. 16.* Puis donc que l'eucharistie euangelique n'a point esté sacrifice ou ceremonie de la loy, elle n'est point forclosé. Secondement, l'Apostre retranche les oblations qui auoient précédé, & prenuncé le futur sacrifice de la Croix. Or l'eucharistie n'a esté souz le vieil testament, ains l'institution du nouveau, qui ne peut auoir esté dédié sans sacrifice, non plus, que cōfirmé sans mort. L'eucharistie figurée par là, demeure donc vray sacrifice, ou bien il n'y a point de nouveau testament; Car vn homme en la puissance d'autrui, & atteint de crime peut mourir, & confirmer le testament, mais il faut qu'il soit en liberté, & sans iugement prononcé de sa mort, auant que tester comme estoit nostre Seigneur quand il institua le nouveau testament, *Cecy est mon sang dedicatif du nouveau testament.* Car son sang ne pouoit tester en la croix, ou il estoit l'opprobre & rebut du peuple, ouy bien confirmer le testament faict le

soir auparauant avec les douze Apostres, au mont de Sion, d'où deuoit sortir la loy Euangelique, & le Verbe du seigneur de Ierusalem. *Esaye 2.3. Cecy est mon corps rompu pour vous, cecy est mon sang respandu pour vous, & pour plusieurs en remission des pechez.* S. Paul faict la sacrificatute sacerdotale & ceremoniale annexe & inseparable de la loy, *heb. 7.12.* & les religionaires taschèt à nous donner vne loy Euangelique, sans sacrifice ceremonial, & de mesme condition speciale: Car celuy de la Croix est personnel, & non d'ordre, & d'honneur comme ont esté Aharon & Malkitsedec, & pource ce ne peut estre le special sacrifice de la nouvelle alliance. Les sacrifices de la loy ont esté ostez, car ils n'estoient point de suffisante valeur, & dignité, car ils n'estoient que de substance bestialle & animale: Car la façon de sacrifier estoit charnelle & imparfaicte, car ils n'apliquoient rien de suffisant & de parfaict. Or l'eucharistie estant le precieux corps & sang de nostre mediateur, est de tresdigne & suffisante valeur, & substance non bestiale, mais diuine & raisonnable, estant immolé de façon supernaturelle, par la parole de l'omnipotent. *Cecy est le sang du nouveau testament respandu en remission des pechez.* Ne peut faillir d'appliquer parfaictement, ce qu'il est, & ce qu'il à, c'est assauoir le corps & le sang de nostre Seigneur, ou sont le sacrifice, & la rançon pour noz pechez: Et par ce, ne peut estre euacué, dont ceux qui ostent ce sacrifice n'ont point de religion.

SECT. XIII.

Certes nous ne lisons point, que nostre Seigneur aye esté prestre selon l'ordre d'Aharon, qui estoit de succeder l'un à l'autre en pareil degré, & secondement offrir diuerses & insuffisantes substances, pour

GENERAL EXAMEN

effacer les pechez. Troisiemement, il n'effaçoit point les pechez, & ne penetrait point par son oblation és saints lieux, ou estoit la redemption de noz pechez, faicte par vn seul coup en la croix. Or en la prestrise de l'Eucharistie, nostre Seigneur n'a aucun successeur, & esgal à luy, qui demeure à iamais sacrifiant par tout le monde, en tous lieux, & en tous temps, baptisant & disant, *Je te baptise, cecy est mon corps rompu pour vous*. Nous sommes bien ses officiers, à sacrifier, à prescher, & à dispenser ses sacremens, & non ces successeurs, car luy seul demeure eternellement. Nous ne succedons point aussi les vns aux autres proprement, car nostre prestrise n'est de succession charnelle, comme la leuitique. Car nostre sacerdoce est de cléricature, c'est à dire d'élection personnelle, & non de race. Secondement, le sacrifice du nouveau testament, offre tousiours vne mesme substance, qui efface par vne seule action de payement tous les pechez du monde. Finalement, la chair ou voile du sacrifice de la nouvelle alliance, nous ouure & dedie le chemin, pour penetrer és saints lieux, *heb. 10. 20.* où à esté vne fois trouuée nostre redemption, *heb. 9. 12.* Puis qu'elle n'est point selon Aharon, elle n'est point euacuée : Et attendu que nostre Seigneur l'a ordonné, *Math. 26. 28.* elle demeure eternellement, comme la loy euangelique, *heb. 8. 8. heb. 10. 16.* Et pour ce il est dict sacrificateur actuel, eternellement selon l'ordre de Malkitfedec. Malkitfedec n'estoit pas sacrificateur sans sacrifice, *heb. 8. 3.* Le sacrificateur ne sacrifie pas sans honneur en son action, entre les siens, *heb. 5. 1. 2. 3. 4. 5.* Nostre Seigneur estoit en deshonneur, en peine, en captiuité, & iniure, entre ses ennemis iurez, en la croix. Il faut donc qu'il

aye sacrifié comme Roy iuste, & Prestre paisible selon l'ordre de Malkitsedec, & en honneur, le Ieudy au soir en l'eglise de ses Apostres, au cœnacle paré & deüiment tapissé, *Mar. 14. 15.* Apres avec tout honneur auoir esté recongneu Roy debonnaire, *Mat. 21. 5. 6. 9.* pour donner la refection immortelle aux siens; Certes en la croix il estoit en passion, & non en action d'honneur, comme Malkitsedec avec les siens estoit paisible avec Abraham retournant de la guerre. En la croix il n'vse d'acuune pompe & ceremonie, cōme l'on fait és actions publiques de religion, & signamment aux sacrifices. En la croix, indigent, & criminel, il n'a rien baillé de sainct à manger, comme fit Malkitsedec, à Abraham & à son armée. Vous voulez bien cōfesser qu'il donne à disner cōme Roy liberal, mais vous en diminuez tellement la liberalité, que vous ne luy accordez que pain & vin, en passant : ce que luy eussent peu donner les payfans, s'il eust passé par leur vilage. Mais la teneur expresse de l'escriture rompt le col à vostre nouvelle glaüse rabinique : car elle monstre expressement que ces gensdarmes voleurs que desfit Abraham, auoiēt emporté avec eux tous les viures & alimés du pays de Sodome & Gomorre, outre les viures que les soldats Orientaux & Arabes, portent ordinairement avec eux, qui ne pouuoient auoir māgez & cōsommez en si peu de tēps. Vous ne voulez pas accorder qu'il sacrifie comme sainct sacrificateur de Dieu treshaut. Que si nostre seigneur n'a point sacrifié à la façon de Malkitsedec, & à donné à disner pain & vin aux Apostres sans sacrifier : comment à il esté sacrificateur proprement, sans donner à manger aux siens, comme prophane, les viandes non sacrifiées : cōtre la nature & coustu-

me de tout sacrificateur? Est il possible que Dieu eust faict vn banquet, sans y apposer les viandes diuines? Ce fut il cōtenté du significat religieux, qui cherche les viandes ailleurs qu'à la table, ou le Seigneur à dit, *Prenez mangez, Cecy est mon corps*: C'est à dire, voulez vous pour vostre tradition, sans l'expresse escripture, que annullions la diuine ordonnance? *Luc. 22. 19. 20.*

Du plaisant adiectif Reformée.

Chap. VI. Sect. I.

Les religieux ont esleu de beaux & plaisans mots, pour faire plus aisement couler leurs opinions: & pour ce, ont appelé leur doctrine, *Religion Reformée*, & leurs assemblées, *Eglises Reformées*: Nous auons desia monsté, que selon la verité de leur doctrine, à proprement parler, ils n'ont point de religion: Et pour ce, ce beau epitete, *Reformée*, ne luy peut conuenir. I'estime aussi par consequent, que ceux qui n'ont point de religion, ne peuuent auoir aucune vraye eglise reformée, ou à reformer. Or nous croyons simplement, & absolument, comme expressement dit S. Paul, *Ephes. 5. 27.* Que la vraye eglise de Dieu, est glorieuse, n'ayant tache ny ride, ny autre telle chose, ains qu'elle est sainte, & sans reprehension: Et pour ce ne peut estre reformée. Parquoy celle là que les religieux pretendent auoir reformée, ne peut auoir esté, ny estre la vraye eglise de Dieu, qui est tousiours sans macule. Dieu tient son eglise nette, quand à la saine doctrine de la foy, & des mœurs en general, ou il n'y a iamais que redire à son iugement

& definition, & la purge, & luy pardonne, quand aux actions, & personnes en particulier, & en voye de faict: Ce que Calvin ne distinguant point, *lib. 4. sect. 12.* Monstre manifestement sa malice, & ignorance, en confondant la pureté de l'Eglise en general, à cause des dons de Dieu, avec son infirmité, es membres en particulier. Mais c'est autre chose de l'Eglise en general, & proprement, dont nous parlons: car Dieu montant au ciel, *Ephes. 4. 11. 12. 13. 14.* luy à donné des Apostres, c'est à dire la mission ordinaire des phrophetes (c'est à dire interpretes, & prescheurs ordinaires) des Euangelistes (c'est à dire escriuans commentaires, comme les docteurs de l'Eglise) & des pasteurs & des docteurs, comme en la loy, il y auoit des prestres pour la sacrificature en general, & en particulier, au temple & Sinaguogues pour enseigner; Et les phrophetes, comme docteurs, pour leur aider sans auoir iurisdiction, ny eglises determinées, comme sont les docteurs avec les Euesques, & avec les Eglises, & comme sont aussi les predicateurs, qui vont par les parroisses, pour aider aux Curez. Sainct Paul rend la raison, pourquoy Dieu à estably ces dons en son Eglise, disant, pour la consommation des saincts, c'est à dire, qu'il n'y eust rien mal assemblé hors de sa place, ny à redire, comme defaillant en sa partie, à la perfection de tout l'edifice ensemble, *1. Cor. 1. 10.* pour l'œuvre du ministration, soit aux sacremens ou ceremonies, pour l'edification du corps de Christ. C'est assauoir, qu'en mesme office, & integrité, l'un soit estably au lieu de l'autre, iusques à ce que nous nous rencontrions tous en vniété de foy, & de la congnoissance du fils de Dieu, en homme parfait, à la mesure de l'aage & plenitudo

GENERAL EXAMEN

de Christ : à celle fin, que nous ne soyôs plus enfans flottans & demenez ça & la à tous vens de doctrine par la piperie des hômes, & par leur ruse, à finement seduire. Puis donc, que l'Eglise est telle, & ainsi bien munie des dons de Dieu, c'est resuerie caluinienne de penser reformer ce que Dieu à tant fidelement conserué en forme : Et pour ceste cause, elle est dignement appelée colonne & firmament de verité, *1. timoth. 3. 15.* cōtre laquelle les portes ou forces d'enfer, qui sont les pechez & erreurs, ne pourront preualoir, *Math. 16. 18.* Calvin en fin pressé de l'autorité de ces escritures, *Eph. 4. 11. 12. 13.* & *Eph. 5. 25.* & *1. timoth. 3. 15.* apres auoir cuidé eschapper, *lib. 4. cha. 2. sect. 10.* & *c. 8. sect. 12.* aumilieu de la section, il escrit. *Après que S. Paul à instruit timothée en office d'Euesque, il adiousté qu'il luy à monstre vne telle leçon afin qu'il sache, comment il luy faut conuerfer en l'Eglise de Dieu: Et à fin de monstre mieux l'importance de la chose : Il dit aussi qu'icelle Eglise est pilier & firmament de la verité. Or que signifient ces paroles autre chose, sinon, que la verité de Dieu est conseruée en l'Eglise par le ministere de la predication, comme il le declare en autre lieu, en disant. Iesus Christ à doné des Apostres, des pasteurs & docteurs, à fin que ne soyons plus esbranlez & transportez à tout vent de doctrine, ou deceuz par l'astuce des hommes. Mais qu'estant illuminez en la congnoissance du fils de Dieu, nous soyons reduits en vnté de foy. Pourtant ce que la verité n'est point estaincte au monde, mais qu'elle demeure en vigueur, cela se fait d'autant que l'Eglise est seure gardienne & fidelle, pour la maintenir à ce qu'elle ne dechet point. iuques icy Calvin. Dont il appert, que l'Eglise à eu besoin d'un ministere fidelle de la parole, pour n'errer point : Car si Dieu laissoit son Eglise sans ce ministere reiglé de sa parole, elle erreroit. Il faut donc necessairement, que d'une*

grace

grace speciale selon ses excellentes promesses, *Esaie* 59.21. *Ierem.* 33.21.22. Dieu assiste à son Eglise, en la cōservant en ce mystere sainct & reiglé, que tous heretiques ont estimé desreiglé.

SECT. II.

Nous disons, l'Eglise demeure tousiours en sa forme, pour les singulieres & nouvelles promesses de l'assistance du S.Esprit, *Esaie.* 54.9.10. Dont la parole, dequoy l'Eglise vse en la doctrine, aux mœurs, & resolutions contre les heretiques, ou au ministere des sacremens, est bien formée: Nous ne disons pas, que l'Eglise chemine asseurément sans la parole, sont les religionnaires, qui le nous imposent, *lib.4.instit.cap.8.sect.13.* Mais nous disons que les promesses de l'assisee assistance du S.Esprit appartiennent à l'Eglise, & non à aucun particulier ordinairement: Et que si quelqu'un à vne speciale grace du S.Esprit, l'examen congnoissance, & iugement en apartient à l'eglise, *1. cor.* 14.28.29. Secondement, nous disons que ces promesses, n'ont esté faictes pour les ministres extraordinaires, comme Ianes, & Membres, comme Dathan & ses consors, comme les prestres & ministres establis par Iarobeam: Ny pour les pontifes, qui faillubiectionnissent au peuple au iugement de la sacrificature & doctrine, comme fit Aharon, *Exod.* 32. Comme Vrias à Acas idolastre, *4. Reg.* 16.10.11.15.16. Comme les religionnaires à la Royne, en Angletere, à laquelle tyrannie Calvin à contredit expressement, sur le prophete Osée, *chap.1.4.* & sur Amotz, *chap.7.13.* & est vne detestable lascheté aux ministres Anglois, en vn article de si grande importance, & qui n'a iamais eu que meschante yssue, & conduite, contredire à tou-

GENERAL EXAMEN

tes autres Eglises, & à la catholique. Ces promesses aussi de l'assistance du S. Esprit, n'appartiennent à aucun membre à part, ains seulement, quand il demeure au corps, & communion, & quand il cōsent avec les autres : Car les pasteurs qui failleront, seront les extraordinaires & populaires, *1. Petr. 2.* sortās du clergé, *1. Ioh. 2. 19.* & fesseuans de nouueau; ou venās d'ailleurs *Act. 20. 29. 30.* Dont est manifeste, que la vraye Eglise ne peut estre reformée.

SECT. XIII.

Les religionaires ont songé vne belle Eglise, lunaire seulement, pour introduire leur reformation, Car ils voyent bien, que si l'Eglise estoit belle, comme la Lune à son plain, claire & pure, comme le Soleil, & bien ordōnée, comme vne armée souz ses enseignes & banieres, qu'il n'y auoit lieu à leur reformation. Ils ont donc tasché d'introduire ceste leur lunatique Eglise pour la solaire: Nous croyons avec Dauid qu'il à mis vn soleil in meridional son tabernacle. *Psal. 18. 6.* Et pour ce qu'elle ne peut estre cachée, *Math. 5. 15.* Nous croyons avec Salomon, *Cant. 6. 9.* que l'Eglise marche & fauance pour estre veuë, comme l'aube du iour, belle comme la Lune, pure comme le Soleil, redoutable comme vne armée ornée de ses estādars; Elle n'a donc point besoin de ceste controuuée reformation. En verité aussi tost qu'une compagnée c'est prostituée à quelque idolatrie, superstition, ou erreur damnable, elle n'est plus l'Eglise de Dieu, car personne ne peut seruir à deux seigneurs, *Math. 6. 24.* Car celuy qui n'est point avec moy, & ne collige avec moy, il est contre moy, & espars, *Luc. 11. 23.* Certes on ne peut estre participant de la table de Dieu, & des démons; on ne peut boire le bruuage du Sei-

gneur, & des diables, 1. *corint.* 10. 21. 22. Aussi n'y a il point d'accord entre Christ, & Belial, & n'y à point de consentement entre le temple de Dieu, & des idoles, 2. *corint.* 6. 14. 15. 16. Et pour ce S. Paul n'a pas dit 2. *teſſal.* 2. 4. que l'Antechrist ſe ſeoirà au temple de Dieu, ainſi que cuidoient les religionaires, comme à plus droictement obſervé S. Auguſtin, *lib.* 20, *de civit. cap.* 19. Mais il y a, qu'il ſe ſeoirà en temple de Dieu, ſelon la façon de dire, il ſe ſied, & conſeille en amy. Et de vray, en quel temple ſe ſeiroit il pour ce faire adorer, car celui de Salomon & de Ieruſalem n'eſt plus en nature. Et poſé le cas qu'il fuſt rebasty, il ne ſeroit plus le temple de Dieu, qui en à abrogé la loy: auſſi les eſcritures n'ont point de couſtume d'appeller les temples des idoles, les temples de Dieu abſolument, comme parle icy S. Paul. Et pour ce, vous ne pouvez par ce lieu icy, faire vne entrée à voſtre Eglife reformée, ſi vous ne changez le texte grec, comme pourrez apprendre de S. Auguſtin. Ceux qui diſent. 1. *cor.* 1. & 3. ie ſuis de Chriſt, c'eſt Chriſt qui baptiſe, *Ioh.* 1. 33. Non Paul, non Cephàs, non Apollo, eſtoient l'Eglife: Mais ceux qui reſolument tenoient du contraire, eſtoient du peuple de Corinthe, & non de l'Eglife, de laquelle par tel erreur & contradiction opiniaſtre, ils eſtoient ſortis, 1. *Ioh.* 2. 19. *Act.* 20. 29. 30. & 2. *Petr.* 2. 1. Dieu ne dit pas à ſon eſpouſe retourner, o *ſchulamith*, c'eſt à dire pacifique, mais à Ieruſalem apoſtatée & prostituée aux apoſtats, & idolatres, *Deut.* 30. 3. *Cant.* 7. 12. *Ierem.* 3. 1. 12. Certes depuis que le temple fut pollué par autels eſtrangers, & par le ſervice aux idoles du commandement d'Achas Roy. 4. *Reg.* 16. par Menaſſes Roy, 4. *Reg.* 21. 4. 5. 6. 7. *Ierem.* 15. 4. par Ioachaz Roy, 4. *Reg.* 23. 32. par Ioakim Roy, 4. *Reg.*

GENERAL EXAMEN

23.37. par Ioachim Roy, 4. *Reg.* 24. 9. par Tſedechias dernier Roy, 4. *Reg.* 24. 19. C'eſtoient paroles de menſonge comme Dieu dit, *Ierem.* 7. 4. de l'appeller temple de Dieu, conſideré qu'il auoit eſté ſi vilainement polu. Dont iuſtemét, peu de temps apres il fut brûlé par les Caldeans.

SECT. IIII.

Certes quand Iarobeam dreſſa deux veaux d'or aux faux dieux, en lieu de deux Cherubins au vray Dieu, eſlut Beth-el, & Dan, en lieu de Tſion & Ieruſalem, eſleua autels aux dieux eſtrangers, & crea des ſacrificateurs à ſon plaſiſir, & non de la lignée d'Aharon, & fit vne feſte ſolemnelle le 15. d'Octobre, & non le 15. de Mars, ſelon la loy, 3. *Reg.* 12. 28. 29. 30. 31. 32. 33. & 3. *Reg.* 14. 9. Dont tous les preſtres, & leuites qui eſtoient eſpars par tout Iſrael, qui auoient eſté deiettez de leur preſtriſe par Iarobeam Roy d'Iſrael, ont laiſſé leurs fors-bourgs & poſſeſſiōs pour venir en Ieruſalem à Raboam. Et de routes les lignées d'Iſrael, ceux qui auoient mis leur cœur à ſeruir à Dieu, venoient en Ieruſalem, pour immoler au Dieu de leurs peres: Car Iarobeam, Roy d'Iſrael, auoit crée & eſtably des ſacrificateurs aux lieux hauts, & aux démons, & veaux d'or, 2. *Paralip.* 11. 13. 14. 15. 16. Dont eſt manifeſte que depuis ceſte publique reuolte de Iarobeam, que l'Egliſe de Dieu ne fut plus du tout en Iſrael, quand à ceux qui la ſuyirent: ains en ceux qui venoient au ſeruice en Ieruſalem. Semblablement apres que Acas & autres Roys de Iudah eurent prophané le temple, avec les autels de Dieu, & eſtably l'idolatrie: l'Egliſe ne fut plus en tous ceux qui ſeruoient aux dieux eſtrangers, ſoit ſous la liberté des Roys de Iudah, ou ſouz la captiuité des Roys eſtrangers en Egypte, Sy-

rie, Perse, Grece, Rome, & Babilone, mais residoit manifestement en vne grande & insigne multitude de prestres, comme Esdras, Nehemias, Iossedec : Des princes Zarobabel, Mardochee, Ananias, Azarias : Des Prophetes, Osee, Daniel, Ezechiel, Malachie, Zacharie : Et bonnes familles, comme Iudith, Tobie, Matharias, & vne infinité de semblables, qui ne sacrifient iamais aux idoles, ains ont suiuy la loy de Dieu, de tout leur cœur, comme Zacharie, Elizabet, Simeon, Anne, & semblables : Et pour ce la vraye Eglise n'a besoin d'estre reformée, car elle ne demeure point la chaste espouse, si elle paillarde avec l'erreur estrangier.

S E T. V.

Vous ne pouuez trouuer le tabernacle de Dieu, souz l'insolence des geans, *Genes. 6.* & ne l'auisez point au cler soleil, en la famille de Nohé, *Genes. 6. 8. 9.* A vostre aduis, l'Eglise estoit perdue dauant Abraham, car Therach & Nachor ses maieurs, auoient seruy aux dieux estrangers, *Ios. 24. 2.* Et ne l'auisez point de ce temps là, souz Malk-itsedec, *Genes. 14. 18. 19. 20.* Mais vous l'auiez trouuée en manifeste paillardise avec le veau d'or, *Exod. 32. 4. 5. 6.* Et nous vous disons que c'est vn faict particulier du peuple contre son deuoir, ordonnât de la religion à son Euesque : Cela n'est point venu de la deliberation & iugement du clergé, ains de la violence populaire, qui ne dura rien : A ce les principaux, comme Moyse, Iosué, les Leuites, qui estoient la plus insigne partie, ny consentirent iamais : autrement, Dieu ne les eust pas recongneuz pour siens, & ne leur eust pas commis de tuer les principaux auteurs du mal, & ne les eust pas salariez d'une telle iustice, *Exod. 32. 26. 27. 28. 29.* Ce n'a donc pas

esté la chaste espouse de Dieu, qui à paillardé, mais vne racaille populaire, qui en à incontinant porté la peine, par les fideles enfans de la legitime mere. Et encores, quand il seroit autremét, vous sçauiez qu'un faict ne prescrit iamais, ny ne change la loy. Que si il y escheoit reformation, on n'a point cherché vostre extraordinaire mission que refuse Calvin, sans escriture, *lib. 4. cap. 3. sect. 4.* Mais l'ordinaire y à incontinant mis la main. Et posé le cas, que Dieu nous eust promis des Apostres extraordinaires, comme vous dictes, & non l'escriture; il ne seroit pas incontinant vray que ce fust vous, mais il seroit besoin d'escriture expresse, qui le nous monstrest clairement de vous. Et que de vostre costé fisliez paroistre vne saincteté de vie heroique, vne renonciation au monde, aux richesses, & aux honneurs, & vne mortification contre tous plaisirs de la chair, avec le don de prophetie, ou de miracles. Et ce neantmoins au lieu de tout cela, vous iugerez au lieu des ordinaires. Certes Helye & Elisee venoient quelquesfois en Samarie, non pour communiquer aux idolatres, mais les destourner: Ils conuersoient au desert, comme à dit S. August. *lib. post collationem contra donatist. cap. 20.* non pour fuir la participation des sacremens, ny pour euitier les fideles, mais pour se garantir de la persecution des tirans qui leur en vouloient. Parquoy en la ferueur de telle persecution, & de tant frequentes absences, ils ne congnoissoient pas le grand nombre des seruiteurs de Dieu en Israel, qui estoient plus de sept milles, ne seruans point à Baal, *3. Reg. 19. 18.* Ainsi noz nouueaux donatistes veulent congnoistre l'Eglise, par ceux ausquels la persecution ne permettoit publiquement y conuerser. Quelque chose qu'il en

soit, les idolatres & superstitieux estoient bien du peuple & Royaume de Iuda, ou d'Israel, mais non pas de l'Eglise de Dieu, de laquelle le filet assemble les bons & les pecheurs, mais non pas les idolastres & superstitieux, schismatiques & heretiques. Il faut donc bien distinguer entre le peuple de la republique de Corinthe, ou estoient les Chrestiens catholiques, & les heretiques & schismatiques : Et l'Eglise des Corinthiens, qui ne contenoit que les chrestiens, comme aujourdhuy ce royaume contient les catholiques & religionaires : Mais l'Eglise ne contient & ne reconnoist que les catholiques, qui ne peuvent estre reformez, ayant tousiours esté membres du corps sain, & bien formé.

SECT. VI.

Il y à mille ans passez, & plus, que l'Eglise catholique tenoit ceste distinction de l'Eglise & de la Republique, laquelle ayant esté mesprisée par Calvin, luy à donné lieu de son eglise reformée. Contre laquelle Optat Euesque de Millet en Affrique, du temps de S. Augustin disoit, *lib. 3. La republique n'est point en l'Eglise, mais c'est l'Eglise, qui est en la republique, c'est à dire, en l'empire Romain, car si la Republique estoit en l'Eglise, l'Eglise auroit en soy fideles & infideles, heretiques & Catholiques*, comme à la republique qui en soy tient diuerses professions, comme diuers membres; car en qualité de republique, l'idolatre, le superstitieux, l'heretique, le schismatique, ne sont pas moins vrayes membres d'icelle, que les chrestiens, & catholiques, comme il est euident en diuerses religions, souz vne seigneurie du Turc. Ainsi nous catholiques à Anuers 1565. le 26. de Mars, nous vnismes avec ceux de la cōfession d'Ausbourg, de Vvirtemberg, de Mansfeld, & Ostrelins,

contre les religionnaires pour la conseruation de la-
dite ville, & pour tout cela, nous n'estions point
membres de toutes ces Eglises là : ny eux membres
de nostre Eglise catholique. Nous accordons qu'il y
à vne Eglise des malins, *Psalme 25. 5.* comme ont ra-
porté les 72. interpretes, conformément à la diction
hebraïque, & celle là estant de son naturel maligne,
elle peut estre refotmée : Mais l'Eglise de Dieu, n'est
bastie que de pierres precieuses, & viues, par vunité
de foy, qui ne tient pour ses membres & enfans, les
infideles, les heretiques ou schismatiques, ains seule-
ment les iustes, & pecheurs qui aspirent à peniten-
ce actuellement, ou qui en protestent le chemin. Ce
neantmoins elle est sans macule, & sans ride, en sa
profession & doctrine, tant des mœurs que de la foy;
combien que plusieurs ne suyuent pas ses saintes
loix, monstrées & publiées par l'Eglise. Elle est aussi
sans ride & macule, pour ce que tous les iours elle
obtient & aspire à sa parfaicte & derniere purgation
qu'elle n'aura qu'au Ciel : car la perfection que plu-
sieurs peuuent auoir en ce monde, & aucuns ont, est
selon la condition de nostre infirmité : Celle du Ciel,
sera sans difficulté & contredit. Mais Dieu est pere
de compassion, & non iuge rigoureux, & cruel, nous
demãdant vne perfection qui ne peut subsister avec
nostre infirmité. Dieu ne nous pardonne donc pas
ceste infirmité, comme refuent les religionnaires, sans
expresse escriture : Mais de sa bonté il ne nous obli-
ge point à vne perfection, que nostre imperfection
ne pourroit porter : Et pour ce nous auons la loy de
ne conuoiter point par esprit d'aduis, & de raison, &
n'aller apres nos concupiscences, ce que par la gra-
ce de Dieu on peut faire : mais de ne conuoiter point

d'esprit animal & bestial, qui est la loy des membres auant la raison, Dieu ne nous à point interdict cela comme peché mortel; car il est impossible, que nous ne soyons touchez des obiects naturels naturellement, ce qui est vn mal, vn dommage, & vne imperfection; mais non pas peché absolument & proprement : il ne faut pas toutesfois dire, que nous n'auôs pas de peché, & est besoin de prier iournellemét que Dieu nous pardonne noz debtes, comme nous pardonnons à ceux qui nous ont offensé. Car premierement nous perseuerons à demander pardon. Secondement, il est bien difficile que nostre imperfection naturelle ne nous aye chatouillé, à n'auoir fait entierement ce que nous deuions.

SECT. VII.

Iean Calvin, qui à couché par escrit l'institution de ceste religion reformée, luy voulant donner entrée, nous gratifie, en ne nous voulant pas du tout oster le nom d'Eglise, non plus que aux Israëlitites & aux Iuifs; Combien que selon ses calomnies nous soyons plus meschans, idolatres, & superstitieux, que ne furent iamais les Iuifs, desquels il dit, pour obtenir son Eglise reformée, comme fil estoit quelque Moyse, Elye, Esdras, ou prophete, *lib. 4. cap. 2. sect. 7. Depuis que les Iuifs declinerent de la loy, & se destournerent à idolatrie & superstition, ils furent priuez en partie de la dignité d'Eglise.* Calvin deuoit môstrer en l'escriture, que tels idolatres & superstitieux, estoient en partie membres de l'Eglise de Dieu, & en partie membres de l'Eglise des diables : Car iusques à ce qu'il aye monstéré cela par l'escriture expresse, son Eglise reformée n'aura lieu, sinon entre les Eglises des malins. Et puis ensuyuant, *sect. 8.* il met sa raison: *Car quand Iaro-*

GENERAL EXAMEN

beam, dit il, forgea les veaux d'or contre la deffence expresse de Dieu, & print lieu, pour sacrifier, qu'il n'estoit pas licite de prendre, 3. Reg. 12. 28. il corrompit du tout la religion en Israël. Si la vraye religion de Dieu, fut du tout corrompue en Israël par Iarobeam, comme Calvin à bien dit, on ne la pouuoit reformer, mais la restituer, & establir tout de nouueau, comme fit le bon Roy Iosias, par le iugement du sainct prestre Helkias, & conseil de la prophetesse Holda. Icy Calvin se doutant que sa chancie reformation, seroit de mauuaïse digestion, y apotte pour la destremper, son sucre & anis, disant, sect. 9. selon l'ordonnance de Ieroboam, la circoncision estoit obseruée au royaume d'Israel, 3. Reg. 12. 31. on y faisoit les sacrifices, on y tenoit la loy pour sainte, on y inuquoit le Dieu des peres: toutesfois les prophetes n'ont point adoré en Beth-el & ne le pouuoient faire, sans se souiller de quelque sacrilege. Calvin dit, que Iarobeam auoit ordonné en Israël que l'on garderoit la circoncision. Mais que Calvin aye monstté par escriture expresse ceste ordonnance de Iarobeam, nous luy respondrons: Car c'est sa coustume de se fonder sur certaines cassades de son inuention, au lieu d'escriture expresse. Et posé le cas, que la circoncision y eust esté retenuë, elle eust esté manifestemēt corrompuë, car ç'eust esté au nom & hommage des diables, ausquels ils dedioient leurs enfans, Psal. 105. 37. 38. Ainsi fit Achas de son fils, 2. Paralyp. 28. 3. & Menassés du sien, 2. Paralyp. 33. 5. Et pourroit on dire qu'ils se contentoient de ceste purgation du feu, sans la circoncision, qui estoit seulement signe de la gent & de la foy, au seruice du Dieu d'Abraham, auquel ils auoient renoncé.

SECT. VIII.

Calvin dit, qu'on faisoit les sacrifices souz Iaro-

beam, mais ce n'estoit pas à Dieu, ny par les prestres de Leuy, ains aux veaux de Beth-el, & de Dan, & par les prestres creées par Iarobeam, *3. Reg. 12. 28. 29. 30. 31. 32. 33.* Et pour ce, ces apostats seruans aux dieux estrangers ne pouuoient appartenir à l'Eglise de Dieu; non plus que les tenebres à la lumiere, ou Belial à Christ. Calvin dict, que l'on y tenoit la loy pour sainte. Comment donc adoroit on les idoles? Pourquoy donc auoit on chassé les Leuites, & prins gens prophanes, pour les prestres sacrez d'Aharon? On auoit ordonné Beth-el & Dan, lieux diaboliques, pour Ierusalem; & le temple. On auoit establi feste en Octobre, au lieu de celle qui estoit le 15. de Mars. Commét est ce que l'on y inuoquoit le nom des peres; qu'elle escriture le dit? Pourquoy donc Achias prophete; reproche il à la femme de Iarobeam qu'il a laissé Dieu, & à inuoqué les faux dieux? Elye en reproche autant à Ocolias, *4. Reg. 1. 3. 6. 16.* & aux Israelites, *3. Reg. 18. 24.* Et Elisée à Ioram Roy d'Israël, *4. Reg. 3. 13.* Si Calvin veut que nous croyons cela qu'il dit au contraire, c'est à luy de le nous môstrer en l'escriture expresse. Certes, si on eust inuoqué en Beth-el, le vray Dieu d'Israël, les prophetes y eussent adoré sans sacrilege. Il faut donc que Calvin apporte la sainte parole de Dieu, & non ces fantaisies & discours, pour donner lieu à son Eglise reformée, qui est vne assemblée humaine ou diabolique, & non la chaste Espouse de Dieu, qui ne reçoit reformation en general, ny en la doctrine des maieurs, comme elle solícite vn chacun des siens de se reformer, selon la forme commune qu'elle propose à tous.

SECT. IX.

Le mesme autheur, pour donner lieu à son Eglise

reformée, il dit, que le masque, & simulachre de foy, *Luc. 8. 7. 17. 13.* est appellé foy. Certes l'escriture dit, qu'ils croient pour vn temps: Calvin dit, qu'ils ne croient pas, & que cela est vn simulachre de foy *lib. 3. cap. 2. sect. 10. 13.* & non foy. Quand Calvin nous lira ce qu'il dit en l'escriture nous le croirons: Autrement nous ne croyons point en ces Dieux nouveaux & estrangers, que Dieu n'a point establis en sa parole. Il dict aussi pour fortifier ses locutions impropres, que les peuples qui auoient esté transportez en Samarie, & en la region prochaine, ont craint les dieux controuuez, & le Dieu d'Israel: ce qui est comme mesler le Ciel avec la Terre, *4. Reg. 17. 32. 33.* C'est icy le dire de Calvin, que ces gens là ont craint leurs dieux, *4. Reg. 17. 33. 41.* & que Dieu a commandé de ne craindre point les dieux estrangers *4. Reg. 17. 35.* Assurément il n'est iamais licite, de rien changer au texte de l'escriture, & principalement, s'il est question d'y fonder quelque article debattu, ou quelque exposition, ou resolution nouuelle, comme est cette cy; A sçauoir, si l'Eglise est receüe pour la vraye espouse de Iesus fils de Dieu; elle seruant aux idoles, ou damna- bles erreurs? Calvin dit que ouy, car les Babiloniens, Cutheans, & Heneans, craignoient le vray Dieu, & les dieux controuuez: Nous disons que Calvin est effronté affronteur, car l'escriture ne dit point qu'ils craignoient les dieux estrangers; Nous lisons bien qu'ils craignoient le Seigneur, & seruoient à leurs dieux: Mais il n'y a pas, qu'ils les craignoient, *4. Reg. 17. 33. 41.* c'est le comment de Calvin. Secondement les religionaires se montrent enyurez de la personne de Calvin, *Iud. 1. 16.* lequel icy est malin: car l'escriture dit expressement, que les Babylonien, Cutheas

& Heneans amenez en Samarie, ne craignoient point le Seigneur au commencement, & ne le craignoient non plus apres, 4. *Reg.* 17. 25. 34. Et vous dites que cy, & qu'ils estoient de l'Eglise de Dieu; ce que l'escriture ne dit point: Toutesfois nous accordons que ces Babyloniens, Cutheans, & Heneans, craignoient le seigneur, 4. *Reg.* 17. 32. 33. 41. qui semble cōtraire à ce que venons de citer en ce mesme chapitre, qu'ils seruoient à leurs dieux, & ne craignoient point le Seigneur, 4. *Reg.* 17. 25. 34. Il est donc vray qu'ils craignoient le Seigneur faullement & follement, selon la tradition de Iarobeam, & de ses faux prophetes, & prophanes prestres, 4. *Reg.* 17. 28. qui estoit vn vray abus. Il estoit aussi vray, qu'ils ne craignoient point Dieu sainctement & fructueusement selon la saincte loy de Dieu, exposee par les prestres ordinaires, & vrays prophetes. C'est donc ignoramment, ou temerairement fait à vous, de citer icy l'opinion des Iarobeanites, des prophanes prestres, & des faux prophetes. Item des infideles Babyloniens, Cutheans, & Heneans, de la crainte & seruice de Dieu, au lieu de sa saincte parole. Vous en faites autant, citans la parole d'Helie, homme passionné, 4. *Reg.* 19. 10. 14. 18. au lieu de la reuelation de Dieu, pour faire chemin à vostre irreligieuse reformation, & Eglise cachée. Vous voyez clairement, que vos premiers ministres vous ont affrôtez, disans ce qui n'est point expressement en l'escriture, & l'interpretans autrement que la simplicité de l'escriture ne le portoit.

S E C T. X.

Vos Maieurs ont estably en ces lieux icy le fondement de vostre Eglise reformée, 3. *Reg.* 12. 28. 29. 30. 31. 32. 33. & 2. *Paralip.* 11. 13. 14. 15. 16. & 2. *Paralip.* 12. 1. & 4. 16.

10.12.15.& 4.17.24.25.27.32.33.34. Et pour ce Calvin y à estably son Dieu mal seruy, & en à faict mention plusieurs fois, *lib.3.cap.2.sect.13.lib.4.cap.2.sect.9.11.& lib.4.cap.10.sect.23.& lib.4.cap.16.sect.24.* Et pout ce il faut poursuyure les erreurs ou faux dieux, que l'on met au lieu du vray Dieu, qui ne recongnoist point vne paillarde, pour chaste espouse, adorant Dieu, & seruant aux idoles, comme, Iarobeam, les prestres prophanes, les faux prophetes, les Babyloniens, Cutheans, & Heneans. Calvin & les religionaires ont estimé, en en forgeant vne, seruant à Dieu & au diable, contre l'escriture. *Math.6.24.* Or si ceste Eglise, qu'ils mettent ne sert point aux idoles, & superstitions, ains seulement à Dieu, comment la reformeront ils, puis qu'elle sert sainctement à Dieu? Si elle sert au diable, & à Dieu, c'est contre l'escriture, *Math. 6. 24.* Comment Dieu recongnoist il vne paillarde, pour sa chaste espouse? Deux mariez, contraires & ennemis ne s'accordent iamais d'une mesme femme. Calvin refuse donc en matiere de religion chrestienne, quād il à cuidé que le tiltre de l'Eglise de Dieu, conuienne & appartienne à vne assemblée, qui sert aux idoles: Il faut laisser du tout les idoles, auant qu'estre l'Eglise de Dieu. Calvin dit. *Les Samaritains n'auoient commis nul= les fautes aux ceremonies de la loy, ils auoient aprins à suiure exterieurement ce que Dieu auoit ordonné: Les payens vouloient seruir le Dieu d'Israel à leur poste, Dieu à vangé vne telle profanation de son seruice. L'autel dont Achaï Roy auoit prins le formulaire en Damach estoit pour sacrifier plus magnifique= ment au Dieu viuant. iusques icy Calvin.* En premier lieu, il est certain, que Iarobeam auoit chassé tous les leuites contre l'expressé ordonnance de Dieu, *2.Para. 11.13.14. 15. 16.* Secondement, il auoit esleu Dan, &

Beth-el au lieu de Ierusalem, pour adorer, *3. Reg. 12. 28.* Troisiemement, il auoit laissé les sainctes choses, commel' Arche, & Cherubins, & auoit mis au lieu, deux veaux d'or, *3. Reg. 12. 28. 29. & 2. Paralyp. 11. 15.* Quatriemement, il auoit créé nouueaux prestres, erigé autel nouueau & ordonné nouuelle feste, *3. Reg. 12. 28. 29. 31. 32. 33.* Finalement Iarobeam parlant au prophete de Dieu; luy disoit, prie la face du Seigneur ton Dieu, pour moy, *3. Reg. 13. 6.* En quoy il tesmoignoît clairement qu'il ne recongnoissoit plus le Seigneur pour son Dieu, *3. Reg. 14. 9.* Et pour ce Iarobeam, n'auoit pas adiousté à la loy son seruice; comme dit Calvin: mais auoit du tout laissé Dieu, & son seruice, & en auoit vn autre contraire, par lequel Israel, alors, & apres, pecha pernicieusement: Et pour ce l'Eglise d'Israel ne seruoit pas Dieu, selon la loy diuine, & selon l'addition de Iarobeam, comme à cōtrouué Calvin, pour establir son Eglise reformée, & seduire les Chrestiens, qui peuuent icy voir clerement qu'ils suyuent les inuentions de Calvin, & non la simple parole de Dieu, qui nous montre clerement, que Iarobeam auoit laissé le vray Dieu & son seruice, & auoit introduit nouueaux dieux, & nouueau seruice, car quand à la meslange du seruice de Dieu, elle viét du cerueau troublé de Calvin, & non de l'escriture.

SECT. XI.

Calvin ayant estably les idolatres Israelites, & meslé le seruice diuin, pour introduire son Eglise reformée, & pour l'agrandir; il establíst d'abondant les Samaritains, en disant qu'ils n'ont commis defaut aux ceremonies externes de la loy: Si l'escriture le disoit nous le croyrions: Calvin le peut croire sans escriture, puis qu'il le dict; Quand à nous, qui à tous

coups le trouuons homme menteur, nous ne pouuons nous y fier, car il fuyt la foy punique : Et comment est-ce que les Samaritains, qui adoroient non Dieu, mais les idoles, qui adoroient en Beth-el, & non en Ierusalem, par le ministere des prestres Iarobeanites, & non de Leuy, ne commettoient ils poit de fautes aux ceremonies externes de la loy, qui defend telles abominations, & commande le saint seruice diuin ? Dauantage, puis que les Samaritains auoient aprins à seruir Dieu par les prestres profanes de Iarobeam, qui l'auoit du tout changé comme auons monstré, ils ne pouuoient en ce fait suiure la vraye loy de Dieu, qu'ils n'auoient iamais purement apprinse. C'est aussi ignorance ou malice de dire, que Iarobeam eust prophané par meslinge le seruice de Dieu ordonné en la loy, car il l'auoit laissé, & renoncé le Dieu d'Israel, parlant le langage de Pharaon, priez pour moy le Seigneur vostre Dieu. *Exod. 10. 17.* Ainsi parloit Iarobeam apres sa reuolte, *3. Reg. 13. 6.* dont Dieu le punit d'une telle reuolte, sans faire mention de la meslange, controuuée par l'Eglise reformée, qui comprend tous croyans, & non croyans, fideles & heretiques, catholiques & schismatiques : N'estant l'Eglise de Dieu, ains vne police mondaine seulement, en laquelle peut presider vne femme, comme ont bien aduisé les Estats d'Angleterre : Ce qui ne pourroit, & ne deuroit estre enduré en la vraye Eglise de Dieu, qui ne comprend point les infideles, idolatres, heretiques & schismatiques. Et pour ce, les Eglises reformées, qui comprenēt les chrestiens & heretiques, les catholiques, & schismatiques, ne peuuent reprendre deüment l'estat de l'Eglise reformée en Angleterre, puis qu'elles l'ont reduicte

reduicte en estat politique, & qu'elle à esté faicte essentially reformée. Ils en verront cy apres avec le temps des effects plus miserables, qu'à present ils doiuent bien prier Dieu pour leur Royne, qui n'a rien vsurpé qu'ils n'ayent bien merité sur leur eglise reformée, attendu son estat, & la constitution de telle eglise. Et pour ce, ceste princesse pourroit à bon droit reformer & agir contre les commentaires de Calvin sur les prophetes Osée & Amos, qui appelle pour cecy les Roys d'Angleterre tyrans, & cruels, plus que barbares. Le Pape est Antechrist, les autres Roys de la Chrestienté sont esclaves de l'Antechrist; il n'y à presque que les Turcs & Mahometains, que Calvin ne morde, tant il est en colere contre les Anglois. Le semblable n'est il pas adueni de nostre temps aux Comtes Palatins qui ont changé la religion à leur deuotion? Il est adueni aux predicans en laissant l'estat, & ordre de l'Eglise Catholique, ce qui aduint aux enfans d'Israel, laissant le Leuite Samuel, pour impetrer le Roy Benjamite Saul. 1. Reg. 8. & 9. Car ils sont plus miserables, & esclaves en leur ministrierie, que ne sont les autres mestiers, desquels les Roys ne traictent pas tant exactement, qu'ils font de la doctrine, au grand regret des predicans, qui leur ont faict vne belle entrée à changer plus aisément la religion, sans que les predicans ayent le souverain droit pour y remedier: Car les ministres ne peuuent mourir, comme princes de religion sur la terre vniuerselle, *Psal.* 44. 17. Et pour ce les potentats de leur religion reformée, les peuuent faire mourir comme criminels de leze Majesté, s'ils se remuent pour la religion.

Les incredules & payens, dit Calvin, ont voulu seruir le Dieu des Iuifs à leur poste, *lib. 4. cap. 10. sect. 23.* Est il probable que ceux qui n'y croient point, le voulussent seruir, ny à leur poste, ny autrement? Calvin deuroit monstrier cela expres en l'escriture: Si nous le disions, nous ne serions pas bons pour donner aux Chiens: Mais il le faut dissimuler, puis que le legislateur extraordinaire le dit. Est il possible que les Palestins qui aymerent mieux subir le peril d'une bataille, le voulussent seruir, *1. Reg. 4. Goliath,* qui luy chantoit iniures ne le vouloit seruir, *1. Reg. 17. 10. 25. 26. 30. 43. 45.* Rapfaces le denigre sur tous les autres dieux, *4. Reg. 18. 22. 32. 33. 34. 35.* Et les Babiloniës le rebutent du tout, *Daniel. 3. 10. 17. 18.* Les Romains n'en ont point voulu, dit Ciceron *orat. 24. pro laelio flacco*: Car la Majesté, grauité, & grandeur de l'empire, ne plaisoit aux majeurs des Iuifs. S. Augustin dit, que c'estoit pour ce qu'il ne vouloit autre Dieu que luy. Or les Romains voyans que cestuy cy n'en vouloit endurer vn seul estre seruy avec luy, l'ont renoncé: Car Socrates à bien dit, puis que l'on le reçoit pour Dieu, il le faut seruir seulement comme il le demande. *August. lib. 1. de consensu Euangelist. cap. 17. 18. 19. 20.* Calvin là mesme, fait vne autre desmarche digne d'un reformé, disant, que le Roy Achaz auoit esleué vn autel au tēple de Ierusalem à l'imitation de celui de Damasch, pour en seruir Dieu plus manifestement. Demandez à Calvin ou est escrit ce qu'il dit, ou il demeurera muet, ou mentira plus impudemment. C'est vn grand & opiniaistre aueuglement aux religionnaires, de tirer l'establisement & deffence de leur Eglise reformée, d'un si hardy & accoustu-

mé imposteur. L'escriture nous faict mention de l'autel d'or, qui estoit l'autel des Encés pres le sainct des saincts, c'est à dire dauant le voile, *Exod.* 30. 6. 9. au haut du cœur des presttes, comme sont noz grâds autels. Il y auoit aussi l'autel des holocaustes en la nef dauant la porte du cœur, tirant vn peu au septentrion: Et au dedans du cœur estoit la table des pains de proposition, *Exod.* 40. 4. 5. 26. 29. Et estoit sacilege insigne d'y adioster ou diminuer. Calvin ne deuoit donc pas dire, sans l'escriture, que c'estoit pour plus magnifiquement seruir à Dieu viuant. En verité fil vouloit munir son Eglise reformée de gens de bien, il ne deuoit produire en tesmoignage ces idolatres, & apostats, comme cet Achaz icy, qui ne voulut honorer Dieu, de luy demander quelque chose, *Esay.* 7. 10. 11. 12. C'est ce vilain prophane icy, en faueur duquel Calvin ment tant pernicieusement contre l'escriture, qui dit expressement, 2. *Paralyp.* 28. 21. 23. 24. 25. qu'il partagea la maison de Dieu en donnant vne portion au Roy des Assiriens, & immola aux dieux de Damasc, & de Sirie. C'est luy qui ferma les portes de la maison de Dieu, & en rôpit tous les saincts vaisseaux, & erigea par tout des autels aux dieux estrangers. Et Calvin ose dire, que l'intention de ce meschant Roy, estoit pour orner & augmenter la dignité du temple, & pour sacrifier plus magnifiquement au Dieu viuant. Icy Calvin à faict à Achaz, comme les religionaires, aux images des Eglises. Car ils ont trouué quelque effigie hydeuse d'un diable mesme souz les pieds de l'effigie de quelque apparition de S. Michel, le diable n'a pas perdu vn seul ongle, & S. Michel n'a sauué ny sa teste, ny la croix, ny son espée: Enquoy ils ont clairement monstré, selon

GENERAL EXAMEN

l'opinion d'aucuns, qu'ils ont plus de respect au diable ennemy de Dieu, qu'ils n'ont aux benoists Anges: de l'apparition desquels, Dieu ne desdaigna point les images, *Exod.* 25. 18. 19. à l'enuiron de son propitiatoire, dauant lequel on adoroit par le commandement de Dieu, sans superstition & idolatrie, *Psal.* 99. 5. & *Psal.* 132. 7.

SECT. XIII.

Caluin en faueur de son Eglise reformable, qui sert à Dieu, & au diable ensemble comme il veut, car autrement elle ne pourroit estre reformée: dit hardiment, *lib.* 4. *cap.* 2. *sect.* 11. & *lib.* 4. *cap.* 16. *sect.* 24. *Que les enfans d'Israel, n'ont iamais tant peu faire par leurs mains impures d'auoir seulement corrompu la circoncision, qu'elle ne fust signe & sacrement de l'alliance de Dieu.* Caluin dit cela, mais l'escriture n'en dict rien: Nous n'adorerons point cest œuvre des mains de Caluin, pour parole de Dieu, sinon qu'il là nous monstre aux saintes escritures. Il enseigne que Dieu appelle les petits enfans d'Israel, siens, comme luy estans engendrez par la circoncision, *Ezech.* 16. 20. *Ezech.* 23. 37. Dieu reproche aux Iuifs, que les enfans qu'ils auoient naturellement engendrez, pour les appliquer au seruice de Dieu, comme tous leurs autres biens, or, argent, laines, lin, foyes, broderies, froument, huile, miel, vestemens, teintures, bagues, orillettes, brasscleets, parfums, encens, ils les auoient mancipez à l'honneur & seruice des idoles & des diables, auxquels ils les auoient sacrifiez, & faict passer par le feu, *Ezech.* 16. 16. 17. 18. 19. 20. 21. Caluin dit, *Que cet engendrer à Dieu, est la circoncision.* L'escriture ne le dit point, c'est donc à Caluin de le prouuer. Nous disons, que la Circoncision, peut estre dite regeneration, non pas

generation simplement, & les religionaires ne ſçau-
 roient monſtrer du contraire. Secondement, il n'y a
 vne ſeule ſyllabe de Circoncifion en ces lieux icy:
 dauantage, l'eſcriture reprend icy les fautes des Iſra-
 elites ſimplement, ſans y mettre vne ſeule obſer-
 uâce de la loy: & alors l'eſcriture euſt dit, vous auez
 du tout enſrainct mon alliance, fors en la Circon-
 cifion: Comme il eſt eſcrit que Dauid auoit bien
 faiet, fors en l'action d'Vrie: certes il eſt euident qu'il
 parle de la generation naturelle, car il parle des biès
 qu'il nous faiet en premier eſtre naturel, ſans y in-
 troduire les benefices ſupernaturels, comme la Cir-
 concifion. Il dit que les fils, & les filles luy ſont en-
 gendrez, ce qui ne peut eſtre veriſié de la Circonci-
 fion des filles, qui ne l'eſtoient point: Mais fils & fil-
 les naturellement engendrez, eſtoient premiere-
 ment à Dieu, comme premier, commun & principal
 auteur de nature. Certes on n'engendroit pas par
 la circoncifion, mais l'enfant engendré premiere-
 ment, eſtoit circôcis le huitiefme iour apres, *Genef.*
17.12.13. tellement, qu'engendrer, n'eſt pas circoncir:
 Et auſſi le Prophete explique de quelle naiſſance il
 entéd, diſant, *Ezech. 16.3.4.* Ton habitation & ta naiſ-
 ſance & Ieruſalem, eſt de la terre de Canaan, ton Pe-
 re eſtoit Amorean, & ta Mere Chiteenne: Ceux-là
 ne donoient pas la circoncifion aux enfans. Et ſen-
 ſuit: Et à ta natiuité, au iour que tu naſquis, tu n'euz
 point le nombril couppé, & ne fus lauée en eau pour
 eſtre nettoyée, ny ſallée de ſel, ny enueloppée de
 drapeaux, ce que l'on faiet deuant la circoncifion.
 Parquoy il eſt icy queſtion de la geniture naturelle,
 dont tous enfans ſont engendrez à dieu, & non de la
 regeneration, qui ſe faiet ſupernaturellement. Tel-

GENERAL EXAMEN

lement, que les enfans estoient à Dieu, non par grace de sainteté, & adoption, comme dit Calvin, ains par benefice de nature, dont Dieu est le principal auteur: & estoient aux diables & idoles par consecration, *Ezech. 23. 37. 38. 39.* ayans remply le temple d'idoles, & laissé Dieu arriere. De là vient, que Dieu ne leur reproche point, qu'il aye esté seruy d'eux en partie, & les idoles ensemble. Il dit rōdement qu'ils ont tout violé de leur costé, & ont abusé de tous ces benefices, & en ont entierement seruy les démons, & non Dieu. Donc la circoncision, qui appartient au service de Dieu, deuroit paroistre icy si elle eust esté en nature, mais au contraire tout estoit renuersé, *Ezech. 23. 35. 37. 38. 39. Ezech. 16. 36. 43. 45. 59. & 2. Parahyp. 26. 14. 15. 16.*

SECT. XIII.

Ceste parole de Calvin, que les Israelites n'ont onc peu corrompre la Circoncision, est hardie, & n'est en l'escriture, combien que ce soit le fondemēt de l'eglise reformée, qui d'un costé seruoit à Dieu par la Circoncision, ce dit Calvin: & d'autre part, aux idoles. Cecy repugne à l'inclination maligne des Israelites, qui eussent aysement changé la matiere, ou forme de la circoncision, dont ils n'ont pas esté si religieux obseruateurs, comme Calvin les veut faire: premierement ils n'en ont tenu compte en Ægypte, plus de quatre cens ans, & Moysē vn des plus religieux de tous eux, en fut en dāger de mort, pour n'auoir circoncis ses enfans en temps oportun: Et ne les circoncirent non plus l'espace de quarante ans au desert. Consideré aussi, que Iarobeam auoit changé de Dieu, d'alliance, de temple, d'autel, de prestres, & de festes: Il est probable, qu'il auoit aussi changé de circoncision. Qui plus est, puis que les Israelites,

purgeoient leurs enfans par le feu de l'idole Moloc, c'est à dire royal, *Ezech.* 16. & 23. Ce leur eust esté y renoncer par la ceremonie de circoncision. Dauantage, nous voyons, qu'Israel estât entre les Ægyptiens, Syriens, Caldeans, & autres, c'est ordinairement accommodé aux ceremonies des religions de ceux, avec lesquels ils demeuroient, ou avec lesquels ils auoient alliance, en laissant les ceremonies de leurs Majeurs. Herodote historien, Iosephe, *lib.* 2. contre Appian Alexandrin. Strabo, *lib.* 17. de sa geographie, & S. Ambroise, *lib.* 2. d'Abraham, racontent que les Ægyptiens & d'autres nations, cōme Arabes, Æthiopiens, Syriens, Phœniciens, Colches, & Macroniens circoncisent rant fils, que filles, non le huitiesme iour, mais l'an 14. de leur aage: Car Ismael le fut l'an 13. de son aage, *Genes.* 17. 25. Et la loy ne parle que des enfans masses. Israel, qui auoit changé de Dieu; & prins Molok, fil faisoit la circoncision, c'estoit à Molok, & non au Dieu viuant. S'il la faisoit aux filles, comme aux fils, & non le huitiesme iour, ains l'an 14. de leur aage, n'estoit ce pas transgresser la loy, & corrompre la circoncision. Les Sarrafins donnent la circoncision communément l'an 13. de l'aage des enfans. Les Turcs aujourd'huy, ne prescriuent point de temps determiné pour circoncir. Les Iuifs du iourd'huy obseruent le huitiesme iour. De tout ce-cy il est euident, que les fideles, peuuent estre entre les infideles, ou heretiques, comme Tobie, & Helye, sans communiquer avec eux aux actes de leuts idolatries & erreurs: Car s'ils y communiquoient, ils ne seroient point de cest instant là de l'Eglise de Dieu, qui ne peut admettre idolatrie & erreur, & demeurer l'espouse vierge de nostre Seigneur Iesus Christ:

A cause dequoy, c'est resuerie de proposer vne vraye Eglise de Dieu reformée.

De la Cæne Reformée.

Chap. VII. sect. 1.

L A M A I S il n'y a eu peuple, ou nation, qui n'ait eu certains iours, lieux, & solemnel-
le ceremonie, pour s'assembler, & servir à Dieu, non seulement de foy, & esperance, avec charité : Mais aussi d'offrir soy-mesme, ses oraisons, vœux, & deuotions, sa conuersion, & penitence, aumosnes, hospitalité, & semblables saintes actions, & vertuz, à celuy qu'ils ont creu, & estimé vray Dieu : Ce qui à esté commun à tous hommes, en tous temps, souz toute loy, & en tout lieu. Mais outre tout cela il y a eu certaine solemnelle & peculièrè ceremonie de servir, & sacrifier à Dieu publiquement, comme ont faict Abel en aigneaux, Cain en fruiçts de la terre. *Genes. 4. 3. 4. 5.* Noë en animaux & oyseaux mondes. *Genes. 8. 20.* Malkitsedech en pain & vin, *Genes. 14. 18.* Et Abraham en vne genisse, en vne cheure, en vn mouton, chacune piece de trois ans, & en vne tourterelle, & vn pigeon, *Genes. 15. 9.* La loy de Dieu, & toutes les histoires, tant sacrées, que prophanes, sont plaines de tels exemples, par lesquels, outre les vertuz & oblations sus nommées, il y à eu tousiours certaine action, & ceremonie présentée à Dieu par personnes à ce establies, pour assembler le peuple; & servir à Dieu en solemnel sacrifice. De là vient que quelque grande foy, quelque insigne sainteté de vie, ou singulière espe-

rance q̄ ayēt peu auoir Noé, Malkitsedec, Abraham & autres, au tresplain sacrifice de la Croix, ils n'ont point toutesfois rendu le parfaict seruice qui luy est vniquement deu, sinon en offrant sacrificalement par quelque ceremonie, & action exterieure conuenable à la loy de leurs temps, quelque chose digne de Dieu. Les Chrestiens ne peuuent donc par leur foy & oblation d'eux mesmes, & par semblables actions, & esperance au digne & tresabondant prix de la Croix, seruir à Dieu parfaictement, sans vne ceremonie solemnelle; exterieure & sacrificale, proportionnée à la loy euangelique; attendu que selon les religionaires, la Cœne n'est point action & ceremonie sacrificale, il sensuit, qu'ils ne s'y doiuent, ny ne peuuent religieusement assembler, & qu'ils ne rendent point à Dieu le parfaict seruice sacrificial, qu'ils luy doiuent, en faisant leur Cœne telle que leur doctrine le porte.

SECT. II.

Nous lisons en Genese 4. 3. 4. qu'en la fin des iours Cain à faict venir à Dieu offrande des fruiçts de la terre, & Abel à faict venir aussi son oblation, des aigneaux premiers nés, & de la gresse d'iceux, & Dieu à regardé à Abel, & à son present: mais Dieu n'a point regardé à Cain, ny à son oblation. Cecy montre qu'Adam, ou Dieu, auoit aprins à Abel, & à Cain, que outre la foy en Dieu, saincteté de vie, & esperance au sacrifice, & redemption du Messie, il estoit besoin au dehors auoir certaine ceremonie sacrificale, qui protestast, & representast la foy, que Pon auoit en la mort & passion de nostre Seigneur Iesus Christ. Secondement qu'il y auoit mesme deuant la loy de Moyse, certains iours determinez &

dediez entre les fideles , pour seruir & sacrifier spécialement à Dieu. Troisiësmement l'escriture nous monstre icy, que faire benir present à Dieu des fruiçts de la terre, est sacrifier. Ainsi en Genese, 14. 18. Malkitsedeç prestre de Dieu tres-haut, presenta pain & vin, & benist Dieu, & Abraham; & print les dismes d'Abraham, ce qui môstre assez qu'il sacrifia. Car le mot *hofsî*, qui est vn participe, *Diphgil*, signifie presenter, & faire sortir hors avec respect, pompe, & puissance magnifique, comme aux sacrifices: ainsi qu'ont tourné mesme ceux de Genesue. *Iudicum*, 6. 18. *Vehotschi minchati*, & i'offriray mon oblation: combien qu'il y aye au texte, & ie feray sortir mon present. Et puis au verset 19. Or Gedeon, mist la chair, & les pains sans leuain en vn panier, & le brouet en vn pot, puis le luy apportant souz vn chesne, le luy presente, c'est assauoir en oblation, comme il venoit de dire, *le te prie ne bouge d'icy, iusques à ce que ie vienne à toy, & que ie t'offre mon oblation*. Et par ce il est euident, que le presenter, faire venir, approcher ou faire sortir son present, son don, son oblation, sont mots de sacrifice. Et par ce Malkitsedeç presenta premiere-mét pain & vin à Dieu en sacrifice d'actiô de graces: Et puis le distribua à Abraham & à ses gens, en banquet religieux, car puis qu'il estoit prestre, necessaiement il falloit qu'il eust oblation pour offrir, tant pour luy, que pour les autres, *heb. 5. 1. 2. heb. 8. 3.* Que si le pain & le vin, n'estoient point son oblation, que les religionaires nous dient dequoy estoit son offrande? Secondement qu'ils nous prouuent par l'escriture, que le pain & le vin n'estoiët point son oblation? Dauantage, l'escriture ne dict point qu'il presenta pain & vin à Abraham, & non à Dieu; ains l'escriture

dit seulement qu'estant prestre de Dieu tres-haut, il presenta pain & vin, sans exprimer à qui; Donc le mot presenter pain & vin, se doit rapporter à Dieu, (dont est faict mention) en sacrifice, & à Abraham en participation. Certes il n'y auoit raison de prendre les dixmes de celuy, en faueur duquel, il n'eust point sacrifié. La coustume des prestres estoit de benir le peuple; apres le sacrifice. La premiere partie des banquets solempnels, se commençoit en la participation de la viande sacrifiée, comme mesme reconnoist Beze, *in Math. 22. 4.* SECT. III.

Nous confessons avec Iosephe, que Malkitsedech presenta pain & vin à Abraham, car les prestres, aux solempnels & sacrez banquets esquels on chantoit cantiques au Seigneur, comme fit Malkitsedech, ainsi que dit Iosephe, *lib. I. antiq. cap. 10.* presentoient aux fideles en refection, ce qu'auparavant ils auoiēt offert à Dieu, en sacrifice. Les religionaires, qui n'offrent point à Dieu leur Cène, auant que manger en acte de religion, ne trouueront iamais en l'escriture, ny en Iosephe, ny es anciens docteurs, que Malkitsedech n'aye point offert à Dieu, pain & vin. Ce seroit donc à nous vne impieté de croire ce qui n'est en la sainte escriture, n'y aux anciës peres. L'escriture dit expressement, que Malkitsedech presenta pain, & vin, & qu'il estoit sacrificateur, alors, au Dieu tres-haut, & loua Dieu, & benist Abraham, qui luy rendit les dixmes de sa victoire: ce qui montre assez manifestement le sacrifice: Et n'y à eu aucun qui ne l'aye confessé, fors les Iuifs, depuis la sacrée mort & passion de nostre Seigneur Iesus Christ. Iosephe mesme appelle ceste refection, *τιὸ ἐρωχία* & l'expose des banquets sacrificaux, *lib. 3. antiq. cap. 10.*

des le commencement. Ce qui monstre clairement, que Iosephe à recogneu ce banquet, non seulement royal & magnifique, mais aussi sacerdotal, & sacrificiel. Les religieux veulent bien, que Malkitfedech ait donné à dîner, comme Roy magnifique, & non pas comme tresreligieux prestre : & l'escriture dit aussi expressement qu'il estoit prestre, comme, qu'il estoit Roy. Ils confessent bien que Malkitfedech à beny Abraham, & qu'il à rendu action de graces à Dieu, & que actions de graces, estoient vne espece de sacrifice en la loy, selon mesme Iosephe, *lib. 3. antiq. cap. 10.* Et que Abraham à payé ou présenté les dixmes à Malkitfedech, mais ils luy denient l'action de sacrifier, qui est tellement essentielle à la prestrie, qu'elle ne peut estre sans le sacrifice. Philon tres-eloquent Iuif, au liure qu'il à escrit d'Abraham dit. *Le grand pontife de Dieu tres-haut, ayant veu Abraham retourné avec vne si signalée victoire, enrichie d'un merueilleux nombre de cheuaux & bestail, & d'un butin tres-opulent, considerant qu'il auoit defaict les ennemis tres-fors, & qu'il n'auoit perdu aucun de ses gens, ains les auoit tous ramenez victorieux, n'a faict doute de reconnoistre l'aide de Dieu, qui luy auoit assisté ; Et tendant Malkitfedech ses mains au Ciel, à prié toutes choses heurieuses à Abraham. Et ayant sacrifié sacrifices, luy à donné & à ses gens, un magnifique banquet.* Iusques icy Philo. Or la Cœne Caluiniene, qui n'est point offerte à Dieu auant qu'estre mangée, ne peut estre la speciale ceremonie, du souuerain seruice que l'on à fait à Dieu, souz quelque loy qui aye esté.

SECT. IIII.

Nous ne scaurions mieux sçauoir, quand, & comment il faut seruir Dieu, & nous assembler à son seruice, & souz quelle ceremonie, que par la loy de

Dieu, car Dieu à essemblé les Hebreux souz ceremonie sacrificale, mesmes auant la loy, qui auoient quelque analogie, avec la sacrée mort & passion de nostre Seigneur Iesus Christ, comme estoient tous les sacrifices des peres, & Mosaiques, avec l'aigneau Paschal : Il faut donc au nouveau testament, si nous voulons deüment seruir Dieu, auoir vne ceremonie sacrificale qui aye analogie au sacrifice de la croix. Or attendu que la Cène Calvinique, n'est point sacrifice, & que rien n'y est offert, & qu'il n'y a rien qui meure ou qui viue, ains pour tout elle n'a qu'une analogie naturelle de nourrir, & ne peut estre ceremonie sacrificale, tant propre à seruir Dieu, qu'estoient mesmes les sacrifices legaux : le seruice de Dieu souz la loy, portoit, que l'on sacrifioit tous les matins vn Aigneau, & tous les soirs vn autre; avec sa fine farine, & son vin, *numer. 28. 3. 4.* Non pas que tout le peuple fust astraint de sy trouuer. Or la Cène ne se faict pas tous les iours, & la Messe ce dit tous les iours, en laquelle il communie quelqu'un, ou plusieurs, selon leur deuotion, pour le moins la nappe est mise pour tous, & y mange qui veut, comme l'on faisoit en la primitiue Eglise, *Actu. 2. 42. 46.* Secondement, tous les Samedys outre le sacrifice quotidien, le peuple s'assembloit, & on offroit outre les deux aigneaux ordinaires, deux autres aigneaux, avec leur fine farine, ou leur miche, & leur vin, *numer. 28. 9. 10.* Ainsi aux actes des Apostres, *cap. 20. 6. 7.* le premier iour de la sepmaine, qui est le Dimanche, l'Eglise fut assemblée pour rompre le pain de la communion, qui estoit vne belle façon de parler, pour renir couuers les mysteres Chrestiens, aux Gentils. Ainsi tous les Dimanches nous auons nos Messes

parroichialles, mais la Cœne ne se celebre pas tous les Dimanches, mais seulement, quād il plaist au predicant. Et apres quand on vouloit solemniser les benefices de Dieu ordinaires, & extraordinaires, il y auoit certains sacrifices, ordonnez à ces iours là: comme, le premier iour de chascun mois, vn mouton, vn bouc, deux veaux, & sept aigneaux, avec leur miche, & leur vin, *numer. 28. 11. 12.* La pasque estoit le 15. du premier mois, avec son sacrifice, *Leuit. 23. 5. 8.* La feste des premices estoit le 23. de Mars, *Leuit. 23. 10. 11. 12.* La Pentecoste estoit le cinquantième iour apres les premices, *Leuit. 23. 15. 16. 17. 18. 19. 20.* Le premier iour de Septembre, estoit la feste des Trompettes, c'est assauoir de la deliurance d'Isaachak, *Genes. 22. 12. 13. leuit. 23. 24.* Quand le Belier aux cornes fut arresté és espines du buysson, le dixième dudit mois de Septembre, on celebroit la feste de l'expiation, avec ces ceremonies propres & particulieres, *Leuit. 23. 27. 32.* Car il n'y auoit que ce iour là, que le grand prestre entroit aux saints lieux, *heb. 9. 7. Leuit. 16. 2. Exod. 30. 10. Leuit. 16. 17.* Ceste feste, auoit quelque conuenance, avec nostre feste de Toussaints, & des trespassez. La feste des Tabernacles estoit le 15. de Septembre, ou ils demeuroient en des cabinets, & maisons faictes de fueillees, *Leuit. 23. 34. 37.* pour ce que Dieu les auoit gardez quarante ans au desert, sans maisons: En fin ils celebrent la feste de la Retention du peuple, & collecte, pour les sacrifices, & aumosnes, le 23. de Septembre, *Leuit. 23. 39.* Car il y auoit beaucoup de pauures, qui n'auoient pas, sans aumosnes, de quoy payer les sacrifices, que la loy requeroit.

SE T. V.

Nous voyons, qu'il n'y auoit aucun iour sans fa-

crifice, il n'y auoit aussi aucun benefice en quelque temps que ce fust, qui ne fust recongneu par propre sacrifice: Et n'y auoit requeste à Dieu, confession de foy, ou de peché, action de graces, de vœu, ou impetration de benefices, que la ceremonie sacrificale n'y interuiunt tousiours : En fin, il n'y auoit holocauste qu'il n'y eust, *minchah*; qui estoit vn present faict à Dieu, de fine farine de froment, *numer.* 14. 4. 6. 9. Et le vin meslé d'eau, estoit le commun lauage des sacrifices, dont le peuple ne beuuoit point, car il estoit tout respendu & esoulé à la gloire de Dieu. Cecy estoit figure, que l'Eucharistie deuoit estre offerte tous les iours, comme on faict entre les Catholiques, & que l'on faisoit au temps des Apostres, *Actu.* 2. 42. 46. Aussi du temps de S. August. *Epist.* 118. Et mesmes auioirdhuy, nous voyons encores aucuns prestres, & catholiques, communier tous les iours: les autres tous les huit iours, les autres plus, les autres moins souuent : Mais la Cène ne se faict pas selon la deuotion & liberté d'un chacun, ains seulement, selon le iugement du ministre. Sainct Paul, laisse au iugement de nostre foy, deuotion, & conscience, la communion, *1. corint.* 11. 28. Et Moysse remist au second mois d'Adar, ou de Nyssan, par diuin oracle, ceux qui n'auoient peu en Horeb, faire leur communion le 14. iour de Mars, *numer.* 9. 7. 8. 9. 10. 11. 12. Mais les ministres ne sont venus que pour diminuer le diuin seruice, & pour rescinder les diuines ordonnances, Car ils ne celebrent par aucun d'entreux la Cène tous les iours, ny ne la laissent celebrer à la deuotion d'un chacun, comme la figure de la loy nous monstre, & la pratique de l'Eglise depuis les Apostres, le confirme iusques à ce iour-

GENERAL EXAMEN

d'huy. Les ministres se plaignent, disans : il n'y a que le prestre qui mange à l'autel : Nous disons, si vous demandiez la communion sacramentale, nous la vous donnerions, nous ne la denions à presonne, qui en soit capable, & qui la demande ; S'ensuyt il, quand la nappe est mise, & les viandes posées dessus, & l'heure venuë, que ie laisse de manger pour quelque fascheux, ou dégouté predicant, qui ne veut pas disner, ou qui se fasche contre les viandes ? Ou auez vous trouué, qu'il n'y à que le prestre, qui mange à l'autel ? Ou est donc la foy, ou deuotion, ou communion spirituelle que vous rememorez tant souuent ? Pourquoy preparez vous les dens, & le ventre au sacrement sans la foy ? Si vous auez la foy, comment ne le mangez vous point ? si vous le mangez salutairemēt, comment dites vous qu'il n'y a que le prestre qui mange à l'autel : Certes, si les petits enfans ne mangent la chair, & ne boient le sang de nostre Seigneur Iesus Christ, ils n'auront point la vie en eux, *Iob. 6. 53.* La il ne parle pas du sacrement de baptesme, mais de la communion : Les enfans donc incorporez par le baptesme, mangent par l'Eglise, comme les enfans par le nombril. Quand l'Eglise communie par aucuns de ses membres pour tout le corps, iusques à ce qu'ils soient en aage, pour manger par leur propre bouche corporelle sacramentellement.

SECT. VI.

Si l'Eucharistie estoit seulement sacrement, comme aux Apostres, les predicans auroient quelque occasion de se plaindre, si eux demandans la communion à la Meſſe, on la leur denioit. S'il n'y auoit aussi autre communion du corps de nostre Seigneur que la sacramentalle, & que lon la deniaſt à ceux,
qui

qui la demandent à la Messe, les ministres auroient quelque pretexte. Mais attendu que l'eucharistie à esté non seulement donnée aux Apostres, mais aussi pour les Apostres, en remission des pechez, *Math. 26. 27. 28. Luc. 22. 19. 20.* Les religionnaires sont inexcusables, de donner leur Cène aux personnes, avant que l'avoir donnée à Dieu pour les personnes, en remission des pechez. N'est ce pas rescinder l'ordonnance de Dieu pour leur tradition? Dieu dit mégez, *Cecy est mon corps*, rompu pour vous, c'est mon sang respandu pour vous, *en remission de vos pechez. Luc. 22. Math. 26.* Les predicans disent, cecy n'est point son corps, ains seulement le signe. Cecy n'est point son sang respandu pour nous, ains seulement le signe; son corps ne fut iamais rompu, ny donné pour nous, ny son sang respandu pour nous, sinon en la Croix; La Cène n'est qu'un signe du corps, residant seulement en un lieu, au Ciel; Nous adiurons tous les predicans de nous produire vne escriture expresse, que le sang de nostre Seigneur ne fut iamais respandu, qu'en la Croix: Que diront ils de la circoncision, & du sang au iardin des Oliuiers? & du sang, quand il fut fouetté à la colomne? & du sang, quand il fut couronné d'épines? Pourquoy donc croient ils, leur signe & leur glose, & non le Seigneur qui dit, *Cecy est mon sang du nouveau testament respandu pour vous en remission des pechez.* Nous retenons le signe, sans exclure la presence du sang, car il nous dit. *Cecy est mon sang*, nous y croyons le sacrifice, avec le sang, & le signe, car Dieu nous dit, *qui est respandu pour vous*, nous n'y admettons point voz similitudes, & figures legales, car elles sont accomplies & muées aussi bien que la loy. Nous n'y admettons non plus voz analogies natu-

relles, ny voz grammaticales metonimies, ny voz methaphores rethoriques, & semblables illusions de l'ange de Satan: Car sont mysteres de la foy, & histoires de religion, que la vaine philosophie ne peut par la sorte sapience comprendre. N'estes vous pas hors du sens, ingrats & infructueux, vouloir manger les plus precieux biens de Dieu, sans les luy auoir presentez auparauant? Vous lisez, que nostre Seigneur les presenta premierement avec action de graces, pour les Apostres, auant que les distribuer aux Apostres. Nostre Seigneur à il esté prestre, sans sacrifier? A il sacrifié sans en faire banquet digne de Dieu? Y a il iamais eu sacrifice à Dieu, qui n'aye esté sacrement, si on la distribué aux hommes? l'holocauste ne se distribuoit que par la foy, comme est celuy de la Croix, duquel Dieu en auoit la vie, & l'honneur en payement: les hōmes en receuoient l'acquit, fors l'holocauste, qui estoit seulement à Dieu, comme celuy de la Croix; & non sacrement. Que les ministres nous monstrent vn seul sacrifice, que l'on aye participé souz autres especes, que souz celles souz lesquelles il à esté offert. Si donc nostre Seigneur n'est point sacrifié, souz les elemens de leur Cène, & n'y est point sans figure, il n'y peut proprement estre mangé, n'y Dieu en estre parfaictement seruy.

SECT. VII.

Nous voyons, qu'en l'ancienne loy, en toute occasion & necessité, on auoit sacrifice, pour impetrer de Dieu ce que lon demandoit: on seruoit Dieu de sacrifice, pour luy vouer quelque saint seruice, pour luy confirmer & renoueller toute sainte alliance, & luy rendre grace de tous ses biens-faictz enuers nous. Or la Cène ne s'accomode point à tous ses

saincts vsages, & necessitez : elle n'est donc point la ceremonie sacrificale du nouveau testament, pour nous mener à la Croix de nostre Seigneur Iesus-Christ, & pour seruir Dieu parfaictement; Car comme les saincts Patriarches n'ont point penetré, par leur seule foy, au merite de la Croix : mais pour ce faire, & pour seruir Dieu deumét & parfaictement, ont eu besoing de quelques ceremonies sacrificales: De mesme raison, souz le nouveau testament, nous auons besoin, pour penetrer au sacrifice de la Croix, & pour seruir Dieu parfaictement, d'une ceremonie sacrificale, q̄ lon puisse apliquer à tous saincts vsages du diuin seruice. Ce que n'est & ne peut estre la cene, n'estât point offerte, & pource inutilz au chemin du sacrifice de la croix, puis qu'il n'y a rié de sacrifice en la Cène. Mais nostre sacrement de l'autel, ou le precieux corps de nostre Seigneur est donné pour nous, & son sacré sang est respâdu pour nous, en remission des pechez, est employé à toute occasion du diuin seruice, comme doit estre la ceremonie sacrificale, dont on chemine vers la Croix de nostre Seigneur, & dont on le sert parfaictement : & les saincts Apostres, en ont vsé, en l'election des sept Diacres, & mission de S. Paul & Barnabas, *Act. 6. & 13.* Et Saint Paul mesme en vsa, auant que prendre congé de ceux de Troade, *Act. 20.* Certes si la Cène, n'est qu'une simple memoire de la Passion de nostre Seigneur, & vne signification naturelle du pain, au corps, que l'on participe seulement en l'esprit, il n'estoit besoin d'un sacrement. La foy n'est elle pas assez efficace au dedans, pour nous ramenteuoir la mort & passion de nostre Seigneur Iesus-Christ, tant au dedans, que au dehors, ne faiét elle pas bien cela

GENERAL EXAMEN

communément, sans aucun sacrement,és autres articles de la foy: pourquoy non en cestuy cy? Et qu'est ce, que le pain & le vin, nous scelleront au dehors, puis qu'ilz ne sont qu'elemens sans vie, & infirmes. La foy; qui à escrit au cœur viuement, pourra elle estre cōfirmée par choses qui ne sont rien sans elle, elle peut tout au dedans, elle pourra donc bien au dehors nous confirmer ce qu'elle à faict au dedans auparauant, mieux que le pain, & le vin, qui demeurent en leur propriété naturelle. N'auons nous pas la predication, pour nous peindre & escrire deuant nos yeux, plus viuement nostre Seigneur Iesus crucifié? *Galat. 3.1.* que ne sçauroient iamais le pain & le vin. Dauantage, puis qu'il n'y à en la Cène que l'analogie naturelle, la vertu de nourrir en autre viade me fera conuenable à faire la Cène, comme le pain, & le vin. Ce que Beze à estimé, escriuant à Thomas Tillet: Et par consequent nous n'auons que faire de la Cène, puis que l'analogie naturelle de nourrir, la foy, & predication, en auoiet plus expresse signification, & memoire, que le pain & le vin demeurans en leur nature.

SECT. VIII.

On ne peut nier que l'oraison n'aye eu lieu en tous sacrifices, & en aucuns, en telle sorte qu'ils ont esté nommez, sacrifices d'oraison: pour ce que l'oraison en estoit le principal cousteau; sacrifice de louange; sacrifice de confession, sacrifice d'action de graces: Car la forme de tels sacrifices, estoit de rendre graces à Dieu, pour les singuliers & abondans biens qu'il donnoit aux hommes. De là vient, que l'eucharistie, en laquelle nostre Seigneur se donne à nous, & à Dieu son pere pour nous, à celle fin que confor-

mement à nostre chef, nous le donnions à Dieu nostre cōmun pere, se nomme par antonomasie & excellence, *sacrifice d'oraison* : Car tout sy fait par maniere d'oraison, d'actions de grace, & de louāge: A ce mesme sens, l'aigneau iournal sacrifié au soir, *Exod. 29. 39.* & *numer. 28. 4.* est appelé, *oraison*, *Psal. 141. 2.* Esaye aussi dit, *que la maison, ou temple de Dieu, sera la maison d'oraison*, *56. 7.* ou il parle expressement des sacrifices, holocaustes, & victimes : Ce que nostre Seigneur expose & pratique à la lettre des ceremonies sacrificales, & non seulement metaphoriques, *Math. 21. 13.* *Marc. 11. 17.* *Luc. 19. 46.* *Ioh. 2. 16.* Parquoy il monstre, que quand il est question en general de tout, & de l'entier seruice de Dieu par sacrifice, il est exprimé par le mot, *d'oraison* ; De verité on pouuoit prier Dieu par tous lieux, & sinagogues, mais il n'estoit licite de sacrifier, que au temple: Donc quand le temple est appelé par excellence particuliere; *la maison d'oraison*, il faut entendre specialement à cause des sacrifices, qui se font par oraison. Il est besoin icy de retenir cōtre les Manicheans, & contre les aduersaires de la loy, & des prophetes, que nostre Seigneur à accomply la loy, comme bonne & iuste, & y a gardé l'ordre, comme sagement ordonné. Donc il à premierement faict, & estably le nouveau testament, au lieu du vieux, comme legitime, & plus parfait. Secondement il l'a dedié par sacrifice du sang conuenable à iceluy. Troisiemement, il l'a confirmé par mort. Quatriesment, il à accomply la foy, & les mœurs de la loy, par choses semblables : Tellement, que comme à l'encens és sacrifices de la loy metaphoriques, il à faict succeder la perfection des mœurs euangeliques, comme plus parfaicts: aussi à il aux sacrifices legaux,

& violans de iustice, de peine, & de redemption, fait succeder le sacrifice de Croix: & aux sacrifices du seruice ceremonial, qui menoit les fideles pour puiser audit sacrifice de la Croix, il à esté de besoin y substituer au nouueau testament, vn sacrifice ceremonial: Autrement, nostre Seigneur, n'auroit pas accompli la loy, les parties, & ordre d'icelle. Il ne faut donc pas aux vrais sacrifices legaux, substituer les sacrifices metaphoriques & moraux, comme font les commentaires de Caluin & des religionaires, sur les prophetes, suyuant en cela les Manicheâs, dont le porten-seigne estoit vn insigne marchant, bourgeois romain, du temps de saint Augustin, lequel pour ce il appelle *Vrbicus*, *epist.* 86. disant. *Il seroit bien meilleur, & plus conuenable à Vrbicus, de dire, que les vieilles choses sont passées, & qu'en Christ elles ont esté faictes nouuelles: tellement que l'autel, a cédé à l'autel, le couteau legal, au couteau Euangelique, le feu, au feu, le pain, au pain, la beste, à la beste, le sang, au sang: Certes nous voyons qu'en toutes ces choses la, la charnelle antiquité, cede à la spirituelle nouueauté.* Iusques icy S. Augustin. Pourquoy est ce donc que les religionaires, par leurs expositiōs Manicheanes, morales, metaphoriques, veulent aneantir le texte de la Bible, à tous les sacrifices du nouueau testament, predicts expressement par les prophetes? La loy distinctement auoit ses sacrifices d'expiation, & consommation annuelle, figure de l'unique sacrifice de la Croix. Derechef elle auoit ses sacrifices du seruice de Dieu ordinaire, figure de nostre Eucharistie, & ses sacrifices moraux, & metaphoriques, d'affliction d'ame, *Leuit.* 23. 29. Il faut donc distinctement substituer les vns aux autres. Puis donc que la Cène n'est point sacrifice proprement, elle ne succede à aucuns de ceux là, & par con-

sequent, ne peut appartenir au service de Dieu.

SECT. IX.

Nous auons desia veu par l'escriture du vieil & nouveau testament, comment le vray propos, & saint sacrifice est exprimé par le mot d'*oraison*, & par des mots, *louange & action de graces*. Dont nostre Eucharistie, qui est nommée *oraison*, *louange*, & *action de graces*, est excellent, vray & propre sacrifice: & non la Cène religieuse, en laquelle il n'y a que pain & vin, avec vne naturelle analogie, & vn significat, qui ne changent point de nature, ains seulement de deputation, & ne sont point offerts. Le peuple Israelitique pria Samuel de prier pour luy, & il pria pour eux, estans assemblez en Maspha, en sacrifiant vn agneau, & escoulant de l'eau deuant Dieu, *1. Reg. 7. 5. 6. 9.* Ainsi Esdras, & les sacrificateurs en Ierusalem, prioient pour le salut des Empereurs persans, Cyrus, Darius, Artaxerxes, & pour leurs enfans, & estat: où il est clair que prier, estoit sacrifier, *1. Esdr. 6. 10.* Et nostre ancien interprete à tourné expier par sacrifice, *prier*, disant, *Et le sacrificateur prira pour luy, & il luy sera pardonné, Leuit. 16. 18. Leuit. 19. 22. 1. Reg. 2. 36.* c'est à dire, *sacrifira*: Car l'oraison tresparfaicte, estoit celle en laquelle le sacrifice parfaict, & proprement dict, interuenoit. Et de verité, *εὐχὴ προσευχὴ δέκσις*, se prenēt, pour oraisons, vœux, sacrifices: Car vouer, & rendre son vœu avec oraison, est sacrifier, *Genes. 28. 20. Genes. 31. 13. Exod. 36. 3. Si quelqu'un offre son hostie, de son bon gré, ou son voeu, Leuit. 7. 16.* Et pour ce, rendre son vœu, est offrir, *Leuit. 22. 18. 21.* Car les plus excellens sacrifices, estoient francs, & de vœu, par oraison. Aux actes des Apostres, le sacrifice proprement dit, & ceremonial, se nomme par excellence, *oraison. Actes. 3.*

1. Quand il est escrit que S. Pierre & S. Iean montoient au temple à l'heure d'oraison, environ neuf heures, c'est à dire, entre trois, & six heures apres midy, selon nostre compte: Ce que traictant Calvin, remarque, que de ce lieu il peut estre colligé, que l'heure de l'oraison, estoit l'heure destinée au sacrifice du soir, *Exod. 29. 39.* Beze aussi escrit, *Actu. 3. 1.* l'heure de neuf heures, estoit l'heure consacrée à l'oraison, c'est assavoir au sacrifice du soir. Enquoy clairement nous voyons, que le mot d'oraison, est par excellence attribué au vray sacrifice: comme quand S. Pierre disoit, *Actu. 6. 4.* quand à nous, nous insisterons à l'oraison & au ministère de la parole, *τῇ προσευχῇ.* Ainsi les Leuites estoient pour sacrifier, & enseigner, & les fideles en la primitive Eglise perseueroiēt d'un bon accord en oraison & requeste, *Actu. 1. 14.* comme il est escrit, *Actu. 2. 42.* que les Chrestiens perseueroient en la doctrine des Apostres, & en la communion de la fraction du pain & des oraisons. On sçait bien que la fraction de ce pain la, estoit l'Eucharistie, comme porte icy expressement le nouveau testament Sirien, qui est vne façon de parler vsitée à S. Luc, *cap. 22. 19. Luc. 24. 30. 35. actu. 20. 7.* Car les fideles dès le commencement, auoient certains lieux, à s'assembler certains iours, à ceste solemnelle oraison, comme il est recité, *Actu. 16. 13.* Que les fideles sortirent le iour des sabbats, hors la ville de Philippes, ou ils auoient coustume s'assembler à l'oraison pres le fleuue. Puis donc que la celebration de l'Eucharistie, est nommée du mot, d'oraison, qui signifie vœu, & sacrifice, & non Cœne, il sensuyt, que le mot de Cœne n'auoit point cours, pour le seruice de Dieu. Item que la celebration de l'Eucharistie, est sacrifice tresparfait, & excellent, pour estre celebré mesmes tous les

iours.

SECT. X.

A ce propos S. Paul exhorte Timothee ; que aux assemblées ecclesiastiques auant toutes choses , on face prieres , oraisons , complaints , & actions de graces pour le salut de toutes personnes 1. *Timoth. 2.*
 1. Ce qui est, a esté, & sera obserué à l'autel par toute l'eglise, tant Greque, que Latine. Le diuin Apostre ne parloit doncq pas des prieres particulieres, ains des communes, qui se font en celebrant la Messe: Et pour ce il à vsé des motz , exprimans toutes façons de prieres en excellence disant, *ἱκεσις*, priere par laquelle nous requerons estre deliurez des peines des pechez, & des maux, qui nous pressent, & sont imminens : Et pour-ce nous nous signons du signe de Croix, & sommes arrousez d'eau beniste, protestant que la Croix, & le sainct Baptisme, sont origine de nostre salut: Alors nous disons nostre *Pater noster*, avec la salutation Angelique , exprimans par la nostre salut, en ce que Dieu c'est faict homme : & puis nous disons nostre *Confiteor*, *Kyrie Eleison*, Seigneur pardonne : Il s'ensuit *προσευχῇ*, oraison & vœu, quand on demande les diuins benefices à Dieu, en luy offrant quelque chose excellente, & volontaire, comme nous faisons à la Messe, principalement enuiron la consecration & oblation; S'ensuit, *ἑντεύξις*, Entefxis, c'est vne oraison, & requeste de pardon & iustice, que l'on faict par manière de complainte, de ce qui nous nuist, & empesche de faire, & accomplir parfaictement ce que nous desirons: telle est nostre infirmité & fragilité humaine, tels sont le monde, la chair & le malin, dont nous prions, *Et ne nos inducas in tentationem, sed libera nos a malo Amen.* Et ne nous induis point en tenta-

*Luc. 1. 13**Luc. 2. 37.**Luc. 5. 33.**Act. 1. 14**Ro. 10. 1.**2. cor. 1.*

11.

2. cor. 9.

14.

Iacob. 5.

16.

*Gen. 28.**20. Gen.*

31. 13.

tion, mais deliure nous du malin, fidelement. En fin *εὐχαριστία*, Oraison faicte par action de graces, par quoy le saint Sacrement du precieux corps & sacré sang de nostre Seigneur Iesus Christ, est communément appellé, Eucharistie: c'est à dire bonne grace: Car le diuin corps, & precieux sang de nostre Seigneur, sont la substance de la bonne grace de Dieu, quand il c'est faict homme pour nous, & c'est sanctifié, ou sacrifié soy-mesme pour nous, *Ioh. 17. 19.* Quand soubz les especes de pain, & de vin, il à dict par action de graces, & benediction de la creature, *Cecy est mon corps lequel est donné pour vous. Luc. 22. 19.* Car *ccec* est mon sang du nouueau testament, lequel est espendu pour plusieurs, en remission des pechez. *Math. 26. 28.* En verité ce souuerain sacrement, est appellé à iuste raison Eucharistie, c'est à dire action de graces: Car Dieu ayant prins nature humaine, en vnité de personne: c'est bien à nous obligation, & argument, de le recongnoistre, par action de graces: Et la sainte vierge, le conceut à la parole de l'ange, comme fruit de ses léures virginales confessantes le Seigneur. *Osée. 14. 3. Heb. 13. 15. 16. Luc. 1. 38.* en disant. *Voicy la seruante du Seigneur, me soit fait, selon ta parole.* En la Loy, le sacrifice d'action de graces, n'estoit point, sans quelque substance, offerte. *Leuit. 7. 12. 15. Leuit. 22. 29.* Et les religionnaires veulent en establiir vng, qui soit sans oblation: Comme si la verité ne deuoit pas ressembler à sa figure. En la loy, figure de l'euangile, l'action de graces estoit la forme de consacrer la substance offerte. Ainsi donc nostre action de graces, soubz l'Euangile, à sa substance sacrifiée, qui est le corps, & sang du diuin Verbe. Aussi nostre Seigneur, c'est consacré à Dieu son Pere, & les prestres

le luy dedient, non comme prophane, ains comme dedié, à cause de sa singuliere prerogative, en l'offrant par action de graces, comme premier né de toute creature. Mais attendu qu'en la Cène, rien de ce souuerain & diuin seruice à Dieu, ne se faict, il s'ensuit que c'est vne action mondaine; & non vne sacrificale ceremonie du nouveau Testament, comme parle l'Euangile, *Math. 26. 28.*

SECT. XI.

J'ay à mon aduis exposé fidelemēt ce lieu, *1. Timoth. 2. 1.* de prieres, d'oraisons, de complaints, & d'actiōs de graces practiquées en l'Eglise, à la Messe, lequel autrement estoit difficile: Car S. Paulin, le plus noble, le plus riche, le plus charitable, le plus pauvre Euesque de son temps, & l'un des plus doctes de son siecle, le trouua difficile, & en escriuit à S. Augustin, *Epist. 58.* Et S. August. luy respondant, *Epist. 59.* entre autres propos dit. *De ce lieu 1. Timot. 2. 1. icy, on pourroit dire beaucoup de choses qui ne seroient à reprouuer: Mais i'eslis en ces paroles icy, entendre ce que toute l'Eglise, ou presque toute l'Eglise frequente: tellement que par lesdictes prieres, nous entendons toutes celles que nous faisons en la celebration des Sacremens, auant que lon commence à benir ce qui est posé sur la table du Seigneur, par ce mot (Oraisons) nous entendons ce qui ce dict quand on le benist, on le sanctifie, & que lon le met en pieces, pour estre distribué: toute laquelle requeste presque toute l'Eglise conclud par l'Oratson Dominicale. Et vn peu apres s'ensuit. On vouë à Dieu toutes les choses qui luy sont offertes, sur tout l'oblation du saint autel: par lequel sacremet est presché nostre autre tres-grand vouë, que nous auons vouë de demeurer en Christ, c'est à d. re, en la liaison de son corps: Et le sacremet de ceci est, que nous plusieurs, sommes vn mesme pain, & vn mesme corps. 1. Cor. 10. 17. Les complaints ou les requestes se font*

quand le peuple est beny : car alors les presidens de l'Eglise, comme aduocats, les offrent à la tres-misericordieuse puissance, par l'imposition des mains. Et ces choses paracheuées, & ce tant grand sacrement participé, l'action de graces que l'apostre à recommandée es dernieres paroles, conclud tout. Iusques icy S. Augustin, qui ne dit mot de la Cène, ou rien n'est voüé ny offert à Dieu, ny beny, ny sanctifié sur la table du Seigneur, qui est le saint Autel: car la table du Roy, est celle sur laquelle, quelque chose est présentée au Roy. La table des religionaires ne presente rien à Dieu, ains seulement aux hommes, pain & vin, destinez en signe & vſage de corps & sang de Christ, residant seulement au Ciel; & pour ce ne peut estre dite la table du Seigneur: & c'est ce mocquer de Dieu, luy mettre vne table, & dire qu'elle est à luy, & n'y mettre ny offrir rien pour luy. Ceux qui ont seruy les Démons, & sacrifié aux eidoles, n'ont iamais si iniurieusement traité leurs Dieux controuuez, que de leur dresser des tables, sans rien leur offrir, 1. Cor. 10. 19. 20. 21. comme font les religionaires, qui mettent en auant la table du Seigneur, sans rien luy offrir: tellement que leur banquet n'est point la Cène, ny seruice au Seigneur, Act. 13. 2. car on ne luy offre, ny ne luy presente on rien: car le corps & sang de Christ ny sont pas, ains au Ciel seulement. Quand au pain & vin, signes naturels de la nourriture spirituelle des ames, ne sont point presentez à Dieu, ains aux corps religionaires, pour leur seeller deuant ou apres l'imaginaire manducation du corps de Christ, qui ne peut estre ailleurs qu'au ciel. Et comment sera ce la Cène du Seigneur, si alors on n'y reçoit pas ordinairement le corps & sang de Christ; ains long temps auparavant, ou lōg temps apres, sans pain & sans vin, com-

me Calvin confesse expressement en l'accord fait entre Suric & Genesue l'an 1549. le 30. iour d'Aoust Articles 19. & 20

SECT. XII.

Sainct Augustin tesmoigne assez clairement, que l'ordre des prieres, oraisons, requestes, ou complaints, avec action de graces, que l'on celebre à l'Autel, en la sainte oblation, & celebration des sacremens du precieux corps & sacré sang de nostre Seigneur, que lon vouë, & que l'on offre, sont de l'institution Apostolique, selon la pratique de l'Eglise Catholique, d'ot les Papes & Synodes ne sont auteurs, ains restaurateurs : non inuenteurs, mais conseruateurs, cōtre la nouveauté, la reuolte ou desbauche des perturbateurs de l'ordre & discipline ecclesiastique. Ainsi S. Paul selon sa promesse, est venu en Corinthe 1. Cor. 11. 20. 34. & a disposé & ordonné le reste, touchant l'usage & celebration du saint Sacrement. August. epist. 118. cap. 6. *Quand ie seray venu i'ordonneray du reste* : Dont est donné à entendre, que ce que l'Eglise garde sans diuersité de mœurs par l'vniuers, à esté ordonné de S. Paul, auquel il a suffy de l'insinuer en en son epistre, 1. Cor. 11. 34. Sainct Chrisostome Homil. 6. in 1. Timob. cap. 2. 1. *Je vous prie deuant toutes choses, que prieres, oraisons, requestes, actions de graces soient faites pour tous hommes, pour les Rois, & pour tous ceux qui sont establis en dignitez; pour ce que le Prestre est estably comme commun pere de l'vniuers, c'est chose digne qu'il prenne soin de tous, & qu'il pouruoye à tout; ainsi que Dieu, au ministere duquel ils sont tenans son lieu; Que veut dire dauant toutes choses? sinon qu'au seruice quotidien, & qu'en la perpetuelle coustume de la religion, faut faire ainsi. Et homil. 7. A celle fin que nous menions vne vie tranquille & parfaite*

GENERAL EXAMEN

en toute pieté, & chasteté: car cecy est bon, & acceptable deuant Dieu nostre Sauueur, qui veut tous hommes estre sauuez, & venir à la connoissance de son nom. Pour ce que S. Paul desire les communes guerres estre deffaictes avec les escrimes, agitations, & fremissemens d'armes, il exhorte, que le sacrificeur offre prieres pour les Roys, & pour les princes, & principalement pour les debartz particuliers. Iusques icy S. Chrysost. qui monstre que la memoire que nous faisons à la Messe du Pape, du Roy, de l'Euesque, & autres semblables, vient de l'ordonnance de S. Paul. S. Ambroise dict manifestement, 1. *Timoth. 2. 1.* que ceste reigle ecclesiastique de laquelle nos sacrificeurs vsent en priant Dieu pour tous, a esté baillée par l'apostre, Magister des Gentilz. Et Theophilacte en ce mesme passage, escrit: *Quand il est dict, qu'il faut deuant toutes choses, prier: c'est au seruice quotidien: Car puis que le prestre est le pere commun de la rondeur des terres, il doibt auoir soin de tous, & prier Dieu pour tous: ainsi que Dieu, auquel il sacrifie: à celle fin que menions vne vie tranquille, & paisible: Certes il est vray semblable, que l'esprit des Chrestiens estoit troublé, si on leur commandoit prier Dieu pour les Roys infidelles, en celebrant les mysteres: Et pour ce il met vn grand profit en auant, à celle fin que nous receuions mieux son exhortation. En quoy nous voyons que tous les anciens Peres d'un commun consentement entendent cecy des prieres, oraisons, requestes, & actions de graces que lon celebre iournellement à l'autel, sans aucune mention de la Cène, qui ne se celebre pas tous les iours, ains seulement d'heures à fois, & de loin à loin, sans sacrifice.*

Zuingle, l'un des legiflateurs religionaires, voyant que son expofition fignificatifte ne pouuoit fubfifter, fi facrifice auoit proprement lieu, mefmes en la Cène mofaique, il la niec facrifice, en fa refponce à Luther, *Tom. 2. de Zuingle pag. 392. difant, L'aigneau pafchal, eft dict victime, Exod. 12. 6. 27. numer. 9. 7. 13. Deuter. 16. 2. 5. 6. combien que ce pendant il ne fust ny victime; ny facrifice, car il n'y auoit rien d'iceluy, qui fust offert, ains il eftoit tout mangé: Vray eft que les offemens & excremens eftoient bruslez, non pas à celle fin qu'il y apparust quelque efpece de facrifice, Exod. 29. 14. de iuuenco pro peccato, Leuit. 4. 11. 12. Iterum de iuuenco pro confecratione leuitarum, Leuit. 8. 17. Item pro expiatione, Leuit. 16. 27. de vacca ruffa, numer. 19. 5. Encore toutesfois pour la tuerie de l'aigneau, ou du bouc, toute ceste fefte, eft par Moysé appellée victime. De ce lieu donc, ô Luther, tu après, dit Zuingle, que toute l'adminiftratiō de ceste fefte, à prins le nom de victime, à caufe feulemēt d'une partie qui eftoit facrifice. En après il nous faut tous enſemble obferuer contre les pontificaux, que l'eſcriture nōme quelque choſe, facrifice, qui ne l'eſt point en verité, ainſi que nous voyons icy en la deſcription de l'aigneau, & de ceste fefte. Parquoy ſi Chriſt euſt voulu nommer ceste ſienne commemoration, victime, il ne nous euſt pour tout cela, rien plus recommandé, que ſa memoire. Iuſques icy Zuingle. Si les religionaires veulent laiſſer l'eſcriture de Dieu, pour ſuyure leur guerrier Zuingle, il leur reſtera quelque peu, en apparence, de terre mobile, pour maintenir, ny l'Euchariftie, ny leur Cène, n'eſtre point vray facrifice. Que ſils reiettent leur euangelifte Zuingle, comme errant, malicieux, & ignorant, en ce qui eſt tant maniſeſte & certain, leur Eglise tant bien reformée ſera ſans docteurs, ou qui leur ſeront conducteurs aueu-*

gles, & ses docteurs feront contraires les vns aux autres, & le peuple sera iuge de son maistre. Et si Zuingle à failly, comment est ce qu'eux qui censurēt les escritures & docteurs, ne l'ont censuré? Que fil n'a point erré en la doctrine de la Cène: Pourquoy Calvin en son liure de la Cène, prononce-il, que Luther, Zuingle, Oecolampade, y ont erré? *pag. 193. 194.* Certes vn corps qui est sans chef, comme l'Eglise, qui est le corps mistique de nostre Seigneur: si elle est sans ses Euesques, qui luy sont ambassadeurs, chascun en sa prouince, au lieu de nostre Seigneur, elle est sans chef: si elle est sans vray docteurs, elle est sans yeux: Quel corps peut elle estre, lequel au lieu de la teste, ou Euesques, il a seulement des masques: & au lieu d'yeux, ou docteurs, il est aueugle? De verité il n'y à rien qui se monstre mieux au corps, que la teste, & les yeux.

SECT. XIII.

Si de verité l'aigneau paschal, estoit ensemble sacrement, & sacrifice, figure de nostre Eucharistie, à plus forte raison, le saint sacrement de l'autel doit estre vray sacrement, & sacrifice. Zuingle voyant cela, à nié que l'Aigneau paschal fust vray sacrifice, & à proposé sa parole, au lieu de la parole de Dieu. Zuingle dit, l'aigneau paschal n'estoit victime, ny sacrifice: Nous disons à Zuingle, tu le dis, & non l'escriture, & pour ce nous ne te croyons pas: Zuingle dit, les ossemens & excremens de l'Aigneau paschal estoient bruslez, non pas pour qu'il y apparust quelque espede de sacrifice: Nous demandons à Zuingle, qu'elle escriture dit cela, à celle fin que no^s le croyōs? il est aisé à voir que l'esprit de mensonge les possède, car ils veulent que nous les croyons, comme si Dieu le disoit:

le disoit : Item, que nous laissions le texte-expres de l'escriture, pour acquiescer à leur glose. En fin, que nous laissions l'usage, pratique, & l'intelligence de la religion Chrestienne, pour suyure en leurs deserts, & cabinets, l'antichrist, selon leurs imaginations. Dieu dit *Exod. 12. 6. toute l'Eglise de la Synagogue d'Israel, immolera l'Aigneau entre les deux Vespres.* Zuingle dit, l'Aigneau n'estoit point victime ou sacrifice, Dieu dit, *Exod. 12. 27. C'est le sacrifice de la pasque du Seigneur.* Le prophete guerrier pronõce. Il n'y auoit rien de l'Aigneau qui fust offert. Et aux nombres, 9. 7. 13. l'escriture rapporte la parolle d'aucuns Israelites, touchant l'Aigneau paschal, disant, *Pourquoy serons nous empeschez d'offrir l'oblation au Seigneur, car qui n'offre point l'oblation au Seigneur en sa saison, sera exterminé.* Le faux prophete Zuingle dit, combien que l'escriture nomme quelque chose sacrifice, toutesfois de faict il ne l'est pas: Or sus Zuingle, tu dis cela, qu'elle escriture le dit avec toy? Que si l'escriture le dit, & il n'est pas, elle nous trompe, il ne la faut pas croire, elle nous expose à peril, de croire l'un pour l'autre: Que fil est ainsi, en cecy si manifeste, que tant de saints personnages souz le vieil, & nouveau testament, y ont esté trompez: Comment croyrons nous, que tu n'y es pas trompé? N'as tu pas, comme Manichée & Mahomet, ouuert la porte à croire en l'escriture, seulement ce qu'il te plaira? Tel est vostre commun examen des escritures, & anciens docteurs: Car vous dites au contraire du texte, & puis peruertissez le sens, & voulez que l'on receioie voz gloses & imaginations, pour oracles du saint Esprit; autrement on est idolatre, superstitieux, & ignorant. Dieu dit, *Deuter. 16. 2. 5. 6. tu sacrifieras la pasque au Seigneur ton Dieu, au lieu que le*

GENERAL EXAMEN

Seigneur ton Dieu eslira. Zuingle prononce, c'est la feste qui est appellée victime, & non l'Aigneau : Ou est l'escriture, ô Zuingle, qui die comme toy, que la feste est le sacrifice, & non l'Aigneau. On faisoit bien à Pasques, les sacrifices des Aigneaux, Cheureaux, & autres animaux, mais Dieu ne dit pas, que la feste tust le sacrifice : Zuingle l'a ouy de son truchement, qui luy fit acroire que l'Aigneau signifioit le passage du Seigneur: ce qui n'est point en l'Exode, *cap. 12. 11.* Car l'Aigneau signifioit la chair & le sang de nostre Seigneur, *1. Cor. 10.* Et la ceremonie de le manger subitement, estās debout, les pieds chaufsez, & les bastons és mains, signifioient le subit passage du Seigneur, comme monstre la sainte parole, *Exod. 12. 11.* Auili cōment est ce que l'aigneau mort, qui estoit vne substance sans remuemēt ny sentiment, eust signifié par analogie de nature, les actions de l'Ange qui passoit pour meurtrir, ou conseruer de maison, en maison?

SECT. XV.

Zuingle ne scait, si l'auteur de son songe estoit blanc ou noir, qui luy dist, *l'Aigneau signifie le passage.* Ce qui n'est en l'escriture, qui dit, *Exod. 12. 11.* Or vous le mangerez ainsi, voſ reins ceints, voſ souliers en voſ pieds, & voſtre baston en voſtre main, & mangerez iceluy hastiuement, le passage est au Seigneur. C'est donc l'esprit malin, qui aprist à Zuingle, *l'Aigneau est le passage,* & non Moysē, qui dit seulement, *vous le mangerez hastiuement pessach hula iehouah.* Ce passage est au Seigneur, c'est à dire, Dieu sautera subitement d'un logis en l'autre, sans s'arrester, parquoy vous hasterez de manger, pour estre plustost prests à sortir d'Egipte, quand il vous precedera. Qui plus est, quand l'escriture diroit ce que l'Ange de Satan à reuelé aux Religioneires,

au lieu de la sainte parole, l'Aigneau seroit le passage; non par analogie naturelle, comme supposent les sacramentaires, pour l'accommoder à *cecy signifie mon corps*: ains seulement comme la cause est dictée son effet, comme Cerès & Bacchus eschauffent, c'est à dire sont causes de chaleur: Ainsi l'aigneau immolé, & hastiuement mangé, seroit cause du soudain passage du Seigneur: Ce qui ne seroit par analogie naturelle, ains par cause gratuite & volôtaire. Ainsi la Circoncision estoit l'alliance, *Genes. 17. 13.* de propriété, de cause, à son effet, mais non pas par analogie naturelle, de laquelle les religionaires debattent: car la circoncision du prépuce; signifioit la Circoncision spirituelle du cœur, de nostre langue, & de nos oreilles, comme l'ont interpreté les prophetes, & saint Estienne avec S. Paul, par analogie naturelle, & non l'alliance. O miserable significat des religionaires, qui n'est fondé en hebreu, *Exod. 12. 11.* comme ils disoient: Mais qui a esté reuelé en songe à zuingle, par l'ange de tenebres, se transformant en Ange de lumiere, encores ne scait zuingle fil estoit blanc, ou noir, comme parlent ceux qui resuent en dormant. O execrable reformation, qui confond l'analogie gratuite, & volontaire de la cause à son effect. O defenses ruyneuses, qui par sophismes, qui sont cautelles & deceptions Caluiniques, c'est à dire trompeuses & zuingliennes, c'est à dire sanguinaires: estes aduancées, & maintenües. Je n'en parle icy, que par preface & preparatif, comme en passant, esperant en l'examen du liure de l'institution religionaire de la Cœne, au lieu de l'Eucharistie, en traicter exactemēt & au long, de propos deliberé, alors nous scaurons, que māger bien tost, selon la vulgate edition, est cau-

GÉNÉRAL EXAMEN

se du passage du Seigneur, non par naturelle analogie, mais par volontaire consequence de la cause gratuite à son effect.

SECT. XVI.

Zuingle dict, *les ossemens, & excremens de l'aigneau paschal, estoient bruslez, non pas, pour qu'il y apparust quelque espece de sacrifice.* Nous demandons à Zuingle, qu'elle escripture dict cela : l'escripture dict, que des sacrifices les vns, qui sont holocaustes, sont du tout bruslez; comme le nom le porte, des autres, qui sont pour le peché *Exod. 29. 14. leuit. 11. 12.* ou pour la cōsecration des leuites, *leuit. 8. 17.* ou pour faire l'eau d'expiation, *numer. 19. 9.* La peau, la chair, & les excremens en estoient bruslés, hors les castres: dont s'ensuit, que les excremens, ossemens, peau, & fumier de l'Aigneau paschal, qui estoient bruslez par l'expres commande de Dieu, *Exod. 12. 10.* monstroient, que c'estoit vng vray sacrifice de Dieu, contre la resuerie de Zuingle. Vostre Cène donq, qui n'est point vray sacrifice, ne peut appartenir au parfaict seruice de Dieu, qui nous introduit au sacrifice absolu de la Croix. Nous nous pleignons de vos sophismes, & circonuentions: Car nous disputans des sacremens du nouueau testamēt, qui sont l'accomplissement des vieux, vous les voulez indeūment confondre les vns avec les autres. Secondement, pour ce que entre les sacremens, il y à quelque similitude, vous en voulez conclure vne egalité, & idemtité. Troisiēsmement, pour ce qu'il y à aucune similitude, entre les actions suiuanes la nature, comme dict S. August. *Epist. 23.* & les actions des signes, vous en inferez vne propriété de substance: tellement, qu'il faudroit que l'eau du baptesme lauast les macules corporelles, que Israël eust esté

mouillé en passant la mer rouge, & soubz la nuë,
 qui rafraichissoit,plustost que mouiller: A ce cõpte,
 la Colombe,au baptesme de nostre Seigneur,auroit
 esté vng vray pigeon, & non l'espece ou forme de
 colombe, comme dict l'escriture,*Luc.3.22.* Dauanta-
 ge,estant question de la similitude, par analogie na-
 turelle du pain nourrissant au corps,vous auez re-
 cours à l'analogie,non de similitude naturelle, ains
 de la cause à l'effect. Qui plus est, estant question de
 la propriété & nature sacramentale, qui est diuine,
 & supernaturelle, voire diuerse, selon la propriété
 des paroles de son institution, vous voulez reigler
 tout cela, selon l'analogie naturelle,ou par quelque
 fausse grammaire,rhetorique,ou dialectique.Sixies-
 mement, quand nous disputons des sacremens, qui
 sont actions,& pratiques religieuses, & supernatu-
 relles, pour donner couleur à vostre significat,vous
 mettez en auant, les Images,les representations,les
 paraboles, les similitudes, & comparaisons, qui ne
 sont point sacremens: Enquoy clairemét vous vous
 monstrez sophistes, ou ignorans. Finalement, vous
 vous monstrez ridicules, quand pour authoriser
 vostre significat en ces paroles,*Cecy est mon corps*, vous
 alleguez, *Je suis la vraye vigne,la semence est la parole de*
Dieu, qui ne sont point sacremens ny similitudes,
 ains explicatiõs de la verité, & excelléces des choses
 diuines, rapportees ou comparees aux terriennes: Et
 pour ce,comme disent les logiciens,la similitude est
 à *parte praedicati*, Et en vostre Cœne, ou la similitude
 se met,selon vostre tradition, à *parte subiecti*, Le cas
 n'est pas semblable.

*De la Cène Religieuse, qui n'est le
sacrement de l'Eucharistie.*

Chap. VII. Sect. I.



Nous avons obtenu, que la Cène religieuse, qui n'est point proprement sacrifice, n'appartient point au parfait service de Dieu: & pour ce en ceste cōsideration ne doit auoir lieu, entre les exercices Chrestiens. Mais les religieux disent, qu'elle est vray sacrement, & pour ce, qu'elle à lieu au service de Dieu. Nous leur demandons, qu'elle escriture le dict: Car ils ne permettent croire aucune chose, s'il n'est expressement escrit. Dauantage ils sont reformez, selon la parfaite constitution de l'Eglise: L'escriture me dit bien, que le pain & le vin, que le corps, & le sang, la substance beniste, l'action de graces en substance, la substance de la parfaite oraison, sont sacrements tres-excellens du nouveau testament: Mais que la Cène soit cela, nulle escriture le dit. C'est donc aux religieux d'apporter icy l'escriture expresse, pour dire le sacrement de la Cène, ou bien changer de langage, ou pour le moins reconnoistre, que es mysteres chrestiens, ils vsent d'autre langage que de l'escriture. Certes pour estre sacrement, il faut estre matiere sensible, c'est à dire, element, & espece d'action naturelle, ou estre chose inuisible, & celeste, & auoir analogie, qui ne change point de la chose, dont en aptitude, elle est le signe. Or la Cène, est proprement le temps de soupper au soir, & l'action de boire, & de manger en ce temps là: or cela n'est point pain, &

vin plus qu'autre chose, ce n'est point aussi le corps, & sang de nostre Seigneur, ce n'est point aussi le temps du soir religieux au 14. iour, ains la pointe le matin, & premier quartier du quinziesme, qui commençoit immediatement, apres six heures du soir: tellement, que combien que selon nostre façon prophane de compter, ce fust au soir, & la nuict, toutes-fois, c'estoit le matin, & commencement du quinziesme iour, selon la religion des hebreux: & pour ce, ne se doit proprement dire Cène auioird'huy, aussi attendu que nous celebrons les mysteres au matin, ce n'est la raison de les nommer Cène. Certes la Cène, qui est vne quantité discrete, ne signifiera pas par analogie naturelle, le pain, & le vin, le corps & sang du Seigneur, qui sont quantitez continues: La Cène aussi ne signifie pas plus proprement & distinctement pain & vin, qu'autres fruiçts, alimens, viandes, & liqueurs: & pour ce n'est point vn signe prescrit, & particulier, pour establir vn sacrement distinct. Les sainçts Peres anciens, & les synodes ecclesiastiques, ont souuent nommé les sacremens Euangeliques, mais ils n'ont point dit, le sacrement de la Cène: Comme aussi, la Cène, qui est vne action, & circonstance du temps vespertin, signifiera elle le corps de nostre Seigneur, qui est vne substance sans circonstance de temps: C'est donc irreligieusement parlé, de dire le sacrement de la Cène. Puis que ce n'est donc point proprement sacrement, elle n'appartient point au seruice de Dieu, & est chose prophane & mal nommée.

SECT. II.

Quand nostre Seigneur print le pain entre ces mains, dist-il ceste Cène est mon corps, ceste Cène

signifie mon sang: comment vostre Cène sera-elle
 sacrement, si vous n'y employez quelques paroles
 pour la consacrer, comme vous faictes au pain, & au
 vin? Il faut que le sacrement consiste de deux par-
 ties, l'une terrienne, comme estoit l'humanité de
 nostre Seigneur, & l'autre celeste, comme estoit le
 diuin verbe: En l'Eucharistie, la partie terriene est le
 pain, & le vin visibles, avec les operations poten-
 tielles: l'autre partie est celeste, qui est le precieux
 corps, & sacré sang de nostre Seigneur, qui sont
 vraiment, presentement, & substantiellement en
 ce diuin sacrement, d'une façon supernaturelle, &
 non infirme: d'une façon dis-je, digne d'un vray
 corps tant excellent, pour un si signalé sacrement, &
 pour effects tant diuins & religieux. Que si le corps
 de nostre Seigneur n'y est que par le significat d'a-
 nalogie naturelle, comme disent les religionnaires,
 il n'y a rien de supernaturel en leur cène, car il est
 naturel à tout pain mangé, de nourrir, & d'auoir
 conuenance & proportion à ce qui nourrist spiri-
 tuellement, & inuisiblement, & ne faut point ne-
 cessairement y employer de parole de Dieu pour ce-
 la, car l'analogie du pain mangé & nourrissant, & la
 proportion du vin beu, & respandu au breuuage spi-
 rituel, y est naturellement, sans aucune inuocation.
 Tellement, qu'aussi tost & tant matin, que vostre
 pain sera cuit & mangé, & vostre vin tiré & engor-
 gé, voulez, ou ne voulez pas, croyez, ou ne croyez
 pas, vo⁹ auez Céné par vostre analogie naturelle du
 pain mangé & nourrissant, au corps de nostre seigneur,
 qui substante inuisiblement ceux qui le participent.
 Quel secret diuin y a il, pour estre vray & propre sa-
 crement du nouueau testament, que le realement

pain, & le vin aualez, en alimant, ne signifie l'aliment spirituel des choses diuines, qui nourrissent nos Ames. Beze à bien cogneu cela, & pour ce à refoult, que fil auoit faute de bon pain, & de bon vin qu'il Cœneroit aussi bien foubz autre viande, qui auroit vertu naturelle de nourrir, que foubz le pain & foubz le vin Cœnaux. Parquoy vostre Cœne, n'ayât rien proprement de supernaturel, n'est point sacrement religieux, & diuin, ains est vn abus introduit par les nouuelles traditions des hommes, qui par leurs ordonnances imaginaires rescindent le saint Commandement de Dieu, *Cecy est mon corps* : au lieu dequoy les religionnaires nous veulent donner à soupper d'vn significat, & d'vne analogie naturelle avec la communion d'vn corps, qui n'est non plus en nous, que foubz les especes de pain & de vin : Car il n'est iamais qu'en vn certain lieu du Ciel, selon les Caluinistes. Nous le croyons en vn lieu, non pas exclusiurement, comme les sacramentaires : & si le croyons en plusieurs lieux, non inclusiuement, car la façon en est supernaturelle.

SECT. III.

L'Eglise vniuerselle, parlant de l'Eucharistie du pain, & du vin, la nommée singulierement, *mysterium fidei*, sacremēt de la foy; mais quel secret singulier est ce en la foy chrestienne, que le pain, & le vin mangez, & naturellemēt nourrissans, nous representent & signifient vne alimonie supernaturelle. Toutes les paraboles, proverbes, comparaisons, similitudes & apologues, comme le colloque, & conference des boys pour eslire vn Roy, les estoilles du Ciel en contiennent autant, ou plus : Et touteffois il n'y a homme sage, qui pour ce secret de doctrine, les aye nom-

*Epist. 2.
Thom.
Till.*

Iud. 9.

mez sacremens, à proprement parler. Il faut donc pour establir vn vray sacrement chrestien, autre secret, que celuy de l'analogie naturelle, entre le signe, & la chose signifiée: Attendu donc, que vostre Cène, qui n'est qu'une deputation de pain, & de vin, pour vous signifier le corps, & sang de nostre Seigneur, sans qu'il y interuienne aucune secrette & insensible presence, operation, mutation, ou chagement, ne peut estre vray sacrement chrestien: aussi ne le peut elle estre, sans vne vraye & religieuse consecration: Car benir, n'est autre chose; que par paroles de bien & diuinement dire; faire que la chose beniste aye en soy, ou effectuee, ou soit ce que l'on à dit par les saintes parolles. Exemple, Dieu benist l'homme & dit, *Genes. 1. 28. Croissez & multipliez, & remplissez la terre, & là vous assuetez, & luy dominez, & aux oyseaux & aux poissons, & aux bestes de la terre.* Alors en vertu de ces bonnes parolles là, l'homme eut vne vertu, puissance, & licence en soy, pour estre, & effectuer, tout ce que ces parolles de benediction signifioient. Dieu benist Abraham, *Genes. 22. 18.* luy disant, *qu'en sa semence, toutes gens seroient benistes.* C'est à dire, qu'il y auroit au Messie, vne vertu de sanctifier tous croyans en luy: tellement, que les mots de benediction, sont vne cause, & claire declaration de ce qui à esté dit par la parole: Au cōtraire, malediction sont parolles qui effectuent & declarent, en la chose maudite, ce qu'elles ont signifié, comme quand nostre Seigneur maudit le figuier, *Math. 21. 19.* disant, que iamais fruct ne naisse de toy, & incontinent le figuier fut sec. De cecy il y a clair exemple, *numer. 5. 17. 18. 19. 27. 28.* Il faut donc, que les parolles de benedictiō, *Ceci est mon corps: Ceci est mon sang,* face & effectuér

vrayemēt le corps & le sang, comme elles déclarent, autrement ce ne seroit point vraye benediction, comme les autres racontées en l'escriture. Il n'est en la puissance de tous les religionaires, de nous monstrier en l'escriture, que l'on aye beny aucune chose, pour la faire signe d'une autre par analogie naturelle: Cela est de Caluin, qui à en cela caluinisé ses eglises reformées, sans escriture. Vostre Cœne donc, qui n'est point beniste, pour estre le corps & sang de nostre Seigneur, comme les paroles signifient, ains seulement pour les signifier, n'est point vray sacrement proprement benist. C'est donc vn lourd abus, qui n'appartient point au seruice de Dieu.

SECT. II II I.

Vous dictes, 1. cor. 10. 16. que vostre benediction est vne consecration du pain, & du vin, pour estre signes du corps, & du sang du Seigneur. Nostre debat n'est pas icy, de ce que vous dites, ou de ce que nous disons sans changer les paroles: ains de ce que l'escriture vous dit, & à nous en benissant le pain & le vin, *Cecy est mon corps, cecy est mon sang*, & pour ce, nous croyons estre, comme es autres benedictions, ce que les paroles nous déclarent, *corps & sang*. Vous dites, que le pain & le vin vous sont faicts, non corps & sang, mais signes du corps & du sang du Seigneur: dōnez nous escriture expresse de vostre dire, & de vostre foy, comme nous vous faisons de la nostre: Est il iuste, vous ouyr par dessus Dieu, & laisser le texte expres de la benediction qui est, *cecy est mon corps*, pour suyure vostre tradition, qui dit, *Cecy est le signe du corps*, & non pas le corps, comme Dieu dit. Quand il est question, *Genes. 17. 13.* de la Circoncision, qui est vne alliance en la chair d'Abraham, encore que ce soit

par efficace de cause à son effect, & non par analogie naturelle, comme cuident les religieux: elle à esté dicte expressement auparavant, par maniere d'exposition, *signum pacti*, Genes. 17. 11. *signe de l'alliãce*. Aussi touchant la Pasque, qui est le passage au Seigneur, de ceux qui mangent tost, & non l'aigneau: car *Paschal*, signifie *passage & saut*, non pas *Aigneau*, comme dient & argumentent les ministres: ce neantmoins encore que l'aigneau fust le passage par analogie naturelle, ce qui n'est, ny ne se list point: si est ce toutesfois que l'aigneau y est exposé en genitif cas, & non seulement en nominatif: Comme quand il est dict, Exod. 12. 27. *Vous direz à vos enfans touchant ce service icy, que c'est la victime du passage au Seigneur*. Trouvez nous donc expressement en l'écriture *signum*, d'auant *Corpus*, cõme nous le lisons, Genes. 17. 11. d'auant *pactum*. Trouvez nous *Corpus* en genitif cas, comme nous vous trouuons *passach*, Exod. 12. 27. Regardez s'il est raisonnable que la figure, l'ombre & l'enfance du vieil testament, aux sacrifices, & sacremens, captiue la verité, le corps, & l'homme viril du nouveau testament: N'est-ce pas contre toute raison, par métonymie de la cause à l'effect, introduire vne analogie de *significat*. Voulez vous que les dictions qui se trouuent en leur institution en nominatif, & genitif, comme est *Berith*, *pactum*, & *passach*, transiue. Genes 17. 11. 13. Exod. 12. 11. 27. soient reigle à *Corpus*, qui ne se trouue, Math. 26. Marc. 14, Luc, 22. & 1. Cor. 11. qu'en nominatif cas. Vostre significat est de si mauuais goust, que la grammaire le reiette pour son auorton de genitif: la rhetorique le rebute, car il confond les figures de la cause, à l'effect, avec l'analogie naturelle: La figure de *Continens pro contento*, avec vn pur significat, ne s'accorde en dialectique,

La logique s'en moque, car il veut inferer choses semblables, de suiets non semblables. La physique & geometrie, le detestent, car il leur donne la gésne, elles disent le plus petit des corps n'en mesurent aucun autre, & le plus grand corps n'est point mesuré: Et pour ce mesurer ou estre mesuré, n'est point essentiel au corps, comme le significat nouveau à cuide: La theologie là en horreur, comme temeraire, & insipient, car il cuide comprendre la sapience de Dieu, & enferger son omnipotence.

SECT. V.

Vous dictes, *1 corint. 10. 16.* que la benediction sacramentale & sacrificale, dont nous vsons en l'Eucharistie, est magique. Si vous eussiez montré par l'escriture ce que vous dictes, pour nous conuaincre d'un tant execrable crime, que nous anathematisons tous les Dimanches, nous vous en serions redevables. Abraham forté de peres, qui au delà de l'eufraire auoient serui aux Dieux estrangers, n'est ingrat, & sans respect enuers ses maieurs: Vous ne pouuez nier, que vostre Bible, vostre cathechisme, vos prieres, vostre confession de foy, la publique administration de vos sacremens, ne soit venuë au monde, depuis 70. ans par Luther, mesme long temps deuant vous, qui vous estes reuoltez de Luther: nous vous auons conserué, non comme Iuifs, & Macomeristes, mais comme Chrestiens tres-celebres. Le simbole des apostres, les escritures, les sacremens, le Christianisme, par manifeste succession, contre tous infideles, tyrans, schismatiques, & hereticques, comme porte la censure de S. Gelase Pape, *Distinct. 15. Can. sancta romana.* A quoy à succédé, *Ad abolendam extr. de heret.* Et le chapitre, *Excommunicamus*; & plus ex-

actement la Bulle, *In Cæna Domini*, contre Iudas & ses successeurs: tellement que quand vous parlez de nous, qui detestõs l'idolatrie, & les superstitions, qui anathematisons les enchanteurs & imposteurs, par faux miracles, & supposées reliques *Extr. de reliquis & venerat. sanct.* vous deuriez avec plus de respect, science, & modestie nous reprendre, & aduer-tir, comme gens qui faillent, non de malice, ains de simplicité, faute d'instruction: Vous dictes (sans le prouuer) que nos benedictions, & consecrations, sont charmes & magie, vous sçauiez que les charmes & magie, sont par paroles barbares, & non entendues d'aucun: les nostres sont Latines, Greques, Hebraïques, Syriennes, ou Abyssines, congnues de plusieurs. La magie se faict par paroles qui signifient autre chose, que ce que l'on faict, ou que ce que l'on desire impetrer. La magie n'a rien de commun avec les paroles, institutions & commandemens de Dieu. Or nous quand nous benissons au pain, & au vin, nous parlons latin, que plusieurs entendent, nous yfons de voix basse, car c'est mystere; nostre oraison signifie ce que nous en croyons: Nostre Seigneur prenant le pain & le vin à vsé de ces mesmes paroles, & nous à commandé de faire ainsi. Comment donc sommes nous magiciens, s'il ne l'est le premier? Mais vous qui benissez par maniere d'histoire, & non par maniere de priere & inuocation: Vous qui en benediction visez de paroles signifiantes chair, & sang, & entendez, & voulez, que ce soit le signe, & non le corps. Vous qui n'avez commandement de Dieu, pour faire le pain signe du corps, aussi n'en fait il point, s'il est comme vous dites, le corps du Seigneur par analogie naturelle, estes bien plus prest de ma-

gie, que nous: N'estes vous pas plus proches d'idolatrie, & superstition que nous: Car vous receuez la Cæne pour sacremēt, & elle ne l'est point: Vous qui benissez sans adresser les paroles à ce q̄ vo⁹ benissez, vous qui en benissāt faiçtes la chose autre & moïdre que ne portēt voz paroles de benediction, estes probablement suspects de charme, & charlatans, & non nous: Car ce que nous vous disons est vray, & ce que vous nous reprochez sont calomnies controuuées; nous excommunions telles gens, & les punissons de mort, & non vous.

SECT. VI.

Vous diçtes que benir & consacrer, est destiner le pain & le vin, à ce qu'ils vous soient symboles, c'est à dire, signes du corps & sang de nostre Seigneur: Mais où est ce que vous diçtes, en la sainte escripture: qui sont les anciens docteurs, qui ont beny & cōsacré par destination du signe? Il faut que vous prouuez vostre dire, ou que soiez trouuez parler de vous mesmes, comme faulx prophetes, & non de Dieu, *Joh. 7. 18. Iere. 23. 21.* Vous diçtes que vous destinez le pain & le vin, pour vous estre symboles du corps & sang de Christ; mais par quelles paroles les destinez vous, pour estre signes du corps & du sang de Christ: sont-ce paroles d'inuocation, ou paroles de renarration d'histoire? A qui adressez vous ces paroles, pour vo⁹ faire le pain & le vin, signes du corps & sang de Christ? Comment faiçtes vous vne destination de pain & de vin, en signes du corps & du sang de nostre Seigneur, sans paroles? Comment pouuez vous faire le pain & le vin, symboles du corps & sang de nostre Seigneur, sans luy adresser? Si le pain & le vin sont naturellement, comme vous dites, si-

GENERAL EXAMEN

gnes du corps & du sang de nostre Seigneur, & de l'aliment & participation celeste d'iceux, pourquoy y employez vous les sainctes paroles? Aharon a-il esté le sainct de Dieu, pour estre destiné en vſage de sacrifier; n'a-ce pas esté par la parole, par les ornemens, par le sacrifice, & par la sacrée vnction, qu'il a esté crée prestre? Car l'estre est dauant l'vſage: & par ce, si le pain & vin n'auoient la nature premiere-ment d'alimenter, seroit abus de les destiner en vſage d'alimonie: Vostre pain & vin donc, ne peuuent estre destinez en signes du corps & sang de nostre Seigneur, si auparauant ils n'ont esté faicts signes du corps & du sang. Si vous portiez vne faussille à vostre costé, & la destiniez en vſage d'espée, elle ne seroit pourtant pas espée, pour l'auoir destinée en tel vſage, mais seroit vn abus & folie. Ainsi, si vostre pain n'est premierement faict signe du corps du Seigneur, c'est vn abus & manifeste resuerie, de cuider que l'vſage face les choses. L'vſage d'une sie à fier, ne l'a fait pas sie; mais premierement estant de foy vraye sie, on la destine à fier. Comment donc sans s'égarer de sain iugement, pouuez vous prendre le pain & le vin de vostre Cene, figure du corps & sang du Seigneur, par destination d'vſage; filz ne le sont auparauant, soit par analogie naturelle, ou par religieuse benediction. De verité il faut (comment que ce soit) que les choses soient telles en foy, auparauât que nous en puissions vſer: Car ie ne puis vſer, ou prendre en vſage le pain pour signe du corps & sang du Seigneur, ny le pain & le vin, pour corps & sang de nostre Seigneur Iesus Christ, s'ils ne le sont auparauant en foy de verité. Certes on ne peut prendre le Calice de Dieu, pour l'vſage, si c'est le calice des démons:

démons: Il faut donc premierement, qu'il soit le calice de Dieu, auant qu'on en vse legitiment en tel vsage.

SECT. VII.

Vous dites que la consécration ce faict par la parole de promesse, quand les fideles s'assemblent pour celebrer en ce sacrement la memoire de sa mort. En quel endroit de l'escriture auez vo⁹ trouué ce secret? Nous trouuons, *accipite, & manducate*, Item, *gratias egit, fregit, benedixit, hoc est corpus meum, hic est enim calix sanguinis mei, hoc facite in meam commemorationem*. Mais qu'ayés promesse que le pain & le vin seront faits figures du corps & sang du Seigneur, quand vous vous assemblez pour celebrer la memoire de la mort de nostre Seigneur, cela est vn fondement de vostre religion Caluinique, qui n'est expres en l'escriture. Si ceste figure au pain & au vin, est par analogie naturelle, pourquoy dites vous qu'elle est faicte par vostre deputation? Et si elle est par vostre destination d'vsage, comment ce faict elle par la parole de promesse? Ou auez vous trouué tant expressement ceste nouuelle promesse que toute l'antiquité à ignorée. En persecution, ou vous ne pourriez vous assembler, seriez sans Cène. Mesmes puis que nostre Seigneur, n'y assembla aucune femme, ny aucun disciple, ou fidele, qui mangeassent l'agneau paschal, ils n'ont pas consacré par l'assemblée generale, comme vous dites. Cuidez vous qu'en voz assemblées, ou il y a des hypocrites, lutheriens, anabaptistes, infideles, epicureans, & semblables pestes, que vous ne discerniez non plus que nous, il y a de belles consecrations. Theophilacte Archeuesque de Burgarie, sur S. Mathieu, *cap. 26. 28*. Et sur S. Iean, *cap. 6. 70*. rapporte que

Iudas ne m^agea pas l'Eucharistie,ains cacha ce pain, pour calomnier le Seigneur,& le monst^rer aux Iuifs de ce qu'il l'auoit appellé son corps.Dóc le Seigneur à celle fin que Iudas ne peut se mocquer au bruuage comme il auoit fait au pain,il dist, *Beuuez en tous,& ils en beurent tous.* Et que feront les absens,les malades,les emprisonnez,& autres,qui ne se peuuent assembler avec les autres,ne feront ils point la Cène?la feront ils sans consecration? Consacreront ils sans s'assembler? Où est ce, que le Seigneur, duquel le ioug est souef & leger, leur à prescript ce commandement pharisien,& importable de ne cœner qu'en la generale compagnee? Puis donc,qu'en vostre Cène rien n'est proprement sacrifié & changé, & que la benediction ne se peut faire par deputation en vsage, comme vous cuidez, & qu'il n'y à rien par escrit de vostre parole de promesse de consacrer en vertu de l'assemblée:il s'en suit necessairement,que vostre cœne n'est qu'un abus,& prophanation de l'institution de l'Eucharistie du precieux corps & sacré sang de nostre Seigneur Iesus Christ.Si vous estes Chrestiens en ce sacrement,que ne parlez vous comme nostre Seigneur, *corps & sang*? Si vous y parlez, que ne le croyez vous? Pourquoi vous arrestez vous aux signes,pour exclure la substance signifiée,declarée, & demonst^rée,*Cecy est mon corps*?

SECT. VIII.

Vous concluez,1.*Corint.* 10.16. La fin de la benediction en la Cène est,que nous scachions que quand le vin est fait le marreau du sang de Christ, il n'est plus bruuage vulgaire,mais il est dedié à nous signifier l'aliment spirituel de l'ame. Que seruent en ce mystere icy tant serieux vos paroles,sans l'expresse

escriture. La question est, par quelles paroles le vin est faict en vostre Cœne, signe du sang de nostre Seigneur, veu qu'il dit *cecy est mon sang*, non pas comme vous, *Cecy est le signe de mon sang*. Quelle parole de Dieu expresse vous dit; que le vin, auquel vous n'avez point adressé voz paroles, pour le benir, est fait signe du sang du Seigneur, sans mutation aucune, & qu'il n'est plus vulgaire. Certes que le vin soit beu, & qu'il nourrisse corporellement, en demeurant vulgaire, & qu'il signifie l'aliment spirituel, il n'a besoin d'aucune action religieuse: Car si le vin est en soy le signe du sang de nostre Seigneur, ou le sang mesmes (ce qu'il n'estoit auparavant) il y a eu vraye mutation, du vin au sang, ou du vin, au signe du sang; & pour ce il y a là religion, comme à chose supernaturelle. Que fil n'est le corps du Seigneur, ou le signe d'iceluy proprement en soy, il n'est interuenue aucune & vetitable mutation: ains seulement vn changement par nostre fantaisie & reputation: Et pour ce c'est vne resuerie caluinique de dire qu'il ne soit plus vulgaire, veu que tout ce qu'il a, & est en soy, est naturel. Que fil signifie quelque chose diuine, & particuliere, cela est de nostre opinion seulement, en contemplation des choses spirituelles, non en verité que la chose soit le signe, ou la mesme chose en verité, ains seulement par nostre reputation. En verité la verge de Moysse, dauant les infideles, à esté muée en serpent, comme dit la parole. Il faut donc que le pain soit mué au corps du Seigneur, comme dit Dieu aux fideles en son escriture; *Cecy est mon corps*, *liuré pour vous en remission des pechez*. Car comme l'experience de voir, flairer, ouyr, goustier, & toucher, font foy aux infideles touchant les miracles sensibles: Aussi la pa-

GENERAL EXAMEN

role de Dieu faiët foy aux fideles,és choses qui n'apparoissent point, comme Dieu estre cõceu du saint Esprit, estre vray homme, noz corps ressusçiter en qualitez supernaturelles, que nous soyons par le baptesine regenerez d'eau,& d'esprit,qui sont grãds miracles,& mutations qui se congnoissent, non par les sens, ains seulement par foy, fondée en la parole de Dieu expresse:Ce qui nous doit estre d'autât plus certain,que la parole de Dieu,qui ne trompe,ny ne peut estre trompée,est plus certaine que le iugemēt des sens, qui trompent quelquesfois, & peuuent estre trompez.

S E C T. I X.

Sainct Paul dict expressement, le bruuage de benediction auquel nous benissons, n'est-ce pas la cõmunion du sang de Christ, τὸ πρὸς τὸ θεῖον, signifie le bruuage du verbe πρὸς, où la couppe en laquelle on boy. L'esçriture dit, que l'on benist au bruuage, & que c'est le Calice de benediction. On ne benist pas le pain, & le vin, si on s'adresse aux hommes: Voyez en Genese, 1. & 2. Quãd Dieu benist, il parle à l'homme, à la terre, aux eaux, aux animaux distinctement: Car toutes choses entēdent sa parole, Rom. 4. 17. Que si nous parlions aux elemens, en tant qu'hommes, ce seroit pour neant: Mais nous y parlons comme officiers & cooperateurs de Dieu au sacré ministere, 1. cor. 3. 9. & pour ce ils entendent; C'est à dire, l'omnipotence de Dieu y opere: ce que la parole signifie, en mesme facon que si le pain l'entendoit, pour y obeir au commandement de Dieu: Et conformement à cecy l'Euāgile dit: qu'il à prins du pain, qu'il l'à rompu, qu'il l'à beny, qu'il l'à distribué: qu'il à dit que c'estoit son corps liuré pour nous en remission des pe-

chez, en rendant graces à Dieu son pere. Les sacramentaires accordent bien, que les actions de prendre, de rompre, de distribuer, de manger, s'adressent au pain & au vin, mais non pas la benediction. Pourquoy est il donc dict aussi clairement, il l'à beny; qu'il est escrit, il l'à prins: *Math. 26. 26.* Pourquoy S. Paul dit il, *1. cor. 10. 16.* La coupe ou bruillage de benediction lequel nous benissons? En cecy les religionnaires par la piperie de leurs predicans, sont semblables aux Marcionites, Manicheans, & Origenistes, qui louioient le Createur, mais ne benissoient point, ny ne sanctifioient point la creature, *1. timoth. 4. 5.* Que l'on regarde aussi leur, *O souverain pasteur & maistre*, ou leur pere Eternel, on ne trouuera aucune benediction à la creature, ny sanctification: Combien que S. Luc, *cap. 9. 16.* raconte que nostre Seigneur ayant esleué ses yeux en haut, benist les cinq pains, & les deux poissons: Les Marcionites & Manicheans ne vouloient benir les sacremens, n'y beaucoup d'autres choses; en disant, que les creatures du mauuais createur, repoussioient la benediction du bon createur. Les Origenistes croyoient que le S. Esprit ne viuifioit & ne sanctifioit que les creatures raisonnables, & ne penetroit point les insensibles. Les Pelagiens, Iean Vuitclef Anglois, Iean Huz Bohemien, & les religionnaires du iourd'huy, Albigeois, qui ne cõgnoissent autre sainteté que celle qui proprement appartient au royaume de Dieu, & non celle qui dispose à iceluy, ou qui est cõuenable à la nature d'une chascune chose, subordonnée audict royaume de Dieu, *August. lib. 2. de peccat. merit. cap. 26. & lib. 3. cap. 12.* ne benissent point la creature, comme immuable & insensible. Car nonobstant la parole, *Genes. 1. 9. 11. 14. 20. 22. 24. 26. 28. Genes.*

ic ali. 2.3. qui montre les choses insensibles apercevoir &
uid de- obeir à la parole de Dieu, comme les creatures rai-
est. sonnables. Et pour ce non seulement nostre Seigneur
 benist aux pains, & poissons, mais aussi rendit graces
 à Dieu son pere, *Marc. 6. 41. Mar. 8. 6.* Et que S. Paul, *1. cor. 10. 16.* à beny au calice, & dict que la creature est
 sanctifiée par la parole de l'oraison. *1 Timot. 4. 5.* &
 communement benir & rendre graces, sont ioincts
 ensemble. Ité, la parole de Dieu à benir, & l'oraison
 à sanctifier. Toutesfois les ministres ayment mieux
 augmenter, & entretenir le royaume interuenue par
 le peché & malediction, que de le diminuer & chan-
 ger par benediction, selon l'escriture.

SECT. X.

Sainct Irenée, *lib. 4. cap. 34.* dict que le pain, qui
 est de la terre, aperceuant l'inuocation de Dieu, n'est
 plus pain commun, mais est la bonne grace constan-
 te de deux choses, l'une terrienne, & l'autre celeste.
 Et au liure 5. chap. 2. *Quand le calice meslé, & le pain rom-*
pu, perçoit la parole de Dieu, est fait Eucharistie du corps &
sang de nostre Seigneur Iesus Christ, desquelz est augmentée, &
consiste la substance de nostre chair. Et S. Iustin, *Apolog. 2.*
Ainsi come Iesus Christ nostre Sauueur à eu chair & sang, pour
nostre salut, ayant esté fait homme par le verbe de Dieu, ainsi
par la parole d'oraison, & d'action de graces, la sacrée nourri-
ture, laquelle estant muée, nourist nostre chair & sang: Et pour
ce nous la disons chair, & sang d'iceluy. Il n'y à rien des si-
 gnes ou figures du corps & sang de nostre Seigneur,
 comme parlent les religionaires? ils ne font nō plus
 mention de la deputation, ou destination du pain &
 du vin, en signes ou symboles & figures du corps &
 sang de nostre seigneur. Et S. August. *tract. 80. in Ioh.*
Que la parole s'approche de l'element, & le sacrement est fait.

Comment la parole s'approchera elle du sacrement, si elle ne luy est point adressée? Comment sera ce sacrement sans paroles, qui en sont la forme; Quelle forme sera-ce, si elle ne ioint à la matiere: Comment le pain pourra-il estre faict vray corps, ou figure du corps, si la parole ne le dict, à l'imitation de nostre Seigneur. Mais si la chose inuisible & celeste, cōme sont le precieux corps & sacré sang de nostre Seigneur, au saint Sacrement: comme aussi est la diuinité en l'incarnation; & comme est l'action & grace du S. Esprit és autres sacremens: Et la chose terrienne & visible, cōme l'action de respendre l'eau, d'oindre, d'imposer les mains, les especes de pain & de vin, & actions qui s'en peuuent ensuiuir; cōme la foy & puissance de son corps à vn autre donnée, & receuë en face de l'Eglise, ne sont pas vn sacrement, si les parties ne sont ioinctes ensemble: Comme la diuinité, l'ame, & l'humanité en nostre Seigneur: Qui dira que l'ame de nostre Seigneur, separée du corps & de la diuinité, ou de tous les deux, fissent vne personne? Comment donc le pain & le vin, separez perpetuellement du precieux corps & sacré sang de nostre Seigneur, en la Cœne, autant qu'il y d'espace de ces lieux bas icy, iusques par dessus tous les cieux, où a esté esleué le tresglorieux corps de nostre Seigneur Iesus Christ. Quel sacrement de baptesme sera-ce proprement & vrayement, si le S. Esprit n'y interuient point, pour avec l'eau regenerer? L'effusion de l'eau seule n'a puissance de regenerer, pourquoy dōc en separe on l'esprit? Si donc le pain & le vin sont patrie materielle & sensible du corps & sang de nostre Seigneur, qui en sont partie formelle & insensible, il faut qu'ils soient conioints ensemble pour faire vn

sacrement: autrement seroit sacrement significatif, & intelligible seulement, & non diuin & supereaturel realement.

SECT. XI.

S. Augustin au liure 3. de la Trinité, *chap. 10.* dict que les signes és sacremens sont diuers, car les vns sont permanens, comme le serpent d'airain qui n'estoit cōsommé, les malades gueris: Les autres signes sont consummez avec leur benefice, le ministratione paracheuée: Comme le pain, qui est faict affin d'estre consummé, le sacrement receu: car le pain mangé, n'est plus le signe du corps de nostre Seigneur. Or ces choses là sont congneues aux hommes, car elles sont faictes par les hōmes; qui font le pain, & vsent le sacrement, non moins que d'autre pain ou vin, ilz peuuent auoir honneur comme choses religieuses, car sont signes du corps de Dieu, mais non pas estonnement, comme miraculeuses: Car que le pain & le vin nous signifiēt la chair le sang de nostre seigneur, & qu'ilz soient māgez & consummez, ce n'est point de miracle; ains actions naturelles du corps & de l'esprit. Mais qui est celui des hommes qui cognoist les feux & nuées que les Anges ont faictz, où comment ilz les ont prins, pour nous montrer par ces formes corporelles, Dieu, ou le saint Esprit: Ainsi les enfans ne cognoissent point ce qui est mis à l'autel, & ce qui est consummé; la celebration de pieté paracheuée: ilz ne sçauent point d'où, ne comment il est consacré, d'où il est prins en vsage de religion, & n'apprenent iamais d'expérience, ny d'eux, ny d'autres, & ne voyent iamais l'espece de ces choses, sinō en la celebration des sacremens, quand il est donné & offert, & que d'autorité tres-graue il leur est dit,

de qui est ce corps & ce sang, *Math.* 26. 26. ilz ne croiront autre chose, si nō, que le Seigneur à voulu apparoir en ce monde aux hommes, sous cette espee la, & que de son costé percé du tout, ceste liqueur à coulé. En ces paroles S. Augustin monstre, que comme Dieu, incorporel, & invisible, à voulu en espee d'homme, apparoir aux hommes mortelz: aussi leur a-il donné ce mesme corps, & vray sang, sorty de son costé, sous les especes de pain, & de vin. Que si le pain & vin sont seulement en terre, & le corps & sang de nostre Seigneur seulement au Ciel, il n'est pas donné aux hommes sous ces especes la, sous lesquelles il n'est iamais, selon les caluinistes, ains il est seulement signifié par ces especes là; & non present miraculeusement, & invisiblement en ce sacrement, pour nous nourrir, comme estoit la diuinité latente, par le sacrement de l'incarnation, sous l'humanité visible & muable: D'auantage, comme les accidens corruptibles & mortelz, fain, soif, veiller, dormir, pleurer, patir, ne monstroient point la diuinité, ny la chair diuine & innocente de nostre Seigneur Iesus Christ, *Math.* 16. 17. Ainsi les especes visibles, & corruptibles de pain, & vin, ne monstre point le corps de nostre Seigneur latent.

SECT. XII.

Sainct Augustin contre faulste Manichean, *lib.* 20. *chap.* 13. se plaint de ce que nos anciens ayant gardé le sabbat, on les estimoit auoir, comme les Gentilz, seruy à Saturne, & de ce que nous embrassans la religion du sacrement du pain, & Calice, on nous estime esgaux aux payens, & en mesme façon seruir à Cerés, & à Bacchus. Que si n'y eust eu en l'Eucharistie de nos anciens, qu'un simple boire & gouter

GENERAL EXAMEN

vn peu de vin, & manger en passant, seulement vng morceau de pain, en signe de commemoration de la mort de Christ, comme il se pratique en la cène religieuse, sans inuocation, sans genuflexion, sans adoration, & semblables actions : on n'eust iamais estimé qu'il y eust heu religion au pain & au vin : Il faut donc bien dire, qu'il y auoit en la celebration de l'Eucharistie de nos anciens, vne solemnelle benedictiõ du pain & du vin, vne diuine consecration, & oblation du corps & sang de nostre Seigneur, soubz ces especes visibles de pain & de vin, enuers lesquelles on voyoit vne religieuse adoration, & vne deuote manducation; comme il se pratiquoit és religieux banquets, tant des peres auant la loy, & des Gentils au seruice des faux Dieux, que des Iuifs souz la loy Mosaique. A ceste cause respond S. Augustin: *Nostre pain & nostre calice ne nous naissent pas le corps de Christ, mais il nous est fait mysticq ou profès, par certaine cõsecration.* Et au sermon 28. *De Verbis Domini*, conformément à S. Ambroise, lib. 5. de sacrament. cap. 4. il explique ce qui se faict par la consecration des diuines paroles, disant; *Dauant les paroles de Christ, ce qui est offert, est dit pain.* c'est à dire, à l'offertoire : *Mais quand les paroles de Christ (en la consecration) ont esté mises hors, desia il n'est poinct dict pain: ains est appelé Corps.* Pourquoi est-il appelé apres la cõsecration, *le corps du seigneur*, & non auparauant, s'il n'y est pas, & s'il n'y est rien interuenue de nouveau. S'il est seulement signe du corps, & non le vray corps: pourquoy les saintes Escritures, & les Peres anciens, ne l'ont ilz ainsi appelé? Je vous prie aduisez au pain de la Cene, apres la deputation vsagere, qu'a-il de nouveau? Il nous signifie, estant mangé, la nourriture spirituelle de nos ames, par analogie na-

turelle. Or il auoit ceste naturelle analogie, auant qu'estre deputé: & par ce, il est en soy autant cōmun & vulgaire, qu'il estoit auparauāt: Et ceste mutation putatiue, est seulement & proprement vne imaginaire fantasie au cerueau Caluinique, sans expresse escriture; & non quelque mutation reelle & veritable, qui soit interuenue au Sacrement, tant visible que inuisible. Parquoy la Cene religionnaire, n'est point vray sacrement, ains vne opinion fausse en la doctrine des sacremens, fondée en vne Gnoticque refuerie, souz pretexte de religion & reformation.

*De la Cæne Religionnaire,
quand à l'usage.*

Chap. IX. sect. I.

L'Vſance & couſtume de toute l'Egliſe ancienne, a eſté, & eſt; que le principal ſeruice de Dieu eſtoit parfait, par quelque ceremoie ſacrificale, comme eſtoit le ſacrifice iournal: tellement que toutes les prieres, oraiſons, vœuz, requeſtes, & actions de graces, ſe faiſoient en la celebration des ſacrifices: comme nous auons monſtré de S. Paul, 1. *Timoth. 2. 1.* Donc ſi la Cæne appartenoit au vray ſeruice de Dieu, ſouz le nouueau teſtament, comme faiſt l'Euchariftie, on ioindroit la celebration d'icelle aux feſtes des ſaincts, & à la commemoration des fideles treſpaſſez, comme lon faiſoit par l'Egliſe vniuerſelle, depuis le tēps des Apoſtres, iuſques au temps de S. Chryſoſtome, & de S. Auguſtin, *tract. 84. in Ioh. ac de ſancta Virginitate*

cap. 45. & lib. in *Faust.* cap. 21. Et S. Jean Chrysostome homil. 69. ad popul. Antioch. & homil. 41. in 1. ad Corinth. & homil. 3. ad Philippenf. *Il n'a point esté, dict-il, temerairement ordonné par les saincts Apostres, que és redoutables misteres, on fist commemoration des deffuncts: Car ils scauent bien que de là, il en reuient vn grand gain, & beaucoup d'vtilité. Puis donc que tout à l'entour est tout le peuple les mains estenduës, la plenitude sacerdotale: & là est proposé le redoutable sacrifice: comment est-ce qu'en priant pour eux nous n'impetrerons de Dieu?* Autant en dict S. Damascene, orat. pro deffunctis, ayant produit les tesmoignages de S. Denis, de S. Nyssene, & d'autres semblables anciens. Acrius Arrien, n'a il pas esté iugé heretique pour auoir nié ce sainct sacrifice, pour les trespassez? *Epiph. heres. 75. S. Augustin heres. 53. & in cathalogo adiecto in fine Philastrii heres. 53. Damasc. heres. 76. Honorius Augustodunensis. lib. 7. de heres. heres. 38.* Les religionnaires donc, qui ne celebrent point en action de graces leur Cène le iour des festes, ny en la commemoration des deffuncts, ne contreuient ils pas aux saincts Apostres, & pratique de toute l'ancienne Eglise: Ne sont ils pas inscrits au papier infernal, avec l'ambitieux Acrius arrien leur pere. S'ils disent vray en tout bien, tous les saincts Martyrs & Docteurs de l'Eglise ont failly & ont esté menteurs, superstitieux & ignorans. Que si cela est, il faut tirer d'enfer Acrius Arrien, Caluin, & semblables imposteurs, pour metre en leur lieu S. Denis, S. Clement, S. Nyssene, S. Chrysostome, S. Epiphane, S. Augustin S. Damascene, & autres semblables. Où ont ils iamais trouué que les bônes prieres, vœuz, requestes, oraisons & actions de graces, ayent esté parfaites, sans celebration de quelque sacrifice exterieur? Or

il n'y à rien plus frequent és escritures que cela, & sont encotes si effrontez de demander si nostre Seigneur, qui à accomply la loy iusques au petit iota, à faict commemoration des viuans, des bien heureux, & defuncts, & si l'Eglise ancienne à practiqué cela.

SECT. II.

Le venerable Bede sur le chapitre 4. de la premiere aux Thessaloniciens, cite S. Augustin, Sermon 32. *de verb. apost. cap. 2. disant, Il ne faut pas douter, que les trespassez sont aydez des prieres de la sainte Eglise, & par le salutaire sacrifice, & par les aumosnes qui sont données pour leurs ames, à celle fin qu'il soit du Seigneur plus doucement qu'ils n'ont merité.* Certes toute l'Eglise vniuerselle garde cecy de la tradition des peres, *que l'on prie pour ceux qui sont defuncts en la communion du corps & sang de Christ, quand on vient à ce mesme sacrifice, ou en leur lieu ils sont commorez, à celle fin qu'on rememore que cecy est offert aussi pour eux.* S. Augustin monstre icy qu'en celebrant, l'Eucharistie que l'on offroit, que l'on prioit, & que l'on faisoit le Memento pour les trespassez; Secondement, que cela leur profitoit beaucoup: Apres, que cela estoit gardé par l'Eglise vniuerselle des chrestiens, & pour ce, estoit saint & diuin: Car l'idolatrie, la superstition ou erreur n'ont iamais esté obseruées, pratiquées & continuées en l'Eglise, qu'incontinant, comme au veau d'or, on ne s'y soit opposé. Quatriesimement, c'est que les peres du premier siecle qui sont les Apostres, nous ont ordonné qu'en la celebration de l'Eucharistie, lon celebrast la memoire des trespassez. La Cène donc religieuse, qui se dict celebrer par action de graces, par maniere d'oraison, & par maniere de sacrifice absolument, car c'est le corps liuré pour nous, & en commemoration de la mort & pas-

sion de nostre seigneur Iesus Christ, qui la à expié les pechez des mors, des viuans, & de ceux qui viendrôt apres sa mort, est action particuliere, retraignât sans charité à Dieu & aux hommes, la perfection des liberalitez de Dieu. Car premierement, leur Cœne est mangée, sans que Dieu en aye ressenty le seruice, *quod pro vobis datur*. Les vrayz prestres & leuites de Dieu, ne mangerent iamais, que la première partie du bâquet n'eust esté présentée à Dieu; Mais non la Cœne des ingrats & infructueux religionaires. Secondement toutes les actions, vœux, requestes, & oraisons, ont tousiours esté accôpagnées de quelque actiō sacrificale proportionnée à la la loy du temps: Donc la Cœne qui n'a rien de cela, n'appartient au seruice de Dieu, parfaict souz l'Euangile. Elle priue en troisieme lieu les bien-heureux de la souueraine action de grace, en la celebration du mystere du corps & sang de nostre Seigneur, qu'eux & nous luy deuons: ce que l'on n'a iamais veu entre les plus anciens catholiques. Finalement, de mesme schisme & erreur inhumain, ils ont priué les viuans, malades, & absens, de leur Cœne, tant elle est ingrate enuers Dieu, sans charité aux bien heureux, sans secours aux trepassez, & sans fidelité aux absens, indigens & malades.

SECT. III.

L'Escripture dit, que nostre Seigneur print du pain entre ses mains, le benit, & rendit graces à Dieu son pere. Vous laissez le pain sur la table, & ne le tenez entre vos mains, comme le Seigneur à faict, vous ne luy touchez iamais que d'une main: Les sacrificateurs prenoient les oblations entre leurs mains, les esleuoient, agitoient, au Seigneur, *Leuit. 2.3. leuit. 5.10. leuit. 7.30.32. leuit. 8.28. leuit. 14.14. leuit. 23.20. leuit. 24.5.*

numer. 3. 3. numer. 8. 8. numer. 18. 9. Et nostre Seigneur à accompli la loy : Il à donc esleué & agité le pain, en forme de croix, dauant le Seigneur, comme signifiét les deux mots hebreux, frequens en l'escriture, *Koum*, & *Nuph*. C'est grand cas, que aux banquets sacrez de la loy, les viandes estoient esleuées & agitées deuant le Seigneur en forme de Croix : & nostre Seigneur mesmes, n'a pas voulu mourir sacrifice pour nos pechez sans la forme de Croix, & qu'il eust faiét son banquet sacré, de son precieux corps, & diuin sang, souz especes de pain & de vin, sans signe de Croix : car alors il n'eust accompli la loy, & eust esté moins religieux, en donnant les sacrées viandes de son banquet, que les prestres Mosaiques, & eust faiét son *Memora*, ou memoire de son sacrifice, qui n'eust eu rié de semblable à la croix. Ostez le signe de la croix, quelle analogie exterieure y aura-il plus entre nostre Eucharistie, & la croix de nostre Seigneur mourant pour nous ? Quelle conuenance restera-il de semblance entre les anciens sacrifices, & le nostre Euangelique, qui ne peut mieux représenter la mort de nostre Seigneur en croix, que par le signe d'icelle : Vous religionnaires, voulez bien que l'Eucharistie soit le signe du corps mortel de nostre Seigneur, & la memoire de sa mort, combien que vostre pain, ne meurt, ny ne vit iamais : & ne voulez pas que le signe de croix, ancien signe de sacrifice, de mort, & de vie, nous soit argument par analogie, & viue memoire, de nostre Seigneur sacrifié en croix pour nostre salut, nous soit célébré comme l'vnique signe de la profession chrestienne. Nos anciés peres & docteurs, leuans les yeux aux ceremonies obseruées, & sacrifices legaux du signe de croix, *leuit. 9. 21. leuit. 14. 12. Exod.*

GENERAL EXAMEN

29. 27. Aux oraisons faictes en forme de croix; *Exod.* 17. 12. Aux benedictions données avec le signe de croix, *Genes.* 48. 14. 15. Aux protections & miracles souz la forme de croix, *Exod.* 12. 7. ont estimé d'un commun consentement qu'en toutes noz actions le signe de croix deuoit preceder. *Tertul. de corona militis, cap. 4.* S. August. *tract. 11. in Ioh. cap. 3. v. 3.* dit que c'est le signe de la foy Chrestienne; comme par effect monstroient les Cathecumeins, ou nouices Chrestiens, en la primitiue Eglise: Si tu demande à vn Cathecumein; Crois-tu en Christ? Il te respondra, ouy, i'y croy; & se signera du signe de croix, & le portera en son front, & n'aura point de honte de la croix de son Seigneur: Mais les Religioneires en ont horreur, comme auoient les diables quand Iulien l'apostat se signoit. *Theod. lib. 3. cap. 3. hist. eccles.*

SECT. II II I.

Sainct Augustin dict, contre Fauste Manichean, *lib. 19. cap. 14.* que puis que le Machabeas sont morts pour la loy, 1. *Machab. 7. 1.* A plus forte raison, il nous faut plustost mourir pour la cōseruation & deffense du Baptisme, de l'Eucharistie, & du signe de Christ. Calvin censure S. Augustin *lib. 4. cap. 17. sect. 28.* Pour ce qu'il escrit au traicté 50. sur S. Iean, Si tu es bon, si tu appartiens au corps de Christ, ce que Pierre signifie, tu as Christ & à present & à l'aduenir: à present par la foy: en present par le signe: à present par le sacrement de baptisme, à present par la viande, & bruuage de l'autel. Calvin escrit, que S. Augustin n'a pas bien dict; Que lon aye Christ par le signe de croix, & qu'il a esgallé vne folle superstition aux vrais signes de la presence de Christ. S. Paul dict, 1. *corint. 1. 13.* Que la predication de la Croix à este scan-

dale

dale aux Iuifs, & folie aux Gentils: Et le signe est à Calvin & aux siens vne folle superstitiō: Tellement que les Iuifs, & Gentilz, ont oppugné la substance de la religion Chrestienne, & Calvin en à iniurié mesme le signe: S'il prouue que l'article de la Croix, soit folie, & non chrestienne religion, le signe en sera superstition, & non pas religieuse profession. Mahomet nie que Christ aye esté crucifié: Dont s'enfuit la doctrine religionaire, que le signe est vne folle superstition, car elle met vn signe de Croix en exercice de religion, qui n'a esté selon les Turcs: N'est ce pas là fraterniser avec les Iuifs, les Gentils & Mahometans, contre la croix de nostre salut? Comment le signe sera-il folle superstition, si la substance dont il est signe, qui est Christ crucifié pour nostre salut, est religieuse verité? Tous les anciens chrestiens ont vſé en toutes leurs saintes & legitimes actiōs, du signe de Croix, & l'ont estimé le signe de la foy & profession chrestienne; Mesmes les Cathecumeins, comme nous auons cy dessus monſtré: Et les religionaires ne le font non plus que Sathan, le hayſſent, l'abbatent, l'iniurient & oppugnent, comme les Iuifs, infideles & Turcs: & nonobſtant telle generale reuolte de l'ancienne religion Chrestienne, ils diſent qu'ils ſuiuent l'eſcriture, & l'ancienne Eglise, & que les docteurs ſont de leur coſté: autremēt s'il leur cōtredisēt, ils ſont ſuperſtitieux, meſme S. Aug. Certes il n'y a docteur qui aye mieux combatu, & oppugné l'idolatrie, ſuperſtitiō, & hereſie, ne qui ait plus purement enſeigné la religion Chreſtiēne, que S. Auguſt. Et Calvin ſans eſcriture, ny probation, preſume l'accuſer de ſuperſtitiō, pour la religiō, au ſigne de la ✝: Dont tous les ſignes de croix aux anciens ſacrifices,

sacremens, benedictions, & oraisons, seront abus & superstitions, & par consequent la religion des hebreux & chrestiens sera vne folle superstition: Dont s'ensuyt que la doctrine caluinique ouure le chemin à l'atheisme.

SECT. V.

Caluin accuse S. Augustin, comme esgallant le signe de croix au baptesme, & sacrement de l'autel. S. Augustin ne dit rien de l'egalité entr'eux, ains seulement il propose comment nostre Seigneur se communique à nous en diuers degrez. Premièrement par la foy. Secondement, par le signe de la profession chrestienne, August. *tractat. II. in Ioh.* Troisièsmement par le baptesme: Quatrièsmement par l'aliment du sacrifice de l'autel. Nous l'auons aussi selon sa Majesté, selon sa prouidence, & selon sa grace inuisible, par tout, & l'aurons d'une singuliere & personnelle presence en fruition bien-heureuse: Mais quand à la presence humaine & sensuelle, dont il a conuersé avec les hommes, il a ressuscité, & monté au Ciel, il n'est pas tousiours avec nous. Ceste Cène donc religieuse, qui n'a eu le signe de croix, ne contient l'accomplissement des figures de la loy, ny la deuotion de l'ancienne Eglise, qui mesme sanctifioit les communes viandes, 1. *Timoth. 4. 5.* par le signe de croix avec la parole de Dieu, & les oraisons. S. Chrysostome *homil. 12. in 1. ad Timoth.* dit, *La viande est sanctifiée par la parole de Dieu, & par l'oraison, 1. Timoth. 4. 5. Imprime luy le signe de croix, rends graces, & rapporte gloire à Dieu, & incontinant toute immondicité sera hors.* Theophilaëte Archeuesque de Bugarie, en ses commentaires sur S. Paul, 1. *Timoth. 4. 4. 5.* conformémēt à S. Chrysostome escrit, *posé le cas qu'il y aye quelque chose immonde, nous auons*

Le remede pour la sanctifier, signe de Croix, rends graces & glorifie Dieu, & alors l'immondicité cesseroit. Beze grand ministre des religionnaires, ne veut pas que l'on vse du signe de croix, pour sanctifier les viandes, *Math. 14. 19. Mar. 6. 41.* Et dit que nostre Seigneur n'en a point vse: C'est à Beze de le prouver, car la religion consiste en affirmatiue diuine, & en pecclesiastique, & non en vne infernalle negatiue, sans expresse escriture. Est il probable; que nostre Seigneur tres-religieux, & qui vouloit exalter, & honorer l'ignominie & vertu de sa croix, aye laissé le signe en ses actiōs religieuses & miraculeuses? Certes puis que telle ceremonie estoit le signe vulgaire des sacrifices legaux, puis que Iacob en benissant l'auoit pratiquée, puis que Moysse en priant l'auoit obseruée, & que les Israélites en auoient esté conseruez miraculeusemēt, & puis que Dieu l'auoit declarée le signe de salut, *Ezech. 9. 4. 6.* Il n'est aucunemēt probable que nostre Seigneur n'en aye vse, tant pour la confirmation de la religion ancienne, que pour recommander la Chrestienne, qui luy à succédé. Et posé le cas que nostre Seigneur n'en aye pas vse, ce neantmoins puis que l'Eglise vniuerselle & ancienne (pour honorer la mort & passion de nostre Seigneur, dont sont sortis la vertu, & nature des sacremens) en à vse contre les Iuifs, infideles, & mahometans: C'est vne grande temerité aux religionnaires de le reietter, comme folie & superstition.

SECT. VI.

Il n'est point croyable que toute la sainte Eglise chrestienne eust generalement vse dès le commencement de la foy chrestienne, du signe de croix, comme chrestienne & religieuse ceremonie, si iamais personne n'en eust vse auparauant. A mon aduis que

les religionnaires du iourd'huy, ont esté les premiers entre les chrestiés, qui ont oppugné l'vsage du signe de croix aux sacremens, benedictions, oraisons, & actions chrestiennes. Iacques de Syrie, dont sont venus les Iacopites l'an 584. faisant le signe de la croix avec vn doigt, confessoit l'vnité de Dieu, & impugnoit la trinité des personnes. Les Armeniens l'an 640. n'admettans trois subsistances en la Trinité, ne faisoient le signe de la croix avec vn doigt. Les Brise-images ont rompu la croix l'an 720. mais nous ne trouuons point qu'ils en ayent impugné le signe aux deuotions chrestiennes. S. Chrysostome à fait vne demonstration: Que nostre Seigneur Iesus Christ soit Dieu, & le prouue par ce qu'il n'y a iamais rien eu & tenu pour mortel, maudit, & ignominieux, que la croix, & le crucifié. Or donc auoir rendu le crucifié & le signe de la croix, l'esperance & salut des gentils, est clairement l'auoir démontré Dieu, auquel seul il faut esperer souz sa religieuse banniere: *Car c'est Dieu, qui peut mettre en salut & honneur, ce qui estoit à tous argument certain, de mort & ignominie: & aujourd'huy, les roys, ayans mis bas leurs diadèmes, recoient la croix, symbole de mort: Sur leur pourpre est la croix, en leurs couronnes est la croix, és prieres est la croix, és armes est la croix, en la table sacrée est la croix, par tout le monde est la croix, & resplandist sur le Soleil: Toutes loix, richesses, renommées, vaillâces, perissent avec les hommes: Il n'y a rien qui aye creu en honneur que la croix, apres la mort: Auant le iugement de la croix, Iudas là trahy, Pierre là nié, les disciples l'ont abandonné, le peuple là desauoué le vulgaire là blasphemé, le Centenier là reputé entre les meschans. Quand l'on est venu à la croix, tous l'ont reongneu & confessé, le Soleil mesme, la terre, le temple, les pierres, les sepulchres, les Anges, les viuans, & les morts: Et aujourd'huy les Rois, les Prin-*

ces, les Presidens, les gens=darmes, les serfs, les francs, les idiots, insipiens, les sages & aduiseZ, les barbares, & toutes gens par le monde vniuersel accourent pour adorer le crucifié : Toutes sortes de gens se signent au front du signe de croix, il est tous les iours figuré en nostre front comme vne colomne. Ainsi aussi en la messe sacrée, en l'ordination des prestres, il resplandist aussi avec le corps de Christ, aux cænes mystiques. On le voit celebré és maisons, aux marcheZ, en solitude, és chemins, és montagnes, és vallons, és collines, sur la mer, és Nauires, és Isles, és liëts, és Vestemens, és armoiries, és liëts nuptiaux, és banquets, és vaisseaux d'or, d'argent, és perles, és peintures de murailles, sur le corps des bestes malades, & sur les corps des possedeZ du diable. Iusques icy S. Chrisostome. Que si les religionaires le chargent de superstition, tout le mōde le fera, voire Dieu, qui à par grand miracles, & vsages chrestiens, honoré le signe de croix, fors entre les Iuifs, infideles, Mahometans, & religionaires. Dieu venant au iugemēt plantera le signe de croix és nuées du Ciel, *Math. 24. 30.* ou les contempteurs d'iceluy ne pourront atteindre.

SECT. VII.

Il est certain que non seulement nostre Seigneur rendit graces à Dieu son Pere, mais aussi qu'il benist & consacra le pain & le vin, pour estre son corps, liuré pour nous ; & pour estre le sang du nouveau testament, respandu pour nous en remission des pechez : Et dire qu'il les benist, pour estre signes de son corps & de son sâg, l'escriture ne le dit pas, qui l'eust dict plustost qu'autremēt, fil eust esté salutaire : Il n'y à que les religionaires qui le diët : S'il estoit ainsi que tout cecy ne fust que le signe du corps, & memoire de la mort du Seigneur, la parole n'eust esté dure ny difficile à entendre, & comprendre : car aisément on

eust peu instruire & contenter les Iuifs, mettant seulement le *significat*, le *spirituellement*, l'*analogie naturelle*, & la *memoire de mort en auant*. Qu'estoit-il de besoin, *Iob. 6.62.63.* de leur mettre le mistere miraculeux de l'incarnation du Verbe diuin, estât au ciel, & non encores vny au Corps & Ame du filz de l'hôme; De leur obiecter l'Ascension au ciel, du Corps & personne de nostre Seigneur, cõtre toute condition de nature infirme: Il ne falloit point leur dire, la chair humaine morte, en pieces, cuitte ou crue, ne profite rien à la nourriture religieuse, à la vie du siecle futur, & à la salutaire resurrection: c'est l'esprit de Dieu qui viuifie: Et d'autant qu'il est plus intimement vny à la chair, d'autant il viuifie plus efficacement: & pour ce, il luy faut manger la chair du filz de l'homme, en laquelle est le diuin Verbe, & esprit pour estre viuifié; *Mes paroles que ie vous ay dict (de ma chair & de mon sang) sont esprit & vie.* Car ma chair souz especes visibles distribuée, est comme l'esprit immortel, indiuisible, & inuisible; & est receu entrer au corps, & prins par quelque corps visible, ou infus inuisiblement au corps visible, qui n'est point mué ne conuertie en aucun corps: mais qui conuertist les corps en quallitez diuines & supernaturelles. En fin, il ne faut point de benediction, pour introduire vn signe en religion, comme le leuain, & grain de moutarde, pour signifier la foy: la differente clarté des estoiles, pour nous signifier & confirmer la differente gloire des bien-heureux en la resurrection. Icy donc où le Seigneur à solemnellement & specialement par paroles expresse beny: n'a esté pour introduire le pain & le vin, signes & memoire en religion, ains pour les faire ce que les paroles nous assurent, *Cecy est mon*

corps liuré pour vous, & mon sang espars pour la remission des pechez. Si le benir du Seigneur n'est que faire le pain & le vin simboles ou marreaux du Corps & du sang du Seigneur, c'est peu de cas que le sacrement de l'Eucharistie, car il n'y a mutation substantielle, n'y d'aucunes qualitez, ains seulement de reputation. Il n'y a si chetif Philosophe ou Pedan, qui n'en fist bien autant, enuers ses disciples. Les figures legales en auoient autant sans la nouuelle benedictiõ euangelique: N'est-ce pas oppugner *Consummatum est*, pour maintenir & continuer la nature des figures legales. N'est-ce pas pour fortifier les Iuifs, quand vous establisiez des sacremens nouveaux, de telle nature & efficace que les anciens: ce que la loy & les prophetes n'ont point dict. N'est-ce pas mettre le Messie seulement en la chaire de Moyse? Pourquoy dictes vous que le pain est faict chair, par l'aduenement special du S. Esprit, & par l'omnipotence de Dieu, fil n'y interuient que vostre signe d'analogie naturelle? SECT. VIII.

Il à beny le pain & le vin, par parole d'inuocation & d'institution efficace, & non de lire ou prescher l'institution par S. Paul, 1. *corinth.* 11. qui n'auoit pas encores escript. La benediction ne se faict donc pas en lisant ny en preschant, ny en députant, ny en fafsemblant: Mais en inuoquant, par paroles exprefses, en l'institution de ces diuins mysteres il à beny. Les religionaires disent, ça esté sans signe de Croix, & pour ce c'est vne superstition d'y apposer le signe de Croix. Nous leur demandons, ou ilz ont trouué escript aux saintes Escritures, ou és docteurs anciens qu'il n'a point beny avec le signe de croix, & ou il est escript que c'est superstition d'en vser: S'ils le prouuét

par l'escriture expresse, ils serôt habiles, s'ils ne le fôr
ils seront religionaires, en s'oppiniastrans sur ce qui
ne leur est resolu en l'escriture. Posons leur vn argu-
ment de semblable saugrenée: L'escriture ne dit rien
du chapeau, du bonnet ny du capucion du Seigneur,
ne qu'il aye esté en priant Dieu, en salüât les hômes,
ou en preschant, ne qu'il aye eu vestemêt à part, cō-
me Helie ou S. Iean, ou vestemêt comme les autres.
Ergo, il alloit la teste nue: voila la façon d'arguméter
selon les religionaires, que nostre Seigneur n'a point
vsé de signe de Croix. Or nous disons que cy, & que
nous le tirons de l'escriture, & qu'il ne falloit que
cela, & choses semblables, y fussent plus expresse-
ment. Finalement qu'attendu que l'Eglise vniuer-
selle en à vsé religieusement d'un commun consen-
tement, ça esté sans doubte, de la speciale inspira-
tion & volonté du S. Esprit. Parquoy les religionai-
res qui ne tiennent, quand il leur plaist, non plus
compte d'une obseruance generale de toute l'Eglise
que d'un faict ou doctrine particuliere d'un priué
docteur, ressemblent aux Iuifs resistans au S. Esprit,
Act. 7. 51. Or nous argumentons en simplicité fidele;
Tout homme sage & religieux qui se met à faire
quelque action sainte & religieuse, s'accommode &
se rend semblable à ce qui est le plus decent à telle
action, tant pour le passé, pour le present, que pour
l'aduenir. Et pour ce quand nostre Seigneur à prié, il
c'est descouuert, il c'est tenu debout, ou prosterné, il
à esleué ses yeux, ou ses mains ioinctes ou estendues,
combien qu'il ne soit point escrit. Ainsi en benissant
il à esleué ses mains, *Luc. 24. 50.* comme faisoit Aha-
ron, *Leuit. 9. 22.* Ainsi en benissant prioit, & esleuoit
ses mains sur ce qu'il benissoit, *Math. 19. 13. 15.* comme

les prestres en la loy, *Leuit.* 8. 14. Ainsi les Apostres ont ordonné les Euesques, & les prestres, par l'imposition des mains, sans la commander tant expressement, *1. Timoth.* 4. 14. Car quand on vouloit en la loy manciper quelque chose au seruice de Dieu, cela ce faisoit par l'imposition des mains, *Leuit.* 1. 4. *Leuit.* 3. 2. 8. 13. Ainsi, quand Iacob pria & benist Ephraïm, & Menasses, il mist les mains en croix. Quand Dieu conserua les Israëlités, fit metre le sang de l'aigneau en croix. Quand Iosué vainquit Amalegk, Moysé prioit les bras estendus & esleuez en croix. Les prestres sacrifiants, mesmes pour dōner à manger, vsoiēt de ceremonie, qui exprimoit le signe de croix, & en benissant exprimoient mesme le signe de croix. *Exod.* 29. 24. *lege galatin, lib. 2. cap. 10.* & *Reuclim de Cabala, lib. 3. pag. 543.* Nostre Seigneur donc qui alors estoit prestre qui alors benissoit, qui alors sacrifioit, qui alors accomplissoit la loy, qui alors nous esleuoit à la croix, qui vouloit, qu'il y eust quelque proportion entre l'un & l'autre sacrifice, n'y à point obmis le signe de croix plus expressement que les prestres souz la loy.


SECT. IX.

Qui demanderoit aux religionaires, cōme l'on faisoit aux Cathecumeins en la primitiue eglise: croyez vous au fils de Dieu crucifié pour le salut des hōmes: ils respondroient ouy: & si on leur disoit, ou en est le signe, ils ne se signeroient pas du signe de croix cōme les fidelles anciennement. Et en guerre voyans leurs drapeaux marquez de toutes effigies, voire du croissant, ou du turban à la turque, fors du signe de croix, On leur diroit: Comment estes vous Chrestiens, sans en porter le signe, comme de vostre chef salutaire. Et si on voyoit les bastimens esquelz vous

vous assemblez sans aucū signe de croix, ne diroit on pas que ce sont mosquées Turquesques, ou synagogues Iudaiques, ou maiſōs à vsages prophanes? Vous ne pouuez biē vous dire baptisez, si le signe d'eau n'y est interuenu. Les Patriarches, Prophetes, & Roys, non plus que nous, ne se pouuoient dire vrayment chrestiens, fils n'auoient esté au dehors oincts, ou fils n'estoient eux mesmes au dedans la vraye onction: ce qui n'appartiēt qu'à nostre Seigneur Iesus Christ. Commēt estes vous donc chrestiens, ou oincts, sans cresseme, Esaye 25. 6. & sans le signe és nations, Esaye 11. 12. Vous voulez bien au sacré banquet, le pain & le vin, & au saint lauement l'eau, mais non le cresseme, & vnction: Aux autres sacremens, vous admettez le signe esleué és nations, estre la predication du crucifix, mais non le signe de croix. N'est ce pas faire la loy aux escritures, d'admettre ce qu'il vous plaist, & exclurre ce qui vous desplaist. Que vous à offensé le banquet des sacrées gressēs, diuines onctions, & cressine benist, rememorez par Moyse, & par les septante deux interpretes, plus que le pain, le vin, & l'eau, à manger, à boire, & à lauer? Esaye 25. 6. Nos saints docteurs anciens, non meschans, ignorans, & superstitieux caphards, ont creu & enseigné, qu'il n'y à aucun sacrement deüment consacré, ny legitimement administré, sans le signe de croix; qui est vn preiugé de l'Eglise ancienne, & vniuerselle contre la Cœne peripatetique: car les religionaires disent (sans le sçauoir, & sans le prouuer) que nostre Seigneur & les Apostres la mangerent assis, comme en vn commun banquet. Quand à eux ils là mangent pour la plus grand part debout en passant quartier. S. Cyrien en vn sermon de la passion de nostre Seigneur.

apres auoir raporté toutes les excellences & prerogatiues du signe de croix; qu'il est possible, comme de repousser les diables, & chasser les malignes puissances, il conclud finalement, *Quiconques sont ministres des sacremens, quelconques soient les mains qui ploient ceux qui s'approchent au baptesme : ou oignent, ou quelconque estomac, dont sortent les paroles sacrées, l'autorité de l'operation en figure de croix, baille l'effect à tous sacremens, & le nom, qui est eminent par sur tout, estant inuocé par les viquaires, y parfait toutes choses.* La Coene donc, qui n'a rien de tout cela, est prophane, selon la doctrine de S. Cyprien martyr. S. Chrysostome homil. 55. sur saint Mathieu. *Que personne n'ait honte de ces symboles & signes de nostre salut, mais portons à l'entour de nous d'un esprit ioyeux, la Croix de nostre Seigneur : Car toutes choses qui sont pour nostre salut, sont parfaites par icelle, car quand nous sommes regeneꝝ, la Croix du Seigneur y est preste: quand nous sommes nourris de la sacratissime viande, quand nous sommes establis en ordre, par tout, & tousiours ce singulier signe de victoire nous y assiste.* Telle n'est la creance des religionaires, qui ne craignent rien plus en leur cœur que la croix du Seigneur, car elle n'y est iamais; car si elle y estoit ilz en auroient horreur, comme les démons de Iulien l'Apostat, *Sozom. lib. 5. cap. 2.*

SECT. X.

Par le signe de Croix aux sacremens, nous protestons manifestement qu'ilz n'ont leur vertu, que de la croix & passion ignominieuse de nostre Seigneur, par les paroles d'inuocation: Nous croyons qu'ilz n'ont efficace que par la sainte institution de nostre Seigneur: personne n'a iamais fait autrement, & nomme cela superstition: iusques aux religionaires, qui en ont osté le signe de  la parole d'inuocation,

la sanctification, & mutation des Elemens; & verité du corps & sang, pour y introduire les traditiōs des hommes: c'est à dire, vne cœne sans le signe de la religion Chrestienne, sans benir aux elemens, sans vraye mutation, ny laissant que la parole historique, sans y ioindre les vœux, les oraisons, les necessitez, & actions de graces des fides, sans verité du corps & du sang du Seigneur presens, sans sacrifice, & sans generale participation: Car entre les religionaires Geneuefians, les malades & absens n'en participent rien. S. Augustin auoit bien vne autre creance, quand il preschoit, & escriuoit le traicté. 118. sur S. Iehan, disant: *finalement, qu'est-ce que tous congnoissent le signe de Christ, sinon la Croix de Christ, lequel signe, s'il n'est ioint, soit au front des croyans, soit à ceste eau mesme, dont ilz sont regeneze, soit à l'huile, duquel ilz sont oinctz de cresseme, soit au sacrifice, par lequel ilz sont nourris, rien de tout cela n'est parfaict deument sans tel signe.* A quel propos est-ce donc, que les religionaires disent tant effrōrément, que les anciens docteurs sont de leur costé, & leurs bons Peres, qui obseruent le signe de Croix en la consecration & administratiō de tous les sacremens comme en l'onction au front, en la regeneration au baptesme, en l'huile sacré aux ordres, & extrême-onction, & au saint sacrifice de l'autel: Autant & plus en raporte S. Augustin, *Serm. 181. de Tempor. & Serm. 19. de sanctis.* Les ennemis de la catholique, & de leur salut, n'ont rien à dire, sinon que les docteurs en cela ont erré, & ont esté superstitieux, & ont ignoré les escritures, ou bien qu'ils en ont lourdement abusé, & que les papaux, c'est à dire les docteurs catholiques ne recueillent que leur fiante & ordure, en laissant le bon or que les caluinistes ferment. Les

caluinistes deburoient en premier lieu prouuer leur dire, par escriture expresse, ce qu'ils ne font, ny ne scauroient faire: Ils disent iniurés attorces aux saints anciens, & à nous, sans nous conuaincre d'aucun crime: Ils se iactent de suyure l'escriture expresse, & l'ancienne Eglise des cinq cens premiers ans, qu'ils disent plus pure, & quand lon vient à ioindre, on les trouue manifestement sans escriture, & sans l'vsance de l'Eglise primitiue, n'ayât rien entre leurs mains, sinon la tradition des hommes & la doctrine des démons: N'est ce pas vne demoniacle calomnie, 1. *Timoth.* 4.1.2.3. que nous imposer la deffence du legitime mariage que nous aprouuons & croyons sacrement, car en telle qualité ils le deffendent: il est honorable en tous qui le peuuent legitimemēt contracter, & n'est par nous defendu à aucun, si la promesse precedente, si l'aage, ou religion, ou parenté, ne le defend: Car alors nous sommes defenseurs d'une telle deffence de Dieu & de nature. N'est ce pas vne doctrine diabolique, de prohiber l'abstinence des viandes, 1 *Timoth.* 4.1.2.3. comme font les religieux, lesquels, crainte d'estre deprehenz esprits abuseurs en lieu de prohiber, comme à escrit S. Paul, avec deux infinitifs, *nubere, abstinere*, ont adiousté peruersement, *inbentium*, commandant ce qui n'est en S. Paul, ains seulement, *prohibentium*.

SECT. XI.

Ce qui rend la Cene religieuse tres-suspecte aux fideles est, que les premieres Eglises Chrestiennes, comme Romaine, Antiochienne, Alexandrine, Hierosolimitaine, & Cōstantinopolitaine, ne Pont point appelée Cœne, ains *Missa, Eucharistia, Leitourgia, Sina-*
 275. Secondemēt, par ces mots là les vns & les autres

GENERAL EXAMEN

ont entendu le sacrifice & sacrement du precieux corps & sang de nostre Seigneur, & non la Cœne, signe du corps residant seulement en vn lieu au ciel, qui est participé tellement de façon spirituelle, qu'il n'est iamais proprement en moins, ny ailleurs qu'en vn lieu. Qui plus est, quand il a esté question de la verité, de la puissance de Dieu, & de son vrai seruice, Dieu à miraculeusement confirmé par miracles; la verité: Comme il a esté en la verge d'Aharon, & des magiciens de Pharaon: Entre l'Arche vraye image & signe de la presence de Dieu avec les hommes, & de Dagon ou Neptune à teste de poisson, Idole de la mer; Et du feu du Ciel, au sacrifice d'Helie, & non au sacrifice des prestres de Baal; Et à dict, qu'il confirmeroit la doctrine & verité Euangelique par miracles, *Mar. 16. 20.* comme S. Paul à confirmé sa predication, *2. Cor. 12. 12.* *Heb. 4.* par signes. Satan se transforme en Ange de lumiere, & l'antechrist & ses ministres feront plusieurs signes, *2. Thess. 2. 9.* mais ce ne fera en l'vnion de l'Eglise, ains hors de l'Eglise; Ce ne fera au nom de nostre Seigneur Iesus Christ, ains en oppugnant & rauissant sa legation & diuinité. Ce ne fera en mesprisant, iniuriant, & contraignant les démons, ains en s'en seruant comme de ses seruiteurs ordinaires. Certes Satã ne jette point hors vn autre diable par force, avec sa perte & iniure, pour la gloire de Dieu, au salut des humains; *Math. 12. 26.* Cõment dõc nostre Eucharistie; à la presence de laquelle les démons se taisent aux Indes, comme tesmoignent Pierre Martyr Milannois, en l'histoire de Iudas; & Gonzalus Fernandus Odoneus *de rebus indicis*, ne sera elle le vray corps & sang de nostre Seigneur? Nostre mesme Seigneur estant en ce monde, par sa

mesme presence, n'a-il pas imposé silence aux démons de plus quaqueter. *Mar. 1. 25.* Aucuns qui l'ont receu indignement, ou qui n'ont pas discerné le corps de nostre Seigneur, n'en sont ilz pas morts; & les autres malades? *1. Corint. 11. 29. 30.* Assurément, que si vostre Cene estoit le vray corps de nostre Seigneur, ou vn vray signe & sacrement de sa presence, ou de quelque effect diuin, au moins autant qu'estoit l'Arche Mosaique, ou que le Baptisme, ou que le signe de Croix; Dieu auroit confirmé vostre doctrine par quelque miracle, comme il fit en l'Arche, *1. Reg. 5.* comme il fit au baptisme, *Math. 3.* En l'imposition des mains, *Actu. 8. 17.* Au signe de Croix, *Ezech. 9. 4. 6.* Theodoretus lib. 3. hist. Eccles. cap. 3. Prosper Euesque d'Aquitaine lib. de dimidio temporum, cap. 6. de Antichristo, Prouue que le diable à cedé en grandeur de miracle, à la presence de nostre Seigneur en l'Eucharistie: Et pour ce, s'il entreprenoit par ces ruses & finesses, contre la verité de ce sacrifice, par ses ministres de défiance; il ne s'y faudroit fier, ny acquiescer: car, dict-il, *Au temps du Consul de Cartage nommé Asper, l'an 440. il y eut vne ieune fille Arabe de nation, portant habit de seruante du Seigneur, laquelle estât au bain, voyant l'Idole Venus impudique, & se regardant impudiquement, se faisoit semblable à ladite Venus: tellement qu'elle ce fait le domicile du Diable, qui entrât en elle la possede en la gorge, & à demeuré enuiron septante iours sans boire ni manger, ny sans changer de couleur, ny de consistance: Ce que ne pouuans plus porter les parens, & en esperant la guérison: apres auoir delibéré & prins conseil, la meurent en vn monastere de pucelles, où il y auoit des reliques de saint Estienne, & fut commise en garde au Prestre du lieu: elle disoit que toutes les nuits enuiron la minuit, venoit vn oiseau à elle, qui luy mettoit quelque peu d'aliment en*

GENERAL EXAMEN

la bouche: Mais apres qu'elle fut audit Monastere, ledict oiseau n'y vint plus que la premiere nuit qu'elle y entra, & ainsi demeura du tout sans manger, non sans grande admiration: Aduint que le quinzieme iour apres, qui estoit vn Dimanche, nous allasmes audit Monastere, ou la fille fut amenée deuant l'autel, où à l'accoustumé on offroit le sacrifice au matin, Et elle se prosternant deuant l'autel avec telle clameur, qu'elle excita tous les assistans à gémissemens & à larmes, & à prier Dieu qu'il l'a deliurast d'un mal si estrange: Le sacrifice paracheué, le prestre luy donna vne portion du corps du Seigneur, vn peu mouillée, & elle la mangea l'espace de demie heure sans la pouuoir aualer: Car l'ennemy duquel S. Paul dict, 1. Corint. 10. & 2. cor. 6. (Quelle conuenance y a-il entre Christ & Belial? Vous ne pouuez boire le calice des démons, & le Calice du Seigneur: Vous ne pouuez participer la table du Seigneur, & la table des démons) n'estoit encores chassé hors. Or le Prestre, avec la main, luy soustenoit la face, pour qu'elle ne iettast hors la chose sainte: Alors le Diacre suggera à l'Euesque, d'apliquer le Calice salutaire à la gorge d'icelle: Et ce estant fait, le Diable qui auoit assiégré ce lieu là, la quitte, par le commandement du Sauueur: & alors elle a auallé le sacrement en loüant le Redempteur: Et tous ont rendu graces à Dieu, de ce que ceste fille, apres quatrevingts deux iours, auoit esté liberée de la possession du diable: Et le Diacre renuersa & mit en poudre la statue de Venus: & ainsi la diuine Maiesté surmonta toute l'astuce de l'ennemy espionnant. iusques icy sainct Prosper. Ce celebre miracle confirme la presence & puissance de nostre Seigneur en l'Eucharistie, & non vn signe du corps residant seulement au Ciel. Item, que c'est le sacrifice du corps & sang de nostre Seigneur. S. Augustin lib. 22. de ciuit. cap. 8. raconte vn miracle qui aduint l'an 425. en Affrique au territoire de Fussal, en vn lieu nommé Cubes. appartenât à Hesperius Tribun,

qui

Qui voyant que sa maison, animaux, & seruiteurs, estoient fort affligez par la force des malins esprits, pria l'un des prestres de saint Augustin, qu'il y alast, à celle fin que lesdits malins esprits cedassent à ces oraisons, or l'un y alla & y offrit le sacrifice du corps de Christ, en priant tant qu'il peut, que telle vexacion cessast, & Dieu en ayant pitié, elle cessa incontinent. Jusques icy S. Augustin. Qui est bien loing du significat nud que luy attribuez : car il recongnoist le sacrifice du corps de nostre Seigneur, offert par le prestre ; estre salutaire, & efficace contre le diable mesme. Ce que n'est vostre Cène, qui n'est le corps du Seigneur, ny le sacrifice de l'Eucharistie, ny le vray signe de la presence de Dieu, moins que l'arche de la loy, à laquelle ceda Dagon. Mais vous sans escriture & miracle, voulez renuerfer la verité de l'Eucharistie, pour favoriser à la tyrannie de Satan, & aux prophanes impostures de l'antichrist : Et pour toutes saluations, vous dites avec les Phariseans & Payens, que ce sont illusions du diable, sans probation de vostre dire, par escritures plus expresses, & par miracles plus grands, & plus euidens, comme à esté l'ordinaire en tel cas.

SECT. XII.

Nous trouuons la Cène religieuse fort seuerie & inhumaine en Frâce entre les Caluinistes, qui denient & priuent les malades de ce viatique salutaire, & les laissent mourir, sans les munir de cette diuine protection, contre l'ange vastateur, passant de l'Egipte de ce mode en l'autre, qui est la terre de promesse : Certes quelques passionnez qu'ayent esté les Anglois, ils ne la denient point au malade, ains plustost le ministre, & quelque autre, communient avec le malade, pour honorer la ceremonie. Le miracle

de Serapion le vieillard penitent, qui ne peut mourir, qu'un ieune enfant ne luy eust apporté la communion, monstre clairement que les malades n'en doivent estre priez. *Dionysius Episcopus Alexandrinus epistola ad Fabium Episcopum Antiochenum apud Eusebium lib. 6. historia Eccles. cap. 36.* comme faisoient les Nouatiens dont les caluinistes sont complices, mais plus inhumains: Car les religionaires en priuēt tous malades, & les Nouatiens n'en priuoient que les enormes pecheurs, non en les desesperans de misericorde, mais les remettans au iugement de Dieu. Lesdits Nouatiens nioient l'absolution sacerdotale, comme les caluinistes, non generally, ains en certains cas seulement: Parquoy nous voyons que les religionaires ont augmenté & aggraué ces deux hereſies nouatiennes, de la cōmunion & absolution aux malades. Le premier Concile general de Nyce, capitale ville de la prouince de Bythine en Asie, ordonne au canon 13. que l'on ne denie point le viatique dernier & necessaire, qui est l'Eucharistie, aux malades, selon la regle & loy des anciens canons ecclesiastiques, meſme à ceux qui faisoient publique penitence. Pourquoy donc, vous religionaires, qui dites ensuiure les quatre premiers concils, & l'Eglise primitiue, priez vous les malades penitens de la communion? Aucuns de vous disent, qu'ils ne la demandent pas: Mais qui les empesche, sinon la doctrine de Genesue, qui dit que la communion & la Cœne ne se peuuent faire, sinon entre plusieurs cōmunians: Qui les degoustent de demander en leurs maladies la ſaincte communion, sinon que l'vsage n'en est point à Genesue? Et de verité si vostre Cœne estoit quelque aliment vrayement salutaire, neces-

faire & diuin, ie ne fay doute que dieu n'eust pas permis, qu'en eussiez fraudé les malades ; lesquels aussi, n'eussent obmis de la requerir, avec toute instance & deuotion, s'ils eussent creu que c'estoit le vray corps & sacré sang de nostre Seigneur Iesus Christ; Mais ayans recongneu, & en verité pratiqué, que ce n'estoit qu'un masque de sacrement, & un signe naturel de communion imaginaire qui se faict bien sans pain, & sans vin, voire qui ne se faict tousiours necessairement durant l'usage du pain & du vin, & qui n'a rien plus excellent à signifier la chair de Christ, que le pain, le vin, l'agneau de la loy, & qui n'a aucune presence & communion, que spirituelle, comme à la Mosaique : Et voyans aussi qu'on la faict debout, comme en passant, & sans deuotion, combien que l'on enseigne que nostre Seigneur & ses Apostres estoient assis: on n'en a conceu deuotion, pour la demander en maladie, ou en absence, non plus que d'une chose peu religieuse, & non Chrestienne. *Sainct Iustin martir, en sa seconde defence pour les Chrestiens, raporte qu'apres que l'on estoit assemblé le Dimanche, on prioit, apres on lisoit les escritures des Prophetes & des Apostres, & puis le sermon finy on se leuoit, & de rechef on prioit; & alors le pain, le vin, & l'eau, estoient offerts: & le Prelat faisoit prieres & actions de graces tant qu'il pouuoit: Et tout le peuple respondoit ensemble, Amen. Apres on distribuoit aux presens, & on communioit aux choses sur lesquelles on auoit rendu graces: & la communion estoit enuoyée aux absens, par les Diacres: Et puis on recueilloit les aumosnes & charitez pour les pauvres, indigens & souffreteux, de ceux qui estoient la presens. Iusques icy sainct Iustin. Or en la*

Cœne, on n'offroit point, pain, vin, & eau, & on ne rend point graces à Dieu, sur ces choses la, & on ne les enuoye point aux absens; Parquoy la Cœne religieuse, n'est point semblable à celle que l'on celebrait en la primitiue Eglise.

SECT. XIII.

Ceste cruauté caluinique, de priuer les malades, & absens de la sainte communion, à grandement desplu à tous chrestiens, mesmes aux Allemans & Lutheriens, & s'en est ensuyuie grande contention, entre lesdits Lutheriens & Caluinistes, comme apparait en l'epistre de Calvin 332. à Gaspard Olevian, l'an 1563. le premier iour de Decembre; à sçauoir si la Cœne peut estre administrée aux malades, & comment. Olevian dit : *l'Eglise reformée d'Angleterre ne denie point la Cœne aux malades, ce n'est donc la raison de la leur denier. Si nous regardons la nature de la Cene, à l'usage d'icelle, à la fin, & le mystere d'icelle, il n'est raisonnable de priuer d'un si grand bien, ceux qui sont en danger de leur vie, ou qui de long temps sont malades: car Christ y a appelé tout le monde, & n'en a exclus personne. Si nous regardons la confirmation de la foy, qui alors vacille, & à besoin de secours, il est alors besoin de communier: Apres les malignes puissances sont alors importunes, & pour ce, est utile de les repousser par la communion. D'auantage, c'est le marreau de la communion avec Christ, & le témoignage du consentemēt avec l'Eglise, qui sont en ceste nécessité tres-utiles. Cela aussi ne peut estre appelé violement de la communion generale, ains un appendice d'icelle, à ceux qui n'y peuvent assister: Ioinct qu'elle a esté au temps des Apostres celebrée en maisons, & par personnes particulieres. Toutesfois cela n'est pratiqué à Genesue, peur de superstition, ou d'ambition: aussi il y auroit danger que l'on mist son esperance es signes, & peur d'ouurir la porte à violer la Cœne du Seigneur. En cecy Cal-*

uin monstre bien que absolument il n'est licite de refuser la communion aux malades. Quand à ses excuses, elles sont caluiniques, car il ne faut pas faire vn mal, pour qu'il en vienne vn bien, *Rom. 3. 8.* Aussi les maux que Calvin commente, sont occasions & scandales prins, & non donnez, *Math. 15. 12. 13. 14.* Alors il falloit instruire les Geneuefians, & nō enfraindre la liberté chrestienne. Dieu n'a point denié la communion au fidele qui la demande par speciale deuotion, ou par vrgente necessité, ou qui ne la peu faire avec les autres. La Cène donc religieuse, n'est point administrée entre les caluinistes selon la liberré chrestienne.

*De la Cène Mosaique, de la Cène du
Seigneur, & de la Cène commune.*

Chap. X. Sect. 1. -

SI les religieux vsoient du mot de Cène simplement, sans artifice d'erreur, nous ne nous en scandaliserions point, encores que ledit mot ne soit en l'escriture, pour l'Eucharistie, sinon en general & improprement, *1. Cor. 11. 20.* Mais voyant qu'ils en vsent comme d'une diction expressement escrite, & plus propre pour signifier les mysteres du corps & sang de nostre Seigneur Iesus Christ, que nulle autre, nous leur demandons l'escriture expresse, qui die le mystere de la Cène, pour le corps & sang de nostre Seigneur precisément, veu que nostre Seigneur n'a iamais dit, le pain & le vin sont la Cène, & la Cène

est mon corps & mon sang; la Cène est le signe du corps, & du sang. Puis donc que la Cène n'est point nommée expressement, pain, & vin, ny appelée corps & sang du Seigneur, elle ne peut proprement estre sacrement du corps & du sang de nostre Seigneur, ny du pain & du vin, signes sacramentaux: Donc quand il est fait mention de la Cène du Seigneur *1. Cor. 11. 20.* cela s'entend non seulement de l'Eucharistie, mais aussi des Agapes ou données, & charitez visitées de tout temps en l'Eglise & autres bâquets faits & reglez à l'imitation de nostre Seigneur Iesus Christ, *Luc. 14. 6. 12.* & non séparément de l'Eucharistie, en tant qu'elle est propre en particulier au nouveau testament; car pour estre sacrement, il faut en estre signe, comme sont pain, & vin: ou en estre la substance, comme sont corps & sang. Posons le cas que nostre Seigneur ait institué au soir, & non la nuit, à souper, & non apres souper, sur le haut du iour quinziesme, selon les Iuifs, c'est à dire le mesme iour qu'il a esté crucifié, ces mysteres de son corps & sang, & non au matin, ou es premieres heures du iour quinziesme qui commençoit la nuit à six heures fermées, selon les Iuifs: Car quand à nous c'estoit encores le 14. que nous disons, *Pridie*, pour ce que nostre 15. iour ne commence pas au soir la nuit fermée, comme fait celuy des hebreux, ains à minuit seulement. Il ne sensuiuroit point encores que ce sacrement peust estre appelé Cène, pour le temps & usage, car à mesme raison le baptême, qu'ils ne donnent qu'au presche du matin & de midy, pourroit pour l'usage du temps & action, estre appelé le sacrement du matin, le sacrement du presche, le sacrement du midy, ce que personne ne dist iamais. Il

ne fensuit donc pas que l'Eucharistie puisse legitime-
ment estre appelée sacrement de la Cène, pour
le temps & vsage de la celebrer.

SECT. II.

Si donc ce sacrement de Cène prenoit son nom
pour le temps du soir alors, à présent que tous la ce-
lebrerent au matin & auant midy, elle deuroit assëu-
rement estre nommée le sacrement du matin, &
non la Cène. Secondement attendu que les festes
des hebreux commençoient à la nuit, & compre-
noient douze heures de nuit, & autant du iour: Il
s'ensuit que la nuit, qui suiuit le soir précédent,
auoit les premieres heures, & le matin du iour, de
vingt & quatre heures. Or nostre Seigneur, qui fut
les neuf heures apres la Cène Mosaique, institua le
sainct sacrement de son corps & de son sang le 15.
iour selon les hebreux, estoit alors à iun du iour 15.
& au matin de ce iour la, combien que selon les Ro-
mains ce n'estoit que le 14. iour dit *Pridie*, non finy
iusques à minuit. Pourquoi nostre Seigneur vray
hebreu, institua & fit son sacrifice de l'Eucharistie,
conformant toutes choses, comme disent S. Denys
& S. Cyprian, au matin du quinziesme iour à iun:
Dont est venuë la diuine tradition de S. Augustin,
Epist. 118. cap. 6. Placuit spiritui sancto: Car selon les Ro-
mains, il est manifeste qu'ils n'estoient pas à iun. La
Cene donc ce doit celebrer à iun, & au matin, entre
les payens, comme nostre Seigneur à faict entre les
hebreux, pressé du temps, & comme les neuf heures
estoient peu apres le commencement du iour aux
hebreux, aussi nous est le matin apres la minuit, que
lon dit Messe. Tellement que nostre Seigneur estoit

à iun, selon la façon de conter les iours par les hebreux: Mais selon la maniere de commencer le iour latin, il n'estoit à iun: car le iour 14. selon les hebreux commençoit le mercredy au soir le iour couché, & finissoit le ieudy au soir, iour couché, & immédiatement apres entre six & sept, commençoit le quinzième iour. Nostre Seigneur donc qui l'aua les pieds des Apostres, & leur fit vn long sermon auant qu'instituer le sacrement, durant lequel temps nous ne lisons point qu'il eust mangé, estoit à iun du iour quinzième, selon les hebreux: Mais à nous qui commençons nostre iour à la minuiet, ne sommes point en vn nouveau iour à iun, iusques apres minuiet. Nostre Eucharistie donc, selon les hebreux, à commencé le quinzième iour, aux premières heures du dit quinzième, nostre Seigneur estant à iun de ce iour là, ayant mangé auparauant l'Aigneau Paschal, à la seconde vespre du 14. iour: Mais si nous contons les iours selon les latins, qui commençoient à minuiet du mercredy, & ne finissoient qu'à minuiet du ieudy, nostre Seigneur n'estoit pas à iun: Car il institua l'Eucharistie, & mangea l'Aigneau, vn mesme iour, *qui pridie*. Mais selon les hebreux, & religion de Dieu, il mangea l'Aigneau paschal le 14. iour à la seconde vespre, & institua l'Eucharistie la nuit, qui estoit le commencement du quinzième iour: Parquoy elle ne se doit nommer soir ou Cène, ains auant iour, matin: Et les anciens, comme Plin rapporte, *lib. 10. ep. 99.* les nommoient *Antelucanos coetus*, En quoy nous voyons que les payens parloient plus religieusement des mystres chrestiens que les religionnaires qui remettent toutes choses au soir, & à la nuit legalle & Mosaique.

SECT. III.

Les Religioneux ont cherché ce mot de Cene à dessein, car nous ne lisons que lon mangeast du sacrifice du soir, & que lon sacrifiait la nuit & apres souper; dont ils disoient: La Cène du Seigneur ne sera plus tenuë, avec le temps, pour sacrifice. Secondement, le banquet du souper n'est point d'un homme seul; donc la Cene ne doit estre d'un homme seul, comme est la Messe: Davantage, la cene se faict de gens qui sont non à iun, ains qui ont disné, ou pour le moins desieuné, donc la Messe ne se doit point dire à iun. Qui plus est, la cene estoit pour le repas du soir, & non pour estre reserüee au lendemain, cōme lon fait aux Eglises. Finalement les escritures, *Math. 23.6. Math. 26.6. Mar. 6.21. Mar. 12.39. Luc. 14.12.16.17.24. Ioh. 12.2. Ioh. 21.20.13.2.4.* font mention de cene sans aucun sacrifice, ny ceremonie religieuse: Parquoy la Messe que lon a mis au lieu de la Cene du Seigneur, est sans ceremonie & sacrifice. Or les Catholiques disent, vous errez, car le sacrifice iournal & perperuel, & l'aigneau Paschal, estoient au soir: & pour ce, la nuit n'empeschera pas que l'Eucharistie ne soit sacrifice. Davantage, un ou plusieurs ne font le banquet, mais l'appareil & les viures. Le banquet, qui est sacrifice, demande que lon iusne iusques au soir: si le souper à quelque chose de singulier en abondance, c'est la coustume d'en reserver au lendemain.

SECT. IIII.

Les Religioneux disent, nous vsons du mot de cene, car il est frequent aux escritures du nouveau testament: Or icy nous vous trouuons sophistes, car la question agitée entre nous n'est pas, assauoir si ce mot de cene est en l'escriture, car il y est: Mais assa-

uoir s'il y est frequemment & particulieremēt pour signifier l'Eucharistie proprement, en tant qu'elle est distincte de la Mosaique, des Agapes, & des banquets reiglez : nous disons que non ; c'est à vous de prouuer du contraire, pour maintenir ce nom nouveau qu'avez donné au saint Sacrement du corps & sang de nostre Seigneur. Le mot de cene est frequent pour vn banquet commun, & non sacré, *Mat. 23.6. Mar. 6.21. Mar. 12.39. Ioh. 12.2.* Mais l'Eucharistie n'est pas vn banquet prophane ; La cene se prend pour la Pasque des Iuifs, comme quand il est escrit, *Ioh. 13. 2. 4.* Iesus s'est leué de la Cene : Et ailleurs ; Il print le Calice apres la cene, *Luc. 22.20. & 1. Corin. 11. 25.* Mais l'Eucharistie n'est pas dictée cene, comme les religionaires ont cuidé reformer le langage de l'Eglise. La cene se prend pour les bâquets de dilection que les Chrestiens faisoient entr'eux, *1. Cor. 11. 20.21.* qui deuoient estre sobres, charitables, communs, & à personnes principalement indigentes, & en lieux decens, & en temps oportun, selon la reigle donnée à la Cene par le Seigneur, *Luc. 14. 12.13.* Mais cene en ces lieux là, mesmes selon Calvin, & la commune interpretation des religionaires, rapsodée par Marlorat, n'est pas l'Eucharistie, mais banquet non sacré. Vous demeurez donc Calvinistes, c'est à dire trompeurs, car vous nommez l'Eucharistie cene, comme reformateurs, v sans proprement des mots expres & frequens en l'escriture, à telle intention & vsage : & toutefois ilz ne sont en l'histoire de l'escriture, pour telle signification peculiere à l'Eucharistie.

SECT. V.

Vous vſez ce dictes du mot de cene, car il est escrit en saint Mathieu, 26.26. *Coenantibus illis*, eux soupans.

En vostre bible il y a, & comme ils mangeoint, & non pas cōme ilz soupoient. Et en Grec il y a, *Esthiondon*, eux mangeans, ou bāquetans, & non pas *deipnondon*, eux soupans. Parquoy ce passage ne sert de rien à vostre mot nouveau & prophane de cœne: & pour ce il le faut euitier, 1. *Timoth.* 6. 20. Vous direz que la vulgate edition la tourné, *Coenanthus autem eis*, mais nous l'auons entendu comme il se peut & doit entendre, pour *manducantibus* & *vescentibus*, eux māgeans & banquetans, & non pas eux soupans: car l'institution de ce viatique, fut apres le souper Mosaique, la nuit du quinzième iour cōmencée, *Luc.* 22. 20. *Ioh.* 13. 2. 4. & 1. *Cor.* 11. 25. car alors le iour de Pasques cōmençoit le Ieudy au soir, immédiatement apres six heures, & duroit route ceste nuit là, & iour de Vendredy iusques à six heures du soir inclusiuement: Et pour ce l'Eucharistie instituée la premiere nuit du quinzième iour, au commencement, ne peut estre dicte cene proprement & particulièrement: ains plustost desieuner, à cause qu'il la fit au commencement & premieres heures du quinzième iour, c'est à dire, la nuit: Mais s'il l'eust celebrée en la seconde vespre du iour quatorzième ou quinzième, elle eust peu estre appellée cene: Mais attendu qu'elle a esté solemnisée la nuit, c'est à dire non le quatorzième iour, comme la Mosaique, mais és premieres heures du quinzième iour, elle ne peut estre dicte Cœne, qui prend son nom de la seconde vespre, & non de la premiere, comme ont estimé *Luysius Regionensis, lib. de Vtriusque agni immolationis tempore. Et Petrus Lopes in Canonem Missae.*

SECT. VI.

Les religionaires disent: S. Paul, 1. *Cor.* 11. 20. parle

de manger la Cene du Seigneur, & par consequent le mot de de Cene, pour l'Eucharistie, est en l'écriture. Nous respondons que le souper du Seigneur en ce lieu, n'est pas précisément l'Eucharistie seulement, mais aussi vn banquet familier, commun, sans acception de personnes, sobre & charitable, faict à l'imitation de nostre Seigneur Iesus Christ, en troisieme repas; Et le dernier avec les douze Apostres, où il donna, apres la cene Mosaique, & apres l'institution de l'Eucharistie, le pain trempé à Iudas, lequel incontinent la nuict, s'en alla. *Ioh. 13. 26. 30.* En quoy les Corinthiens offensoient beaucoup, car ilz faisoient leurs banquets auant l'Eucharistie: & nostre Seigneur auoit faict le sien apres la communion, & apres autres banquets que generalmente le mot emporte. Le banquet de nostre Seigneur estoit familier, & celuy des Corinthiens estoit estrange, n'y receuât les pauures: Celuy de nostre Seigneur estoit commun; celuy des Corinthiens estoit particulier. *1. Cor. 11. 21.* Au banquet de nostre Seigneur, il n'y auoit point acception de personnes, comme en celuy des Corinthiens: Le banquet de nostre Seigneur estoit sobre, en celuy des Corinthiens il y auoit des yurognes, *1. Cor. 11. 21.* Ce qui monstre assez que ce souper icy n'estoit pas particulierement l'Eucharistie, dont lon vse esgalement & en si petite quantité que lon n'en peut estre yure: Le banquet de nostre Seigneur estoit charitable, & ainsi nostre Seigneur à enseigné la Cene de charité, ou lon appelle les pauures. *Luc. 14. 12. 13. 14.* Ce qui est la cene dogmatique, charitable, sobre, & reiglée par nostre Seigneur que les Corinthiens cuidoient imiter: Mais ce n'est pas l'Eucharistie seulement, ny les banquets ordinaires

& communs, *Luc. 14. 7. 8. 9. 10.* cōme dict S. Clement d'Alexandrie. *lib. 2. Pedag. cap. 1.* C'est donc aux Religioneux d'alleguer autre escriture, pour maintenir que l'Eucharistie doit ou peut estre appellée Cœne propremēt & particulierement: combien qu'il soit manifeste que ceste cene Dominicale, entre les Corinthiens, n'estoit pas l'Eucharistie; ains la cene dogmatique, *Luc. 14. 12. 13. 14.* Et en S. Jean 13. 26. 30. Ce neantmoins nous leur presenterons l'exposition de Calvin, auteur du mot nouveau de cene pour cet usage, & leur commune interpretation selon Marlorat, *1. Cor. 11. 21.* disans; *Certainement la coustume de ces banquets icy à esté tres-ancienne, car ces communs soupers icy, qu'ils faisoient ensemble, ils les appelloient ἀγάπαι, c'est à dire charitez & dilections, car ils estoient composez d'aumosnes, & estoient symboles d'une fraternele dilection.* iulques icy Calvin, & l'exposition de l'eglise religieuse en Marlorat. Calvin dict que les corinthiens mesloient ces banquets icy avec la cene du Seigneur, mais l'escriture n'en dict rien. S. Paul appelle cecy *deipnon* & *κρυακον*, comme il dit, *idion deipnon*, souper du Seigneur, & souper propre & particulier d'un chascun: ce qui n'appartient aucunemēt à l'Eucharistie: Et s'il auoit comparé le souper sacrement, au souper non sacrement, ce seroit un abus. Dauantage, S. Paul parle distinctemēt, & premieremēt des excès & corruptions de ces banquets icy: & puis apres à part, des offenses commises en la celebration de l'Eucharistie: ce qui mōstre assez apertement la distinction des banquets de la cene du Seigneur, *Agape*, banquet de dilection, sobriété, & aumosnes; & en bâquet de l'Eucharistie: & la façon de celebrer l'un & l'autre, confirme bien qu'ilz se celebrent distinctement l'un de l'autre, &

non pesse-messe, comme dict Calvin.

SECT. VII.

Les Religionnaires pour maintenir leur sacrement de la cene, disent que les anciens docteurs ont ainsi parlé, nommans le baptême & la cene sacremens. Icy il estoit besoin de produire l'escriture expresse; qui appellast plus souuent & plus expressement ce sacremēt ici, cene, que non pas Eucharistie: ce qu'ilz n'ont fait ny ne sçauoient faire: dōt ilz ont recours aux anciens docteurs, nō pas qu'ilz en tiennent conte, ains seulement pour amuser le monde, ainsi que lon peut colliger de l'aduertissement imprimé à la Rochelle chez Haultin, au moys d'Aoust 1600. pag. 6. *Nostre foy ne depend point, dict-il, de l'aduis & iugement des anciens.* Nous disons que cela est l'orgueil de l'Antichrist, 2. *Thess.* 2. 4. qui est contraire à Dieu, *Esaye* 59. 21. & *Ephes.* 4. 11. 12. 13. 14. & à la pratique de l'Eglise, qui à eu recours aux Apostres & anciens pour résoudre la verité des escritures, qui donnoient en apparence tesmoignages contraires, & ont prononcé, *Petrus dixit, Simon exposuit, cui consonant Verba prophetarum, hinc visum est Spiritui sancto, & nobis. Actu.* 15. 7. 14. 25. 28. Tellement que le tesmoignage des prophetes auoit creance, car il estoit conforme au dire de S. Pierre, & du Synode: Donc ne fonder point foy sur le iugemēt & general consentement des anciens, qui ont premieremēt presché, exposé & examiné les escritures, est ouurir la porte à tous heretiques & seditieux, pour ramener des enfers, telles heresies & erreurs que lon voudra, & se constituer iuges tant des escritures que des anciens: Et d'où est-ce que les prophetes & diuins escriuains ont meritē créace avec leurs escrits, sinon qu'ilz estoient membres, docteurs, pa-

steurs & prescheurs de l'Eglise; & qu'elle les à recogneu comme telz? Pourquoy est-ce donc que les anciens peres vniz en vne mesme communion & consentement de l'Eglise Romaine, les quatre cens premiers ans qu'elle estoit entrée en la foy chrestienne, comme dit Calvin *lib. 4. cap. 2. 6. 7. sect. 3. 5. 16.* Ne meritent ilz que nous dependions d'eux en nostre creance? Le saint Esprit à-il laissé le corps vny, à-il violé ses promesses, & abandonné ses saints & premiers & generaulx interpretes de sa diuine volonté; pour inspirer à part, contre ses promesses, & se ioindre à ses ministres qui condamnent les anciens, par tout ou il leur plaist? Quelle escriture, quelle promesse particuliere ont-ilz expressement, pour fessleuer, & censurer à leur fantaisie les anciens? Il est aduis aux religionnaires que l'interpretation la creance & consentement des anciens Docteurs, & definition des Concilz generaulx, est semblable à celuy des Lutheriens, où à celuy des Brâtiens, Vbiquistes, où à celuy des Laicocephales Angloys, où à celuy des Anabaptistes, où à celuy de semblables retrâchez du corps general de l'Eglise, qu'ilz condamnent à tous bouts de champ; comme aussi telz reuoltez les cōdemnent reciproquement. Nous ne disputons point que les anciens & plus recens docteurs 1. *Cor. 11. 20.* n'ayent entendu par la Cene du Seigneur, l'Eucharistie: car *Coena dominica*, est vn terme general de diuers soupers & banquets mosaïques, euangeliques, humains, & charitables: Mais ceste façon de parler est generale & impropre, & non particuliere & distincte, comme nous disputons contre les Ministres parlans proprement.

SECT. VIII.

Vous maintenez que les anciens ont parlé cōme

vous : Si vous estes gens de bien, & non menteurs, trouuez nous en leurs escrits , le *Sacrement de la Cene*, comme vous parlez ; Nous confessons bien que les anciens, *Tertullien lib. 2. ad uxorem, cap. 4. 6. S. August. epist. 118. cap. 5. Theodoret in 1. Corinth. 11. 20. & alij patres ibidem.* interpretent que la cene du Seigneur estoit l'Eucharistie , c'est assauoir en general & improprement, & non en particulier & distinctement , en tant qu'elle differe de la cene Mosaique, des Agapes, & bâquets: Car *Coena dominica*, est vn mot general à tout souper qui à quelque similitude aux bâquets enseignez par nostre Seigneur Iesus-Christ. C'est aux Ministres à demonstrier que *Coena*, plus proprement, distinctement & frëquemment signifie l'Eucharistie, qu'aucune autre diction en l'escriture, & aux saints peres, car vne arondelle ne faict pas le renouueau : Le mot *Cene*, ne suffira donc pas pour surmonter les autres, ny vne acception generale & impropre, pout tollir & desplacer les propres. Tertullien en son apolog. cap. 39. & *ad Martyr. cap. 2.* faict mention de la Cœne qu'il nomme ἀγάπαι ou dilection, qui estoit vn banquet entre les Chrestiens, principalement aux pauures, nommant *Coenam dominicam*, non seulement l'Eucharistie, mais aussi *Agapas. Tertull. lib. 2. cap. 4. 6. ad uxorem.* Autant est-il de S. Cyprien *ad Quirinum, lib. 3.* Mais il ne nomme pas l'Eucharistie, Cene proprement, ains les distingue expressement l'vn d'auec l'autre; comme apparroist au tiltre du sermon *In Coena Domini*, qui est tel, *de Coena Domini (quam fecit secundum legem Mosaicam) & de prima institutione Sacramenti consummantis omnia.* En quoy nous voyons, que *Coena Domini*, estoit vn autre banquet que l'Eucharistie, proprement & en particulier; qui est le sacrement consommant

consommant tous les autres sacremens. On pourroit alleguer Esichius lib. 6. in leuit. cap. 22. & 23. qui dit, *que Christ apres la Cene bailla l'intelligible, & ayant celebré la Cene de la Pasque Iudaique, & apres la Vespree Iudaique du 14. iour, qui estoit le commencement d'un autre iour, il bailla sa propre Cene, το ἱδὶον δεῖπνον*, Et Theophilacte sur S. Luc 22. *Coenam hanc meam. Je fay avec vous ceste mienne Cene derniere, tant amiable, agreable & desirée: & en icelle ie vous bailleray de grands mysteres qui sont du nouveau Testament: Mais nul des Docteurs a dict ou escrit, le sacrement de la Cene: cela est propre au Cathechisme de Calvin, l'an 1545. car il ne se trouuoit auparauant aux cathechismes des Eglises Chrestiennes. Esychius aussi distingue entre la Cene Iudaique, & celle du Seigneur, qu'il ne dict pas absolument Cene du Seigneur, mais cene intelligible, & d'apres souper, & d'un autre iour. Semblablement Theophilacte distingue entre la Cene du Seigneur & l'Eucharistie: car l'une est Cene, à cause du pain & du vin, auant la consecration: & l'autre est mystere, ou secret, non de la Cene, mais du precieux corps & sacré sang de nostre Seigneur Iesus Christ: Tellement que la cene du Seigneur, n'est point proprement & absolument le Sacrement du corps & sang du Seigneur, comme babillent les religionaires, sans escriture expresse, & manifeste tesmoignage des anciens. La cene du Seigneur est donc vn banquet sobre, & plain de charité enuers les pauures, ou bien pain non sacré, comme le morceau donné à Judas apres la cene Iudaique. La cene du Seigneur se prend aussi pour le dernier banquet qu'il feit avec les Apostres, à la Mosaique: où bien la cene du Seigneur non absolument, ains relativement & avec addition: Cene intelligible, cene*

GENERAL EXAMEN

euacuante & accomplissant l'hebraïque, qui fut absolument aptes la Cène, qui est d'un autre iour que du 14. qui est proprement mystere secret, ou sacrement du corps & sang de nostre Seigneur Iesus Christ. Par ainsi la Cène n'est point proprement sacrement du nouueau testament, comme ont resuë les religionaires.

SECT. IX.

Les religionaires ont esleu le mot de cene, qui à plusieurs vsages, à celle fin que souz tant de diuerses acceptions, ils fissent plus aisément couler là, leur nouvelle tradition: Ils ont aussi esleu ce mot de cene comme fort propre à diminuer & obscurcir la nature & excellēce de l'Eucaristie peculier au nouueau testament. Premièrement, cene, ou soupper, est vn

*Arucial
cibus
viticum.
haghe-
rehs, ves-
pertinu.*

1.
*Cène com-
mune.*

repas ou bāquet entier, & commun à plusieurs, que l'on faict au soir, comme le desieuner au matin, à midy le disner, & à trois heures le gouster ou resliner.

Or la cene n'est pas vn repas commun, & pour ce, elle n'est pas en telle acception, de sacré banquet, comprise souz les repas communs. Secondement il y

2.
*Cène reli-
gieuse
gherehs
choffed.*

auoit des banquets sacrez qui se faisoient dauant le Seigneur, *Deut. 12. 12. Deut. 14. 26. Deut. 16. 11. 14. Deut. 26. 11. Deut. 27. 7.* Or en la cene, ne se faict selon les ministres aucun sacrifice, & pour ce elle ne peut estre dite le banquet dauant le Seigneur. Nous trouuons la

3.
*Cened'entre deux
uespres
Tsiy ad
haghera-
bwm.*

cene d'entre deux vespres, en laquelle estoit sacrifié & mágé l'Aigneau paschal. *Exod. 12. 6. 27.* Or celle de nostre Seigneur, estoit apres la vespre seconde, selon Moyse; au commencement du iour suyuant, & pour ce n'appartient à la Iudaïque. On faict mention de la cene des dieux, & c'est vn bāquet des choses dou-

4.
Cène des

ces, & delicates, accompagnées de repos, contentement

& plaisir : car les dieux viuoient d'ambrosie, pour ce *Dieux*
 que sans mager ils estoient immortels; & de nectar, *gherebf.*
 pour ce qu'ils ne pouuoient estre tuez. I'estime que *eluhim.*
 les religionaires, ne voudroient fonder leur cene sur
 ceste cene analogique : Il y auoit aussi la cene des *5.*
 Pontifes, qui estoit vn banquet sumptueux & pre- *Cene des*
 cieux, de diuers mets, dont aucuns pour le moins, *pontifes*
 auoient esté sacrifiez aux dieux. Mais la cene calui- *gherebf.*
 nique, en laquelle rien n'est sacrifié à Dieu, ne fera *cohanim*
 point cene peculièrement de Dieu, & sacerdotale,
 qui enclost le sacrifice. La cene ordinaire est vn bon *6.*
 repas prins au soir, en refection naturelle, mesmes *Cene or-*
 sans façon de banquet: Or attendu que la cene reli- *dinaire*
 gionaire ne se dit pas prophane, & qu'il ne sy distri- *Tsaid.*
 bue en deputation imaginaire du signe du corps, *gherebf.*
 qu'un morceau de pain, & peu de vin, & que cela ne *esca res-*
 se faict pas au soir : C'est argument, que la cene reli- *pertina.*
 gionaire est vn banquet bien maigre, & qui ne pro-
 uoque point à dormir, & qui à vn nom qui luy re-
 pugne, car elle est prinse au matin, & la cene au soir:
 la cene à abondance de viures, & ceste cy n'a que pain
 & vin, tout petitement. Nous auons la cene des roys *7.*
 & des princes, que l'on appelle *la droite cene*, que les *Cene des*
 roys font à leurs cliens, officiers, & plus excellens *roys Tsai*
 subiects, estans assis d'ordre, & deüment seruis selon *id. mela-*
 leur qualité & dignité. Or en la cene il n'y a point de *Kim.*
 distinction, & acception de personnes, & pour ce
 elle ne peut estre maintenüe souz le nom de cene
 royale.

SECT. X.

Sainct Augustin au traicté 120. sur le 19. de saint *8.*
 Iean, faict mention d'une cene Iudaïque, appelée la *Cena pa-*
 Cene pure, S. Thomas *in sua Cathena, in Ioh.* sur le mesme *ra ghe-*
 lieu, en faict mention: Et le venerable Bede, & dere- *rhstha-*
rah.

GENERAL EXAMEN

chef, lib. 6. sur S. Luc cap. 94. Or c'estoit l'appareil des viâdes le iour de la parascene, ou vigile du sabbat, car alors on preparoit les viandes que l'on mangeoit tout le Sabmedy, & le repas ainsi bien préparé le Vendredy au soir, pour tout le Sabbat, estoit nommé, *Cœna pura*. Les caluinistes ne voudroient pas tirer leur cene de là. Il y a vne cene derniere & rememoratiue, laquelle se faisoit apres la cene ou manducation de l'agneau: car il y auoit vn tourteau, ou galette cachée souz la seruiete, & du vin en vne bouteille qu'on versoit en la couppe en la presence du pere de famille: Alors vn enfant esleu & attitré à ceste fin, demandoit: Mon pere, que signifie ce pain sans leuain qui est caché & couuert, & ce vin, duquel on ne boit point en la manducation de l'agneau, non plus qu'és sacrifices. Le pere respondoit; Saches mon fils que nos premiers parens, estans contraincts se latiter en Aegipte, ont esté miserablemēt affligez, & en fin glorieusemēt deliurez: Et c'est pourquoy en memoire & recordation des afflictions endurées, il nous faut manger ce pain sans leuain, & boire ce vin, symbole de reïouissance, pour auoir en fin esté deliurez. Ce dit, le pere de famille benissoit le pain & le vin, le rompoit & distribuoit, rendant graces à Dieu. Laquelle ceremonie il semble que Christ aye changée & muée au mystere de son corps & de son sang: Ce banquet ou derniere cene estoit appellé *Aphicomîn*, c'est à dire vn peu de pain & de vin, comme apres le repas commun on vse de dragée: car comme apres le souper, pour faire bonne bouche, nous prenons vn peu de dragée: tel estoit ce banquet apres l'agneau paschal: les Iuifs le nomment, *Kinuahseghudah*, abstention substantifique, dernier mets à faire bonne bouche. Or la cene n'est pas le dernier mets; mais le premier

9

*Kinua
seghuda
abstersion
substanti-
fique.*

*Rabbi
Elias in
Thubi.*

& au matin, par ainsi elle ne se peut loger souz l'*aphico* *Grand*
men hebraïque. L'escriture faict mention de la gran- *Cene.*
 de & spirituelle cene d'un quidam bien cogneu, *Luc.*
 14. 16. 24. S. Mathieu la nomme nopces royales, *Mat.*
 22. 2. 4. qui est banquet & feste au fidelle penitent,
Luc. 15. 23. 24. 30. 32. qui oit & croit à la predication e-
 uāgelique, qui espere aux promesses de nostre Seignr
 qui aime & qui obeist à l'obseruāce des commande-
 mens de Dieu. Mais la cene caluinique, qui se dit sa-
 crement ne peut fēmplumer de celle cy, qui n'est
 point sacrement. Sainct Iean en sa reuelation, *cap.* 19. *II.*
 9. 17. faict mention de la cene de l'aigneau, *gherebf* *La Cene*
seharuhhab, qui est l'heureuse fonction de Dieu, Pere, *de l'ai-*
 Fils, & S. Esprit, avec la vengeance de Dieu cōtre les *gneau.*
 reprouuez. *Pf.* 56. 11. En fin la cene du Seigneur selon *12.*
 les Corinthiens se trouue, *1. Cor.* 11. 20. 21. En laquelle *Coena*
 vn auoit fain, & l'autre estoit yure, qui deuoit estre *domini*
 vn banquet sobre & charitable, principalement aux *gherebf*
 pauvres, selon l'ordonnance de nostre Seigneur, *adonai.* *Luc.*
 14. 12. 13. que l'on appelloit en la primitiue Eglise,
 mesme selon Calvin *ἀγάπη*, dilection, banquet
 commun aux pauvres, comme aux riches, mais ce
 n'estoit pas l'Eucharistie, Et pour ce, la cene caluini-
 que qui n'est tel banquet, ne peut se fortifier de ce
 passage, *coena dominica*, comme particulieremēt dit du
 sacrement de l'autel priuatiuement, ioinct que l'E-
 charistie, n'est point nommée aux escritures com-
 munement, *coena dominica*: Aussi ne doit estre dite ce-
 ne, car elle fut instituée le soir passé, & apres souper,
 & la nuit, *Ioh.* 13. 2. 4. & *1. cor.* 11. 23. 25. Tellement que
 la trezième cene de Iudas demeurera aux religionai-
 res, s'ils ne se changent.

Sainct Paul denombrent les offenses qui andomageoient l'Eglise de Corinthe touchant la pratique de doctrine, les reduict à trois chefs. Le premier est, *Διχοστασία*, *Rom. 16. 17. & 1. Cor. 3. 3. Galat. 5. 20.* diuision & debat touchant les choses qui requierent vn ordre, vne decence, & honnesteté: quand ie ne fay pas ce qui est le plus decent, & que ie ne me separe point de celuy qui faict ce qui est plus honneste; cōme, que les femmes soient voillées en l'Eglise, & que les hommes ayent la teste descouuerte, *1. Cor. 11. 4. 5. 6. 16.* que les femmes ne parlent point en l'Eglise publiquement, *1. Cor. 14. 24.* Comme ieusner sans suiure l'heure determinée, ou sans la disctetion des viures, ou du temps: Comme prier sans determination du temps, du lieu, & des personnes publiques: Comme se marier sans esgard exacte de parété, de promesses de temps & de personnes: cela est la premiere porte pour sortir hors l'Eglise. Les Nouatiens donc, les Donatistes, & les religionaires sabusent, en cuidant que ce sont les pechez qui nous iettēt hors l'Eglise: Mais s'ils disoient que ce sont opinions contre l'v-fance, contre la tollerance, & creance de l'Eglise, qui nous mettent hors, ils diroient vray; Car comme la foy Euangelique nous introduit en l'Eglise, & l'esperance nous y entretiēt, & la charité nous y consomme: aussi la separation en la discipline & opiniastrété contre la communion, resolution, & contre la foy, nous en met hors. Le second chef, qui faict la premiere desmarche hors l'Eglise, c'est *σχίσμα*, *schisma*, *1. cor. 1. 10. Act. 11. 18.* schisme, quand i'ay telle resolution de mon opinion és choses non immediatement de la foy, mais dependentes & circonstantes icelle,

que l'estime qu'il n'est licite de faire legitiment
 au contraire, & qu'il ne seroit licite de communier
 avec ceux qui feroient du contraire: Comme n'estre
 baptisé d'un meschant, estre baptisé du plus homme
 de bien, 1. cor. 3. 12. 15. 17. faire la communion seulemēt
 en pain leué comme les Grecs: Car le schisme n'est
 pas proprement sur la doctrine fondamentale, ains
 sur la circonstance de la doctrine: Et comme la *disco-*
stasie auoit ouuert la porte sans sortir, aussi le schis-
 me à marché vn pas hors la porte: Comme les Grecs
 confessent biē trois personnes en la Trinité, le Pere,
 qui ne procede d'aucun, & le Fils; qui procede du pe-
 re, & le sainct Esprit, qui procede du pere par le fils;
 Tellement que le fils, aux Grecs, est *Medium* au sainct
 Esprit, de proceder du pere, & non pas le principe
 produisant. En quoy ils se trompent, car le principe
 produisant en nature intellectuelle est la nature, &
 la personne, non seulement comme moyen, ou in-
 strument à produire, ains comme entier & efficace
 principe productif. Donc le fils ayant la nature, dont
 il est Dieu, non moins que le pere, & estant person-
 ne realement distincte du pere, il à vertu productiue
 necessairement, non moins que le pere: Parquoy le
 sainct Esprit procede du fils, nō moins que du pere:
 Et pource que les Grecs en cela & autres articles,
 disputent plustost de la circonstance & façon, que
 du fondement de la doctrine, nous les tenons schis-
 matiques, & non heretiques du tout. Mais vous qui
 en vostre cene nyez le fondement, qui est le corps
 du Seigneur, estes vraiment heretiques.

SECT. XII.

Le troiesime chef qui met les hommes hors l'E-
 glise est, *ἀπέσις*, *heresie*: c'est à dire, vne election d'o-

pinion confirmée & arrestée, dont s'ensuit vne secte & diuision au fondemēt & vſance de religion, & en la cōmunion. Quād donc il n'y a point d'opiniastreté, & condemnation du contraite, c'est *dicostasie*, ou debat, qui est vn vice contre l'vnité de l'Eglise. Quād il y a debat resolu des dependances, circonstances & façons cōmencer il faut croire, & l'entendre, c'est *schisme*, cōme entre les Corinthiens; les vns disoient que Paul estoit meilleur qu' Apollo, & Christ estoit meilleur que tous: & pour-ce, que son baptesme estoit meilleur. Sainct Paul respond, que quand à l'institution & vertu, il n'y a que Christ qui baptise, mais quand au ministere, tous sont esgaux, soient bons soient mauuais. Comme les Grecs croyēt bien qu'il y a vne hierarchie & monarchie en l'Eglise, & que S. Pierre à esté le premier & chef entre les Apostres: mais que cette prescance soit tellement vnīe inseparablement à l'Euesque Romain, ou hereditaire aux Latins, qu'elle ne puisse estre transportée en certains cas, comme l'Empire à Cōstantinople, c'est en quoy est le schisme de l'Eglise de Constantinople, contre toutes les autres Eglise de l'vniuers. Comme les mēsmes Grecs croyent comme nous, qu'il faut prier & offrir pour les trespassēz, & qu'il y a vn purgatoire: mais ilz disent qu'il n'est pas corporel, ains ieulemēt spirituel, & propre pour affliger les ames: & qu'il est plus vne dilation de gloire que nō pas vne peine sensuelle, dont l'ame sans le corps, puisse estre affligée. Ainsi ilz admettent le mariage pour sacrement: mais non les secondes nopces, faute de signifier l'vnité de Christ, avec vne Eglise ieulemēt. Ilz confessent que le Celibat est plus decent aux clercs, que le Mariage: De là viēt que leurs Euesques

& Archeuesques, iusques aujourdhuy, sont prins communément d'entre les Moines: toutesfois ilz estiment que la declaration de S. Paul au celibat, est purement du droit diuin positif: & par ce que lon peut y dispenser & y epikaiser pour la fragilité humaine. Ainsi ilz confessent la presence de nostre Seigneur en l'Eucharistie, & la mutation substantielle du pain & vin, au corps & sang de nostre Seigneur; mais ilz querellent l'Eglise pour le leuain qu'ilz y retiennēt; ce qui ne touche point le fondement & substāce du sacrement, & ainsi des autres articles qui ne sont point des fondemens de la foy, comme cuident les religionnaires: ains seulement de l'accessoire, ou circonstance, ou dependance. Mais l'heresie qui met du tout hors de l'Eglise, est du principal, & du fondement Chrestien: comme est la mutation inuisible de la substance du pain au corps, & la conuersion supernaturelle du vin au sacré sang de nostre Seigneur Iesus Christ, Comme est le sacrifice de l'Eucharistie faict par la vertu de telle mutation: comme la descence réelle de nostre Seigneur aux Enfers, cōme est la iustification qui se faict par grace, qualité diuine & absoluë, & non seulement imputative. Et pour-ce que la doctrine de la Cene, n'est pas seulement de l'accessoire, comme sont le leuain, ou le tēps de la celebrer, ains du principal: C'est pourquoy assurément ilz sont heretiques, & hors l'Eglise, ou il n'y a point de salut.

SECT. XIII.

Auant que le temple fust basty, & le tabernacle dressé, & que l'honneur du Clergé & prestise fust deféré à la seule lignée de Leuy, les filz aisnez ou peres de familles sacrifioient aux lieux à ce dediez,

ou commodés pour la nécessité qui se presentoit. De là vient que l'agneau paschal en Égypte, fut immolé entre les deux vespres, en la maison d'un chacun pere de famille : car apres qu'ilz furent possesseurs de Hierusalem, & que le temple tres-magnifique fut dedié pour le Palais de Dieu ; il ne fut plus licite de sacrifier, ny manger du sacrifice ailleurs. *Deuter. 16. 2. 5. 6. 7.* Alors donc que lon mangeoit de ce religieux sacrifice, à celle fin que lon discernast ce sacré banquet & solemnelle action, d'avec les communs & prophanes repas, on vsoit de certains habits & ceremonies pour solemnisier les mysteres: A ceste cause les fils aînez auoient robbes desirées, dont ilz exerçoient la sacrificature, selon que nous lisons en Genèse 27. 15. Et Rebeca print les vestemens desirables de son filz Esau, le plus grand qu'elle auoit à la maison, & en vestit Iacob son filz puisné. Sainct Hierosime traictant ce lieu, au liure des traditions hebraïques dict: *En ce lieu icy les Hebreux enseignent que les premiers ne faisoient office de Prestres, auant que Aharon fust esleu à la prestrise, & auoient des vestemens sacerdotaux, desquels estans vestuz ils offroient viétimes à Dieu, & pour-ce ces robbes sont nommées Hachamudoth, desirables, & dignes d'estre conuotées.* Aussi les Leuites, qui estoient adioints aux Prestres és sacrifices & oraisons, auoient leurs vestemens & rochets ecclesiastiques: car premiere-ment ils se deuoient lauer, & leurs vestemens sacerdotaux, & puis s'en vestir auant que sacrifier; cōme il est manifeste, *Exod. 29. 4. 5. 6. 7. 8. 9. 10. 11. Exod. 30. 18. 19. 20. Exod. 40. 12. 13. 32.* Certes seruir à Dieu és sacrées ceremonies, avec le rochet & ornemens ecclesiastiques, à esté tellement & si generallement receu entre les Patriarches, Peres, & Prophetes, que soit

au vrai Dieu que lon aye seruy, ou faux Dieux, c'e n'a point esté en habit prophane, ny sans rochet dessus. *Judic.* 8. 27. 28. 33. *Judic.* 18. 14. 17. 18. 20. Et faut noter que quand il a esté question du rochet ou espaulier, c'est à dire surpelis serrant les habillemés longs qui sont dessous, que les prestres & leuites portoient; on entendoit par ledit *Ephod*, les autres ornemens sacerdotaux, comme mesme confessé Pierre Vermilly sur le premier des roys, que nous disons de Samuel, *chap.* 14. 3. voyez aussi, *1. Reg.* 30. 7. Qui plus est, non seulement les ecclesiastiques vaccans à l'oraison, à la participation des sacrifices, & en ce mancipans au seruice de Dieu, auoient leurs *Ephod* & surpelis; mais aussi les seculiers en auoient, comme Samuel, quand il fut dédié à Dieu, *1. reg.* 2. 11. 18. 19. comme Daud, *2. reg.* 6. 14. 19. comme Saul, *1. reg.* 19. 24. ainsi que reconnoist en cedit lieu mesmes Vermilly: apres Rabi, Daud, kimhi, Rabi Leuiben Gerson: Et n'y a que les Turcs & les Ministres, avec les religionaires, qui en habits prophanes, presument celebrer les sacrez mysteres.

SECT. XIII.

Or il y auoit trois especes d'*Ephod*, quand on vouloit prier Dieu, ou seruir aux sacrifices, y assister, & en participer, comme recongnoist ingenument ledit Vermilly, *1. Reg.* 19. 24. Le premier estoit vnique, pour le seul grád prestre nommé *Ephod hacohen*, tissu de fine soye & de lin, de couleur de bleu celeste, de pourpre, de safran, & d'or, dont il vsoit pour prier, sacrifier, benir, & prophetiser. La seconde espece qui estoit pour les prestres & leuites aux mesmes fins, estoit *Ephod bui*, selon le Targum, *Exod.* 28. 42. Corcet de lin special, fort blanc, precieux, & delié, que l'on cueille

és fucilles d'aucuns arbrisseaux en la Palestine, & non de lin commun, comme disent les hebreux. Plin, *lib. 19. cap. 1.* dit, que le lin vif appellé *Asbestos*, c'est à dire inextinguible, & inconsumptible, comme la pierre de Venus, dite *Asbestos*, dont S. Augustin faict mention, *lib. 21. de ciuit. dei cap. 6.* Plin, *lib. 37. cap. 10.* dit qu'elle se trouue és montagnes d'Arcadie, & est de couleur d'acier: Plin & le docte Viues, aux lieux prealleguez, tesmoignent auoir veu des nappes & seruiettes de ce lin, qui ne brusle point au feu, & i'en ay veu l'experience au cotton, dont on les faict. Peut estre qu'il y auoit quelques rochers & manteaux sacerdotaux & royaux, 1. *Paralyp. 15. 27.* & 2. *Paral. 2. 14.* de tel lin vif. La secóde espece de lin fin estoit d'Achaie, tres-blanc, dit *Bad*, aux Grecs *Byssus*, plus cher quelquesfois que son pesant d'or. Plin, *lib. 19. cap. 1.* Il est probable qu'il y en auoit des surpelis, comme des Tuniques & mittres, *leuit. 6. 10. leuit. 16. 4.* La troisieme estoit lin, dit *Schesehs*, que les Grecs appelloient *Gossipion*, cotonnier, arbrisseaux croissans en la haute Aegipte, portans fruiets comme Auelanes, dont le noyau est cotton, plus blanc, plus doux, & aisé à filer, qu'aucune laine qui soit, dont estoient faictes les aubes, les surpelis, rochers, & mittres des prestres d'Aegipte, & sans doute les prestres de Dieu, en auoient aussi Aubes, tuniques & rochers, *Exod. 39. 27. 28.* La troisieme espece d'*Ephod*, ou *hocqueton*, estoit commun aux prophetes & à ceux qui se consacroiét au diuin seruice, ou qui y vouloient seruir & assister, ou participer aux sacrifices, comme Samuel, Saul, Dauid, & autres ont pratiqué que l'on nommoit **Thalith*, ce disent *kimhi*, & Elias, à cause qu'on le mettoit sur les robbes communes, quand on vouloit

prier Dieu: Voyez, *numer.* 15. 38. 39. & *Deut.* 22. 12. Or *Thalet*, qui est l'*Ephod* commun à prier, ce dit Raby Elias au *Thifchbi*, dont les Iuifs vsent encores à prier Dieu auiourd'huy, est prins du texte hebreu, *Esfaye* 63. 9. *Vainatlem*, & *tulit eos*, du texte Caldean, *Pfal.* 5. 12. *Vethatil ghalhun*, & *teges*, seu *operies obonibrando eos*. Or les ministres qui en leur cene & prieres n'vsent d'aucun rochet, ny vestement sacré, monstrent manifestement qu'ils sont aussi prophanes que les Turcs.

S E C T. XV.

Après que Iacob sortit de Mezopotamie, *Genes.* 34. 29. & que ses fils eurent ruiné & pillé la ville de Schichem, & qu'il approcha de Beth-el, lieu par luy dédié au seruice diuin, *Genes.* 28. 18. 20. 22. il fit oster les dieux estrangers de sa famille prins chez Laban, & au sac de Schichem, ou ailleurs, & leur commanda d'estre nets, & de muer leurs accoustremens, *Genes.* 35. 2. 3. 4. 6. 7. Autant il en fit auant que donner la loy, *Exod.* 19. 10. 11. 14. 15. leur commandant exacte continence, & de lauer leurs vestemens: car il falloit que ceux qui participoient le sacré pain, & la chair du sacrifice, fussent alors continens, *1. Reg.* 21. 4. 5. & se purifiassent par asperision & lauement d'eau sanctifiante, & lauassent leurs robes sacrées, qui estoient de lin, & muassent leurs robes prophanes, *Numer.* 8. 7. 21. 22. en Ephodz, Talets, Rochets, ou Surpelis, & autres ornemens, & signes tesmoignans le seruice du vray Dieu, en renôçant au seruice des faux dieux, comme icy fit Iacob & sa famille. Certes les Iuifs ou Payens, allans au seruice de Dieu, ou des Idoles, auoient certains pendans d'oreilles, bracelets, dorures, & vestemens, dont on congnoissoit le seruice sacré ou ilz alloient; comme sont les surpelis, les bre-

GENERAL EXAMEN

uiaines, les liures, les heures, les patenostres, les croix les cierges, les bannières, les belles robes, & carquans que prennent les vrais fideles pour aller à la Messe, principalement aux grands festes. Il n'y a que les Religioneux qui se monstrent en leur conscience & entendement tellement pollus & infideles, qu'ilz n'ont rien pur: *Tit. 1. 15. 16.* Ilz font profession de cōnoistre Dieu, mais ilz le nient par œuures, veu qu'ils sont abominables, incredules, & reprouuez à tout bon œuvre. Qui est plus reprouué à tout bon œuvre que celuy qui dict qu'on n'en peut faire? Qui est plus souillé en son entendement & conscience, que celuy qui s'estime plus sçauant, & plus saint, que tous les saints docteurs qui ont esté? En les estimant tantost iudaïser, & ignorans au sacrifice de la Messe, & estre

Calu. li. inexcusables, tantost idolastres aux images, & en
4. c. 17. choses semblables: Si on croit Iean le trompeur en
sect. 15. son traicté de la Cene, tous les saints anciens ont
 & *c. 18.* ignoré, & erré en la verité du corps de nostre Sei-
sect. 11. gneur, au saint sacrement, & qu'elle presence on
 en doit croire, & quelle participation on en doit
 auoir: Voire mesme Luther, Oecolampade, & Zu-
 ingle. N'est-ce là pas la profession, l'orgueil, & l'o-
 raison iniurieuse contre tous, du Pharisien? *Luc. 18. 9.*
10. 11. 12. Dauid ne presuma pas d'assister à la proces-
 sion de l'Arche, ny aux oraisons de l'Eglise de Dieu,
 ny aux diuins sacrifices, ny à la participation d'iceux
 sans son *Taled*, ou *Ephod. 2. Reg. 6. 13. 14. 15. 18. 19.* Aussi
 les Hebreux voulés prier, celebrer la Pasque, & par-
 ticiper aux sacrifices, ont tousiours vestu leurs *Taleds*
 ou *Ephod* & laïques, consacrez à ceste intention: Com-
 ment donc fera-il crebible que nostre Seigneur tres-
 religieux, iusques aux plus petites ceremonies de la

loy, *Math. 5. 17. 18.* aye celebré la cene Mosaique, sans son *Taled* ou *Ephod* ? Mais les Ministres auxquels la Cene n'est point sacrifice, ains seulement vn signe, & figure : la font sans vestemens sacrez : En quoy ils monstrent par effect (quelque langage qu'ils protestent) que toutes choses leur sont prophanes.

SECT. XVI.

Les Ministres pour monstrier leur religion plus prophane que celle des payens, disent que les aubes, surpelis, & encens, avec telles obseruances, sont euacuez, car nostre Seigneur à dit, *consummatus est, Ioh. 19. 30. Appex aut iota vnum à lege non preteribunt, donec omnia fiant. Math. 5. 19.* Et aux Collossiens, *cap. 2. 16. 17. Ne quis vos iudicet in cibo, aut in potu, aut in parte festi, aut neominae, vel sabbathorum, quae sunt umbra futurorum: Corpus autem Christi:* Et S. Paul en tous ces escrits, principalement aux Romains, aux Galates, & aux Hebreux, ne rend à autre but : Parquoy disent les sergens, seruiteurs, soldats, gensdarmes, ou ministres, *Math. 5. 25. Math. 26. 58. Mar. 14. 54. 65. Ioh. 19. 6. Act. 5. 22. 26.* (car ils *Ioh. 7. 32. 45. 46. Ioh. 18. 3. 12. 18. 22. 36.* ont choisi ce beau nom de ministre) que les prestres se monstrent ridicules, en cuidant deffendre leurs humaines traditions par le vieil testament, qui est consommé & euacué, comme l'ombre quand le corps est venu. Vn baudet se reconnoist bastard du cheual estant engendré d'une asnesse : Ainsi sont les ministres : Leurs chefs, Luther & Caluin, se sont monstrez asnes, en la congnoissance de la consommation du vieil testament, *1. Timoth. 1. 7.* Car ils ont voulu estre tenus pour docteurs de la loy, n'entendant point de quoy ils parlent, ny les choses lesquelles ils afferment : Donc les ministres qui les suivent sont baudets. Vrayment tout est consommé, c'est à

GENERAL EXAMEN

dire, amené à sa perfection, mais non reietté hors d'usage de religion; Et pour ce, nostre Seigneur à accompli la loy, mesmes és petites figures, en y substituant la verité, comme au boire, & au manger legaux, à la purification du corps, maintenant à la purification des ames, car pieté est vtile à tout, 1. *Timoth.* 4. 8. Les festes pour benefices temporels, à present pour benefices spirituels: Les sabbats pour la creation du monde, aujourd'huy pour la redemption des hommes, pour la gloire de la resurrection, & pour argument du repos eternel: car ces choses temporelles, & legales, estoient vmbres des choses spirituelles, dont nous iouyssons à present. Or le corps en est à Christ, c'est à dire: Christ n'est pas venu pour tollir la discipline, l'usage, l'exercice de religion, & de la loy, des ieunes, des festes & ceremonies anciennes: Mais il est venu pour les accomplir, transferer, & muer en meilleur, & plus spirituel usage. *heb.* 7. 11. 12. 13. 18. En verité nostre Seigneur à accompli les actiōs & ceremonies de la loy, cōtre l'opinion des Manicheans. S. August. *Epist.* 68. Mais il n'a pas tolly la loy, cōme eux, & les ministres disent: Cela leur procede d'une arrogance, & ignorance de la loy de l'Euangile, de l'accomplissement des figures, & translation au corps du uouueau testament. Ce que l'on ameine à sa perfection, n'est pas tolly, ains seulement mué & translaté, comme dit S. Paul, *heb.* 7. 11. 12. 13. 18. Mais les ministres pour maintenir leur religion prophane, veulent oster toutes actions sacrées, contre S. Paul.

SECT. XVII.

L'argument ordinaire des ministres est en bestes és arts, car ils argumentent les aubes, surpeliz, imposition de mains, vnctions, & encensemens, estoient en la

en la

en la loy. Les prestres font donc ridicules en se voulant seruir, car cela est euacué: parquoy telles ceremonies sont seulement spirituelles, & sans aucune chose corporelle. Or baillons le cheuestre aux bauders, comme nous auons donné le beguin aux asnes. L'eau estoit en la loy, & la ceremonie de baptiser, & purifier: L'eau donc & sa ceremonie de lauer par le prestre, avec sainte inuocation publique en l'Eglise, n'a deu estre instituée par nostre Seigneur, en son Euangile (concluent les Anabaptistes) ny pratiquée en l'Eglise par *consummatum est. Ioh. 19. 30.* Le pain & le vin en la loy estoient ceremonies & figure du corps & sang de nostre Seigneur, ils ne doiuent donc plus auoir lieu au nouueau testament, infere l'aduerfaire de la loy, & des prophetes: Car la loy est accomplie iusques à vn iota. *Math. 5. 19.* Les prestres en la loy estoient ordonnez par l'onction & imposition des mains, par ainsi ny l'un ny l'autre ne doiuent plus auoir lieu au nouueau testament, cōme enseignoient les Nouariens, *Theodo. lib. 3. heret. fabular. cap. 7.* Par ce mesme argument nous impugnerons les temples, les autels, les assemblées, les festes, les predications, les diacres, & semblables fonctions qui estoient souz la loy, comme argumentoit Fauste Manichean, *lib. 20. & 30. à prid. D. August.* Et que les Ministres sachent, que ce qu'ils diront pour ce sauuer de ces objections, que nous le leurs respondons, pour saluation des ornemens ecclesiastiques: & adioustons; les ceremonies à seruir Dieu sont demeurées en l'euangile, qui estoient moins parfaites souz la loy au diuin seruice: comme l'eau, le pain, le vin, & l'imposition des mains. Les aubes donc, les surpelis, & ornemens ecclesiastiques de la loy, doiuent auoir lieu

GENERAL EXAMEN

souz l'euangile, ou le diuin seruice & sacrifice sont plus parfaicts : Et par ce les ministres sont profanes qui celebrent les misteres chrestiens sans ornemens & ceremonies exercées souz la la loy, figures de nostre religion. Par mesme raison flechir le genoil,joindre les mains, frapper l'esthomas, & benir les inferieurs, ne deuroient auoir lieu souz le christianisme.

SECT. XVIII.

Les ministres, sans exemples du vieil ny du nouveau testament, font parler & chanter leurs seraines en la compagnée des hommes; Et S. Paul leur defend expressement, non seulement d'enseigner, mais aussi de parler, *1. Cor. 14. 34.* & leur commande silence, *1. Timoth. 2. 11. 12.* Et quād Marie sœur de Moyse, à châté son *Sora*, cōme extraordinairement, elle fest retirée à part avec celles de son sexe & professiō, *Exo. 15.* Et les saintes femmes qui ont chanté cantiques, ç'a esté extraordinairement, par vne particuliere dispensation : & pour-ce, elles ont toutes eu le don de prophetie. Et les ministres ordinairement, en la compagnée des hommes, sans exemple, contre l'ordonnance de S. Paul, contre l'usage de l'Eglise Iudaïque, & primitiue, font chanter leurs femmes; ce qui n'est ny hōneste, ny graue, ny bien ordonné, *1. cor. 14. 40.* En cas de necessité & faute d'hommes, *Tsipora*, femme de Moyse, administra la circoncision, *Exod. 4. 25. 26.* & Dieu appaisa son ire contre Moyse. Et les Ministres aiment mieux que les enfans meurent sans baptesme, que de permettre qu'une femme baptise extraordinairement, promettans ordinairement le salut aux petits enfans, sans le baptesme en eau & esprit: avec les Pelagiens, qui mettoient en auant vne faulxe predestination contre l'euangile, *Ioh. 3. 3. 5.* & contre

S. Augustin, lib. 5. in *Iulianum* cap. 4. *Ia a Dieu ne plaise, que le predestiné à la vie, finisse ceste vie, sans le sacrement du mediateur.* L'ange commet aux femmes extraordinaire-
ment, de publier l'euangile de la resurreccion, aux Apostres, *Mat. 28. 7.* Voire mesme à S. Pierre. *Mar. 16. 7.* S. Paul recommande Phœbe diacre de l'Eglise de Cencres; Beze à traduit *ministra*, pour fauoriser aux ministresses: Je n'ay pas trouué en la version de S. Paul, ny és escritures saintes, ny mesmes és bons auteurs latins, ce mot de *Ministra*, traduit par Beze, *Rom. 16. 1.* pour vne bonne seruante & chaste chambriere. *Cicer. au liure 2. de finib. bon. & mal.* à bien estimé les vertus maistresses de voluptés, non pas estaffieres & ministresses. Et au liure 1. des offices, il n'approuue point les arts de regraterie, car ils sont plains de mé-
songe, & d auarice, avec faux sermens: car tels arts sont ministresses des voluptez. Je ne scay donc pour-
quoy Beze latinant, à vsé du mot de *ministra*, qui est vsité en mauuaise part, appartenant toutesfois & fort bien à leurs ministresses, & non aux femmes d'honneur, ny aux fidelles seruantes, ny aux bonnes & chastes chambrieres. Il valloit donc bien mieux vser de circólocution, comme à faiët la vulgate edition tournant; Or ie vous recommande Phoebe nostre soeur,
qui est au ministere de l'Eglise, qui est en Cenchre; ou bien il falloit rerenir le mot grec, Diacre, vsité & receu en l'Eglise, pour certain office cōmis aux hōmes, & aux femmes non mariez. Can. apost. 25. Nic. Concil. can. 3. Cōcil. Rom. Can. 8. sub Syluestro, Concil. Arelatensi 2. Can. 2. 3. Concil. Elibert. Can. 33. Je m'estonne comment S. Paul n'a re-
commande le mary de ceste ministresse, si elle estoit mariée: Il y a danger que les officiers ou predicans du iourd huy, fassent son mary mort, & elle veufue,

GENERAL EXAMEN

pour appaïser leurs femmes de ialousie , pour leurs maris, que S. Paul ne recommande point. Les ministres qui ont faict la noise, monstrent leur asnerie, en ayant vestu vne peau de lyon, comme le Corbeau qui cuida brauer tous les oyseaux à mieux chanter, & ne fit que crailler & croacer, son fromage luy cheant du bec pour faire la cene, & le renard en desieuna sans figure. Ils demandent si S. Pierre estoit à Rome, pourquoy S. Paul ne l'à-il salué, veu qu'il n'a pas oublié de se recommander aux hommes & aux femmes de basse condition: on leur en à dit la cause, c'est assauoir, que S. Pierre fortoit quelquefois de Rome pour les affaires de l'Eglise, & pour la conseruation de sa personne, iusques à ce qu'il fust temps, & expedient de mourir pour l'euangile: Et ne laissoit pas pour tels voyages & absences, de demeurer tousiours vray Euesque de Rome: ce que sachant bien S. Paul, n'en à faict mention, *Rom. 16.* Or les ministres disent la raison, & ne l'endent pas, quand ils prononcent *que S. Paul à salué les petits & non S. Pierre*, car il escriuoit aux romains pour l'instruction & confirmation des petis, & du commun, qui en auoient besoin: & non saint Pierre, auquel il appartenoit d'instruire & confirmer les autres, *Luc. 22. 23. Ioh. 21. 15. 16.* c'est pourquoy S. Paul s'en est teu. Et ie m'estonne aussi que les ministresses de la primitiue Eglise, ne sont recommandées & saluées aux saintes escritures avec leurs maris, aussi bien que Prisca femme d'Aquila, *Rom. 16. 1. 2. 3. 4.* Et Marie est saluée pour ses trauaux en l'euangile, *Rom. 16. 6.* Mais il n'y à rien du mary. S. Paul salue Triphene, Triphosse, & Perside, ministresses de l'Eglise, & n'eust oublié leurs ministres maris, si elles en eussent eu, selon l'impression,

caluiniste, *Rom.* 16. 12. S. Paul les recommande non seulement pour leur hospitalité, mais pour leurs labours en l'euangile : Et les ministres ne voudroient pas, qu'elles peussent en cas de necessité, ou pour vne singuliere condition, ou special don de Dieu, & sainteté, enseigner, ou exorter entre elles, comme *Hol.* 4. *Reg.* 22. 14. Autant en lisons nous d'Anne prophetesse, *Luc.* 2. 36. 37. 38. Je scay bien que le cartier approchant, le valet, comme ils ont tourné le mot, *Diaconos minister*, *Math.* 20. 26. n'oublie point à se recommander, ny sa femme ny ses enfans, ny toute sa maison : ce qu'ils ne trouueront ia aux escritures d'aucun ecclesiastique en la primitiue Eglise: ce qui montre clairement que les ministres ne font que contrepointer l'Eglise de Dieu. Que si les femmes entre elles en leurs Eglises ne prient iamais publiquemēt, & ne preschent, ou ne prophetisent point à part, comme font les hommes és assemblées generalles d'hommes & de femmes : Pourquoy S. Paul *I. cor.* 11. 5. 6. parlant des oraisons & exhortations publiques en l'Eglise, faiēt il aussi bien expresse mention de la femme, priant & prophetisant és assemblées, comme de l'homme priant & prophetisant ? Cela montre clairement que les ministres n'entendent les escritures, & qu'ils concedēt aux femmes ce qu'il leur plaist, & les priuent en tous cas, de ce que l'escriture ne leur denie, en certaines occasions ou necessitez.

SECT. XIX.

Retournons à l'argument asnier, de nos sergens, soldats, officiers, ministres, diacres, seruiteurs, & valets, car ils ont ainsi tourné *Huperetis*, *Diaconos*, & *Leitourgos*, pour se monstrier fort reformez en leur langage ministral. Les aubes, les rochers, les mittres, les

GENERAL EXAMEN

tuniques, disent-ils, & autres vestemens ecclesiastiques estoient en la loy, ils sont donc aboliz au nouveau testament. Or nous disons, la prestise n'est pas ostée, ains seulement changée, *heb. 7. 11. 12. 13. 18.* Ses vestemens donc ne sont abolis, ains seulement changez & mués. Secondement les ornemens legaux n'estoient point figuraux, ains naturels & moraux, de toutes gens au seruice de Dieu: & pour ce, ils n'ont point esté abrogez par la precieuse mort de nostre Seigneur. Il y a neuf sortes d'Eglises Chrestiennes en Ierusalem, qui toutes ne celebrent l'Eucharistie, qu'avec vestemens sacrez. Les Allemans, les Bohemiens, & Anglois, ont en leurs assemblées des surpelis, bonnets & robbes sacerdotales: Il n'y a que les caluinistes prophanes, qui soient bastez d'un manrelet volant, ou reformez d'un Reistre estrangier, rabatu sur le col, & marquez d'un large chapeau, pour soupper dès le matin, d'un petit morceau de pain figural, & d'un cyphon de vin significatif, prins debout en passant, sur la table: le seul ministre avec ses compagnons assis: sans se metre à genoux, ny sans ioindre les mains, ny sans adorer en ces diuins mysteres, le precieux corps & sacré sang de nostre Seigneur Iesus Christ. Les Lutheriens sont ingrats en le reconnoissant present, sans l'adorer: Les caluinistes sont & sacrileges, & inutiles, en ne le congnissant au saint sacrement, & en ne le discernant pour de l'adorer.

SECT. XX.

Ceste illation ministralle, contre les ornemens ecclesiastiques, procede d'une ignorance, & arrogance, touchant les sacrez secrets de la diuine religion: car pour bien sçauoir ce qui a cessé de la loy,

souz l'euangile, il est besoin de congnoistre distinctement, la multiplicité, propriété, & diuersité des figures: Car les vnes sont continues & concomitantes, les autres dogmatiques: aucunes expletives, les autres pleines: Les vnes, adécèce, & ordre: les autres à honneur & beauté: Les vnes à lineamens, personnes, & actions, les autres, sacramentales: Les vnes, de proportion, les autres de mœurs & comparaison. Les vnes de diuersité, les autres de specialle application. Cela congneu, il est de besoin sçauoir les raisons pourquoy aucunes ceremonies doibuent demeurer, & non les autres. Ce que ignorans les ministres, & officiers de Calvin, brouillent & confondēt tout: car il les tient si bien enforcelez de ces deux execrables figures (du corps present par imagination, & ensemble absent, & distant reallement du sacrement, autant qu'il y a depuis le ciel le plus haut, iusques à la terre: L'autre, de manger realemēt le corps de Christ, qui n'est iamais en terre, ny en nous, qui sont paradoxes engouleuens & signiuores, dont l'escriture & ancienne Eglise n'ont iamais parlé) qu'ils ne peuuent se depestrer du lien du malin. Iehan le trompeur deuoit monstrier par escriture expresse, & non par ces resueurs comptes, que luy mesme ne peut comprendre, ny expliquer: que le S. Esprit faict par son omnipotence, les choses veritablement absentes, estre ensemble reallement presentes. Secondement, que la foy faict que l'on prend reallement souz les especes, les choses qui n'y sont iamais en verité, & que l'on mange vrayment vne substance, qui n'est iamais en nous: Et quelque corps, que nous māgions en hault, nous n'en auons rien reallement en nous icy bas; finalement, que spirituellement, & par

GENERAL EXAMEN

foy, oste & n'establit point la reale & corporelle presence d'un vray corps: Comme quand il est dit, que la vierge à conceu par foy, & du S. Esprit: c'est à dire realemēt, & de faict icy bas en son ventre. Et quand il est dit que nous ressusciterons par le S. Esprit, c'est à dire en corps present, par vertu spirituelle. Et quād il est dit, que l'euangile à esté illuminé diuinement, si ce n'a pas esté realement, vraiment, corporellement, par vertu diuine & supernaturelle: Donc le corps de nostre Seigneur estre present spirituellement, & mangé par foy, establist la presence reale & corporelle, par vne vertu supernaturelle, & diuine, comme en l'incarnation, & resurrectiō: Assauoir si les aucugles illuminez diuinement, ne voyoient point ensemble corporellement, & fils estoient ensemble aucugles & voyans. Puis donc qu'ensemble ils voyoient spirituellement quand à la vertu, & corporellemēt, quand à l'organe: le corps de nostre Seigneur est present au sacrement, & mangé spirituellement & corporellemēt, quand à la substance: mais la puissance & façon d'y estre, est spirituelle, & supernaturelle: Et comme les aucugles n'estoient point ensemble (quelque operation du S. Esprit omnipotent, ou de la foy du croyant, qui y fust interuenue) aucugles & voyans: aussi vn corps ne peut ensemble estre present, & absent, pres, & loing, ou mangé sans y estre, comme dit Calvin & non l'escriture.

SECT. XXI.

Si les officiets de Calvin, *Ioh. 7. 32. 45. 46.* ou ministres selon Oliuetain son parent, sçauoient les escritures, & leur vertu, ils donneroient lieu aux vestemens ecclesiastiques. Nous lisons, *Exod. 28. 2. Vè y ghasà sita bigde kodesch, leaharon abhica, lecabuod, vltiphareth: Et*

tu feras des robes de sainteté, à Aharon ton frere, à gloire, & à ornement, c'est à dire, par lesquelles il sera rendu plus honorable. Je ne scay pourquoy en vos bibles de neufchastel, geneuefanes, & Françoises, vous auez osé laisser icy *abbica*, ton frere, qui est en toutes les bibles hebraïques de Paris, Complut, Venise, Basle, & Anuers. Ce mot; ton frere, est en la version des 70. interpretes, *ἀδελφῷ σου*, Au paraphrase Caldean *abbuc*, ton frere, aux versions vulgates, de S. Hierosme, de Pagninus, de Vatable, du Iard, de Münster, de Leo Iuda d'Isingrin, de Robert Estienne, il est maudit qui y adiousté, ou diminué, *Apocalyp.* 22. 18. 19. Dont vos bibles Françoises de Neufchastel en Suisse, translatées par Oliuetain 1535. & de Genesue 1561. chez Nicolas Barbier, & Thomas Courteau Hetsimiero, & 1565. chez Henry Estienne, sont maudites, car elles ont osté des paroles de l'écriture, & le nom des ministres qui ont fait ou laissé faire cela, est osté du liure de vie, *Apocal.* 22. 19. 20. L'écriture dit, que les vestemens sacerdotaux sont à gloire, & à honneur, à ordre, à decence & honnesteté, *Exod.* 28. 2. & *1. cor.* 14. 40. Puis donc que la gloire, decence, ordre, & honneur de la religion chrestienne, & du sacerdoce euangelique, est plus excellent & magnifique que le leuitique, n'est ce pas la raison de l'honorer de tels ou plus beaux vestemens? Puis que Dieu luy mesmes les auoit excogitez, puis que Alexandre le grand les eut en admiration, dont il honora Simon Iadus pontife souuerain, & pardonna à la ville de Ierusalem; disant que Dieu, qui luy auoit donné l'empire, & qui c'estoit apparu à luy, estoit vestu & paré de tels habillemens pontificaux: Ioinct que toutes nations, au seruice religieux, ont heu des vestemens de lustre, pour fy

GENERAL EXAMEN

parer. Les ministres ne peuvent donc reietter les vestemens sacerdotaux au diuin seruice, sinon qu'ils effacent du cœur humain, l'inclination commune, & naturelle, qui met distinction entre ce qui est sacré ou prophane, & le tesmoigne par signes, par vestemens, par gestes, par assemblées, & ceremonies, mesmes externes.

SECT. XXII.

Les brigands tuent premierement le riche passant & butinent sa bourse & marchandise, & puis le despouillent & desfigurent, à celle fin qu'on ne le connoisse plus: Ainsi les ministres de Iean le trompeur ont fait en leur cene; car premierement ilz luy ont osté la vie, qui est le corps, le sang, & l'ame de nostre Seigneur; qui est aussi esloigné des signes, qu'il y a du plus haut du ciel à la terre. Secondement ils ont butiné la bourse & richesses de la Cene, en disant qu'il y est present & absent ensemble, & qu'on le mange sans qu'il y soit, & qu'on le prend non au sacrement, ains au ciel, d'une façon si spirituelle, qu'icy bas on n'en a rien de corporel: Troisiemement, que ce n'est pas le corps du Seigneur, ains vn signe & figure, tant desfigurée, qu'on n'en a rien fors vne fumée spirituelle & plus que Marcionite & Manicheane, qu'il n'y a rien de naturel & corporel en substance ici bas au sacrement que nous prenons, quelque chose qu'ait institué de nouveau nostre Seigneur, & dict: *Cecy est mon corps baillé non seulement à vous, mais aussi pour vous.* Quatriemement, ilz luy ont osté ces desirables vestemens ecclesiastiques: ce que les Iuifs & Gentilz n'ont iamais fait au seruice diuin: car ils ont montré au dehors, en leurs robes & ceremonies, la distinction qu'ilz faisoient en leurs ames, entre les

actions sacrées & prophanes. Mais les religionnaires prophanent tout: Ils ont tellement vermillé ou renuerlé avec leur boutouer de fauce version & interpretation: le verdoyant pré, ou escriture de l'Eglise, que tout est profane à leur endroit. Puis donc que leur cene ne leur est point absolument le corps du Seigneur, ains seulement pain & vin, figures du precieux corps & sacré sang de nostre Seignr, qu'ils mâgent seulement en haut spirituellemét, sans en auoir icy bas rien de naturel & corporel: Puis qu'elle n'est vraiment sacrement consistant & vny de deux parties, l'vne visible, & l'autre inuisible: comme l'ame & le corps pour faire vn homme, comme la diuinité & humanité vnis en nostre Seigneur, pour faire ensemble vne personne de deux natures; elle n'est pas vn sacrement: Car leur pain & vin, ne sont iamais qu'en terre: & le corps & le sang demeurent comme liez en vn seul lieu du Ciel, sans iamais s'approcher l'vn de l'autre pour estre ensemble; non plus que le Ciel & la terre. Puis qu'il ny a au pain aucune mutation, que de deputation & vsage abusif: Puis que ce n'est point de sacrifice, selon leur Iean le trompeur, il n'a esté de besoin en vne chose tant defigurée & prophanée, vsr de sacrées ceremonies, & vestemens ecclesiastiques. Tout s'y faict & administre comme entre les Turcs: en lisant, en chantant, en preschant, & en admirant la rithme Arabique, avec la Turquesque, ou Persenne, interpretation vulgaire, & les fables & sottes imaginations de Mahomet en son Alkoran. Ainsi les religionnaires, se fondent, non en la parole qui mentionne copulatiuement l'eau, & l'esprit au baptesme, *Ioh. 3. Math. 28.* Mais en Calvin, qui y separe l'eau de l'esprit; non à l'escriture, qui dit par

GENERAL EXAMEN

tout *Cecy est mon corps*, & ne prononce en aucun lieu, cecy est le signe de mon corps:ains aux gloses & resneries de Calvin, en admirant & adorant la beste, opinion, dont ils suyuent les comments.

SECT. XXIII.

epist. 59. Saint Augustin, homme qui au iugement des
q. 5. epist. choses diuines & sacrées, n'a eu son pareil: estime ce
118. c. 1. qui a esté obserué de tous, en tous lieux, & tousiours,
et 6. 11^e auoir esté sans doute de la tradition Apostolique: Et
li. 10. Ge tout ce que l'Eglise obserue, auoir autorité, pour
nes. c. 23. deuoir estre indubitablement gardé: singulierement
en donat en la celebration de l'Eucharistie: Et Vincent Lyri-
ca. 7. & nense en tient autant, au liure contre les prophanes
lib. 4. ca. nouveautez. Or S. Augustin n'eust point tant de fois
24. ac. li. repeté ceste chrestienne resolution, s'il ne l'eust iu-
5. cap. 23. gée tres-fidelle & certaine, lisez le aussi *epist. 118. cap. 5.*
Item, lib & *epist. 119. cap. 7.* Du pain, du vin, de l'eau, & de l'huile
21. de ci- aux sacremens chrestiens. Les ministres ne veulent
uit. c. 24. aucun sacrement, ou il y aye de l'huile, *Iac. 5. 14.* Tel-
et ser. 32. lement qu'ils ayment mieux icy badiner du leur, vn
de verb. miracle temporel sans l'escriture, que d'y admettre
cap. 2. l'huile, & la remission des pechez, *Iac. 5. 14. 15.* qui
font vn vray sacrement perpetuel. Et qui leur à re-
uellé, que tous les anciés alors faisoient ce controuué
miracle par Iean le trompeur: & disent que les do-
cteurs sont prophanes comme eux, c'est à dire, de
leur opinion. Voyez S. Augustin, *de cura pro mortuis*
agēda cap. 1. & de sancta Virginit. cap. 45. & tract. 84. In Ioh.
cap. 15. 13. ou il fonde la priere aux saincts, & pour les
trespassez, sur le commandement de charité, & dile-
ction, *Math. 22. 38. 39. 40.* Mais les gens de Calvin, *Ioh.*
13. 36. c'est à dire les Ministres, qui veulent esteindre
& amoindrir, ou tollir charité, contre S. Paul, *1. cor. 13.*

8. avec la mort du corps, selon les Saduceans, monstrent leur asnerie, & ignorance des escritures, & de la vertu de Dieu, *Math.* 22. 29. en disant, que cela n'a aucun fondement en l'escriture, ny aucun commandemēt de Dieu: Et toutesfois il est fondé en charité, & sur le premier, & second commandement de la loy de Nature, de Moyse, & Chrestienne, *Math.* 7. 12. *Leuit.* 19. 18. *Marc.* 13. 30. 31. *Rom.* 13. 9. 10. Attendu donc que l'usage des surpelis, & ornemens ecclesiastiques, a esté tousiours vſité par tout de tous ecclesiastiques: Il s'ensuit qu'il est de la tradition apostolique, selon la doctrine de S. Augustin. Et ne s'est trouué iusques à Calvin aucun heretique tant prophane, qui de propos deliberé aye presumé exercer les mysteres chrestiens, sans aucun ornement ecclesiastique. Or la tradition apostolique, tant escrite, que par parole: c'est à dire, les enseignemens, les commandemens, & ordonnances des Apostres doiuent estre gardées, principalement cōtre l'antichrist. Aucuns, cōme Hugues Sureau, cōtre le doctissime Curé de Messars, prestre apostolique, Gentian Heruet, dit du Rosier, ont entendu cecy non de la doctrine, ains de la police, & des mœurs. Or les ornemens ecclesiastiques appartiennent aux mœurs & à la police; Donc les ministres doiuent donner lieu aux ornemens d'Eglise. Beze congnoissant que ceste interpretation du Rosier, cōtre le docteur Heruet, estoit insuffisante & faulſe: dit sur le second chapitre de la seconde aux Theſſalonicenses verset 15. interpretant *Paradoſſes: traditions,* en françois, *Galat.* 1. 14. *Collocens.* 2. 8. *par angelias, preceptes, mandemens, denonciations, & significations,* peur de pretēdre cause d'ignorance, *1. cor.* 11. 17. & *1. Theſſal.* 4. 2. *Actu.* 1. *Timoth.* 1. 5. *Act.* 5. 28. 40. dit qu'il est question, non

2. theſſal.
2. 15.

GENERAL EXAMEN

seulement des actions exterieures, & politiques, mais aussi de la doctrine, en laquelle il faut demeurer, comme il explique, 2. *Thessal.* 3. 6. Or de cecy nous colligeons. Puis que S. Paul commande d'observer les traditions apostoliques, c'est à dire les mœurs & la doctrine baillée tant en escrit que par parole: Il s'en suit que tout n'estoit pas escrit: Que si apres tout a esté couché par escrit: il ne falloit dire, soit par parole, ou par epistre: ains il falloit dire seulement par escrit (car cy apres tout sera couché par escrit) comme n'igaudent les ministres sans l'escriture. Que si n'y auoit point de doctrine, & ordonnances non ecrites, & si elles n'estoient point necessaires à salut, aussi bien que l'escriture, S. Paul ne le deuoit point recommander esgallement comme l'escriture. Que si l'on ne pouuoit discerner les traditions apostoliques, d'auec les commandemens des hommes, & doctrine des démons, aussi bien que la sainte escriture, de l'humaine, & commune, S. Paul nous faict tort de commander l'observance de ce que l'on ne peut discerner, voire de ce qui n'est point. Icy nous voyons clairement que les Ministres ne croyent point en effect aux saintes escritures, qui tesmoignent les traditions: ains seulement aux gloses des hommes. S. Paul dit qu'il y a vne doctrine apostolique de viue voix, aussi bien qu'en escrit: Les Ministres disent que non, & que tout est expressement escrit. Sainct Paul dit, qu'il y a des traditions apostoliques, contre l'antichrist, non ecrites: Les ministres disent que non. Donc il est euident, qu'ils ne croyent aux escritures absolument, ny en nostre Seigneur Iesus Christ: ains en l'Antichrist, qui osterà avec autāt & plus d'apparence les escritures canoniques, que

ceux cy ne font les traditions apostoliques : & vsera de mesmes exceptions, & contradictions, pour aneantir la verité & autorité des escritures, que font ces ministres de nostre temps pour abolir les traditions apostoliques.

SECT. XXIIII.

Si les ministres eussent recherché diligemment les saintes escritures, ils eussent cogneu que les vestemens ecclesiastiques, & chasteré auant la communion aux sacrifices, & diuins seruices, n'auoient cōmencé en la loy escrite par Moyse : Mais que dés le commencement, le iuste & continent Abel offrit : & Dieu eut son present acceptable, & non celuy de Cain, qui degenera avec sa posterité du seruice de Dieu : Et s'ensuyuit la Poligamie commencée par Lamech, & puis les incestes, paillardises, meurtres, guerres, & tyrannie des Geans, pour lesquelles dissolutions vint le deluge : Puis apres, *Genes.* 27. nous voyons que les aînez auoient robes sacrificales bien parfumées, & odorantes, comme ont religieusement remarqué les Hebreux, & S. Hierosime. Aussi quand Iacob voulut sacrifier en Beth-el, *Genes.* 28. 19. 20. 22. il dédia le lieu avec saintes vnctions : Et pour ce, la Dedicace des Eglises, est auant la loy ceremoniale : Et quand il voulut pour la seconde fois sacrifier en la maison de Dieu, *Genes.* 35. 1. 2. 3. 6. 7. alors il osta toute idolatrie de sa maison, & commanda que lon lauast, & qu'on changeast les vestemens prophanes, populaires, crasseux & sales, en ecclesiastiques purs, & saints : cōme Dieu fit practiquer aux Leuites, *Num.* 8. 7. 8. 21. 22. Et Dieu qui desire principalement la pureté de l'ame, chasteré & sanctification du corps, a voulu par la sanctification, & l'aduenement des

vestemens Ecclesiastiques, mettre cela dauant les yeux de son peuple; *Soyez saints*, Leuit. 21. 5. 15. 23. *Lauuez vous, & vos vestemens*, Leuit. 8. 6. 7. 30. *Soyez nets vous qui portez les vaisseaux du Seigneur*, Esaye 52. 11. Et de vray, quelle analogie naturelle y auroit il entre nos actiōs humaines, & accoustremens mondains, si en sacrifiant nous n'auons vestemens & ceremonies correspondantes au diuin seruice. Les ornemens ecclesiastiques estans du droit des gens, ne peuuent donc estre reiettez: sinon que les Ministres, plus que prophanes, reiettent ensemble les loix de Nature, pour se monstrier plus deforme en dernier ressort, & au chemin ouuert de l'atheisme, qu'aucuns barbares qui ayent iamais esté.

S E C T. XXV.

Si le Dieu de ce monde, qui aueugle les yeux des infidelles, & de ceux qui perissent, 2. Cor. 4. 3. 4. n'eust conduit les Ministres, iamais ne fussent tombez iusques à l'impieté de celebrer le diuin seruice, sans quelque sacrez & peculiers ornemens: certes Dieu leur deuoit seruir de loy & d'exemple: ioinct que la loy de Nature, commune à toutes gens, leur a inspiré vn Dieu auquel il faut seruir: Et pour ce ils ont dressé temples, autels, sacrifices, encensemens, ornemens, prestres & vaisseaux. Il faut bien croire que les ceremonies legales, qui estoient simplement ombres & figures comme la circoncision, ont cessé: Mais celles qui estoient pour quelque chose de meilleur, comme l'eau, le pain, le vin, l'huile, l'imposition des mains, & semblables, n'ont point cessé: non plus que autres choses qui estoient à hōneur, à decence, à ordre, & honnesteté: comme la chasteté aux prians & communians: comme les temples, les encens, les autels,

autels, les benedictions, les consecrations, les ornemens, la distinction des Euesques, prestres & diacres: la difference des laiz, & du clergé, comme la distinction & declaration des degrez & personnes propres au mariage: comme les iours de repos, ou de ieusner, comme les lieux & heures de s'assembler: car cela est seant à honnesteté, ordre & decence entre les hommes: principalement en ce qui concerne l'honneur de Dieu, & des hommes. La loy de nature à mis par tout difference entre l'habillement des femmes & des hommes, comme la differéce du sexe le veut. Et S. Paul argumente ainsi, 1. cor. II. 14. 15. 16. Est-ce donc la raison que le seruice de Dieu, & la clericature, ayent moins de prerogative, que la nature prophane à elle mesme de difference en habits? Dieu ne veut pas que les femmes s'arment, & aillent à la guerre, comme les garçons: ny que les ieunes gens portent accoustremens & parures de femmes. *Deut. 22. 5.* Certes le seruice de Dieu, qui est plus que cela, doit bien obtenir vestemens pour se faire recongnoistre. Nature à faict robes aux nobles, aux prophetes, aux prestres, aux philosophes, & aux peuples, pour discerner la diuersité de leurs vocations & offices. Il n'y a que les ministres qui ne changent de peau; non plus que dit le proverbe, *En ceste peau mourra le renard*: Tellemét que vous ne congnoistrez point à l'habit, si le predicant va prescher, ou paillarder: ou si c'est vn predicant, ou vn cherpétier qui va en la tauerne. Il ne leur est besoin d'actes priuilegiez pour auoir leur renuoy: Le Turc ne les congnoistra point pour leurs ceremonies, car ils ne signent point du signe de croix, ny ne se mettent à genoux, ny n'adorent en l'Eucharistie, ny n'ont habits que communs pour

GENERAL EXAMEN

celebrer le diuin seruice: à la parure, aux enseignes & hocquetons, on congnoist les armées, compagnées, officiers, seruiteurs, & actions d'un chascun. Il n'y a que les Ministres qui ne lauent & ne muent iamais leurs robes, non plus que ramōneurs de cheminées. Encores les pauvres artisans, comme cordonniers, bouchers, menuisiers, mareschaulx, ferruriers, & semblables, qui vont au presche, ostent leurs dauantiers, & habitz mechaniques, sales & gresseux: Les hommes & femmes se parent, principalement aux festes: Mais les ministres sont gens qui tirent tousiours la mine souz terre; & pour-ce ne muent point d'habit. Au temps passé les Chrestiens estoient congneuz par la varieté de leurs habitz, & leurs clerics, pour la robe longue; comme monstre le venerable Bede au liure premier de l'histoire des Angloys, ch. 7. traictant le marryre de saint Alban. *Il n'y a que les Ministres qui ne changent de robes pour ouyr & traicter la loy de Dieu. Exod. 19.* fors que quand ils sen vont coucher, ils prennent leurs bonnetz de nuit, pour faire entendre à leur voyfin qu'ils veulent dormir. Mais quand à la difference d'habits, soit au seruice des hommes ou de Dieu, soit à la maison, ou à leur theatre, soit en la boutique, ou au presche, il n'y a aucune distinction; tout leur est sacré, tout leur est indifferent, tout leur est prophane, tout leur est ainsi qu'il leur plaist: leur foy leur est chapeau, bonnet, sacrée, prophane, ou indifferente: & qui dict autrement, n'entend rien en leur Orgie, c'est à dire, es fureurs & resueries de leurs misteres feminins & mōtagnardz, qui y font chāter les femmes. Les Gentilz ne les celebrent que de trois en trois ans: A ceux cy ils sont ordinaires sans y muer de robes.

Les Arriens & Donatistes auoient en horreur les sacremens & ornemens ecclesiastiques, non en soy, cōme les Ministres; mais à cause que les Catholiques s'en seruans les auoient polluz, cōme ils disoient: dont S. Athanase auec les Euesques d'Egypte se plaint, *Epi. ad Marcū Papam*, disant: *Les Arriens ont tout gasté & bruslé en nos quartiers, tellement qu'ils ne nous ont laissé aucuns liures, ny vestemens ecclesiastiques, ny aucuns autres ornemens, ny mesme pas des vitellles: ce qui demonstre clairement que lon auoit des liures, robes, & ornemens ecclesiastiques: voyez l'histoire de Magdebourg, Cent. 4. ca. 7. pag. 503. fac. 2. Optat Euesque de Milet au liure 2. contre Parmenian, se plaint des Donatistes qui ont donné, cōtre l'Euangile, Math. 7. 6. le Sainct aux chiés: dont les chiés enragez mirent leurs maistres en pieces, qui ietterēt la phiole du sainct huile sur des pierres, laquelle toutefois ne fut point cassée: cela dict, Il est meschant ruiner les autels, et n'est point apres meilleur les racler. Qui est-ce dict-il, qui vous à donné exēple de racler la teste des prestres, & oster les autels esquels les vœux du peuple, & les mēbres de Christ ont esté portez? Quest-ce que l'autel sinon le siege du corps & du sang, de Christ? O donatistes que vous à fait Dieu, qui auoit de coustume d'estre inuocé là? Que vous auoit offensé Christ, duquel le sang habitoit là par certains momens? Vous auēz esté imitateurs des Iuis, qui ont mis les mains cōtre Christ en la Croix: & à esté frapé de vous à l'autel. Pourquoi auēs vo^s redoublé cet inhumain peché, en rompant les calices porteurs du sang de Christ? les pieces en ont esté reduites en lingots, vendus à tout propos, en meschātes foires: & peut estre que sales femmes les ont achetez, ou bien hommes payez, qui en ont fait des vaisseaux pour brusler parfums aux Idoles. N'auēz vous pas osté par force les linges & vaisseaux du Seigneur, & emporté auec les liures, les napes d'autel, corporaux, et surpells? Iusques ici Opt. euesq. cōtre Parm. Donat.*

GENERAL EXAMEN

Les ministres peuvent icy recongnoistre des autels, l'Eucharistie, vray sacrifice du corps & sang de nostre Seigneur, qui estoit reserué aux Eglises, & recõgneu y habiter par certains momens de temps: Et que l'irreuerence & persecution faicte à l'Eucharistie, est semblable à celle que les Iuifs ont faict à nostre Seigneur en la croix.

S E C T. XXVII.

Nous deplorons fort la legereté & l'asnerie des ministres, qui se montrent ignorans ou impudens, mesme en l'histoire ecclesiastique de l'antiquité: Comme quand Calvin dit, que S. Athanase presida au Concile de Nycie, & qu'il fut celebré souz le Pape Iulles. Et il est certain qu'Athanase au premier Concil n'estoit que diacre d'Alexandre Patriarche d'Alexandrie, & ledit Athanase ne fut Euesque que cinq moys apres ledit Concil. Où à lon veu les Diares presider les Euesques: aussi aux actes dudit Concil, nous trouuons Olius Euesque Espagnol, Victor, & Vincent prestres Cardinaux romains, tous trois Legats de saint Syluestre, signez les premiers: Et puis Alexandre Patriarche d'Alexandrie, & non Athanase son Diacre, comme Calvin à controuué sans aucuns auteurs. Semblablement si nous considerons bien ce qui est sans debat, nous trouuerons que Iulles Romain Euesque, fut Pape l'an 341. l'an que Constantin mourut. Or le Concile de Nice auoit esté paracheué l'an 333. & commencé l'an 330. qui estoit l'an 14. de Syluestre Pape, qui mourut l'an 338. & ledit Concil finit l'an 333. Et pour ce ledit Concil de Nice ne peut auoir esté celebré souz le pontificat de Iulles, ains huiet ans auparauant. Ce qui monstre manifestement que Sozomene & Nicephore se sont

mesprins. Autant est-il de Iean Funkius de Nuremberg Osiandrin en Pruze, en son histoire, qui dit que Cletus romain Euesque, n'a iamais esté. Peut estre qu'il à iugé indiscrettement, que puis que S. Irenée, Augustin, & Optat ne le nommoient point au cathalogue des Euesques romains, qu'il n'auoit iamais este : Certes les saincts docteurs là, ont eu certaine consideration pour ne le nommer point: Comme au contraire saincts Damase, Epiphane, & S. Hierosime, ont eu bonne raison de le nommer en son lieu au mesme cathalogue, pour reprimer l'impudence de Funkius. Ainsi ceux de Magdebourg, *Cent. 3. cap. 5. pag. 146* *Rubr. de ritib. Ecclesiae*, disent, que S. Estienne Pape & Martyr, à inuenté l'vsage particulier des vestemens sacrez, pour en vser seulemēt en l'Eucharistie. Quād ce S. Martyr les auroit mis le premier en vsage, l'an de nostre Seigneur 263. au plus fort des martyrs, & plus deuotieux temps des Chrestiens, il ne les à point inuentez, mais Dieu à son seruice les à le premier inspiré à ses fidelles seruiteurs, deuant & apres la loy. Mais quel commandement de Dieu y a il, de n'auoir q̄ robes prophanes, pour celebrer le sacré seruice de Dieu? Ces gens icy contrepointeront-ils Dieu, qui nous à monsté exemple par ces anciennes ordonnances, de celebrer les mysteres sacrez, avec lieux & vestemens sacrez? Et ces ornemens estans en vsage, à qui appartenoit-il mieux d'y mettre reglement, que au souuerain Euesque d'entre les Chrestiens? Mais il faudroit que ces lourdaux icy aportassent escriture expresse, qui monstast cecy estre superstition, & commandement des hommes, aneantissant le commandement de Dieu, comme fit nostre Seigneur aux Scribes & Pharisiens, *Math. 15. 3. 4. 5. 6.* autrement ils

semblent aux chiens, qui seulement de nuit, & non de iour, iappent à la lune. Peut estre que Mahomet, qui de son temps l'auoit toute en sa teste, leur en a rendu le dernier quartier, pour se ranger souz l'Eglise grecque, qui est vn court chemin pour faillubier à deuenir renégats, comme ils voulurent faire l'an 1574. 1575. 1576. 1577. Mais Hieremie Patriarche de Constantinople ne voulut pas, pour les absurdes heresies qui sont en leur confession de foy. Le Turc eut crainte de telle association, se souuenant du dur chastiment des Catholiques sur son armée à Elpantho, dont alors il déposa Hieremie innocent, & mist Metrophanes pour Patriarche à Constantinople, présenté par les Grecs. Et ayant congneu la response dudit Patriarche Hieremie, le restitua en son siege. Et de verité les ministres trouuerét là vn maistre moyne Archeuesque, qui defendit bien doctement ses opinions, & en autres articles la creance Catholique de la sainte Eglise Romaine: Tellement que Luther fut congneu furieux, Zuingle guerrier, & Calvin trompeur, & les ministres leurs successeurs asniers, & iniurieux: ne prouans aucunement ce qu'ils disent. Je scay bien que les Turcs tiennent, que leurs opinions esleuës, aportent autant de mal aux Catholiques, qui se liguent contre les Turcs, que les anciens heretiques ont faict d'auance à Mahomet, pour en bastir son Alkoran.

SECT. XXVIII.

Nous lisons aux constitutions des Apostres, *lib. 8. cap. 16.* Le Pontife avec les pr. stres priera en silence, & se vestira d'une robe blanche ou resplandissante, & se tenant arresté devant l'autel, se signera au front du trophée de la Croix. Saint Cyprien a escrit en Grec *λαμπρὰν*, blanc, resplen-

dissant, esclerant, flamboyant, *Luc. 23. 11.* comme estoit la robbe magistralle que Herodes, se mocquant, vestit à nostre Seigneur. Ainsi les robes de nostre Seigneur en la transfiguration, & des Anges, & des saincts aux diuines apparitions, sont dictes *Leucon, Blanc, Math. 17. 2. Math. 18. 3. Marc. 16. 5. Ioh. 20. 12. Act. 1. 10. Apocalypsis 1. 14. cap. 34. 5. 18. cap. 7. 9. 3. cap. 19. 11. 14. & 2. Machab. 11. 8. stilbon, esclerant, Marc. 9. 3. Exastrapton, resplendissant, Luc. 9. 29. Luc. 24. 4* Dont est clair que les Apostres, & premiers ecclesiastiques, vsoient au diuin seruice de vestemens blancs, riches, & respléndissans, autant & mieux que souz la loy, *2. cor. 3. 6. 7. 8. 9.* & tels que nostre Seigneur & les Anges auoient vestuz en seruant Dieu. Ce n'a donc pas esté S. Estienne Pape & martyr, qui à inuenté les vestemens ecclesiastiques: car ils estoient en vsage, auparauant qu'il fust né. Il y a huiet cens ans passez, que Hilduin Abbé de S. Denys en France, doctissime en Grec & en Latin, escriuit du commandement de Loys Empereur, la vie, histoire, & martyre de S. Denys, & de ses compagnons, selon que les auteurs Grecs & Latins auoient laissé par escrit: Et entre autres, Visibius, l'auât-prescheur de saint Denys, qui en a escrit plainement, & fidelement, selon qu'il le veit: rapporte que les corps de ces saincts Martyrs, estans avec deuë reuerence ensepuelis, on reserua à perpetuelle memoire la tunique, la here, & les chausses de Denys le precieux, & la chasuble de saint Rustic Archiprestre, & la dalmatique de saint Eleuthere Archidiacre. Ce qui monstre manifestement que le S. Pape Estienne n'a institué les vestemens ecclesiastiques, comme imposent les centuriateurs des mésonges. Saint Cyprien endura martyr le 16. de Septembre, l'an de nostre

Seigneur, 259. environ vn moys apres saint Laurens Diacre: Et en l'acte de sa passion, auant le martyre de saint Estienne Pape, nous lisons que saint Cyprien estant prest d'auoir la teste tranchée, commanda aux siens de donner vingt escus au bourreau en signe de charité, & alors il despouilla *Byron*, que les hebreux appellent *Meghil*, c'est à dire, le Camail qui est sur le rochet, & le donna aux executeurs, & puis bailla sa dalmatique aux Diacres: & ce fait, *mansit in albis*, il sarresta & demoura és linges ecclesiastiques, en attendant le bourreau. On voit clairement icy les vestemens clericaux auant la mort de S. Estienne Pape: Si les ministres de Magdebourg n'eussent point esté ignorans, ou malicieux, ils eussent bien veu par le commun tesmoignage de l'antiquité, que ce S. Martyr n'estoit inuenteur des vestemens ecclesiastiques, ains seulement restaurateur, & modérateur: y ayant apporté vne bonne regle pour obuier aux tyrans & payens, lesquels par ce moyen pouuoient aisément discerner les gens d'Eglise, & les exterminer tout à vn coup: Aussi qu'il n'estoit pas licite, selon l'ordonnance diuine, porter les accoustremens sacrez hors le seruice sacré. *Exod. 28. 43. leuit. 5. 11. leuit. 16. 4. Ezech. 42. 14. Ezech. 44. 19.* Mais les ministres ne se foucient ny de la loy, ny des prophetes, au moyen que leurs impostures & calomnies ayent lieu contre noz saints peres & martyrs.

SECT. XXIX.

S. Anaclet pape, ordonné prestre par S. Pierre, en sa premiere epistre à toutes les Eglises, escrit, *és festes les plus solemnelles, l'Euesque celebrät, qu'il aye avec soy sept, cinq, ou trois diacres, que l'on appelle ses yeux: qu'il aye aussi ses subdiacres, & autres seruiteurs d'Eglise, reueſtus de sacrez veste-*

mens. Ceste ordonnance fut faicte l'an de nostre Seigneur 102. qui confirme les ornemens ecclesiastiques auoir esté auparauant. Et pour ce les vestemens ecclesiastiques auoient lieu plus de cent ans auant S. Estienne pape martyr. Il y auoit en la mitre du grand Pötfce, vne lame d'or, *Exo. 28. 36. Exo. 39. 30. leuit. 8. 9.* par laquelle il estoit recongneu supérieur des prestres. Cest ornement de la mitre se nommoit *Tſits Zahaf*, les grecs l'ont nommé *Petalon*, fleur, fueille, ou lame d'or en laquelle estoit escrit, *la sainteté au Seigneur*. Sainct Epiphane tesmoigne *heres. 29.* que S. Iaques en portoit vne en officiant. Polycrates Euesque d'Ephese, en son Epistre à Victor Pape, l'an 196. & Eusebe *lib. 5.* de l'histoire Ecclesiastiq. *cap. 23.* racontent que saint Iean l'Euangeliste, portoit ceste insigne mitre, en laquelle estoit ce *Petalon*, où lame d'or. Les ornemens donc ecclesiastiques n'ont attendu S. Estienne Pape & martyr, pour auoir lieu en l'Eglise: Quand nous n'aurions que la commune vſance de l'Eglise pour les ornemens ecclesiastiques, cela deuroit suffire: Mais puis que les saintes escritures, & constitutions Apostoliques, escrites & practiquées entre les Abyſſins, & vſitées és Eglises Syriennes, qui au lieu de *λαμπειν*, robe resplandissante, ont escrit *Eſtela chauartha*, aube blanche. Et nous lisons le semblable, *Marc. 16. 5.* que l'Ange estoit vestu *Eſtela chauartha*, d'Estolle blanche, cela suffit pour monſtrer l'antiquité des vestemens ecclesiastiques, contre l'impudence ou ignorance de ceux de Magdebourg, ausquels le menſonge n'est non plus à pardonner, que l'asnerie de Calvin: qui dict que l'heretique Sabellius, vint en auant apres Arrius. Or il est certain que Sabellius commença l'an 257. & Arrius se declara long temps

apres, c'est assavoir l'an 319. Comment donc pourront ils dire vray és mysteres Chrestiens, & obscurs, veu que mesmes ils sont deprehendez menteurs és histoires familiares?

SECT. XXX.

Quand le S. pere & martyr Estienne premier, eust inuenté ou institué les ornemens ecclesiastiques, ce qu'il n'a fait, ains seulement estably regle sur ce qui estoit auparauant luy: il le pouuoit legitimemēt faire, pour solemniser plus deuotemēt le sacrement, en cōsideration qu'au diuin seruice ordōné de Dieu, il y auoit des vestemens à beauté & honnesteté: au baptesme, nostre Seigneur n'a desiny tant claiemēt ne expressement du baptesme des enfans, & des heretiques, ny de la forme, ny du ministre extraordinairement, qu'il n'y aye ~~eu~~ occasion de debattre: il n'a non plus desiny des iours, des lieux, des parrains, ny des interrogations, & oraisons que lon fait auant ou apres; ains il a laissé la disposition de tout cela à l'Eglise. A plus forte raison il a laissé en la disposition de noz saincts peres, d'ordonner sur les ornemens, & habits des ecclesiastiques, & clerics seruans à son autel, & au ministere sacré. Les legislateurs ont desiny en general la punition des meschans, mais non du lieu, ny du glaue, ny de l'habit du iuge, ny de la posture du criminel, ou innocent. Ainsi l'Eglise qui à ceste loy naturelle & diuine, que toutes choses se fassent honnestement & par ordre entre vous: à bien peu raisonnablement donner des iours, des lieux, des personnes, & des ceremonies, & vestemens ecclesiastiques.

SECT. XXXI.

Certes és sacremens, comme sont les Ordres &

Mariages, l'Eglise y a ordonné loix, dont elle à rendu aucuns capables, & les autres inualides, & mesmes à cassé les contractz desia accomplis entre les parties, faute des circonstances, & des formalitez violées, contre les ordonnances de l'Eglise, & du Roy. A plus forte raison on pouuoit ordonner des habits, & circonstances touchant l'administration des saints sacremens, & publiques actions de l'Eglise. En verité le soin de nostre Seigneur a esté, d'ordonner principalement ce qui est essentiel aux sacremens, comme la matiere, & la forme, & laisser en la disposition de l'Eglise, les ceremonies, habits, & autres solemnitez: mesmes il a laissé à la fidelle disposition de son espouse l'Eglise, la matiere du cresse au saint Sacrement de confirmation; & des paroles en l'imposition des mains, en l'extreme vnction, & au Mariage: voire mesme en la penitence: A plus forte raison l'Eglise à peu pouruoir aux ceremonies & habits à ce decens. Il semble que l'Eglise orientale ne suit point simplement l'ordonnance de nostre Seigneur, qui à dit, *Ite, docete omnes gentes, baptisâtes eos in nomine Patris, & Filij, & Spiritus sancti*: Car ils disent, *baptisetur seruus Christi N. In nomine Patris, & Filij, & Spiritus sancti*: sans declarer la personne actiue du baptisant: & toutesfois l'Eglise ne les à iamais condamnez. A plus forte raison l'Eglise à peu deferer & ordonner és choses de moindre importance, comme sont les vestemens ecclesiastiques. Il y a beaucoup de choses en l'eucharistie, que nostre Seigneur à faictes, & ordonné de faire ce qu'il à faict: comme la celebrer au soir, lauer les pieds, n'estre point à iun, instituer aucuns prestres, ou pasteurs quand on la celebre, n'y admettre les femmes qui peuuent manger le corps du Sei-

GENERAL EXAMEN

gneur, hors la celebration de l'eucharistie, pour estre faueuz, *Job. 6. 53.* Car Dieu, en l'institution de ces mysteres icy, ne dist à aucune femme, *Accipite & manducate*: Lesquelles circonstances toutesfois vous ne gardez pas toutes. Je vous prie, ô Ministres, produisez vne escriture expresse qui declare les mariages nuls, qui n'auront esté contractez par deuant le ministre, puis qu'il n'y a rien qui vous reigle que l'escriture expresse. En quelle escriture plus expresse du nouueau testament est-ce que ce qui est escrit, *les femmes garderont silence sans parler en l'Eglise*, *1. Cor. 14. 34.* que la grammairre, *hic & haec sacerdos*, est restraincte seulement au masculin genre: Car si *accipite & manducate*, les appelle necessairemēt au S. Sacremēt, pourquoy *Hoc facite*, (l'interpretation de l'Eglise ostée) ne leur donnera-il puissance de precher & consacrer *in commemorationem mortis Christi*? Attendu principalement que le commandement de se taire en l'Eglise, ne repugne point à l'ordonnance de Dieu; *faites cecy*, c'est à dire ce que ie fay, *en ma memoire*. Mais puis que vous & nous en ce sacrement, ne fuyuons pas la rigueur apparente des mots de ceste institution, ains sagement practiquons le vray sens, en ce que leur denions le pouuoir de consacrer le corps de Christ: A plus forte raison l'Eglise à peu sagement & sainctement ordonner des vestemens decens à la celebration de l'Eucharistie. Quelle escriture expresse commande de publier la cene huiēt iours auparauant que lon la celebre? où est ce que nostre Seigneur & les Apostres ont pratiqué cela, quelle escriture dit que ceux qui feront la cene, feront nouuelle profession de foy où est l'expres commandement de chanter les Psalmes vulgaires & rimez auant que faire la Cene, & y

lire précisément l'onzième chapitre de la première aux Corinthiens? Ce que vous respondrez pour satisfaire à ces questions, vous soit respondu aux actions non commandées comme dites en l'écriture.

SECT. XXXII.

Sainct Paul voyant l'abus que les Corinthiens commettoient en la Cene charitable du Seigneur, & les fautes & erreurs cõtre la foy de l'Eucharistie, reprend au premier la gourmandise & yurongnerie: Item, que lon ne tient compte des pauvres, & que lon n'a esgard ny au lieu, ny à la compagnée. En l'autre il les reprend de ce qu'ilz ne discernent point le corps du Seigneur. Item de ce qu'ilz mangent indignement, & de ce qu'ilz n'examinent point quelle foy ilz ont, ny quelle conscience, ou penitence y est preallablement requise, auant la communion. Finalement il dict, *Cætera, cum venero, disponam.* 1. cor. 11.34. Ce que traictant S. Augustin *Epist.* 118. *cap.* 6. dict que de ce lieu est donné à entendre, que c'eust esté beaucoup de comprendre en vne Epistre toute l'action de cest ordre: Et que ça esté pour monstrier que ce que l'Eglise Vniuerselle garde, sans diuersité de mœurs par l'vniuers, à esté ordonné par S. Paul. Or les hebreux, Syriens, Ethiopiens, Egiptiens, Gzecz, & Latins, y obseruent ornemens sacrez, & distinctz des communs: Et font à l'autel, oraisons, requestes, vœux, consecrations, & actions de graces. S. August. *epist.* 59. *quest.* 5. soit pour les viuans, soit pour les bienheureux, soit pour les trespassez. *tract.* 84, *in Iohann.* & *de sancta virginit.* *cap.* 45. Dont il faut conclure par S. Augustin, qu'en ces lieux icy l'vsage des vestemens ecclesiastiques, prieres aux saincts, & oraisons pour les deffuncts, sont de la tradition apostolique, 2. *thess.*

2.15, comme il confirme par vne autre regle, *lib. 2. in Donatist. cap. 7. & lib. 4. cap. 24.* Car il faut acertainer d'une voix asseurée ce qui a esté fortifié par le consentement de l'Eglise, *lib. 7. in Donatist. cap. 53.* Et *lib. vnico pro mort. cap. 1.* Et de vray, on ne peut mieux monstrier la memoire & charité Chrestienne entre les fideles membres, qu'en la celebration du sacrifice, & seruice à Dieu; du precieux corps & sacré sang de nostre Seigneur Iesus Christ? Ferons nous feste au chef, sans ses membres, vn chacun selon sa qualité, gloire, ou necessité? Iean le trompeur se voyant aculé, *lib. 4. cap. 10. sect. 20.* cōme vn bedouaut en sa taniere, respond: qu'il ne luy chaut de ce que S. Augustin attribué aux Apostres beaucoup de traditions, *Epist. 118. cap. 1. & 3. & lib. 10. de Genes. cap. 23.* En disant expressement, que le baptisme des petits enfans ne deüroit point du tout estre creu, n'estoit la coustume de l'Eglise, & la tradition Apostolique. Que Calvin responde aux Anabaptistes sans tradition Apostolique: Je sçay bien qu'il se battra comme vn oiseau à la perche, & comme deux auengles, sans voir. S. Augustin sçauoit mieux les escriptures qu'un milliō de Religionaires, qui dict; *Nec omnino credenda puerorum absolutio, nisi esset apostolica traditio.* Calvin à trouué son grand asne si emboué, voire si embourbé, en la responce aux regles de S. August. pour congnoistre les traditions Apostoliques, qu'il entre en vn autre propos, avec iniures & impudence: Que l'eau beniste n'est pas si ancienne que disent les historiens. C'est le propre des ministres, de nier & dementir les historiens & docteurs, en lieu de prouuer leur dire. Apres ilz font des立法ateurs & censeurs, en introduisant nouuelles maximes, comme, que Alexandre martyr 122. ans apres la natiuité

de Iesus, contamina le baptême, en publiant l'eau beniste, en memoire du baptême. Or caluin ny tous ses ministres ne trouueront rien en l'ordonnance de ce S. Martyr, de ceste menterie de memoire baptismale: Ne sont-ilz pas donc manifestement imposteurs? Or posons le cas que l'imposture de Caluin fust vraye, que l'eau beniste fust pour ramenteuoir le baptême, qui ne se doit reiterer, sensuiuroit-il par la memoire, que l'on reiterast le baptême? Si cela est, ie m'estonne que Caluin, qui ne veut que ceste memoire pour la remission des pechez, *lib. 4. cap. 19. sect. 27.* neapperçoit qu'il est en cela le pere des Anabaptistes. Mais les ministres sont comme dit S. Iude, *cap. 1. 10.* mesdisans de tout ce qu'ils n'entendent point & se corrompent comme bestes brutes en tout ce que naturellement ils congnoissent: car ils ne preuoient point aux inconueniens de leurs fondemens & maximes. Secondement ils ouurent le chemin pour remettre sus toutes heresies passées, & se ferment la porte pour n'en confuter aucune manifestement & suffisamment: mesme Arrius à esté cōdamné au premier Concil general, dict Theodoret Euesque, *lib. 1. hist. eccl. cap. 8. Ex vocibus non scriptis, pie tamen excogitatis.* Et en reiectant la tradition Apostolique, l'vsance ecclesiastique, & commun ordre, sens, & iugemēt de l'Eglise, il ne restera entre les chrestiens, qu'un perpetuel debat, & altercation de verité, inclination à l'atheisme, & argument manifeste à Mahomet, & à l'Antichrist, pour ruyner sans contredit vallable, le Christianisme. Les heresies des grecz ont faict foy de cela en l'Orient: & celles de Luther, Carlostade, Zuingle, Simon, Memnon & Caluin, le sentent en l'Occident.

GENERAL EXAMEN

SECT. XXXIII.

Sainct Paul raporte expressement, *1. Corint. II. 14.* que nostre Seigneur à dict, *Faiçtes cecy en ma commemoration*; Tellement que ce sont deux commandemens en peu de paroles. Le premier est, *Faiçtes cecy*, Ce n'est donc pas assez de dire ou de lire l'histoire de l'institution de l'Eucharistie, où d'annoncer la mort & passion de nostre Seigneur Iesus Christ, mais aussi il le faut faire. Le second commandement est, *En ma commemoration*: Or nous rememorons quelque chose, soit en l'action pour la circonstance, ou en nos gestes & accoustremens: comme quand les Israelites estans debout, leurs tuniques troussées, les souliers aux pieds, & les bastons aux mains, mangeoient hastivement l'agneau Paschal: estoit signe, argument & memoire, que le Seigneur passoit vistemment les maisons des enfans d'Israel, pour bien tost les deliurer, & conduire hors d'Egipte. Pourquoi donc ne pourrions nous par vestemens, gestes, & ceremonies en la celebration de l'Eucharistie, représenter & ramener à memoire les vestemens, & tourmens de nostre Seigneur Iesus Christ, en sa sacrée mort & passion? Autrement, qu'estoit-il de besoin esleuer & deprimer les sacrifices, & les agiter vers les quatre parties du monde, *Exod. 29. 24. 26. Leuit. 8. 29.* Et à Hieremie porter en son col des chesnes de bois, *Jerem. 28. 10. 12. 13. 14.* Chanam faux prophete, estimoit cela vn baratelage & farcerie, comme font les ministres les vestemens & ceremonies à l'autel Chrestien.

*Des ceremonies en la Cène Mosaique,
& de la deuotion Chrestienne
en l'Eucharistie.*

Chap. XI. Sect. I.

COMME l'ignorance & presumption de la verité au saint sacrement & sacrifice de l'Eucharistie, ont fait errer les Religionnaires: aussi ont-ils en la cène de Moyse. Luther confesse ingenuement *tom. 7. pag. 228. 229.* de ses œuvres, que Sathan enuiró la minuiét l'an 1533. luy proposa les argumens qui luy ont fait reietter la Messe. Zuingle aussi recongnoist franchement *tom. 2. pag. 249.* de ses œuvres, que l'an 1525. la nuit du treiziesme iour d'April, comme il sonnoit en son liét, suruint vn aduertisseur, duquel ne luy souuient fil estoit blanc, ou noir: lequel avec grand effort luy dist: Pourquoi faincant ne luy responds tu ce qui est en l'Exode 12. 11. car ce phase, c'est le passage du Seigneur. Voila les prophetes des religionnaires, leurs songes, & visions, autant ou plus ridicules, que le controuué Gabriel, & Alborach grãd Afne blanc de Mehemmeth. Luther n'a point consideré que les Prophetes, Apostres, & Docteurs, n'ont esté enseignez par Sathan Ange de mensonge en la bouche des faux prophetes, & ministres extraordinaires 3. *Reg. 22. 20. 21. 22. 23.* Zuingle ne s'est point souuenu, que les messagers de nuit en April, sont suspectz à chasteté: Si son messenger eust esté de Dieu & non poisson d'April, il eust iccu disertement si c'estoit vn bon ou mauuais Ange, il n'eust si tost ou-

blié les couleurs & liurées de ce celeste Moucharis, ains l'eust recongneu à son *Zarcolah*. Il n'est donc point probable que les religionaires, disciples de Luther & de Zuingle, auditeurs de Sathan, puissent atteindre la verité, soit en l'Eucharistie, soit en la cœne Mosayque.

SECT. II.

Tertullien, de *prescript*, dict: que les heretiques cherchent incessamment, mais ils ne trouuent iamaïs: car ils cherchent hors l'Eglise, & és escritures par eux peruerties, ou aux mots, ou au sens, charruans sans la genisse de Sampson, *Indic. 14. 18.* S. Paul escript qu'ils promettent science & verité sans y atteindre. A les ouyr caioler, la congnoissance des langues, & science des bonnes lettres, sont nées avec eux: & pour-ce, il n'appartient qu'à eux d'exposer *Pessach*. Pasques, Cene, Eucharistie. En verité toutes-foys ils n'ont expliqué proprement que c'est que *Passach*, d'ou vient le mot de pasques, ce qu'ils disent seulement estre passage, & maintiennent instruits par le messager incongneu, ἀπὸ μυχῶν, c'est à dire avec grand effort, comme estime Zuingle estre expressement escript, *L'aigneau est le passage*: mais il n'est en Hebreu, ny en Caldean, ny en Grec, ny en Latin, ains seulement és liures exposez par Sathan, à Zuingle predicant guerrier, & aux autres religionaires, qui disent, l'immolation de l'Aigneau auoir esté seulement en memoire du passage du Seigneur frappant les Egyptiens, & non aussi en memoire d'Israel, passant d'Egypte en la terre de franchise, & de liberté.

SECT. III.

Le texte fondamental & Hebraïque list de mot à mot, *Ainsi vous mangerez iceluy Aigneau voſ reims estans ecims, vos souliers en vos piedz, & voſtre baston en voſtre*

main, & vous mangerez iceluy Agneau soudainement, le saut passant est au Seigneur, Exod 12. 11. Le Caldean escript, Et vous mangerez iceluy Agneau hastiement, le saut passant est au Seigneur. Le Grec expose, Et vous le mangerez avec diligence, la pasque est du Seigneur, c'est à dire, le Seigneur le saute, le Seigneur passe, le Seigneur frappe, le Seigneur sauue. Le Latin interprete dict, Et vous le mangerez hastiement car c'est phase, c'est à dire passage du Seigneur. Or il n'y a vn seul texte qui die, L'agneau est le passage, ce neantmoins le ministre guerrier, & son messager nocturne d'Apuril en font vn fondement de leur religion, & veulent que nous tenions leur glose, & interpretation pour le texte mesme. Comment pourront ils donc euincer, *hoc est signum corporis mei*, metonimicos, par *Agnus est transitus*, qui n'est point expressement en l'escriture? Comment est-ce que, *Agnus est transitus*, qui est metonimic, *sicut causa ad effectum*, sera exposé par la metaphore du pain au corps du Seigneur, par analogie seulement, & non de la cause à l'effect, comme Bacchus à Venus? En quoy nous voyons qu'ils confondent les figures de grammaire, & de rhetorique, metaphore, metonimies, & autres, pour meslanger leurs resueries plus à lestourdy, que ne fit iamais *Mehemmeth Choreisin* à ses *Suphesha*, & *Abrabhs*, premiers disciples de son Curaam.

SECT. II II.

Le mot *Passach* est Hebreu, Caldean, & Syrien: d'où vient, *Pessach*, Pasques, & signifie passer outre. Item sauter, & tourner d'un costé sur l'autre, comme vn boiteux. Item en sautant, fraper les vns, & par circonstances sauuer les autres: de là vient que *Passach* aux Caldeans, ce prend aussi pour auoir pitié, & pour pardonner. *Pasques*, signifie donc passage, saut, percu-

sion, sauvement, pitié & pardon, & non passage seulement, comme ont estimé les religionaires: ce qui est clairement montré, *Exod. 12. 12. Et ie passeray ceste nuit la, par la terre d'Egypte, & frapperay tout premier né en la terre d'Egypte. Exod. 12. 13. Quand ie verray le sang, ie sauteray par dessus vous, & si n'aurez point de playe pour vous perdre, quand ie frapperay la terre d'Egypte. Esaye 31. 5. le Seigneur defendra Ierusalem, ainsi comme les oiseaux volans, il la deliurera, il sautera outre, & la sauvera. De là vient que les Docteurs Hebreux disent, que Passach est en passant & faultant, sauuer les vns, comme les Iuifs en Egypte, & en Hierusalem: & frapper les autres comme les Aegyptiens & Caldeans, *Exod 12. 12. 13. 22. 23. Esaye 37. 36.**

SECT. V.

Si les religionaires auoient trouué aux escriptures, ce que Zuingle aprint avec reproche de son asnerie, que l'Aigneau est le passage, ils pourroient auoir excuse. Or nous ne lisons point en toute la saincte escriture *Tson hu pessach, scehhu pessach, Gadah hu pessach, Taleh hu pessach, car hu pessach, cebuesch hu pessach, cescebf hu pessach: le bestail est le passage, l'Aigneau est le passage, le Cheureau est le passage, l'Aignelet est le passage du Seigneur. Le stille donc des ministres scribes, est menteur, Ierem. 8. 8. Vous avez peruerri les paroles du Dieu viuant, du Seigneur des armées, de vostre Dieu, Ierem. 23. 36. il n'y à point, Exod. 12. 11. car c'est la pasque du Seigneur, C'i hu pessach haianah, ains seulement pessach hu la ichouah, c'est passage, faut au Seigneur. Vous ne scauez encore li-
re la pasque en Hebreu, premierement aprenez que le mot de Seigneur, *Exod. 12. 11. 27. n'est pas de genitif cas, comme vous traduisez, Exod. 12. 11. ains de datif, comme au verset 27. selon mesme vostre version: & pour-ce faut dire, pasque au Seigneur. Seconde-**

ment, apprenez que le mot de pasques, ce doit lire en regime, c'est a dire en genitif cas, selô les Hebreux comme expressement certains lieux nous font regle pour les autres, *Exod. 12. 26. 27.* Quand vos enfans vous diront, quelle est cette religion, quel est ce seruice, vous leur direz c'est le sacrifice, c'est la victime du passage au Seigneur : où il est manifeste q passage, saut, saluation, percussio, solemnité, feste & ceremonie, sont de genitif cas. & en *Exo. 12. 43.* telle est l'ordonnance, telle la religion du passage : en quoy nous voyôs, que quâd le mot de *Pessach* est mis en auât il est en genitif, & nô en nominatif: nô l'aigneau, ains de l'Aigneau *Exod. 34. 25.* Il ne demeurera rien pour le lendemain du sacrifice de la feste de Pasques. Ce qui monstre clairement, que quand nous trouuons ce mot de *Pasques*, il faut supleer auparauant ce mot de *Zeuach, ghauad, baschar, chukath, hag*, sacrifice, seruice, chair, religion, ceremonie, victime, ordonnance, solemnité, *Deuter. 16. 4.* On ne laissera demeurer iusques au matin la chair du sacrifice du premier iour. & *2. paralip. 36. 17.* Les Leuites pre-fidoient sur les sacrifices de Pasques. & *2. paralip. 35. 7. 8. 9.* Iosias Roy, Helcias, Zacharias, & Iahoel prires, donnerent aux Leuites aigneaux, & cheureaux, pour faire la Pasque. En quoy nous voyons que Pasque, n'estoit pas l'Aigneau, ains que l'Aigneau estoit de la Pasque, & pour la Pasque: & par-ce en l'Exode 12. 11. il faut lire, vous le mangerés soudainement, c'est l'aigneau, le sacrifice, le seruice, la feste, la victime, l'ordonnance, la religion, la chair, du passage, du saut au Seigneur: & non l'aigneau est le passage. En ceste façon ce doit exposer l'escriture, *Exo. 12. 21. 43. Leuit. 23. 5. 40. Numer. 9. 2. 4. 5. 6. 7. 10. 12. 14. Numer. 28. 16. Deuter. 16. 1. 2. 5. 6. & 4. Reg. 23. 21. 22. & 2. Paralipo. 35. 6. 7. 8. 9. 11. 13. 16. 17. 18. 19. & semblables lieux pour ce subiect.*

GENERAL EXAMEN

SECT. VI.

Pour mieux esclarcir la Pasque Mosaique, il faut noter que les sacrifices, & festes de la loy, prenoient leur nom des ceremonies, actions ou paroles, dont on vsoit en sacrifiant: comme le sacrifice *Golah*, esleué au feu, autrement holocauste; c'est a dire tout bruslé; prenoit son nom de l'eleuation & totale brusleure. Item les pacifiques, par ce que Dieu, les prestres, & les offrans en participoient en maniere d'alliance & appoinctement, dict *Schelamim*: l'autre estoit *Miluinim*, c'est a dire de plenitude: car on prioit pour le peché, pour le delict, pour alliance, pour vœu, & en action de graces. Ainsi le mot de feste *Chag* vient de se mouuoir, danser, sauter, soy agir en circuit, banqueter, *Psal* 106. 27. *Zach.* 14. 16. pour-ce que les iours de feste l'on festiouiſt, on danse, on saute, & on fait bonne chere, *Exod.* 12. 14. *Exod.* 23. 10. & principalement à la feste des tabernacles, en laquelle faisoient procession à l'entour de l'autel, avec fruiſts & rameaux, en sautant à la cadence, *Leuit.* 23. 34. 40. 41. Emanuel Tremelius, in *Iohannem* 7. 37. De la vient que les sacrifices qui de ioye singuliere, & reputatiō particuliere se faisoient comme par sauts & passages, estoient dicts pasquaux, *Exod.* 12. 14. *Exod.* 23. 18. car les prestres en sacrifiant, adoroient quelque fois en procession, & en circuit, *Psal.* 25. 6. *Psal.* 26. 6. *Iosu.* 6. 3. 4. Et les Gentilz adorans en circuit, & en chien couchant, ont prins *πρὸς κυνέω*, pour la ceremonie de se tourner, & prosterner à genoux, ou baiser la bouche en adorant, *Math.* 2. 11. Les payens aussi ont adoré en sautant, 3. *Reg.* 18. 26. Quand donc le sacrifice passoit en passant, & sautant, en action de graces, pour misericorde sur Israel sauué de mort,

& mis en liberté, & pour iustice cōtre les Egyptiens, il estoit dict Pasques, c'est a dire saut, passage, misericorde & iustice, & non vn passage seulement. De là vient que ce mot, *Pessach*, Pasques, est de genitif cas, & y faut preposer sacrifice, *vous le mangerez soudainement, c'est le sacrifice du saut passant au Seigneur. Exod. 12. 11.* & non pas, car l'Aigneau *ἀγνος*, est le passage; autrement il y auroit aux septantes *τὸ πρὸς αὐτὸν γὰρ ἐστὶ πάσχα κυρίου*, comme disoit le Démon à Zuingle, en luy supposant vn texte faux, & nouveau, au lieu de la parole de Dieu.

SECT. VII.

Ceste religieuse regle pour denōmer les sacrifices, montre leur vraye nature, & essence, & non la matiere seulement, comme l'hostie de vociferation & retentissement de trompettes, *Zebuach Therugah, Psal. 26. 6. Numer. 10. 2.* n'est pas à dire qu'il y eust eu seulement vn son de trompettes en sacrifice: ains que le sacrifice se faisoit avec ceste solemnité. Ainsi le sacrifice de vœu, d'oraison, de louange, de confession, & d'action de graces *Zebuach Thodah. Leuit. 7. 12. 13. Leuit. 22. 29. & 1. Paralip. 16. 5. Psal. 25. 6. 7.* n'est pas actions de graces seulement, ains la forme & maniere dont tel sacrifice estoit offert. Parquoy nostre Eucharistie est sacrifice, non seulement d'oraison, ains du corps & sang de nostre Seigneur offerts avec louanges, oraisons, confessions, vœux, & actions de graces. Donc l'action de graces en la consecration du precieux corps, & sacré sang de nostre Seigneur, n'exclust point la verité du sacrifice euangelique, ny la substance d'iceluy: non plus qu'en la loy, *Leuit. 7.* ains explique les paroles, & la forme dont est célébré le sacrifice. Dauantage, comme le

sacrifice de Pasques estoit dict du passage, & du saut, dont il estoit specialement agité: Ainsi il y auoit vn sacrifice nommé *Zebuach Therumah*, sacrifice d'eleuation au Seigneur, fort frequent en l'escriture, que lon esleuoit droict en haut & en bas, comme nostre Seigneur en la Croix. Il y en auoit vne autre espee, que l'on agitoit aux quatres parties du monde, dict *Zebuach Themuphah*, sacrifice d'agitation, *Exod 29.24.27. Exod 35.22. Leuit. 8.27. Leuit. 9.21.29. Leuit. 14.12.21. Leuit. 23.11.12. Numer. 5.25. Numer. 8. 13.15.21.* C'estoit donc chose vsitee en l'escriture, de dire (sacrifice du saut passant au Seigneur) comme l'on disoit le sacrifice d'eleuation au Seigneur. Mais on ne disoit point l'espaule de mouton est l'eleuation du Seigneur, non plus qu'on ne list point, l'Aigneau est le passage du Seigneur.

SECT. VIII.

Les ministres parlans de la Pasque Mosaique, *Exo. 12.11.* ne se contentent pas d'auoir tourné le saut, le passage, la percussion & saluation en vn Aigneau: mais disent aussi que l'Aigneau n'estoit que pour rememorer le passage du Seigneur, frapans les premiers nez d'Egypte, & non point pour les faire souuenir du passage, & yssue de la seruitude d'Egypte, en la liberte de la terre de promesse. Or demandez aux predicans ou est escripte leur negatiue, & exclusive; ilz ne produiront que l'affirmatiue, *Exod 12. 12. 13.14.* *Je verray le sang, & passeray par sur vous, & si n'aurez point de mal, ce iour vous sera en memoire, & le celebrerez solemnel au Seigneur.* Et ne considerent pas qu'il estoit raisonnable qu'il leur souuint du iour, auquel, avec tant de miracles, & si grands, les auoit iettez hors d'Egypte, pour les introduire avec signalées victoires en la terre de promesse; comme il est escrit, *Exo.*

12.17. Vous garderez les pains sans leuain, car en la force de ce iour là, j'ay mis hors de la terre d'Egypte vos armées, parquoy d'ordonnance perpetuelle vous garderez ce iour là. Tellement que la feste de Pasques ne rememoroit pas seulement la mort des premiers nez d'Egypte, mais aussi la deliurance du peuple captif, mis en liberté le quinzième iour de Mars. Et attendu que la liberté & deliurée des Iuifs estoit la fin des benefices de dieu, la Pasque la deuoit principalement ramenteuoir, & non seulement la percussion des premiers nez d'Egypte, cōme il est expressement dict, *Exod. 23. 15. denter.*

16. 3. SECT. IX.

Le dixiesme iour de la premiere lune, plus proche de l'Equinoxe vernal, estant venu; il estoit commandé à vn chascun pere de famille, de prendre vn Aigneau masle; ou cheureau qui n'excedast point vn an, & le reseruer iusques au 14. iour, pour l'immoler au segond soir dudiect iour: car immediatement apres commençoit la feste de Pasques, qui estoit le quinzième iour dudiect moys. Ce peuple estoit distinct en tribuz ou lignées, les lignées en famille, & les familles en maisons, & les maisons en testes en chefs: ausquels estoit d'associer à la Pasque les plus proches yssus de leur maison. L'Escripture excluist l'estranger, l'incirconsis, & l'apostat: comme dict le paraphraste Caldean d'Israel; de sacrifier & manger l'Aigneau paschal, mais non les femmes, & autres fideles: & combien donc que l'Escripture ny appelle point expressement les femmes, non plus qu'à la circoncision: routesfois elles n'estoient point excluses du sacrifice de Pasques, nō plus que de la participation des sacrifices legaux. 1. *Samuel. 1. 4. 5. 8. 9.* Enquoy nous voyons qu'aux actions religieuses

& ecclesiastiques, l'Eglise peut legitiment faire beaucoup de choses, combié qu'elles ne soient point escrites: autrement les ministres ne pourroient maintenir leur *Confiteor* auant la Cène, ny leurs Psalmes priez, qui n'ont que faire d'aucun pour suppléer le le lieu de l'idiot.

SECT. X.

Les Iuifs escriuoient, qu'on eslisoit les plus gras & les plus beaux aigneaux, ou cheureaux de la bergerie, pour faire la Pasque: & que depuis le 10. iour iusques au 14. les Peres de familles les tenoient liez au piedz ou quenoilles de leurs liets en lieux chauts, à celle fin que les voyans si miserablement liez, pour estre peu apres tuez & mangez, ils congneussent mieux de la pureté & de la capacité de l'Aigneau pour la Pasque: aussi cela se faisoit pour mieux les prouoquer à mediter leur misere, & à se souuenir de leur admirable redemption; & sur tout pour leur rememorere que comme Dieu par Moysse les auoit rachetez de la captiuité mortelle & sensuelle d'Egypte le quinzième de Mars, comme escriuent les Cabalistes: Ainsi que Dieu par le Messie les racheteroit de la captiuité spirituelle & immortelle, le mesme quinzième de Mars, qu'il seroit crucifié. Les Iuifs selon la loy, & les Docteurs, se sont souuenuz, & ont faict feste au mesme iour de ces benefices. Et les Manicheans, & religionnaires estiment cela superstition; enquoy soubz main, nous calomniant, ils condamnent Dieu: Et l'une des principales parties de la pureté & reformation pretendue par les predicans, consiste par effect en contradiction, calomnie & condamnation de Dieu, de l'escriture, de l'Eglise, & des saincts Docteurs, quelque mine qu'ils facent.

SECT. XI.

Le 14. iour de Mars estant venu l'aigneau fut immolé non au temple, ny tabernacle, car ils n'estoient encores erigez, mais par chascune maison des peres de famille: non par les leuites, ny avec ornemens sacerdotaux, qui n'auoient encore lieu, ains seulement par les peres de famille qui administroient la prestrie avec leurs *Talets* ou *Rocheis*, iusques à la diuine institution des leuites. En quoy nous voyons qu'il est licite de faire au diuin seruice diuerses solemnitez, selon la diuersité des temps, des lieux, & des personnes. Le sacrifice offert, il falloit mettre du sang de l'hostie sur les seuilz de la porte, & sur les costez, en protection, & signe que l'Ange conserueroit les enfans d'Israel, & en memoire perpetuelle de leur yssue d'Egypte en finale liberté: & le falloit manger en la maison, pour laquelle il auoit esté immolé. Il falloit aussi estre alors continent & net de toute impureté legale, & le manger debout, & non assis, les robes troussées, les souliers aux piedz, & le baston en la main: le manger la nuit, & non le lendemain de iour, le manger rosty & non bouilli, le manger tout hastiuement, comme en l'auant & deuant avec herbes ameres, & pains sans leuain. Ce qui estoit vne ordonnance perpetuelle, & non seulement temporelle, comme ont estimé aucuns Rabins *Thalmodiste*, in *thalmud. tract. peschachim. 3. ordine secundo de festi.* Et Emanuel Tremelius Iuif Chrestien, Augustin, Lutherien, Zuinglien, à present ministre Caluiniste, les à suiuis, in *Math. 26. 20.* Or le Sirien dict. *Vecad Hauaramescha, Semic Haua-ghim Thre Ihassar Thalmidaubi*, quand le soir fut venu il fest assis à table avec ces douze disciples. Tremelius en sa version latine à mis

GENERAL EXAMEN

seulement, & cum esset vespere, discumbebat cum discipulis suis, en laissant, duodecim, qui y est en Grec & en Sirien, par tous les exemplaires. En quoy Tremelius môstre qu'il ne se faut fier en leurs versions : car en laissant ce mot de douze, il fauorise à Boukin, à Clebitie, & semblables Iudaïstes, Zuingliens, qui tiennent que Iudas, & semblables meschans, ne mangent point en l'Eucharistie, le corps de nostre Seigneur : car Iudas ne le mangea pas, & n'y assista point, ce qui est disertement contre l'escriture.

SECT. XII.

L'escriture nous doit guider en nostre doctrine, pour scauoir si nostre Seigneur mâgea l'aigneau pascal assis, comme l'Euangile semble dire *Math. 26. 20.* ou bien fil le mangea debout, comme la loy de Dieu qu'il à gardée exactemēt, & entierement, commandoit en ordōnance perpetuele à tousioursmais. *Exod. 12. 11. 14. 17. 23. 24. 27.* & non pas ce scoir là en Egypte, mais en memoire perpetuelle de l'yssuē d'Egypte. *Exod. 13. 3. 5. 6.* Falloit celebrer la Pasque en sa saison, & selon toutes ses ordonnances, & ses reigles : ce qu'ils firent mesmes au desert de Sinay, selon toutes les choses que le Seigneur auoit cōmandées à Moÿse *Numer. 9. 2. 3. Deuter. 16. 1. 2. 3. 4. 5. 6.* Puis donc que les reigles, & iugemens de celebrer la Pasque deuoient estre perpetuels en Israel: il est certain que nostre Seigneur n'a pas faiēt les Pasques assis à la huguenotte, ains estant debout, comme sacrificateur des choses celestes, qui sont le tabernacle du corps & sang de nostre Seigneur, fait nô de main d'hōme, ains du sainct Esprit en l'incarnation au sacré ventre virginal, & par les leures confessantes le Seigneur, soubz les especes de pain & de vin, en la consécration, *hebr. 8. 1. 2.*

Hebr. 13.9.15. Si donc nostre Seigneur à mangé la Pafque Mosaique, en sacrement, en sacrifice, en memoire, & en actions de graces, & estât debout, selon les iugemens & ordonnances de la loy; il n'a pas communié assis sans deuotion, comme font les predicans, qui ne font rien de ce que nostre Seigneur à fait, ny selon que l'Escripture ordonne.

SECT. XIII.

Nos saincts Docteurs ont recongneu conformement à l'escriture, que nostre Seigneur se leua de table pour consacrer & manger. Certes iamais on ne trouuera que les sacrificateurs se soient assis pour rendre graces, ny pour gouter les choses saintes, ny pour les distribuer: cela apartenoit aux banquetz prophanes, & non aux sacrez & religieux: cela estoit ordinaire aux bacchanalles, & non à la sainte religion des hebreux. Et pource dict S. Epiphane in *Ancoratu*, *Nous voyons ce que le Sauueur print en ses mains, & ainsi qu'à l'Euangile, il se leua au souper, & print ces choses la, & ayant rendu graces, dist, Cecy est le mien, cecy, & cecy: Et nous voyons que cecy (c'est assavoir ceste espee de pain) n'est point esgalle ny semblable exterieurement, ny à l'image en la chair visible, ny à l'inuisible Deité, ny aux lineamens des membres. Cecy (ceste espee de pain) est de forme ronde, & en soy insensible, quand à puissance, c'est à dire à la facon d'y assister sacramentellement. Et par grace il à voulu dire, Cecy est mon corps, cecy, & cecy, & n'y à personne qui n'adrouste foy à la parole, & celui qui ne croit cecy estre vray, il est descheu de grace, & de salut.*

SECT. XIII.

S. Iehan Chrysostome *homil. 82.* sur S. Math. conformement aux saintes escritures & à S. Epiphane, traitant cette difficulté dict. *A cause dequoy le Seigneur*

est il venu à la Pasque, sinon pour monst^rer, que iusques au dernier iour de sa passion, il n'a point esté contraire à la loy? Comment est-ce donc qu'estans assis ils mangeoient la Pasque? Nous pouuons dire, qu'après qu'ils ont eu mangé la Pasque, ils se sont assis pour souper. Eutinius sur sainct Math. chap. 63. suyuant S. Epiphane & Chrisost. avec l'escriture, de la façon de manger la Pasque. Il est vray semblable, que premierement ilz l'ont mangée estans debout selon la loy, Exod. 12. 11. & puis se sont sis à table & ont soupe. Theophilacte traictant ceste difficulté sur sainct Math. 26. dict, *Aucuns disent que l'aigneau Paschal ne se mangeoit que debout : Et puis donc que nostre Seigneur estant assis mangea, ce n'estoit pas l'aigneau Paschal. Nous disons que premierement estant debout il mangea l'aigneau Paschal, & puis se remetant à table, il builla son sacrement.* Iusques icy l'escriture & les docteurs. Les ministres donc qui enseignent, que nostre Seigneur à mangé l'aigneau Paschal assis, & non debout, le font avec leurs peres Marcion, & Manichée, transgresseur de la loy, & des prophetes. Tellement que la reformatⁿ des Caluiniens, est le renouuelement ou conformité à quelque vieille heresie. Le doctissime Gennadius Patriarche de Constantinople en la deffence des cinq chapitres du concil general de Florence, Chap. 2. sect. 3. monstre par la saincte escriture, tant du vieil, que du nouueau testament, & par tesmoignages des anciens docteurs, & par viues demonstrations, que les ministres sont ignorans, opiniastrs, impudens, ne cherchans qu'à contredire, mettant en auant leurs fausses gloses, en lieu de simples & manifestes tesmoignages de l'escriture, de laquelle, estans semonds de pres, ils se trouuent vrayement destituez.

Pour mieux esclarcir cecy, il faut tenir certain, que comme le iour chrestien commence à minuiet du sabmedy, en l'honneur de la resurrectiõ de nostre Seigneur Iesus Christ, & dure iusques au segond minuiet du lundy suiuant : ainsi le iour legal commença au premier soir de la creation du monde, & finit le dimanche premier du monde, au soir, *Genes. 1. 5.* Tellement, que le segond soir du 14. iour de la Pasque Mosaique expiré, commençoit incontinant & immediatement le quinziesme iour de Pasques: dõt la minuiet en estoit, des dauant minuiet, la premiere partie selon les hebreux. Et pour-ce S. Paul à dict *que le Seigneur à institué les misteres 1. cor. 11. 23. la nuit qu'il estoit liuré,* c'est à dire le mesme iour: laquelle nuit mesmes dauant minuiet des le soir 14. fermé, estoit le commencement du quinziesme iour, auquel il fut crucifié, & verifiée la foy commune des anciens hebreux: que comme Moyse auoit deliuré Israel d'Egypte le quinziesme de Mars: Ainsi le Messie le rachapteroit en son temps le mesme iour quinziesme de Mars. Mais l'aigneau Paschal fimmoloit necessairement le 14. iour auparauant Pasques, combien qu'il se peut manger le quinziesme, *Exod 12. 5. 6. 7. 8.* Parquoi puis que nostre Seigneur à accompli la loy, & substitué la verité à la figure: il faut necessairement qu'il aye immolé la Pasque Iudaïque dans le 14. finissant, auant que la nuit (qui estoit le commencement du 15. iour) vint. Dont il est escrit *Vespere facta, seu absoluto, hoc est nocte qua tradebatur, accepit panem, gratias egit, benedixit, & ait, hoc est corpus meum,* qui estoit le 15. iour qu'il endura pour nous: Donc nostre second Adam mourut, comme le premier, le mesme

iour qu'il mangea. Toutesfois il est certain, que si nous controns ies iours à la chrestienne, & romaine, où le iour dure iusques à la minuiet; Il mangea l'Eucharistie le 14. iour qui dure iusques à minuiet: ce que ne considerans, ou ne distinguans aucuns, ont mal entendu & scandalisé les Iuifs, par *qui pridie quam pateretur*, qui auoit esté bien dict, & entendu par l'Eglise de Dieu.

SECT. XVI.

Sainct Augustin, *Epist. 118. cap. 6.* à Ianuaire Euesque, traite tacitement ceste question, disant. *Il apparoit clerement, que quand premierement les disciples ont prins le corps & sang du Seigneur, qu'ilz ne l'ont point prins à iun: & ne faut point pourtant calomnier l'Eglise vniuerselle, en laquelle il est tousiours prins à iun, car cecy a pleu au S. Esprit, qu'e l'honneur d'un si grand sacrement, le corps du Seigneur entrast auparauant en la bouche du Chrestien, que les autres viandes. de consecr. distinct. 2. Can. liquido.* Les ministres propres à contredire, & non à obeir, & imiter l'Eglise, disent: Il est manifeste que les Apostres n'estoient à iun quand ils ont communié, & pour ce il n'est de befoing communier à iun, comme commande le Pape. Secondeiment, disent les predicans, les traditions Apostoliques qui nous peuuent obliger, doibuent estre en l'escriture manifestement, où tirées d'icelle facilement, ce que n'est certe cy, quelque chose qu'odie. S. Augustin, qui sans l'escriture en fait le sainct Esprit autheur: finalement les Apostres & nous serions contraires en la deuotion vers la sainte communion. Cecy procede de l'ignorance, ou malice des superieurs predicans, qui doibuent apprendre que S. Augustin a bien dict, que les Apostres n'estoient point à iun, selon le iour Romain, qui dure d'une minuiet

minuict à l'autre, quand ils communierent au corps & sang du Seigneur : car le temps du 14. iour, selon les Latins & Chrestiens, duroit iusques à minuict du Ieudy au Vendredy, combien que selon les Hebreux le 14. iour finist dès le Ieudy au soir fermé, Et alors la nuit immédiatement; commençoit le 15. iour, que le Seigneur institua & communia les sacrez mysteres, n'ayant rien prins auparauant ce dict iour là, donc il estoit à iun : Car si j'auois mangé le Samedi iusques enuiron minuict, ou nostre iour commence, & ie ne mangeois le Dimanche iusques apres la minuict, ie serois à ieun du Dimanche commençant. Ainsi nostre Seigneur & les Apostres estoient à iun du 15. iour de Mars, qu'ilz communierent au commencement de la nuit, combien qu'ilz ne fussent à iun du 14. precedent.

SECT. xvii.

Venons maintenant à la tradition Ecclesiastique, de communier à iun, que saint Augustin attribue au S. Esprit : les predicans en demandent preuue de l'escriture : & nous leur demandons au contraire, commandement de l'escriture expresse, & puissance de communier sans oraison, cōtinence, & ieusne sollemnellement precedans, car en cela ilz sont exlegés. Nous disons que le S. Esprit n'a voulu la loy estre receuë, sans que l'oraison, la continence, & le ieusne precedassent. *Exod.* 19. 10. 15. Et Dauid n'a peu manger les pains de deuant les visages du Seigneur, sinon apres le iusne, l'oraison, & la continence, *1. Reg.* 21. 4. 5. 6. & le desieuner du peuple en la communion ecclesiastique, estoit du sacrifice *1. Reg.* 9. 12. 13. premierement que d'autre viande. S. Paul aussi *1. Cor.* 7. 5. ne permet l'abstinence de l'œuure du mariage pour

aucune religieuse action, sinon pour le iufne, & pour la folemnelie oraison, qui precedent le plus fouuent la faincte communion. Il est certain, que selon la façon legale de compter les iours, ilz estoient à iun, la nuit qu'ilz communierent, qui estoit le cōmencement du quinziesme iour : la cœne Mosaique ayant precedé le 14. iour du premier moys: Communier donc à iun, est du S. Esprit. Or les caluiniſtes qui n'y communient point avec l'Eglise, peruertiffent la doctrine practiquee au vieil & nouveau testament.

SECT. XVIII.

La difficulté qui nous reste est; assauoir si les Apostres ont mangé, sans adorer nostre Seigneur és sacrez misteres : nous disons qu'ils l'ont adoré selon qu'il est dict, *Dominum Deum tuum adorabis, Deuter. 6. 13.* Car ou Dieu nous certifie d'une certaine presence de sa personne, nous le deuons reconnoistre & adorer és misteres, soit de l'incarnation en nous, ou de nous en luy, par la communion, comme ont fait les Anges. *hebr. 1. 6.* & les Apostres, & fideles, auant que manger, l'adorerent, *Pf. 21. 30.* comme dict Dauid selon S. Augustin, *Pfal. 98. 5. manducauerunt, & adorauerunt omnes pingues terrae.* & en l'Epist. 120. chap. 19. 20. 24. Et si en l'ancienne loy, Dieu estoit deuement adoré, quand on adoroit l'arche scabelle de ses piedz, *Pfal. 132. 7.* comme nous faisons és misteres, selon S. Ambroise avec les Apostres, *lib. 3. de spiritu sancto, cap. 12. ex Psal. 98. 5.* Les religionaires qui n'adorent, & qui ne reconnoissent nostre Seigneur és misteres, sont infructueux, & ingrats, comme à prononcé S. Irenée contre les anciens Guenots *lib. 4. cap. 32. 34.*

SECT. XIX.

Nous lisons que le peuple des Iuifs, figure de nous,

adora Dieu auant que manger la cœne legale. *Exod.* 12. 24. 25. 26. 27. Aussi est-il certain que le peuple adoroit, & fenclinoit auant que mäger, & banqueter des sacremēs & sacrifices, dauant le Seigneur. *deuter.* 12. 12. *deuter.* 14. 26. *deuter.* 16. 11. 14. *deuter.* 26. 11. *deuter.* 27. 7. A plus forte raison nostre Seigneur, & les Apostres, ont adoré auant que manger, comme auoit predict Dauid, *Psal.* 21. 30. Puis que personne ne le mange deüiement, selon S. Augustin, *in Psal.* 98. 5. qui ne l'ait premierement adoré. Les predicans disent qu'ils adorent nostre Seigneur au Ciel: si est-ce que les Apostres en la cōmunion, n'adorerēt pas la chair de nostre Seigneur au Ciel, car elle n'y estoit encores montée; ains és mysteres, ainsi que nous faisons: comme dict saint Ambroise, *lib. de Spiritu sancto, cap.* 12. apres Dauid, *Psal.* 21. 30. *manducauerunt, & adorauerunt.* Les caluinistes disent, qu'ils adorent en leur cœne, mais comment? Car ils ne flechissent point le genoil, ils n'inclinent point la teste, ny ne courbent point le corps, ils ne ioignent point les mains, ny n'estendent les bras, ny ne se prosternent point en leur face, comme ont fait Abraham, Moyse, Dauid, Daniel, nostre Seigneur, les sages orientaux, S. Paul, & les autres fidelles. Les predicans disent, qu'ils adorent en Esprit, & interieurement: si ont fait Iosué, l'aveugle né, & les femmes, en tesmoignant par l'exterieur, qu'elle estoit leur deuotion au dedans. Qui croira donc que les ministres adorent deüiement au dedans, veu qu'ils n'en monstrent aucun signe au dehors: Car ils entrent en leur temple (comme ils parlent) sans reuerence, ny adoration, ainsi qu'en vn toict, ou en vn lieu prophane: & eux entrez au dedans, premierement se vont asseoir à leur com-

modité aupres de qui il leur plaist, sans en auoir vn seul commandement de Dieu, ou exemple de l'Eglise ancienne. Dieu est bien seruy, ce disent, par leur humaine tradition, quand pesle-mesle, sans discretion d'officiers, ny droict examen de version des Psalmes, on luy en à rymé & châté quelque portion en vulgaire, où il y a quelquesfois, non seulement des fautes en la version, mais aussi des heresies, ou atheïsmes : comme ils ont faict cy dauant au Psal. 8. 5. 6. contre l'interpretation de S. Paul, *hebr.* 2. 6. 7. suyuant l'exposition des Iuifs modernes, qui l'exposent d'Adam, qui n'est iamais appellé *Esnock*, miserable, affligé & mortel. Adam aussi estoit fils de Dieu par spéciale formation, *Luc.* 3. 38. & non *Ben-adam*, fils ou engendré d'homme : Ce que n'ayans deüement obserué les Iuifs, & leurs disciples les predicans ont prins le sens accessoire d'Adam pour le principal, qui est de nostre Seigneur Iesus Christ.



De l'Elmeideh, & du Behiram des Turcs: c'est à dire de la Cène ou de la Table, & de la Pasque Turquesque, en l'Aalkoran Azoara, Elmeideh 4. c'est à dire au liure appellé la Collection de la predication, & leçon de la loy de salut & redemption, chapitre ou visage de la Cène.

Chap. XII. Sect. I.

MEhemmet n'a point appellé sa doctrine Loy, Testamēt ou Euāgile, ains seulement Alkoran, c'est à dire ramas & collectiō generale des reuelations, & doctrines diuerſes faictes à Mehemmet; tant à la Mecke, ville ou naquit ledict Mehēmet & Corressein fils d'Abdala voicturier, & de Hennina Kidarine Ismaelite ses parans idolatres: que en *Iesrab* appellé *Tal Nabbi*, cest à dire ville du prophete: car il y mourut les nerfs tellement retirez & perclus, qu'il ressembloit mieux à vn herisson, fermé en peloton, qu'à vn homme estendu: argument certain du mal caduc, & de luxure excessiue; tant en vin, colere, & fureur, qu'en femmes: & possession en agitation de maling esprit. Or apres que Mehemmet auoit esté vexé du haut mal, principalement au declin de la lune, & de l'ange malin, sans doute que faussement il nommoit Gabriel: c'est à dire force diuine (car iamais Dieu benin, & les bons Angēs, ne vexerent excessiuelement les sens humains de ceux qu'ilz ont possedez, & inspirez) il

Mehemmet A-rabe & Ismaelite né de parens idolatres

GENERAL EXAMEN

preschoit son songe naphatique, & puis le redigeoit en ryme Arabesque par escrit, & le cachoit & mussoit en petits billets, és murailles, & escrins, és cassettes & rateliers des maisons des deux dictes villes. Et pour ce ayât ramassé tous ces petits billets en vn corps de chansons, le nomma Alkoran : c'est à dire, corps & ramas de Cantiques en ryme & langage populaire des Arabes. Ce qu'il a aussi faict des Psalmes de Dauid, dont les Turcs se seruent ordinairement, en leurs Assalaz, du tout côme les religionaires font de leurs Psalmes rymez & vulgaires, tant par Marot que par Beze, esquels il y a des fautes qui se doiuent corriger, ou recongnoistre & amender. Or comme Mehemmet en sa rime n'a vsé de la version commune des septante deux interpretes, vûtée és Psalmes par tout l'vniuers, *Act. 13. 27. Act. 15. 21. Terull. in apologet. Hieron. praefat. in Pentateuch. August. epist. 19.* mesmes par nostre Seigneur, par les Euangelistes, par les Apostres & diuins escriuains ; ains à suyui non la verité hebraïque, mais vne version pleine d'adition, de changement, ou de diminution : destournant à l'homme, ce qui est plus proprement dict de nostre Seigneur Iesus Christ, Dieu incarné : comme à faict Arrius, Mehemmet, & les Religionaires, au Psalme 8. 5. 6. *Heb. 2. 6. 7. 8. 9.* Et Mehemmet au Psalme 96. 7. 8. *Hebr. 1. 6.* Car Mehemmet dict que le diable fut damné pour n'auoir voulu adorer Adam, *Psal. 96. 7. 8.* Selon le compte des 72 interpretes, cela ne s'entéd pas d'Adam, ains de nostre Seigneur Iesus-Christ, Dieu incarné, *Hebr. 1. 6.* que tous Anges mesmes doiuent adorer.

SECT. II.

En citant les Psalmes, j'ay suyui l'ancienne, l'vûtée

& catholique façon de compter les Psalmes: & non la nouvelle particuliere & Iudaïque, vſurpee récemment par les perfides Rabins, que les Religioneux ſuiuent ordinairement pluſtoſt qu'ils ne font l'Egliſe catholique. Ma raiſon eſt que la nouveauté, que l'opinion particuliere, que la contradiction Iudaïque m'eſt ſuſpecte, & vient au rabais de l'antiquité catholique: Certes ce n'eſt la raiſon, qu'un vray chreſtien laiſſe & ſe reuolte de la commune cenſure & vſance de l'Egliſe chreſtienne, pour ſuivre l'opinion & perfidie Iudaïque, comme font les religionnaires touchant les liures des Machabees: Auguſt. *lib. 18. de ciuit. Dei. c. 36.* Et au compte des Psalmes ſelon les rabins modernes, qui en deſpit de l'Egliſe ancienne & catholique, tant Greque que Latine, ont changé le nombre deſdicts Psalmes: N'eſt ce pas vne deteſtable legereté pour deux ou trois eſcourtez rabins, qui ne ſont fondez en euidente raiſon, ny en commun vſage, precedent laiſſer l'vſance ancienne & vniuerſelle tant des Hebreux, Grecz, que Latins, en nombrant les Psalmes. Ne voit on pas clairement le peu de raiſon qu'il y a en la diuiſion du Pſal. 9. en commençant le Pſal. 10. au verſet 22. dudiſt Pſal 9. Quelle vrgente raiſon y a-il pour diuiſer le Pſal. 113. *In Exitu Iſrael de Aegypto*, en deux, commençant au verſet 9. C'eſt auſſi contre raiſon de prendre le Pſalme *Dilexi*, avec celui de *Credidi*, pour vn, ſans les diuiſer. Les ſeptante deux interpretes ont precedé l'incarnation de noſtre Sauueur Ieſus Chriſt, environ trois cens ans, & leur verſion fut recongneüe pour fidele & bien à propos, par tous les Hebreux qui viuoient pour lors. Si donc les Psalmes euſſent eſté nombrez, & diſtincts autrement en Hebreu pour lors, les 72

interpretes aussi les eussent ainsi distincts. S. Hierosme qui a suyui les Iuifs à son pouuoir, & impugné les septante, quand aux diuerses cellules & Canon des escritures canoniques, selon les Iuifs (en quoy il est clair & euident que le tesmoignage de S. Hierosme en cecy, ne merite telle certitude que S. Augustin, & que le troiziesme concile de Carthage Can. 47. & que les autres Docteurs Catholiques. Mais le propre des heretiques est de Iudaïser, ou de suiure les Iudaïsans, plustost que l'eglise Chrestienne : Aussi la sentence en fut dōnée apres le temps de S. Hierosme, en la presence de S. Augustin, au troiziesme concile de Carthage) Et neantmoins S. Hierosme à nommé les Psalmes selon la vulgate edition. Parquoy le nombre rabinique des Psalmes, n'auoit encores esté introduict pour verité ancienne & Hebraïque : Ce qui est euident audict S. Hierosme, preface *ad Eustochium* chap. 16. sur Esaye. Là il cite le verset quatriesme du Psal. 139. selon la supputation des 72 interpretes. Or ces rabins nouueaux & religionaires nombrent ce Psal. cent quatriesme, que les 72, & S. Hierosme appellent 139. Item il cite le verset 28. du Psal. 9. selon les 72. que les rabins nouueaux, & predicans, quottent Psal. dixiesme, verset 7. Finalement S. Hierosme, sur ledict 16. chapitre d'Esaye, cite le verset 1. du Psal. 35. selon les 72. que ces rabins circoncis nombrent Psal. 36. En quoy il est euident que la façon de nombrer les Psal. en la vulgate edition, estoit en Hebreu, en Grec, & en Latin, trois cēs ans auparavant l'incarnation de nostre Seigneur : donc ne peut subsister ceste rabinique supputation des Psal. qui n'auoit eu encores lieu, mesmes au temps de S. Hierosme : car il l'eust suyui, & non celle des 72

interpretes, comme il à faict ordinairement en ses versions d'Hebreu en Latin.

SECT. III.

Pour retourner à Mehemmet, il faut noter que son Alkōran, estant vn recueil confus de ses pretendues reuelatiōs, desplaisoit mesmes aux *Arhabfs*, c'est à dire stupides, & grossiers, dont il l'ordonna en Azoares, ou chapitres, qu'il composa en chansons, & rymes arabesques qu'il appella, *sorath* ζ, c'est à dire Cantiques. Dont le premier est nommé *Sorabackara*, la chanson du beuf. Le second, *Sorabumaran*, le Cantique de Iouachim. Le troiziesme, *Elnassae*, le Cantique du droict des femmes. Le quatriesme fintitule, *Soraelmeide*, Cantique de la Table, ou de la Cene, & ainsi des autres. Apres il diuisa ses chāsōns & chapitres, en *Aiet* ζ, c'est à dire en periodes, qui sont miracles: pour-ce qu'une chascune sentence contient, selon l'opinion des Mahometains, vn miracle, ou secret diuin: comme le premier *Sora*, cōtient 285 periodes, le second en à 200. le troiziesme 175. & ainsi des autres parakins, comme il à pleu à Mehemmet, qui par ce moyen ayant temperé le desordre, & reduict aucunement en l'ordre, la confusion de son Alkōran, le nomma *Alphurcan*, c'est à dire, distinct: car *Parak*, c'est dinstinguer en parties, en chapitres, en sentences, & en matieres.

SECT. II II.

Les Mahometains croient, que ce liure a esté enuoyé du Ciel à Mehemmet par l'Ange Gabriel, en la ville de la Mecke, lieu de sa naissance, & qu'il a esté accreu & paracheué en *Iesrab*, dicte *Tal Nabli*. Item qu'il a esté escript en parchemin de la peau du Belier, que Abraham sacrifia pour Isaac, à la Mecke.

GENERAL EXAMEN

L'efcriture dément Mahomet, *Genef. 22. 2. 9. 13.* difant que ce fut au mont Moria, qui eft Hierufalem en la terre de promiffion; & non en Arabie heureufe, comme eft la Mecke. De rechef les fideles monftrēt à Rome, la pierre de l'autel, fur lequel Abraham volut facrifier Ifaac, *Et lapis, feu altare, fuper quo Simeon prefentauit Chriftum n. vlnis Deo Patri*, qu'Helene amena de Hierufalem à Rome. Mehemmet diēt, que ce belier eftoit noir, & qu'il auoit conuerfé quarante ans en Paradis, dont l'ange Gabriel l'auoit amené: Ce mefine belier priera pour Abraham en Paradis, ou feront logees les beftes, comme les hommes, mefine le grand Afne blanc de Mehemmet, diēt *Alborak*. Il feint vn Paradis de belles filles, avec lesquelles il fera conioint cinquante ans, & feront vierges comme auparauant. Il y aura des fleuves de lait, de miel, d'eaux claires, de fleurs d'exceffive beauté, & odeur, des riuieres de vins delicats, dont on boira fans cefle, & fans fenyurer; des fruiēts, excellens à manger. Cest impofteur n'a oublié en fon Paradis charnel, que des Latrines: Car fil boit & mange fans cefle, & fans vider fon ventre, il y a danger qu'il creue, & honniffe tout fon Paradis. Il diēt que la vierge Marie eftoit ſœur d'Aharon, que Abraham eftoit filz du Lazare, que les Diables font creez de la fubftance du feu, & que Dieu leur commanda d'adorer Adam, & qu'ils ſe conuertiront à l'alkoran, le liront, oyront, croyront, prefcheront, & feront mafulmans: & que Iefus Chrift qui eft au beau lieu du feptiefme Ciel & paradis, priera pour Mehemmet, & Dieu luy pardonnera. Iefus iugera tout le monde: là Moyſe & Mehemmet auront leurs enſignes. Iefus n'a enduré ſoubz Ponce Pilate, & n'a

esté crucifié, ains fut retiré de Dieu au Ciel; & vn autre, dict Simeon Syrenien, prins en son lieu: Donc les escritures chrestiennes, & Iudaiques, qui disent du contraire, sont corrompues & falsifiées: Aussi Christ à dict, escript Mehémet, *chap. 60. de l'alkoran Ahmad*, viendra apres moy, ce que les chrestiens ont effacé; mais ce seroit à Mehemmet de monstrier anciens & non suspects exemplaires, cōtre les nostres, qui par tout l'vniuers s'accordent du contraire. Le mesme Iesus Christ à dict & recongneu qu'il n'estoit point Dieu, & que Dieu n'a point de filz, car il n'a point de femme: & fil auoit vn filz, seroient deux Dieux, dict Mehemmet. Il y a au mesme Alkoran, vne infinité de telles impostures, blasphemés, badi-neries, contes, & mensonges, tirees manifestement des anciens heretiques, ou Thalmudistes, qui ont violé le canon des canoniques escritures; ou changé & corrigé le sens, le texte, & les exemplaires des li-
 ures Ecclesiastiques; cōme ont fait de nostre temps les religionaires, qui ont canons particuliers, & ver-
 sions suspectes de l'escriture canonique, contre les Synodes chrestiens & catholiques, & contre la ver-
 sion commune.

SECT. V

Les Mahometains n'admettent pas le mariage pour sacrement, & indissoluble d'un à vne seule; & pour ce ilz le celebrent dauant les parans, amys, & offici-
 ciers mōdains, & non par leurs Sainctōs & prestres. Les Turcs disent, si le Mariage estoit sacrement, l'ad-
 ministration en appartiendroit aux prestres, cōme du baptesme, de la cene, & des ordres. Or il n'est point sacrement selon aucuns modernes Chrestiens, donc
 il n'appartiēt au ministere sacerdotal: Parquoy n'est

*Voyez les Ca-
 nons A-
 postoli-
 ques cā.
 85. le cō-
 cil. 3. de
 Cartha-
 ge Can.
 47. In-
 nocētius
 Epistola
 ad Lucen-
 tium An-
 gust. lib.
 2. de do-
 ctina
 Christi
 cap. 8.*

GENERAL EXAMEN

contre la liberté Chrestienne de l'auoir commis aux ministres seulement : Car fil n'appartient qu'aux predicâs de marier, c'est vne sainte ceremonie, plus que naturelle & commune, esleuée au diuin & sacré seruice sacerdotal en l'Eglise. Comment donc n'est il point vray sacrement ? Nous Turcs musulmans instruitz par le messager de Dieu Mehemmet, com-mettons les contracts humains & naturels, aux officiers royaulx & ciuils, comme est le mariage : Et aux prestres les sacrees ceremonies, comme sont la cir-concision, l'elmeide, & behiram : Et pour-ce detestôs ces nouueaux, & partiâux chrestiens, qui enseignent le mariage avec nous, n'estre point sacrement : & toutesfois le commettent aux predicans seulement comme chose sacree. Les anciens chrestiens, qui le commettent seulement à leurs prestres, sont bien mieux aduisez, car ils le croient sacrement : donc par consequêce ordinaire l'administration en appartient au prestre. Comme au contraire, fil n'est point sa-crement, l'administration en appartient à d'autres, comme nous obseruons. Où est la parole expresse, que Moysè, Aharon, Christ, & ses *Guenar-Juna* ou Apostres, ayent commandé & pratiqué cela, & tolly inhumainemēt le droict qui apartient au masse, & à la femelle, aux parans, tuteurs, & officiers ciuils : pour le transporter à ses superbes predicans ? Certes les contracts, & accords, qui sont purement naturels, & non diuins & sacramentaux, n'appartiennent aux ecclesiastiques, ains aux officiers terriens. Tous vos theologiens accordent que le legitime cōsentement du masse, & de la femelle, faict proprement le ma-riage : & aucuns disent qu'ils se l'appliquent sans au-tre ministres, mesmes en tant que sacrement : Com-

ment donc appartient-il si estroictement aux ministres ecclesiastiques?

SECT. VI.

De cecy il est euident, que le mariage des Turcs, & des religionaires, qui n'est point proprement sacrement, selon leur religion, n'appartient point aux predicans seulement. Que s'il n'est point sacrée & diuine ceremonie, & toutesfois appartient aux predicans; il s'ensuit necessairement, que lesdicts predicans sont Ministres prophanes, & non sacrez. Dauantage vous tenez communément en vostre religion chrestienne, que toute conionction d'homme & de femme, hors le mariage, est peché mortel; mais non pas en mariage: d'où vient cela, sinon qu'il interuiuent vn droit, & vne grace diuine par le mariage, qui empesche que tel acte ne soit peché. Puis donc que la grace y interuient, & la ceremonie sacrée, du consentement, solemnisee diuinement par le prestre, & non naturellement & ciuilement seulement, par le masle & la femelle, notaires & officiers Royaux, & attendu le secret du signe à la chose signifiée, il est necessaire selon la verité de la religion chrestienne, que le mariage celebré par le prestre en l'Eglise chrestienne, soit proprement vray sacrement sanctifiant les fideles: attendu la liberalité & bonté de Dieu, qui nous donne la grace, & vertu supernaturelle d'exercer les fonctions supernaturelles qu'il nous enioint: comme de sanctifier les sacremens, faire ses commandemens, accomplir nos vœux: A plus forte raison, il donne grace aux mariez pour subir, & s'acquiter des difficultez internenâtes ordinairement au mariage. Puis donc que cette ceremonie non ciuile, ains ecclesiastique y interuient, le mariage est proprement vray sacrement.

Les Mahometains n'admettent pas le mariage d'un seul avec une seule, fors celui d'Adam & d'Eue: car il n'y auoit qu'eux deux pour lors au monde, que Dieu en personne auoit conioincts, sans autre ministre: & pour-ce personne ne les pouuoit separer, comme à déclaré Iesus Christ disputant contre les Juifs *Math. 19.* qui vouloiēt maintenir le libelle de repudiation, & la pluralité des femmes, estre de l'institution premiere du mariage, aussi bien que la conioction du masle, & de la femelle: Et pour-ce le Seigneur à monsté, que dès le commencement il n'estoit ainsi. Premièrement, qu'au commencement il n'y auoit qu'un homme, & qu'une femme, *Genes. 1. Genes. 2.* & pour-ce, cest homme là ne pouuoit prendre plusieurs femmes: mais les autres hommes, le mode estant multiplié, pouuoient prendre plusieurs femmes, comme fit Abraham, & Iacob: à quoy fut conforme la loy de Moysé. Secondement considéré que Dieu en personne auoit conioint Adam & Eue, il n'appartenoit à aucun homme de les separer: ouy bien ceux qui par apres ont esté conioincts par les hommes: Et pour ce le libelle de dissolution à eu lieu és autres personnes en la loy de Moysé, & non quād à Adam & Eue. Dauantage attendu que la fin & office du mariage, est de multiplier, remplir, & conseruer le genre humain, selon sa cōdition & infirmité, adioustent les Mahometains: il sensuit qu'une femme enceinte, se doit contenter, & son mary doit cōseruer son fruit, & non violer nature pleine, ains plustost vser d'une autre femme legitime, pour l'emplir semblablement, & euitier paillardise: Et pour-ce la pluralité des femmes, est conforme à la

fecundité masculine, & infirmité humaine. Aussi Iesus Christ à prononcé le mariage d'un à une, & indissoluble, *Math. 19.* allegant l'institution entre Adam & Eve; ce qui est fort différent des autres mariages. Et qui plus est, disent les Turcs, Iesus Christ dist ces paroles là, non en commandant, mais en disputant, non en instituant, ains en argumentant contre l'opinion des scribes & pharisiens, qui vouloient le mariage avoir esté dès le commencement d'un à plusieurs & dissoluble, ce qui estoit faux. Et pour-ce, si on vouloit reuenir à la premiere & plus parfaite institution du mariage, la pluralité des femmes, & repudiation estoit tollie: mais cela gisoit en la volonté des hommes, comme un conseil, & non au commandement absolu de Dieu.

SECT. VIII.

Si le mariage est dissoluble quand au lien, aussi bien que quand au liét, pour l'adultere, comme disent les ministres, la repudiation en certain cas, & pluralité des femmes, à lieu soubz l'Evangile, aussi bien que soubz la loy. Et ainsi nostre Seigneur, n'a pas restitué le mariage en tous cas, à sa premiere unité & indissolubilité, tellement que l'Evangile religionnaire, en certain cas, est conforme à l'Alkoran. Certes la sentence de S. Paul est generale sans exception, en cas d'adultere, ou de diuersité de religion; dont il traicte expressément par apres, *1. cor. 7. 12. 13. 14. 15.* *Que la femme ne se separe point de son mary, que si elle se separe, qu'elle demeure sans se marier, ou qu'elle se reconcilie à son mary.* *1. cor. 11. 39.* l'escriture ne dit point, car l'adultere dissout le mariage, c'est la religion caluiniste, selon les Juifs perfides, qui le dict sans expresse escriture.

Les Ministres ne sont si saints, qu'ilz puissent nier que bien souuent l'un & l'autre commettent adultere secret & caché, ou manifeste & descouuert. Si tel adultere auoit dissout le mariage, comme disent les predicans, ilz ne sont plus mariez ensemble: car ils ont perdu par la fornication, le lien & droict de mariage. Si donc par apres ils veulent auoir affaire ensemble, comme auparauant, ilz se doiuent remarier en face d'Eglise: autrement leur conionction seroit paillardise, puis que le lien de mariage seroit dissoutz par l'adultere precedant, cōme cuide Beze, 1. *Corinth.* 7. 10. 11. & ses complices. Que s'ils sont desmariez par l'adultere, s'il leur plaist, comme ils pratiquent ordinairement; c'est leur volonté qui faict proprement le diuorce, & non la paillardise: car bien souuent ilz reconcilient en leurs presches les adulteres, mesmes manifestes. L'euangile aussi, *Math.* 5. 32. resout que le libelle de repudiation, pour causes legeres, ne doit auoir lieu comme en la loy, ains seulement en cas d'adultere, & non toutesfois comme souz la rigueur de la loy, ou pour la durezza du cœur Iudaïque, on repudioit sa femme pour cause legera, & contre l'vrité indissoluble du lien, on en prenoit vne autre, & la repudiée se pouuoit remarier: Mais au temps de l'Euangile, il n'y a cause de separation spécifiée, que l'adultere: Et alors la plenitude de la iustice euangelique, ne permet à aucun se marier à d'autre: comme expressement escrit S. Marc *cap.* 10. 11. 12. exposant & voidant la difficulté qui se presentoit en S. Mathieu 19. 9. *Quiconque delaissera sa femme & se mariera à vne autre, il commet adultere contre elle: Et si la femme delaisse son homme, & se marie à vn autre, elle commet adultere.* *Rom.* 7. 3. Or l'adultere n'est pas exprimé

pour

pour dissoudre le mariage quand au lien, car iamais il n'en a dissout le lien, ny souz la la loy, ny souz l'Euangile; autrement les Iuifs eussent esté excusables, que Dieu accuse de dureré de cœur, pour auoir repudié leurs femmes, & pour en auoir prins d'autres, non seulement pour l'insolce d'adultere, mais aussi pour causes legeres & Turquesques. Les Iuifs sont reprins d'erreur, car ils estimoient le mariage dissoluble, tant du lien d'vnité, que du liêt. Secondement q̄ cela se faisoit, tant en petite ocaſion, que pour adultere. Premièrement nostre Seigneur prononce, que le premier mariage, regle des autres ensuiuans, à esté d'un à vne, & indissoluble: Et pour-ce la loy qui permet la repudiation, ne dissout pas le mariage: Et que la pluralité des femmes repugne à l'institution dudit mariage. Secondement, qu'il n'y a que l'adultere, qui repugne au liêt nuptial directement: Car quand au lien sacramental, qui est en la seule puîſſance de Dieu, il ne peut estre deslié par les hommes

SECT. IX.

Cecy monstre clairement, que les religionaires ſuiuent plus le Iudaïsme, & Mahumetisme (en certain cas de mariage) que l'vnité & indissolubilité Euangelique: Car si l'adultere dissout absolument le lien sacramental de mariage: il n'est pas vniuersellement vray, *Que l'homme ne ſepare point, ce que Dieu a conioint. Math. 19.6.* Car si l'adultere qui est commis par l'homme, le ſepare d'avec son eſpouſe, il ne demeure absolument vray, *que l'homme ne peut ſeparer ce que Dieu a conioint.* L'eglise catholique prononce bien mieux; *Que le mariage est ſeparable quand à l'habitation, quand au liêt, & quand aux biens: car ſont choſes humaines, & qui ſont en la puîſſance humai-*

ne. Mais quand au lien sacramental, qui est diuin & supernaturel, que Dieu lie luy mesme, & ratifie; il ne viét & ne tombe en la puissance humaine, pour estre par elle cassé & dissout. En quoy est manifeste que les Caluinistes, Turcs, & Mehemmetistes, avec les perfides Iuifs, qui par l'adultere font le mariage dissoluble: repugnent à l'Euangile, qui prononce vniuersellement, *Math. 19.6. Quos Deus coniunxit, homo non separet.* Que si en cas d'adultere, l'homme le dissout, ce n'est pas Dieu seul qui les separe, puis que l'homme aussi les dissout par adultere.

S E C T. X.

Les Iuifs estoient aucunement excusables, car ils auoient la dispence legale, qui permettoit telle repudiation: & coupables en ce que cela leur auoit esté permis pour leur dureté de cœur, & pour leur estat charnel: & les Turcs mettent en auant leur loy delicieuse, & non diuine comme l'Euangile. Si donc les Caluinistes veulent estre receuz pour Euangeliques, qu'ils en facent les œuvres. Les Turcs aussi ne tiennent compte de telle repudiation, ny de leurs vœux & promesses, non plus que les Affricains, car ils tiennent que lon rend ses vœux à Dieu plainemēt en les accomplissant propremēt, ou equiuallemēt, en viuant en vn estat de foy plaisant à Dieu: l'un en viuant en continence, l'autre en vsant de femme: l'un en mangeant, l'autre en ieusnant: l'un en se tenant avec sa femme, l'autre en la repudiant: Car le Royaume de Dieu n'est point boyre, & manger, ou s'abstenir, car la vraye pieté ne consiste point en actions externes, corporelles, & animales, mais en actions de foy plaisantes à Dieu. Quand aux religionaires, qui protestent croire tout pariure dam-

nable, & qu'il faut rendre nos sermens, nos vœux, & promesses à Dieu, & aux hommes; selon leur te-
neur, leur forme, & leur qualité: ils ne peuuent valla-
blement excuser l'apostasie, & paillardise des moy-
nes, des nonnains, des prestres & clerics, faisans cōtre
leur promesse: car fil n'estoit en leur puissance de
s'impetrer de Dieu, ils ne le deuoient promettre, ny
l'Eglise le receuoir: Nostre Seigneur aussi ne le de-
uoit conseiller & proposer comme chose, qui pou-
uoit estre prinse, *Math. 19. 10. 11. 12.* & comme vn con-
seil de chose meilleure, *1. Cor. 7. 37. 38.* car le Christia-
nisme, & l'obseruance des commandemens de Dieu,
qu'au baptesme nous promettons, ou nos parrains
pour nous: n'est non plus en nostre puissance, que
la continence monachale: & la maritale n'est non
plus en nostre main, que la monastique: car la vehe-
mence de la tentation ne change non plus le peché,
qu'au temps de l'Antechrist, ou elle sera plus grande
qu'en vn autre temps.

SECT. XI.

En aucunes choses, les Turcs & Philistens, *1. Reg. 5.*
sont plus religieux que les Calvinistes: car prenas
les choses sacrees, comme l'Arche, l'Eucharistie, les
reliques, ioyaux, liures, ornemens, Eglises, & ima-
ges chrestiennes, ne les brulent, rompent, ou pro-
phanent, ains les conseruent: Et les Calvinistes in-
strumens de la fureur de Dieu, comme les Babilo-
niens, brulent, prophanent, & gastent tout. La cha-
rité des Turcs s'estend iusques aux trespassez: celle
des Calvinistes se meurt avec le corps: contre S. Paul
1. Cor. 13. 7. qui dict que charité iamais ne decheoit.
Les Turcs vsent de dixains & chapeletz, tant pour
s'exercer au seruice de Dieu, que pour orner leurs

corps : tellement qu'assistans aux funerailles, & conduisant le corps du deffunct, soit au Mesqueda, ou à l'Homeschet, Eglise ou Cymetiere, à chascune Patenostre disent, *Alla souf Anna*. Dieu, retourne toy vers luy, & maintenant pardonne luy : Et puis à l'autre Patenostre, *Alla Asonon soubf*, Dieu nostre pere donne luy repos : Et à la troiziesme ils disent, *Abf tobf allohon kussach*, O bon pere nostre Dieu aye pitié, & pardonne. Et les Iuifs ont ainsi prié pour les trespassez, comme recognoissent Paul Fagius, & Sebastien Munstere, insignes religionaires, sur le Deuterono. cap. 14. Or les Caluinistes suiuroient les chrestiens, & les Iuifs, avec les Turcs, & le reste du monde, sinon qu'ils sont plus ennemis de paix & vniõ, que ne sont les Iuifs, ny les Turcs mesmes : comme s'ils estoient plus sages & zelés au seruice de Dieu, que les Machabeans, qui l'ont restitué en Israel, selon la manifeste predictõ de Daniel, Abdras, Micheas, & Zacharie, malgré les infideles, les idolâtres, schismatiques, & heretiques. Volontiers que ces Aëriens icy, & Caluinistes, qui sont heretiques à S. Epiphane, à S. Augustin, à S. Iehan Damascene, sçauent mieux l'estendue, & la vertu de charité, du diuin commandemēt, *Orate pro inuicem vt saluemini*, que toute l'Eglise catholique. Aerius, dict volle-haut, pour son ambition & presumption : Iouinian, appelé Roger bon-temps, pour ses friandises, & gourmandises : & Dormitance, nommé par Catachresie Vigilance, pour son epicurisme, ont dict, que les prieres estoient bõnes de l'un pour l'autre en ceste vie mortelle ; mais non selon la vie spirituelle, & immortelle. On leur à demandé qu'elle esriture disoit expressement cela, & n'ot encores peu môstrer leur glose & distinction

SECT. XII.

Les Iuifs, & Chrestiens, ont prié & prient ordinairement sept fois le iour : les Turcs, cinq fois : les religionaires vne ou deux fois, sans entrer plus auant aux nombres, & sans aucune religieuse ceremonie, peur de superstition papistique, à laquelle donc ont incliné, ou tracé chemin Abraham, & nostre Seigneur, avec les Mages, en se prosternans : Moyse, en esleuant les mains, comme le prestre au *Per omnia de la Messè*, S. Paul en flechissant les genoux. Car quand aux religionaires, ils y ont moins de ceremonie que les Turcs, qui pour le moins s'assoient sur leurs talôs & tiennent le reste du corps droit. Toutes nations ont eu certain iour, apres la fin de leur sepmaine, pour solemniser par sacrifices, oraisons, & predications, en ioye à Dieu, avec actions de graces. Les Iuifs, en memoire du benefice de la creation, & du repos du Seigneur, ont celebré le septiesme iour, iusques à l'introduction d'une meilleure & plus parfaite recreation, & argument d'un repos eternel par nostre Seigneur Iesus Christ, auquel le temporel à cessé, & l'Eternel à esté introduict : Et pour-ce les chrestiens ont commencé à celebrer le huitiesme iour au Seigneur, comme auoit dict Esaye, 66. 23. *Il y aura Sabbat du Sabbat*, feste eternelle, & repos spirituel, du Sabbat temporel & charnel : repos euangelique, du repos legal. Lequel Dimanche nous figure le perpetuel, & continuel Sabbat en la vie eternelle, en laquelle seule sera accôply le regne absolu de nostre Seigneur Iesus Christ, & le parfait seruice de Dieu : Et pour-ce nous detestons la doctrine de Calvin, *libr. 2. Inst. cap. 8. sect. 33.* qui ne celebre point le Dimanche.

d'une religion estroicte, comme les Iuifs mesmes celebrent leur Sabbat, & qui n'estime point aucun mystere spirituel y estre comprins, ains en vse & le retient comme vn remede necessaire pour l'ordre & police de l'Eglise. Que si cela est vray, nous ferons aisément du mercredy, le Dimanche. S'il est ainsi, les Apostres ne nous doibuent point charger du premier iour apres le Sabbat, pour feste au Seigneur: ains nous laisser en nostre liberté de prendre pour nostre feste, tel iour qu'il eust plcu à vne chascune Eglise. Il n'y a doute du monde, que si telle liberté eust esté generale, que quelque Eglise n'en eust vse. C'est chose certaine que le Sabbat legal appartenoit à l'estroicte religion du seruice de Dieu: car il à esté estably entre les dix commandemens de Dieu, & choisi au seruice diuin avec mystere & raison comme estant le temps determiné pour accomplir le quatriesme commandement de Dieu: & ne se trouue point que durant la loy il aye esté changé ne mué: Maintenant donc le Dimanche qui luy à succédé, contient le mystere du repos eternal des bien-heureux, & doit estre solemnisé à Dieu, comme estant le temps determiné principalement pour accomplir le quatriesme commandement de Dieu. Les religionnaires donc en ostant le mystere Chrestien, & la religion diuine, ont ouuert la porte aux Iuifs pour fortifier leur Sabbat, comme contenant mystere & religion: & aux Turcs pour solemniser en ioye & liesse, leur Vendredy, en recognoissance de leur loy venerienne: & que Christ n'a point esté crucifié ce iour là, comme protestent les Chrestiens par leurs abstinences, & penitence, ce mesme iour: Ausquels Turcs, les Religionnaires par leur licence de viure le Vendredy, favori-

sent beaucoup contre l'écriture, *Math. 9. 15.*

SECT. XIII.

Comme Mehemmet n'a iamais sceu l'entier & parfaict Christianisme, car il l'a appriins des Sabeliens, Arriens, Nestoriens, Eutichiens, Monothelites Antropomorphistes, Iacobites, Maronites, Cophites, Georgiens, & semblables : ainsi les heretiques qui sont venus apres, ont en plusieurs choses souvent plus fauorisé reciproquement à Mehemmet, & au Thalmud Iudaique, qu'à l'Eglise Chrestienne. En verité les erreurs, impietez, blasphemés, & fables de l'Alkorá de Mehemmet, sont plustost yssues, & fauorisées du Thalmud, & heresies Chrestiennes, tant anciennes que modernes, & de Sathã, que non pas dudit Mehemmet : Car le Thalmud impugne la diuine Trinité, & vnité de Dieu : la diuinité, la sacree mort & passion du Messie ; l'vnion admirable des deux natures vrayement distinctes, & non confuses en vne mesme personne : ce que plusieurs heretiques anciens & modernes ont enseigné conformément à Mahomet. Donc les vrais & bons chrestiens doiuent auoir suspect tout ce qui simbolise avec la religiõ Turquesque. Exemple: Les Turcs ont le ieusne en vsage, car tout le iour du ieusne ils ne mangent rien, mais ils n'affligent point leurs ames, ny leurs corps, par l'abstinence d'aucunes choses delicieuses, soit en femmes, en viandes, & en autres delices, contre l'ordonnance de Dieu aux anciens ieusnes & abstinences, *Exod. 19. 10. 15. & 1. Reg. 14. 24. ac. 1. Reg. 21. 4. Leuit. 16. 29. 30. Leuitiq. 23. 27. 29. Numer. 29. 7. Joel. 2. 15. 16.* Or les religionaires qui ieusnent iusques au soir, ce disent le plus souvent, comme les Turcs musulmins, & qui mangent de bons moutõs,

GENERAL EXAMEN

de gras chappons, delicieux phaisans, & fauourées perdrix (car autrement ils seroient en danger de superstition papistique, en affligeant leurs ames) & peut estre vsent de toutes autres delices charnelles, non moins que les Turcs, qui se fondent sur-ce que Dieu est misericordieux, ayant compassion de la fragilité humaine: Ce qui est manifestement conforme aux ieusnes Mahometains, & non aux Chrestiens.

SECT. XIII.

En verité l'ancienne loy de Dieu à eu vn temps determiné à iusne & penitence, *Leuit. 16. Leuit. 23.* L'eüa-gile mesme à prophetisé de certains iours futurs, ausquels les enfans de l'espous iusneroient, *Math. 9.* non moins que les disciples de S. Iehan, & des Pharisiens, qui ieusnoient certains iours outre la loy: Et quels, sinon ceux que S. Iehan, & les Pharisiens ieusnoient? Or sans doute les enfans de l'espoux semblablement deuoient ieusner, *Math. 9. 15.* à l'exemple de leur maistre, selon leur possibilité. Or il auoit ieusné la quarantaine: les vrais fideles sont donc tenuz de la ieusner selon leur possibilité: Car comme nostre Seigneur au desert, nourrissant supernaturellement ses troupes affamées, nous a donné exemple de secourir selon nos moyens les pauures indigens: Aussi en ieusnant d'une façon pleine d'admiration, nous a donné exemple de nous macerer, en tant que nostre fragilité le peut raisonnablement porter. De là vient que l'Eglise, & saints Docteurs anciens, distinguant le iusne par le nombre des iours, d'avec la façon excellente & miraculeuse de ieusner; à retenu & imité les iours & le ieusne, qui sont en la puissance humaine, & admire la façon de ieusner; combien que plusieurs Chrestiens ont esté tant feruens à imi-

ter nostre Seigneur, qu'ilz ont non seulement imité le iusne de la saincte quarâtaine, mais aussi atteint & imité parfaitemēt la façō. En quoy nous cognoissōs la vanité des fortes resueries de Caluin, contre l'ancien vsage du Carefme; & en la condemnation des saincts Docteurs, qu'il presume enseigner & censurer. Les Turcs ont iours determinez à penitence, comme souz la loy Mosaique: Mais les Religionaires n'en ont point, & haïssent plus le Carefme que les Turcs mēmes. Que Beelzebut pourra-il dire de plus calomnieux, sot, ignorant, impudent, & iniurieux, que ce qu'il a faict vomir à Caluin, contre le ieusne & le carefme? *Math. 4. & lib. 4. cap. 12. sect. 14. 15. 16. 17. 18. 19. 20. 21.* où il accuse tous les faicts docteurs d'un zele sot & indiscret au ieusne du Carefme, sans prouuer son dire par l'escriture. Il compose maximes fausses, & en tire telles conclusions qu'il luy plaist, & ne reçoit autre interpretation que la siennne sophistique & particuliere: Parquoy il resout les ieusnes des Catholiques estre non seulēment inutilles, mais aussi iniques & superstitieux: Que si imiter les actions de nostre Seigneur, à nostre pouuoir, est inique & superstitieux; & les faicts miraculeux ne nous sont point instructions moralles à bien faire: Pourquoy nostre Seignr nous-a il esté proposé pour estre imité? Que fil est licite imiter nostre Seignr en humilité, en charité, & penitēce: Pourquoy le ieusne Chrestien sera-il inique & superstitieux? Que fil y a superstition en imitant la penitence de nostre Seigneur, en reprimant les vices par le ieusne, en fortifiant l'oraison, & en esleuant son esprit en Dieu, en chastiant le peché, comme les escritures nous enseignent; le bien est le mal, & la lumiere sont tenebres,

GENERAL EXAMEN

selon la doctrine de Calvin : Comme à prophetise Esaye, des heretiques, *cap. 5. 20. 21.* auxquels Dieu a donné malediction. SECT. xv.

Les Iuifs ont eu leur Cene comme consommation de sacrifice ; & souz telles especes que le sacrifice a esté mangé & participé, il a esté auparavant souz telles offert. Que si les religionaires le mangent en la Cene, soubz les signes de pain & de vin ; comme expressement confesse leur legistateur Calvin, *lib. 4. Inst. cap. 17. sect. 2.* escriuant. *Je dy donc qu'en la Cene Iesus Christ nous est vrayement donné, souz les signes du pain & du vin, voire son corps & son sang, auxquels il a accomply toute iustice, pour nous acquerir salut, & que cela ce faict premierement, à fin que nous soyons vnus en vn corps : secondement, à fin qu'estés faicts participans de sa substance, nous sentions aussi sa vertu, en communiquant à tous ses biens. iusques ici Calvin.* Si Calvin n'est point trôpeur, & ne se desdict point, ains préd souz les signes de pain & de vin, le corps & sang de nostre Seigneur Iesus Christ : Il est euident par consequence necessaire, qu'ilz ont esté auparavant immolez souz icelles especes, auant qu'y estre prins : car les Iuifs ont tousiours mangé le sacrifice souz les especes, souz lesquelles il auoit esté immolé : Et pour ce que nostre Seigneur, la sapience de Dieu, attraignât par tout, auoit esté vrayement immolé en croix, souz effigie vraiment humaine & mortelle, souz laquelle le manger seroit barbare & inhumain : il trouua auparavant vne façon de fimmoler, souz les signes de pain & de vin, souz lesquels il pourroit estre prins sans horreur, par les fideles.

SECT. xvi.

Puis qu'aujourd'huy les mahometans ont leur table, qui est la descharge de l'autel au seruice de

Dieu, pour faire leur Cene, & manger leur Pasque, non moins qu'auoient les Iuifs: Et que les Chrestiens ont leur Eucharistie du corps & sang de nostre Seigneur Iesus Christ: il est euident que la propriété de religion encloist necessairement yn sacrifice, proportionné à sa loy: Et pour-ce, il faut que la loy Euangelique, propremēt mystique, diuine, & spirituelle, aye à part vne solemnelle & speciale ceremonie, en laquelle soit immolé l'aigneau, la persōne, & la pasque du nouueau testament: Et pour-ce les Turcs l'ont nommée *Elmeideh*, c'est à dire Table & Cene, ordonnée d'enhaut. Les Iuifs, *misthe gueraum*, c'est à dire, banquet d'entre deux vespres. Nostre Seigneur l'a nommée, Son corps liuré pour nous, son sang respādu pour la remission de nos pechez: Autremēt pour la seule analogie des signes, & de l'aliment consequent, qui sont pain & vin; non capables de vie & de mort, ny de pastir, ny de sentir; qui ne sont point proprement offerts à Dieu chez les Religioneux: il n'eust donné ce nom au banquet Euangelique, s'il n'eust esté vrayment & propremēt en substance son corps & son sang, en forme de consecration, action de graces, & en signes pain & vin, quand à l'operation: Comme à bien remarqué S. Augustin *Episto. 23. ad Bonifacium*, qu'il faut qu'ils ayent quelque proportion, analogie, habitude, & similitude, avec les choses dont ilz sont signes: Comme le pain que mortellement & naturellement nourrist l'homme, nous peut estre signe du corps de nostre Seignr, qui nous nourrist à immortalité supernaturellement. Mais le pain de la Cene religionnaire, qui n'est point offert pour tous ceux qui ont esté, qui sont, & qui seront, qui ne vit point, qui ne patist, qui n'a aucun senti-

GENERAL EXAMEN

ment, qui n'est point capable de mort, qui n'a aucune sainteté & diuinité supernaturelle, ne peut estre signe du sacré corps & diuin sang de Dieu, offert, viuant, endurant, mourant, vny au Verbe diuin : Parquoy il faut malgré les dens du trompeur & opiniastre Calvin, que son pain soit offert ; & non seulement qu'il nourrisse, auant qu'il soit signe parfait du corps de nostre Seigneur, offert, patissant, mourant, & viuant pour nous substantier deiquement à immortalité : En quoy lon void que les signes, en la Cene Caluinique, ne sont propremēt sacramentaux, car ils ne sont point offerts, ny sacrifiez, ny capables de pātir, de viure & mourir, & sont vuides proprement de toute sainteté, & diuinité : contre la vraye nature & propriété du corps & sang de nostre Seigneur, offert, & sacrifié pour nous en mourant. Certes les sacremens, ne sont sacremens pour nostre dire, & opinion : ains pour la diuine institutiō, & pour l'analogie naturelle qui sy doit trouuer : & ne sy trouuant point en la Cene Caluinique, c'est vn abus damnable, & manifeste tromperie.

SECT. XVII.

Si nostre Seigneur en instituant le mystere du nouveau testamēt, n'eust fait mētion de son sacré corps & precieux sang, que souz la cōdition d'alimonie & nourriture, & non souz la qualité sacrificale de pātir & mourir pour la remission de nos pechez : Le pain de Calvin nourrissant, eust peu estre signe mystique, entier, propre & parfait, du precieux corps & sacré sang, qui nous nourrist supernaturellemēt à immortalité. Mais attendu que Dieu à qualifié de sa diuine bouche, ce Corps, non seulement en substance & aliment, mais aussi en sacrifice viuant, endurant, &

mourant pour la remission de noz pechez : il faut necessairement que le pain Cenal , à la caluinique, soit offert, sacrifié, viuant, endurant, mourant, & diuin, auât que signifier le diuin corps de dieu incarné, auquel sont toutes ces proprietéz là : car ce qui n'est point offert, n'a pas analogie avec ce qui est offert : ce qui n'est sacrifié, n'a habitude à ce qui est vray sacrifice : ce qui n'a point de vie, ny de sentiment, & qui ne peut estre capable de mort , comme est le pain religieux, n'ayant point de similitude, à ce qui à proprement vie & sentiment, n'en peut vrayment estre sacrement. La Cene donc de Caluin est vne fumée qui s'éuanoüist incontinent : car elle dict, *Que c'est le Corps & sang de nostre Seigneur, souz les signes de pain & de vin, lib. 4. Inst. cap. 17. sect. 11. Et en ceste maniere nous sommes distinctement repeuz de sa chair souz le signe du pain, lib. 4. Inst. cap. 17. sect. 18. nourris de son sang souz le signe du vin, pour auoir iouissance entierement de luy, combien que le Corps et sang du Seigneur ne soit iamais qu'en vn certain lieu au ciel, & non en terre, ou en nous.* Voyla blanque de la Cene, souz les signes de pain & de vin icy bas. Secondement la Cene ce dict le signe du corps & sang de nostre Seigneur, qui a enduré mort & passion pour nous : ce qui ne peut estre, car elle n'est point capable en ces signes, de ces choses là : Il reste donc qu'elle soit vne puante fumée infernale, & manifeste billeuecée de Sathan, par Caluin, qui n'entend non plus proprement, que c'est que Sacrement, que Sabellius & Arius ont entendu que c'est que nature, & personne, vunité, & trinité : combien qu'ilz reprinsrent les Catholiques comme errans, & ignorans. Les vrayz heretiques ne crient iamais autre chose que la parole de Dieu expresse : & qu'on les cõdamne par la tradi-

tion des hommes, sans escriture : comme Arrius disoit: Christ est le premier né de toute creature, il ne dict pas consubstantiel, *Colloc. i. 15.* & on nous condamne, car nous le disons creature: on veut que nous le croyons consubstantiel, qui est la glose des hommes, & non l'escriture expresse. Mais Calvin dict, l'Eucharistie estre le signe du Corps de Christ, résidant seulement au Ciel, & l'escriture sainte ne dict cela. On dict à Calvin, *Cecy est mon Corps livré pour vous.* & Calvin nous produit seulement son interpretation, *C'est le signe de mon Corps,* & non l'escriture.

SECT. XVIII.

Moyse législateur diuin, à vsé de mots plus propres & significatifs qu'il a peu, pour exprimer le bâquet legal, comme Cene, Aigneau Paschal, au soir, entre deux vespres, Pasques: & ne l'à iamais appelé Corps & sang du Seigneur, ny Eucharistie, car ce ne l'estoit pas: Ce n'est donc pas la raison que l'Eucharistie, à proprement & reformemét parler, soit nommée Cene: Tellement que le Catholique qui diroit que l'Eucharistie n'est point Cene, & qu'elle ne s'y doit point appeller reformement, & que iamais les anciens & les escritures n'en ont vsé commuément & proprement, en ce sens là, diroit vray: car ce qui est le plus frequét & le plus excellent; est le plus propre; comme l'Eucharistie au Corps de nostre Seigneur: Et ce qui est le moins excellent & vsité, est estimé, à proprement parler, non dict: selon le dire d'Aristote: *Ce qui est peu, est réputé comme rien.* Secondement ce qui est attribué à vne chose proprement, comme la Cene; à l'aigneau Paschal; & à vne autre chose, qui est l'Eucharistie; cōme par emprunt, ainsi que le mot de Cene au corps de Dieu: il est estimé

n'appartenir parfaitement & proprement à celui auquel on l'a approprié comme par emprunt, & pour ce de peu de consideration.

SECT. XIX.

Les Turcs ont leur *Elmeideh*, c'est à dire leur Table & Cene, qu'ils nomment Pasques. Premièrement ils ieusnent vne lune, qui est de vingt-neuf à trente iours, qu'ils appellét *Romadan*, à cause que leur pasque est mobile de mois en mois. Que si ceste annee leur feste de pasques est en la lune de Mars, elle sera l'annee qui vient en Aupil, & l'autre d'apres en May, & ainsi d'ordre en tous les douze mois de l'an. Ils ieusnent, dorment, ou sont oyseux de tout le iour de leur ieusne : Le soir venu, toute la nuict sont bonne chere, & prennent plaisir à tous delices charnels, disant que Dieu pardonne aisément à la fragilité de ses musulmins, & fidelles. Le 29. iour de *Romadan* estant venu, au soir vn chascun selon sa puissance, faict sacrifice d'un mouton ou de plusieurs, & se reconcilie avec ses ennemys : en signe dequoy il leur baise les mains, & faict festin solemnel avec ses parens, ses amis & reconciliez : & dict, *Alla theibbehiram leche*, Dieu te donne bonne Pasque, & salutaire en memoire du belier qu'Abraham sacrifia pour Isaac à la Mecke, & en memoire de *L'alhigera*, ou *elhegh*, c'est à dire exil, voyage, pelerinage, & yssue de Mahomet, forbany de la Mecke, qui pelerina alors en Iesrab; dicte *Medina Tal Nabbi*, dont ils ont quatre mois l'annee pour peleriner ausdicts lieux. Et la Pasque ainsi celebree, qu'ils appellent *Behiram*, c'est à dire, iour d'election, de salut, & deliurance; ilz croyent estre parfaitement reconciliez avec Dieu, qui les a repeuz familièrement d'un celeste banquet.

En ce Cântique quatriefme intitulé *Elmeideh*, de la Table : Mehemmet traite de diuers lauages, & de ce qui est interdit de manger, comme d'une beste par foy morte, du sang, de la chair du porc, d'un animal tué sans l'inuocation de Dieu, d'une beste tuée, opprimée, brulée, suffoquée, & estrâglée par les autres bestes ; & qui y touchera, ce doit baptiser souuent : Et où il ne trouueroit de l'eau à sa commodité, il prendra de la poussiere, du sable, ou de la bouë, au lieu d'eau, sur sa face ; & sera purifié. Il adioute, Les Chrestiens disent, nous sommes de Dieu, & auons creu la foy d'iceux Apostres (car tel estoit le langage des Sabelliens, Arriens, Nestoriens, Eutrichiës, Acephales, Antropomorphites, & Monothelites, dont Mehémet auoit appris le faux Christianisme, qu'il cuidoit estre vray) dont il adioute : Comment Dieu aymeroit-il ceux-là qu'il afflige ordinairement, & ne prosperent point aux entreprises de ce mode ? Et puis, ils sont en perpetuel debat, & n'ont iamais esté paisibles entr'eux, ny avec les Chrestiens qui les ont precedé, dont ils sont sortis par contention presumptueuse. Ce qui est en partie vray, mais non pas des fideles qui ont precedé les Sabeliens & Arriens, & autres sectaires, en vnitè, fermeté, & antiquité de foy. Apres il dict que nostre Seigneur Iesus-Christ a esté conçu du saint Esprit, est né de Mer-iama vierge, lesquelz Dieu a deffendus du diable. Dieu a donné l'Euangile salutaire à Iesus-Christ, qui est la vraye cōduicte certaine, & clarté de la loy de Moise. Abraham n'a point esté idolastre, ny Iuif, ny Chrestien, ains absolu Musulmin, infidele. Christ n'est point Dieu, car Dieu le pourroit tuer, car il est crée
du

du saint Esprit, car il prent tout d'ailleurs, car il à dict qu'il ne se vouloit point introduire avec sa mere pour deux Dieux. Mehemmet deuoit scauoir que Abraham n'auoit que faire de la loy Mosaique, ny Chrestienne, qui n'estoit point encores : aussi ne pouuoit il estre musulmin, car l'alkoran n'estoit pas encores, & n'a esté que deux mil trois cens ans apres. Quand à nostre Seigneur Iesus-Christ, il est mortel, & inferieur à Dieu, selon la chair : mais esgal & immortel selon la diuinité : aussi il à tout de Dieu son Pere, par necessité & communication d'une mesme nature, dont il est esgal & consubstantiel à Dieu son Pere, & ne sont pas deux Dieux, car ils n'ont qu'une mesme nature, qui se communique à trois distinctes personnes, sans diuision, ny multiplication ; car elle est infinie, & indiuisible. Quand à l'humanité de nostre Seigneur, qui reçoit tout de Dieu, ce n'est pas identité de nature, non plus que nous, ains par liberalité externe, & contingente, Christ n'a iamais dict qu'il n'estoit point Dieu, & n'a iamais voulu introduire sa mere, pour Dieu : Toute la sainte escriture montre le cōtraire, & ainsi fesuanouist la fourbe & mensonge de Mehemmet.

SECT. XXI.

Mehemmet racōtant l'institution de l'Eucharistie à tout changé, & en à laissé : Premièrement il ne la nomme point Eucharistie ; ny corps & sang de nostre Seigneur, ny qu'il la faut celebrer en la memoire de sa mort & Passion : ains Table, Cene, banquet. Secondement, il n'en attribue point l'institution à nostre Seigneur Iesus-Christ, qu'il ne croie point Dieu. Troiziesmement il dict q̄ les Apostres ont demandé, *O Iesus filz de Marie, ton Dieu, ton Seigneur*

ne peut-il pas nous enuoyer la Cene du Ciel? comme si les Apostres auoient esmeu, & sollicité nostre Seigneur à l'institution de l'Eucharistie, & que nostredict Seigneur, l'eust par apres impetree de Dieu. & il à dict, CraigneZ le Seigneur, si vous estes fideles: car nous boirons, & mangerons de ceste Cene, & nos cœurs seront confirmeZ. Nous scauons desia que tu nous as confirmeZ, & nous sommes tesmoins sur ceste Cene: Et Iesus filZ de Marie, dist, Seigneur nostre Dieu, enuoye nous du Ciel ceste Cene, qui nous soit vne force, à ceux aussi qui nous ont precedé, & qui seront apres nous, vn miracle de toy: Enrichis nous, car tu es le tres-bon, de ceux qui enrichissent. Et Dieu à dict: ie vous enuoye la Cene du Ciel, & qui commettra meschanceté apres qu'il l'aura receuë (comme Iudas) ie me vangeray de luy par tel supplice, qu'il n'y en aura iamais de semblable. iusques icy l'imposteur Mehemmet. Il faut noter, que Mehemmet n'a nommé nostre Pasque Euangelique, que *Elmeideh*, Table, ou Cene: ainsi facordent ils avec l'Alkoran, qui ne la nomme que du nom commun des religionaires en leurs catechisines, *Domin. 48. 51.* ou ils le nomment non Eucharistie, non le corps du Seigneur, ains Cene, & signe du corps: Autant en l'institution de Caluin, *lib. 4. cap. 17.* tiltre de la Cene. Et en leurs prieres; rubrique du iour que l'on celebre la Cene. Autrement le mot de Cene, ne desplaist aux Catholiques absolument, ains ils le tollerent, au moyen qu'on en vse modere-ment, assez rarement & en general, par accommodation, & non reformation; comme si le mot de Cene exprimoit mieux l'Eucharistie, & corps & sang de nostre Seigneur Iesus-Christ, que aucun autre mot qui soit en l'escriture: ou duquel ayent vsé les anciës Docteurs & l'Eglise. Certes nous n'auôs point d'horreur absolument de dire, le Ieudy de la Cene, & la Cene

du Seigneur: mais par là, nous ne déclarōs pas distinctement & manifestement, que c'est que ce nouveau sacrement : comme quand nous disons Eucharistie; ou bien, c'est le corps du Seigneur liuré pour nous en remission des pechez.

SECT. XXII.

Les Religioneux trouuent estrange la creance de Mehemmet, qui deliure nostre Sieigneur de la mort & passion sensibles, & visibles, souz Ponce Pilate, contre le simbole Apostolicq : mais les fideles Chrestiens, & infideles Iuifs, & Mahometains, trouuent (non sans cause) plus estrange la cruauté diabolique & infernale de Calvin & des Religioneux, qui le font vraiment damné pour vn temps, & ressentant en soy les peines, les perplexitez & detresses, dont Dieu frappe les reprouvez en son ire; ce qui luy tira vne parole de desespoir de la bouche, *Math. 27. 46. in catechism. Domin. 10. lib. 2. institut. cap. 16. sect. 10.* Car mon Dieu, mon Dieu, ne sont paroles de desesperer; autrement il ne diroit pas, mon Dieu : ains seulement, O Dieu pourquoy m'as tu laissé? Aussi là, il est question des peines sensibles, & visibles, sans secours, comme ont esté celles de la Croix, selon l'escriture, *Math. 27. Esay. 53.* Car quand aux peines infernales, & prix inuisible pour nostre rachapt, Calvin l'à songé, les Religioneux l'ont creu : mais aucune escriture expresse ne l'à dict. La saluation Calvinique icy est du tout abusive, car nous ne disputons pas, quel à esté le sentiment de la chair en nostre Seigneur, *Que ce calice passe*, ne quelle à esté la resolution de sa personne, *mon Pere ta Volonté soit faicte, & non la mienne* : ains assavoir quelle escriture dict expressement, que nostre Seigneur nous deuoit rachapter

GENERAL EXAMEN

d'un prix inuisible, & d'aprehension de damnation executee sur luy, dont Dieu punist les reprouuez en son ire: & quelle parole de Dieu expressement dict, *Que ce n'estoit rien fait si nostre Seigneur estoit mort pour nous seulement de la mort corporelle, sensible, temporelle, mortelle, & humaine.* Car la spirituelle, & eternelle, damnable, & non humaine qui reste, est infernale, & nō salulaire.

SECT. XXIII.

Mahomet croyant l'innocence de nostre Seigneur, l'a exempté des peines temporelles & honteuses pour tousiours: Et les Calvinistes l'ont assuietty aux peines des damnez. Comment a-il peu estre tousiours nostre Redempteur, & Sauueur; puis qu'il à esté pour vn temps vrayement damné? Le Simbolle Apostolique nous baille à croire pour nostre salut, la Passion & mort visible souz Ponce Pilate, ne mettât autre prix pour nostre salut: & Calvin est venu pour y adiouter vne damnation infernale: comme si les escritures, & Apostres eussent oublié vn article si salulaire & important? Mehemmet le deliure de la mort de la Croix, ignominieuse selon le monde: & Calvin le condamne cruellement à la mort des reprouuez, tres ignominieuse. Quelle escriture, quels saincts Docteurs ont iamais dict, que le genre humain à esté rachapté, par vn prix inuisible, damné & infernal? Les Articles de la foy sont recitez par bon ordre. Premièrement que nostre Seigneur Iesus-Christ est proprement fils vnique de Dieu, conçu du saint Esprit, né de la vierge Marie, qui à pâti sous Ponce Pilate, qui à esté crucifié, qui est mort, qui à esté ensepulturé, qui à descendu aux Enfers, qui est ressuscite des mors le troiziesme iour, qui est monté aux Cieux, & se sied à la dextre de Dieu Pere omni-

potent, & de là viendra iuger les viuans & les morts. Il n'y a rien là, de la damnation infernalle de nostre Sauueur, ny du pris inuisible controuué par Calvin, ny de l'ordre peruertý és Articles de la foy, selon les Religionnaires : ils dcuroient prouuer ce qu'ils disent par l'escriture, côme ils se vantent, & n'en font rien. Dauantage tous les Articles de la foy, ne se doiuent ils pas exposer *cata ton ríton*, selon la propriété de la dictíon : descendre aux Enfers, sera donc propremēt venir aux plus bas lieux, & centre de la terre; & non seulement prédre chair humaine, & estre ensepulture, qui ne sont les plus bas lieux de la terre, comme il est manifeste. Que si on prend, comme faiēt Calvin, descēdre aux Enfers, pour vne frayeur du iugement & ire de Dieu, qui estourdist en particulier pour vne perplexité personnelle de damnation, dont Dieu frappe les reprouuez en son ire; cela est metaphorique, & pour-ce aucun Article de nostre foy n'y peut estre fondé. Qui à iamais en propre locution, & fondement de foy, descendu en Enfer auāt que mourir? Mesmes on ne descend pas au sepulchre auant que mourir : Il n'y à que Calvin & Mehemmet, qui par fantaisies & refueries, facent de la Religion, du Paradis, de l'Enfer, des sacremens, & des miracles, ce qu'il leur plaist. Que si cest Enfer icy, est simplemēt temporel & fantastique, & non autre peine & lieu, qui aye eu puissance sur nostre Seigneur, pourquoy dirons nous l'Enfer estre vn certain lieu ou les reprouuez endurent (outre l'ire de Dieu, & peines d'Esprit indicibles) les peines sensibles, perpetuelles & corporelles? En fin le chemin est ouuert, à se forger vn Paradis, ou Enfer, portatif, imaginaire, & fantastique.

Mehemmet par sa doctrine, à osté le corps de
 nostre Seigneur du supplice de la Croix, & à mis au
 lieu, Simon le Syrean, disant que Iesus-Christ n'a
 peu estre crucifié icy bas reallement: car il estoit seu-
 lement retiré au Ciel. Et Calvin à osté le corps de
 nostre Seigneur de l'Eucharistie, y mettant au lieu,
 seulement le signe du corps de Iesus-Christ, absent
 du pain & du vin, autant qu'il y a du Ciel à la terre,
 & residant seulement au Ciel. Mehemmet raporte
 vne Cene Chrestienne, qui est enuoyee du Ciel, mais
 il ne dict point, que cette Cene soit le vray corps de
 nostre Seigneur, souz les signes de pain & de vin icy
 bas. Calvin ne dict pas, qu'on nous l'enuoye du Ciel:
 mais que nous montons au Ciel, pour en estre refe-
 ctionnez, sans toutesfois que ceste refection entre
 en nous, ou soit ailleurs qu'au Ciel. Calvin dit, que le
 corps de nostre Seigneur, n'est seulement, & ne peut
 estre qu'au Ciel: mais l'escriture expresse ne le dict
 pas, ains elle prononce simplement, & expressement,
Cecy est mon corps livré pour vous en remission des pechez. Cal-
 uin dict, *C'est le signe de mon corps, residant seulement & ne-
 cessairement en vn certain lieu du Ciel:* Si Calvin produisoit
 l'escriture, qui dict expressement cela, nostre debat
 seroit fini, mais il veut que nous croyons ses resue-
 rries, & que nous laissons l'escriture expresse. Où est
 il escrit, que le sainct Esprit vnist les choses, qui sont
 & demeurent de faict separees de lieu? Que le sainct
 Esprit faict les choses vrayement absentes, presentes?
 Que la Cene du corps du Seigneur ne se faict qu'au
 Ciel? Que reallement & vrayement nous mangeons
 le corps de Dieu *lib. 4. cap. 17. sect. 11. 18.* sans qu'il en-
 tre en nous? *lib. 4. cap. 17. sect. 32. Que la bouche du corps*

*ne mange que le pain, & que la bouche de l'ame seule mange le vray corps ? Qu'au Ciel nous mangeons la vraye chair du Seigneur, mais nous estans en terre icy bas, que le corps de Christ n'y est iamais ? Que le corps de nostre Seigneur ne peut auoir diuerses façons d'estre ? Que le corps de Dieu, est necessairement sujet aux conditions infirmes de nature ? Si ces maximes là estoient expressement en l'escriture, cōme aux liures de Calvin, ce seroit à nous de ceder. Les Religionnaires sont donc trop importuns, de nous solliciter à croire telles impostures, sans escriture expresse. Les Iuifs, à la façon de Mehemmet, ont creu vn Christ qui n'estoit mortel, *Ioh. 12. 34. August. lib. 17. de Ciuit. cap. 18.* En quoy ils ont trop esleué & honoré la dignité de l'humanité de nostre Seigneur Iesus-Christ, en luy deniant la verité de sa sacree mort & passion, cōme ont faict aussi les Marcionites, & Manicheans : au contraire, les Calvinistes ont tant deprimé & aneanti l'excellence de sa sacree humanité, vnie personnellement au Verbe diuin, & restraint l'omnipotence de Dieu sur ces creatures, qu'il ne peut faire au Ciel, & en la terre, du corps de nostre Seigneur, ce qu'il luy plaist. Mehemmet à creu la Cene Chrestienne estre vn miracle, firmament, & vertu celeste ; Calvin ne la croit sacrifice, ny vraye memoire de sacrifice, contre l'escriture, qui enseigne le sacrifice memorial estre proprement vray sacrifice, *Leuit. 2.2. 9. 16.* Dont l'on voit clairement, que la Cene Calvinique, est autant, ou plus corrompue, que celle de Mehemmet.*

Que les sectaires ne crient autre chose que l'écriture expresse & canonique, à laquelle en effect, ils ne croient point.

Chap. XIII. sect. 1.

L'Estude ordinaite de Satā à esté de se presenter (en apparence) pour bien faire aux hommes, comme leur vray Dieu: & ce qu'il n'a peu faire par luy, il l'a entrepris par la supposition des faux Dieux, & eidoles, ausquelles succedent les heresies. Ainsi les faux prophetes, & enchâteurs, se sont vestus de peaux de brebis, crians sans cesse tout estant renucrse, peruertty & corrompu. Dieu nous à enuoyez prophetes, & apostres extraordinaires; Calvin *lib. 4. cap. 3. sect. 4.* Autant en ont dit les Manicheās & Donatistes, ausquels les anciens pasteurs ont respōdu: Lisez-nous en l'écriture ce que vous dictes de vous mesmes, & nous le croirōs: mais le disās de vous-mesmes, sans l'écriture expresse, vous demonstrez clairement en venans de vous mesmes, sans écriture expresse, & sans claire mission de Dieu, en vnitē Ecclesiastique, avec vraz miracles en saincteté heroique; que vous estes faux prophetes, & apostres de tenebres. Dieu auoit promis à Abrahā le tēps de la deliurance de son peuple, *Genes. 15. 13. 14.* ce qu'il fit par Moÿse, *Ex. 12. 40. 41.* Que les religionaires nous en lisent autāt expressement en l'écriture, dict d'eux, & alors nous acquiescerons. S. Iehan viuant austerement; à respondu de son temps, de son office, & vocation predictes, *Esay. 40. 3. Ioh. 1. 23.* Si les Religionaires produisent la parole expres-

se, prononcée d'eux comme cela, nous cedons. Dieu auoit dict aux Iuifs, ie vous susciteray vn prophete de vostre gent, du milieu d'entre vous, *Deuter. 18. 15. 18. Act. 3. 22. Act. 7. 37.* Tellement que ce Prophete estoit Iuif, comme Elie, Daniel, & non des Payens: disant du milieu d'entre vous. Il monstre l'exercice de la vocation ordinaire, laquelle S. Iehan ne suiua point par sa vie austere, hors du temple, au desert avec les bestes: dict, *Ioh. 1. 21. Je ne suis point ce Prophete là.* Que les Religionaires nous monstrét en l'escriture, cela dict à eux, & pour eux, nous acquiesçons. Dieu dict, *Deuter. 18. Et vous l'oirez comme moy,* c'est à dire, ceste Prophetie appartient aux Prophetes, remarquez aux diuines escritures, & singulierement au Messie legislateur. Dieu souuent auoit predict de la venue du Messie, de son temps, des circonstances, & de sa mission, & de ses Apostres, pour pescher & chasser, *Ierem. 16. 16.* Si les Calvinistes monstrent quelque chose semblable dict d'eux, ils auroient apparence de leur controuué Apostolat. Or il ne fenfuit pas, puis qu'il n'en est rien escrit, que Dieu enuoye vn nouveau Moyse ou Helie, à son Eglise desolée; car il les à enuoyez quelquesfois. Il ne fenfuit pas aussi que Dieu, cela estant, aye commis cette charge aux Calvinistes, sans tesmoignage de la parole expresse: car pour l'affirmation ou negation des Religionaires, il n'en est rien en effect, si l'escriture ne le dict expressement. C'est là que gist la difficulté entr'eux & nous: ils se disent enuoyez & suscitez extraordinairement de nostre temps. Nous leur disons, monstrez expressement aux escritures ce que vous dictes auoir esté predict d'entre vous. Vous dictes que vous estes venus toutes choses peruer-

ries, mais vous deuriez nous auoir conuaincus de cette presumée generale corruption, qui est le vray Christianisme, cõtre vos impietez & gloses iniques sans escriture expresse.

SECT. II.

Colloque
de Poissy

Caluin cognoissant la necessité de la mission pour enseigner & presider en l'Eglise, à esleu la mission extraordinaire, *lib. 4. instit. cap. 3. sect. 4.* Et Pierre Vermilly auparauant luy, *in 1. Reg. cap. 2. 27. Beza in confessione suae fidei, cap. 5. sect. 28. Et in congressu posciaceno. anno 1561. de sua missione in angustias adacti, nobis facti sunt, se extraordinariae missos.* Car il n'y a lieu suffisant pour se maintenir en la mission ordinaire. A ce propos dict Caluin sur S. Luc chap. 3. 2. *Il n'y à point de vrais Docteurs en l'Eglise, sinon ceux là, auxquels ceste charge à esté enioincte de Dieu : & n'est assés auoir la parole de Dieu, sinon qu'il y interuenne vne speciale vocation.* Iusques icy Caluin, qui destruit du tout les Religionaires. Car si la parole ne suffist sans la vocation, c'est pour neant qu'ils iactēt la parole; fils ne peuuent monstrier leur vocation. Moyse fut renuoyé de Dieu, aux anciens d'Israel, *Exod. 3. 16. 17. 18.* S. Iehan rend la parole expresse de sa vocation, *Ioh. 1. 23.* S. Paul rauy iusques au tiers Ciel, est relegué à Ananias ordinaire. Pourquoi donc les predicās seront ils receus pour pasteurs, sans speciale escriture de leur venue, comme dict S. Pierre aux Iuifs, *Act. 2. 16. 17. 18. 19.* sans vne vie heroïque, comme S. Iean Baptiste, & sans approbation de ceux qui presidoient aux Eglises, dont ils sont sortis, *1. Ioh. 2. 19.* Pourquoi Dieu nous aduertist-il tant souvent & graument, de la venue extraordinaire des faux Prophetes, des Apostres trompeurs, des faux Christ, des Anges de tenebres, se trans-figurans en

Anges de lumiere, des loups rauissans, des Ante-
 Christ, & maistres menteurs, hypocrites, facteurs
 de sectes, *Math.* 7. 15. *Mat.* 24. 5. 11. 23. 24. 26. *Act.* 20.
 29. 30. & 2. *Corint.* 11. 13. 14. 15. *Act.* 1. *Timoth.* 4. 1. 2. & 2.
Petr. 2. 1. 2. 3. que Calvin appelle macquereaux de Sa-
 than. 2. *Corinth.* 11. 3. Voila les riltres des predicans ex-
 traordinaires dont l'escriture les qualifie. Que si la
 cheute & dâger venoit des ordinaires, & qu'ils deussent
 estre redressez par les extraordinaires, l'escriture
 l'auroit dict & déclaré, comme elle a faiât des
 Prophetes, de S. Iehan, du Messie, & des Apostres.
Deuter. 18. *Ioh.* 1. 21. 25. *Malach.* 3. 1. 2. *Malach.* 4. 5. Pour-
 quoy dôc Dieu à-il mis à present vn ordinaire stable
 en l'Eglise, sans faire mention des salutaires predicâs
 extraordinaires? *Esaye* 59. 21. *Psal.* 44. 17. 18. *Ierem.* 31
 36. *Ier.* 33. 17. 18. *Ezech.* 34. 22. 23. 24. 25. 28. 30. 31. *Ioh.* 20.
 21. *Ephes.* 4. 11. 12. 13. 14. Et si de verité la reuolte gene-
 rale de la foy venoit des ordinaires, comme disent
 les Religionaires, 2. *Theff.* 2. 3. il n'y auroit point alors
 d'Eglise catholique au monde: qui repugne aux prom-
 esses de Dieu. *Math.* 16. 18. *Math.* 28. 20. Si tout estoit
 ainsi reuolté generalement, qu'est-ce q̃ l'Antechrist
 alors persecuteroit? L'escriture dict, que alors les
 Esleuz ne pourront estre induicts en erreur; *Math.*
 24. 22. *Marc.* 13. 20. 22. parquoy la reuolte ne sera ge-
 nerale. S. August. *lib.* 20. *de ciuit. Dei* cap. 8. dict, qu'il
 faut croire qu'alors, cōme il y en aura qui descheoi-
 ront de l'Eglise, aussi y en aura-il qui entrerōt en l'E-
 glise: & alors ceux qui se conuertiront à l'Eglise, &
 croiront, seront si forts pour faire baptiser leurs en-
 fans, qu'ils vaincront ce fort, pour lors non lié. Mais
 Calvin, Lambert, & leurs complices, abusent sur le
 mot d'apostasie, ou reuolte, ignorans malicieusemēt

que par excellence, le substantif ou abstract, ce met pour l'adjectif: Et en ce sens, nostre Seigneur est dict nostre iustice, nostre sapience, nostre vñction & salutaire. Ainsi l'Antichrist, qui sera le chef de tous heretiques, apostats, & renegats, est appellé l'apostasie mesme: Ioinct que la proposition indefinie ne conclud generalmente, estant question d'une personne en particulier comme icy: mesme la proposition vniuerselle ne conclud pas quand il y interuient vne distribution commode.

SECT. III.

On sçait bien que le mystere du vieil testament estoit temporel & charnel, exposé à chopper, & à changement à la venue du Messie: & pour-ce auoit besoin de secours extraordinaire. Or ils mōstroient leur mission expressement predicte en l'escriture, *Genes. 15. Deuter. 18. Esay. 40. Ierem. 16. Ioel. 2.* Secondement, ils la monstroient clairement par le don de Prophetie, bien souuent par miracles, par saincteté de vie, & principalement par consentement de doctrine, qu'ils estoient instituez de Dieu. Ainsi les Princes de Iuda deffendirent, *Ierem. cap. 26. 16. 17. 18. 19. 20.* remonstrans qu'Vrie & Michee Prophetes, auoient dict & enseigné le semblable: Mais les predicans du iourdhuy extraordinaires, ne monstrēt leur mission par l'escriture, ny par le don de Prophetie, ny par miracles, ny par saincteté de vie, ny par consentement de doctrine. Luther, Zuingle, & Calvin ne s'accordent point en l'Eucharistie. *Caluin lib. de Cæna.* Calvin ne s'en accorde non plus avec les saints Docteurs, *lib. 4. cap. 18. sect. 11.* Item Vermilly, Calvin, & Beze, disent que les predicans sont ministres extraordinaires: Mornay, *tract. de Ecclesia cap. 11.* & Lambert

damné *cap. 3. prioris ad Thimot.* les maintiennent de mission ordinaire qu'ils ont prinse de l'escriture, ce disent, sans commandement de l'escriture: car il n'y en auoit alors aucune au monde; qui vaut autant à dire, qu'il n'y auoit point d'Eglise au môde; quâd les sectaires sont venus: qui est l'impicté des Donatistes. L'Eglise ne peut estre sans mission legitime. Or quâd Luther est venu, Carlostade, Zuingle, Oecolampade, Pharel, & Calvin, ils n'auoient point de mission ordinaire; il n'y en auoit point aussi (ce disent ils sans escriture) en l'Eglise Catholique, & Romaine. Vniuersellement donc la mission auoit peri de tout le monde, sinon que les Religioneux l'establissent chez les Iuifs, Turcs & Mahumetains, ou chez les Grecz, ou chez les Schismatiques, & Heretiques, comme de leurs peres: mais ils ne la pouuoient prendre de là, car ils n'estoient point le troupeau de nostre Seigneur Iesus-Christ. Ils ne peuuent aussi par escriture expresse, monstrier leur tant public & sedicieuse mission extraordinaire: Parquoy ils n'appartiennent point à l'Eglise. Personne ne s'introduit legitiment soy-mesme au ministere ecclesiastique, *Heb. 5. 4.* Luther, ny Calvin, n'ont donc peu d'eux mesmes, se creer legitiment ministres & pasteurs en l'Eglise de Dieu: personne ne peut se baptiser, ou ordonner soy-mesme; Guillaume Pharel n'a donc peu s'instituer premier ministre de Geneue: Quand à ceux de la ville, ils ont peu seulement en presumer la nomination, mais non pas s'instituer: Par ainsi leur ministration n'est donc qu'un abus & un chemin tracé pour introduire extraordinairement l'antechrist. S'il y a Apostasie vniuerselle, il n'y aura point de foy Catholique, comment sera il vray que le froment

& la zizanie, *Math.* 13. 30. croistront ensemble iusques à la Moisson.

SECT. II II.

Les faulx prophetes & ministres, inutiles à tout bien, disoient: Au temps passé Dieu nous a enuoyez. Item, le Seignr à dict: Et Dieu ne les auoit enuoyez, & n'auoit parlé, ny proposé ce qu'ilz disoient; cela estoit de leur inuétion, de leur glose & intepretatiō. *Ierem.* 14. 14. *Ier.* 23. 16. 17. 21. 31. 32. *Ezech.* 13. 2. 3. 7. Ainsi les predicans du iourdhuy disent: Dieu nous a fuscitez, & enuoyez extraordinairement: nous ne disons, nous ne preschons, nous ne croyōs rien qui ne soit expres selon la lettre, en l'Escrature, à la verité Grecque & Hebraïque: Nous ne fondons nostre creance qu'aux escritures Canoniques, & n'admettons point les apocriphes: Ce neantmoins ce qu'ils disent & croyēt n'est point en l'escriure. Dieu dict: *Celuy qui n'est regeneré d'eau & d'esprit, Ioan.* 3. 5. ne peut entrer au royaume de Dieu: Calvin change le diuin or en escume de fer, disant en sa glose, *Celuy ne peut entrer au royaume de Dieu, qui n'est regeneré d'eau qui est esprit.* Dieu dict, *Cecy est mon Corps:* Calvin change, *Cecy est le signe de mon corps.* Lisez nous en l'escriure expresse le signe du corps, comme nous vous lisons expressement, *Cecy est mon Corps.* Calvin se voyant aculé & pressé, en lieu d'escriure, nous allegue sa glose, & repete son interpretation, comme si elle estoit de l'escriure expresse, ou de l'eglise: Parquoy il est euident que les Religionnaires croient aux gloses des predicans extraordinaires, & non au texte de l'escriure. Ce qui est du corps de nostre Seigneur, vray homme, se doit entendre selon la propriété substantielle & communs accidens, comme patir, mourir, & estre respandu: Mais ce qui est dict de Dieu corporellement, se doibt en-

tendre par metaphore, contre les Antropomorphites: car Dieu est esprit. *Ioh. 4. 24.* Et l'esprit n'a point chair & os. *Luc. 24. 39.* Les Marcionites aussi & Manicheans estoient iniques, en mettans vne chair en nostre Seigneur qui n'estoit proprement humaine: & les Capharnaïtes Religioneux y en songent vne tellement infirme & charnelle, qu'elle ne peut pour la diuine puissance & ordonnance, estre par grace priuilegiee sur l'imperfection commune & infirme de nature sans gloire. C'a esté aussi le propre des faux pasteurs de reietter la parole de Dieu qui leur estoit contraire, & d'vser de violence sans auctorité de Iustice, & de n'induire point les hommes à vraye penitence. *3. Reg. 22. 23.* S. Iehan Baptiste, nostre Seigneur, & les Apostres ont premiermēt presché Penitence, & réduit les hommes meilleurs. Zachec, & S. Mathieu, non seulement ont rendu le bien d'autrui, & se sont abstenus de rapine, mais aussi ont quitté tous leurs biens du monde. La Magdelaine, & plusieurs autres, ont non seulement quitté la vie mondaine & dissolue, mais aussi ont ardemment embrassé perpetuelle continence. Les Arriens ont reietté l'Épistre aux Hebreux. Luther, celle de S. Iaques. Calvin, le liure de Sapience. Et nous n'auons encores veu la conuersion d'un vsurier: & renoncement au monde, ny perpetuelle continence pour les crieries des predicans en leurs presches: Ils ne sont donc point vrais prescheurs Euangeliques, ains arbres inutiles, & sans fruiet, propres au feu eternel, *Math. 3. 10. Ioh. 15.*

2. 6.

S E C T. V.

Venons au fonds de la difficulté de la parole diuine, & de la non Canonique & Apocriphe. Par quelle escriture receuë d'une part & d'autre, sans debat,

nous monstrent-ils la difference? Quelle escriture expresse nous nombre les liures Canoniques? Quand aux liures d'Aristote, de Ciceron, & des autres prophanes, le tesmoignage des hommes y fustist, car ils sont humains, & n'obligent de foy la creance & conscience: Mais les Canoniques escritures ont besoin d'un tesmoignage diuin & supernaturel, & d'un organe celeste, commun, & indubitable, qui nous assure infalliblement que c'est Dieu, qui les a inspirees: Et que quand Salomon a escrit les cantiques pleins d'amours, & conuersations charnelles & mondaines, il estoit inspiré de Dieu, & non pas quand son esprit fut depraué par le charnel amour des femmes folles. C'est icy que l'on demande aux Religioneux, parole de Dieu expresse pour la canonisation desdicts cantiques. Exemple. Philastrius Euesque ancien *lib. de heres. cap. 133. & cap. 147.* rapporte qu'aucuns ont douté du liure des Cantiques comme non Canonique. Theodoret au preface sur les Cantiques, fait mention d'aucuns Heretiques, qui ont assuré le liure des Cantiques ne contenir que le colloque de Salomon, & de la republique Iudaïque, desirant qu'il regnast sur elle: Ce que Luther tient expressement au preface sur les Cantiques, *tome 4. pag. 49.* Que si ne contient que cest humain colloque, & pollice temporelle des Iuifs, il n'y a aucun mystere de Religion, ny de diuine reuelation: & pour-ce ne peut meriter le nom de Canonique. Sebastien Castalion, & les Anabaptistes le rebuttent du nombre des Canoniques escritures, avec fureur & iniures: Parquoy avec modestie ie mettray en auant leurs apparentes raisons, & plusieurs de celles qu'on y peut adiouster, desquelles n'y a moyen d'eschapper

*Assavoir
si les can-
tiques
sont Ca-
noniques
1. Ar-
gument.
2. Ar-
gument.*

pertinemment, que par l'auctorité & l'organe de l'Eglise. Ils disent, nous ne mettons pas si tost en auât, 3. arg. assavoir si Salomon l'à escrit, ou ne l'à pas escrit: ains nous demandons escriture expresse, qui die en particulier, que Dieu l'à inspiré à son auteur, & que ce n'est point vne aditiō interdictē à la parole de Dieu, *Deuter. 4. 2. Deute. 12. 32.* Que si cela n'est point en l'escriture manifestement, il sensuit que le premier & general fondement de croire, vient d'ailleurs que de la seule parole escripte. Si vous dictes; nous tenons les Cantiques pour Canoniques, car communemēt on tient que Salomon les à escrits: nous demandōs l'escriture expresse qui die cela, & non l'opinion des hommes. Si vous les receuez, ô Religioneux, pour l'opinion commune que Salomon les à escrit, que ne receuez vous pour canonique avec l'Eglise; *August. lib. 17. de Cuit. Dei, cap. 20.* le liure de Sapience, *August. lib. 2. de acēt. Christ. cap. 8. & de predest. sanctor. lib. 1. cap. 14. & de dono perseuer. lib. 2. cap. 17.* qui monstre clairement que Salomon en est l'auteur, *Sap. 9. 7.* l'ayant escrit contre l'idolatrie qui regnoit pour lors au monde desordonnément, dont luy mesme en auoit esté entaché.

SECT. VI.

Si vous receuez le liure des Cantiques pour la commune opinion qu'on tient que Salomon l'à escrit; qui vous à dict infalliblement, que cette commune opinion des Chrestiens, est du saint Esprit. Pourquoi donc aussi ne receuez vous le liure des trois mille paraboles de Salomon, mentionnées diuinement, & non seulement selon la commune opinion des hommes, *3. Reg. 4. 32. 33.* des animaux, des volatiles, des reptiles, des poissons, & des arbres?

8. *arg.* Qui plus est, fil faut receuoir le Cantique des Cantiques, pour-ce qu'il en est faiçt mention, 3. *Reg.* 4. 32. nous disons que là, il n'est faiçt mention que du Cantique de Salomô, & non du cantique des cantiques.
9. Dauantage, le cantique de Salomon estoit de cinq mil versets, & le cantique des cantiques est seulemēt
- 10 de 117 versets. Que si le cantique des cātiques merite d'estre Canonique, pour-ce qu'il en est fait mention en l'escriture, pourquoy les liures d'Enoch, Nathan, Gad, des Iustes, & des guerres du Seigneur, & sem-
- 11 blables, ne sont ils canoniques? Que si le cantique des cantiques est vrayement de Salomon, qui nous fera foy infalliblement qu'alors il auoit l'esprit de
- 12 Dieu, mieux qu'en ces actions communes? Et si alors il auoit l'esprit de Dieu euidentement, pourquoy est-ce que son nom n'est exprimé au commencement des cantiques, comme aux Prouerbes, & Ecclesiaste? Qui est celuy des escriuains canoniques, qui appelle
- 13 ses visions, ses paraboles, ses comandemens, ses propheties, & les mysteres de la foy, chanson des
- 14 chansons? Quand aussi les cantiques, ou sacrees chansons, sont rememorees en l'escriture, elles ne contiennent vn liure entier, sans ordre d'histoire, & sans action de graces pour vn special benefice, dont cestuy cy n'a rien de semblable: & pour-ce ne peut
- 15 estre canonique. Qui est celuy des canoniques escriuains, qui ayant redigé en carmes, les loüanges & actions de graces de l'Eglise, à Dieu, pour ses singuliers benefices, les aye iamais ombragez d'amouret-
- 16 tes charnelles, comme ce liure icy? Qui est celuy des diuins escriuains, qui aye iamais escrit tout vn liure d'amourettes trop licentieuses, & peu honnestes,
- 17 comme cestuy cy? Comment ce liure des cantiques

peut-il estre canonique; auquel le nom de Dieu n'est nommé ne inuouqué, ny enseigné de l'inuouer, contre la nature de tous les liures canoniques.

SECT. VII.

Comment ce liure là, qui ne contient aucune ex-
 presse legislation de la volonté de Dieu; ny celeste 18. arg.
 & speciale instruction, ny aucune histoire, ou miracle des choses diuines, & ecclesiastiques, sera il nommé pour canonique? Les cantiques ne font aucune 19. arg.
 mention du vray seruice de Dieu, ny de la haine du peché, ny de l'esperance du pardon; & pour-ce ne peut estre nommé entre les liures religieux & canoniques. Dauantage, le titre de ce liure en Hebrieux, est en datif cas, & non en genitif. *Le Cantique des Cantiques* 20. arg.
à Salomon: qui monstre assez qu'il à esté dédié à Salomon, pour les diuers amours des femmes Egyptiennes, Iuifues, & Cananecanes; parquoy ne peut estre canonique. Qui plus est, si en ces cantiques le diuin amour de nostre Seigneur Iesus-Christ, enuers son 21.
 Eglise, est déclaré; ou l'amour chaste du Messie enuers la Sinagogue, ou l'amour naturel de Salomon à sa femme, fille de Pharaon; ou l'amour suspect de la Sulamitte, ou l'amour vtile de Salomon, à la republique Iudaïque: il n'a peu ny deu estre legitiment exprimé par paroles si licentieuses, & si peu chastes, & honteuses, cōtre l'hōnesteté, & pudicité de toute 22.
 esécriture canonique: Donc ce liure ne peut estre nommé entre les diuines escriptions. * Certes il n'y à rien plus impie & prophane, que d'adiurer les fidel-
 les, non par Dieu, mais par les cheureux & biches des champs, *Cant. 2. 7. Cant. 3. 5.* comme faict ce liure icy: comment donc peut il auoir lieu entre les es-
 critures sacrees, qui n'ont rien de semblable? 23.

Nous osons bien dire, que quand les Religioneux (qui ne suivent que leur sens humain, & particulier pour le canon des escriptures) auroient rondemēt respondu ; alors on repliquera tant efficacemēt, que la iactance de leur pretendue vſance legitime de l'es-
criture, ſe ſuauouira, ou demeurera en perpetuel debat, & probable incertitude ; & rien ne leur ſeruira leur controuuée inspiration de leur faux esprit particulier ſe transformant en Ange de lumiere. Pre-

1. arg.
contre le
liure de
Iob.

mierement, par quelle escriture expresse, en particulier, prouueront-ils le liure de Iob inspiré de Dieu ſans doute ; & non d'autre : veu que Dieu & Sathan y ſont introduicts, iouans leurs personnages ; avec propres mines & contenance requiſes en telles farces, auſſi bien que Iob & ſa femme, & que *Baldad, Eliphaz, Sophar, & Eliud*, eſtrangers, choſes non ouyes

2. arg.

aux escritures canoniques. S. Hieroſime au premier preface ſur Iob, dict : *Ceſte tranſlation ne ſuit aucun des anciens interpretes, mais reſonnera, & retentira d'iceluy, langage Hebraique, & Arabique, & aucunes fois Syrien: maintenant les paroles, maintenant le ſens, maintenant l'un & l'autre.* En quoy nous voyons ce liure eſtre compoſé de trois langues enſemble, choſe non vſitée aux di-

3.

uines escritures. Le meſme S. Hieroſime, en ce dict prologue, aſſeure l'autheur de ce liure auoir eſcrit, tantot en proſe, tātōt en carmes, comme il eſt bien vray ; choſe non accouſtumeée és ſacrees escritures.

4.

Finalement les plus doctes tiennent, comme il eſt euident, qu'il à eſté eſcrit en langue Idumeeane, car Iob ſe tenoit en ce pais là, qui vſe de langue ſemblable à l'Hebraique, Phililteanne, & Cananeanne. De là vient, que l'Idumée eſtant meſme ſelon Plin, lib.

5. *cap. 13.* pres la Palestine, la Syrie, & l'Arabie pier-
 reufe; se conformoit du tout d'un costé aux Hebraif-
 mes; & de l'autre, aux Syriens; & du troisieme aux
 Arabes; & du quatrieme, au plus commun langage
 recen entre les Idumeans. Ce que n'estant vñte aux
 autres escritures canoniques, móstre assez cleremét
 que Iob, tant diuers & variable en langage, ne peut
 auoir lieu entre les diuines escritures.

SECT. IX.

Certes il n'y à doute du monde, qu'il faut que ce 5.
 Iob icy, si c'est vne histoire, aye eu manifestement
 des majeurs d'où il soit descendu; vn lieu determiné
 ou il aye demeuré, & vn certain temps, auquel il aye
 regné: ce que n'estant encores point resolu entre les
 Docteurs, monstre l'histoire estre suspecte. S. Hie-
 rosme, au liure des questions Hebraïques dict, qu'il 6.
 est descendu de Nachor frere d'Abraham, par Hus
 fils aîné dudit Nachor, *Genes. 22. 21.* En laquelle ter-
 re Iob à regné, *Iob. 1. 1.* Et pour-ce à precedé Moyse,
 & à vescu du temps de Iacob, & prins Dina sa cousi-
 ne fille dudit Iacob, à femme: qui en Iob, *chap. 2. 10.*
 parle mesme langage qu'elle fit, *Genes. 34. 7.* Mais
 nous ne lisons aucuns des enfans de Nachor auoir
 eu nom Iob: & pour-ce ce liure n'est de certaine
 foy, & où n'est asseuré que ce Iob là aye paty, ou
 escrit aucun liure. Les autres disent que Iob estoit 7.
 Iuif, de la lignee Dissacar, & le prouuet par-ce qu'il
 est nommé en l'escriture, *Genes. 46. 13.* & ailleurs est
 appelé *Iassub. Numer. 26. 24.* Mais si ce Iob icy estoit
 Hebreu, il auroit eu son partage en la Palestine, &
 non en Idumee; qui monstre assez clairement que
 ceste histoire est incertaine. Aucuns disent qu'il estoit 8.
 Arabe descēdu d'Esaii, & qu'il est nommé *Iobab, Gen.*

36. 33. voyez l'edition Grecque en Iob, *chap. 42.19.20.*
 21. Origene homil. I. sur Iob. S. August. *lib. 18. chap.*
 47. de la Cité de Dieu, & le preface Latin sur Iob.
 Mais le style & langage estans proprement Hebreux,
 monstrent bien qu'il n'estoit point Arabe; & pour-
 ce demeure suspect. Que sil eust esté Arabe, & non
 9. arg. Iuif; il n'eust point eu l'Esprit de Dieu apres la mort
 de Moÿse, comme tiennent les Hebreux; selon qu'il
 est escrit, *Exod. 33.16. Admirabiles erimus ego & populus*
tuus: que le S. Esprit à esté osté aux Gentilz, apres la
 mort de Moÿse: qui est vn argument suffisant pour
 ne l'admettre au nombre des liures canoniques. Les
 10. autres disent, qu'il estoit contemporel à Moÿse, car
 il vse, *De pho, Vbi, nunc, nunquid*, dont Moÿse vse sou-
 uent, *Genes. 27.33.37. Genes. 37.16. & Iob. 4.7. Iob. 9.24.*
 11. *Iob. 17.15. Iob. 19.23. Iob. 38.4.* Or qu'il fust cōtemporain
 à Moÿse, ce liure icy le monstre. *Iob. 21.29.* Vous auez
 interrogé les viateurs, & n'aez point nié les mira-
 cles au desert: ce qui monstre alois y auoir heu quel-
 ques hommes estrangers; mais que ce fust Iob, nulle
 escripture ne le dict: & pour-ce, ce liure n'est canoni-
 que.

SECT. X.

12. Sainct Gregoire en ses commentaires sur Iob, &
 aucuns autres, ont estimé qu'il estoit du temps des
 Iuges, long temps apres Moÿse: car il faict mention
 que de son temps, toutes choses estoient plaines de
 vanité, *Iob. 27.12* qui estoit du temps des Iuges, quād
 vn chacun faisoit ce qu'il luy plaisoit, *Judic. 17.6. Jud.*
18.1. Judic. 19.1. Salomon monstre cette vanité perpe-
 tuelle, *Eclesiast. chap. 1.* Et pour-ce, Ce Iob de sainct
 Gregoire, qu'on ne sçait assurement quand il à esté,
 monstre qu'il ne merite certitude canonique. Le Pa-
 13. raphraiste Caldean sur Iob, *chap. 1.1.* ne le faict Iuif,

ny Idumean, ny Arabe, ains simplement Armenian: ce qui rend son origine, & son temps, & le liure incertain, & d'obscure naissance. Aucuns disent qu'il estoit souz le regne de Dauid quand on cherchoit les plus belles filles, 3. *Reg.* 1. 2. 3. 4. comme estoient les filles de Iob, *chap.* 42. 15. ce qu'estant incertain, rend le liure non canonique. Les autres Rabins, le mettēt souz le regne de Salomon, au temps duquel les Sabeans nommez en Iob, *cap.* 1. 15. estoient frequens & cogneus: Mais attendu que les Sabeans ont esté cogneus en autre temps, aussi bien que souz Salomon; il sen suit que telle histoire ne peut mōstrer son tēps determiné, ce qui la rend de foy suspecte. Autres Rabins l'estiment auoir regné en Orient, du temps de Nabucodonosor, car il est fait mention expresse, *Iob. chap.* 1. 17. des volleurs & ennemis Caldeans; & toutesfois demeure incertain en quel temps cela aduint: ce qui declare le liure suspect. Aucuns disent, que Iob estoit du temps d'Assuerus, quand on cherchoit les belles pucelles, comme estoient les filles de Iob, *chap.* 42. 15. pour ledict Assuerus: *Ester cap.* 2. 2. Mais ce temps n'estant pas bien certain, rend ce liure douteux. Qui plus est, les Hebreux disent, qu'il estoit asseurement apres la captiuité de Babilone, selon l'ordre des personnes, & du temps recité par le Prophete Ezechiel, *chap.* 14. 14. Que si Nohé, Daniel, & Iob estoient au milieu d'elle (de ceste terre) par leur Iusticé ils deliureront (seulement) leur ame, dict le Seigneur: Or Daniel estoit en la captiuité de Babilone: & Iob est exprimé apres Daniel, aussi bien Daniel, apres Nohé: cela monstre clairement, que ce Iob icy, estoit apres la captiuité Babilonique. Certes si ce Iob icy auoit esté vn grand Sci-

gneur au monde, dont l'histoire fust racontée; on ſçauroit expreſſement & diſtinctement, la perſonne ſingulière, vœu qu'il y en à eu pluſieurs qui ont eu nom Iob: on ſçauroit particulièrement ſon extraction, & ſon origine, & en quel temps il a veſcu: ce qu'eſtant tres-obſcur, & incertain, declare aſſez que ce liure n'eſt point vne hiſtoire vraye & ſacrée.

SECT. XI.

30. arg. L'on ſçait que les ſacrées apologues, ænigmes, & paraboles, ſont ſi bien & ingenieusement feintes, & controuuées, que l'on les pourroit prendre pour hiſtoires: cōme les eſtats generaux des arbres, pour l'election d'un Roy, *Judic. 9.* Item la brebis du pauvre homme, propoſée par Nathan à Daud, *2. Reg. 12. 1.* l'homme deſcendant de Ieruſalem en Hierico, *Luc. 10. 30.* Auſſi les eſcriuains comiques & tragicques, introduiſent certains perſonnages en leurs ſcenes, fueilles, & eſchaffaux, pour contrefaire les autres: comme ſont Pamphile, Birria, Dauus, Oedipus, & ſemblables en Terèce, & Plaute, *In Pænulo*, preſente un quidam, *Hanno*, parlant le langage Affricain. Ariſtophane auſſi en la Comœdie dictée, *Archanea*, introduit un Barbare parlant un langage Perſan. Et noſtre Seigneur propoſe deux enfans, l'un prodigue, & l'autre mal contant: Ainſi l'auteur de ce liure, au lieu d'une certaine hiſtoire, à propoſé des ſimilitudes, & paraboles ingenieusement controuuées.
21. Car pour monſtrer un Iob; c'eſt à dire un homme hurlant, & fort affligé, voire expoſé à toute miſere: homme en exemple de patience, & precepteur d'eſperance en la prouidence de Dieu; rien ne pouuoit eſtre inuenté, & apporté plus à propos, que ce que dict & paſiſt ce Iob icy: Et le premier qui vient à ce

Iob pour le consoler, est appellé *Baldat*, c'est à dire ancienne dilection, *Iob. 1. 11. Iob. 4. 1. Iob. 8. 1.* auquel sadioint *EliphaZ*, c'est à dire, or de Dieu; ou effort de Dieu. En quatriesme lieu se presente, *Sophar*, c'est à dire, la trompette publicque. Apres ceux-là, *Eliud* luy mesme; c'est à dire, Dieu parle en son rang; & Sathan n'y oublie rien de sa méchanceté, dont on le peut soupçonner: qui monstre assez clairement que ce liure est vne parabole, & non histoire. Lisez les liures canoniques, voire l'ornee oraison de la femme ²² Thecuite, 2. *Reg. 14. 4. 9.* & vous n'y trouuerrez iamais vne telle Comédie, ou Tragedie: Car ce liure du S. Iob dict, qu'il n'a peché en ses actions quand à sa personne, & s'il y a de la faute; ce n'est pas en ses œuvres, & paroles; ains en la codition commune des hommes, & de leurs passions & miseres, qu'il representoit & corrigeoit. On allegue que Iob est ca- ²³ nonisé en Ezechiel, *chap. 14. 14.* A quoy on respond que Iob, estoit vne parabole cogneuë & vsitee entre les Hebreux, pour les instruire & former à parfaicte Iustice, & non pas vne histoire qui fust aduenue à la verité, comme disent les Docteurs Hebreux. Que si on la veut opiniastrer pour histoire, ce Iob sera selon l'ordre du Prophete Ezechiel, apres la captiuité de Babilone, & non descendu de Nachor, dauant Moyse, *Genes. 22. 21.* ny yssu d'Esau, *Genes. 36. 33.* ny fils d'Issachar, *Genes. 46. 7.* ains vn homme inuenté ingenieusement, pour exemple de patience.

SECT. XII.

Quand au tesmoignage prins de Tobie, *chap. 2. 12.* ²⁴ Ce liure n'est canonique entre les Hebreux, mesme selon le rapport de S. Hierosime; parquoy il ne suffit pour auctoriser suffisamment ledict liure de Iob:

joinct qu'en plusieurs lieux de l'écriture, sont rememorez plusieurs liures, & auteurs; combien qu'ils ne soient point canoniques: aussi on prend les paraboles vſitees, & teſmoignages des bōs auteurs, combien qu'ils ne soient point canoniques: comme à faiēt S. Paul, d' Aratus, Epimenides, & autres. Ce

25. arg. n'est à propos de citer l'epiſtre S. Iacques, *chap. 5. 11.* qui propoſe Iob en exemple de patience, car ceſte epiſtre n'eſt receuē d'aucun Iuiſ, pour eſtre efficace à canonifer le liure de Iob. Et pluſieurs des anciens (diēt Euſebe) *lib. 2. hiſt. Eccleſ. cap. 22.* en ont douté: Et de noſtre temps Luther, voſtre premier Docteur, au preface du nouveau teſtament à Hyenne, la pronōcée indigne de l'eſprit Apoſtolique. Vitus, Theodorus predicāt de Nuremberg, la obmiſe de propos deliberé, *pag. vlt. annotationem noui teſtamenti.* comme reprehensible, & rapiccée de parties, qui ne ſe raportent l'une à l'autre. Pomeran miniſtre de Vitemberg, ſur le 4. chap. des Romains, la repréd comme erronee & impie, contre les écritures, touchāt la iuſtice de la Foy. Les Centuries nouuelles de la Religiō reformee, eſcrites par les plus indicieux perſonnages à Magdebourg; ſopugnent comme non canonique. *Centur. 1. lib. 2. cap. 4. pag. 54.* Et poſé le cas que l'epiſtre fuſt de S. Iacques, elle ne feroit Iob canonique, non plus que S. Iude citant Enoch, *cap. 1. 14.* ne l'a pas faiēt canonique: ioint, qu'il l'allegue pour exēple, & non pour hiſtoire. Finalemēt, les Hebreux au Thalmud *Seder reuinqhi, Nezikim, Maſſequet, Scheloſcha, Pabna, Baua,*

26. arg. c'eſt à dire, au corps de la doctrine commune & ancienne, en l'ordre quatrieſme, intitulé des dommages, au troiſeſme traicté, en la partie troiſieſme des achaptz & venditions: aſſerment que Iob n'a iamais

esté entre les viuans au monde : ains seulement que c'est vne parabole ingenieusement trouuee, pour recommander la prouidence de Dieu, & pour enseigner patience aux hommes. Telle est entiereement l'opinion de Rabbi Moscheh Maimon, l'un des plus doctes Hebreux, qui soit selon les Iuifs & les Chrestiens, au liure qu'il à nommé, *More neuuchim*, c'est à dire Docteur & conducteur pour resoudre les doutes de l'escriture, *chap. 23. Rabbi Schem Tof*, sur Iob, dit, que c'est vne parabole qui se peut accommoder à toutes personnes, & à tous temps, pour exemple & instruction de patience: Tellement que celuy qui est cōtinuellemēt en aduersité, & l'endure patiemment, est tous-jours iuste; & celuy qui n'a iamais d'aduersité, est communément iniuste : Dont est euident que le liure de Iob n'est point vne histoire canonique.

SECT. XIII.

Pour rabaïsser la trop licentieuse temerité des Religionnaires, j'ay rapporté ce qu'aucūs Heretiques y ont obiecté, ou pourroient obiecter : Je l'ay faict aussi, pour-ce que se sont liures, ausquels on auoit moins contredict: Car si i'eusse voulu avec les Marcionites, Arabbes, & Manicheans, oppugner les liures de Moyse, ou les Prophetes, ou la diuersité irreconciliable des liures, & exemplaires en apparence du vieil testament entr'eux, ou avec le nouueau; i'eusse mōstré vne plus apparente que celle de Beze, qui dict. *Actu. 7. 15. 16.* (pressé de la difficulté) que cet erreur ne doit offencer personne, ny faire douter aucun de l'autorité de la parole; car cela est aduenü par l'iniure du tēps, par la feuerité des persecutions, par la fraude des aduersaires, par l'audace des heretiques, par l'ignorance & lascheté des pasteurs. On dict à Beze, qu'il est autāt probable que d'autres endroitz

soient corrompus, que ceux-là; voire mesme qu'il ne reste en l'escriture aucun vestige de telle corruptiō. Noz anciens ont veu ces passages là; & n'ont eu recours pour la solution, aux corruptions des exemplaires. Que fera Beze à vn autre predicant, qui ne voudra croire ces chansons nouuelles, & dira que c'est l'inuention de Meheimmet, qui dict; que le vieil & nouueau testament ont esté corrompuz par les rabbins des Iuifs, & par les Presttes Chrestiens: parquoy ne meritent foy contre l'alkoran. Ioinct que Beze ne prouue pas les iniures qu'il vomist contre les sainctes escritures: car si ce qu'il dict est vray, la porte est ouuerte à oster des escritures, toute diuine authorité, comme monstre S. August. liure II. chap. 2. contre les Manicheans, disant. *Que feras tu Manichean, si vn autre dict, que les passages ailleurs, que tu dis faire pour toy, ne sont que pieces rapportees: & ce qui fait pour moy, contre toy, est vray & authentique, alors que diras tu? Que si tu mets en auāt vn exemplaire, qui ne consent point avec le sien, il prononcera que tout ton liure est suspect, que feras tu? Ne confirmeras tu pas son authorité, & verité, par l'usage des Euesques; qui ont succedé l'un à l'autre par ordre continuel, & par la diligente perquisition, qu'en ont fait les Synodes, & consentement des peuples.* S'ensuit en S. August. lib. 17. contre Fauste, chap. 3. *Vous qui en l'Euangile croyez ce que voulez, & ne croyez point ce que ne voulez pas, vous croyez plus tost à vous mesmes, qu'à l'Euangile. Ne voyez vous point, ô Manicheans & Religioneux, dist S. August. lib. 32. in Faust. cap. 19. Que vous faites en telle façon, que l'auctorité de l'escriture est ostee du tout, quand vous permettez à vn chacun, d'approuuer, ou reprobuer aux diuines escritures, ce qu'il luy plaist, selō sa fantaisie: Tellemēt que l'homme n'est point suiet à l'auctorité des escritures, ains assujettist à soy-mesme l'auctorité desdites escritures.*

Sainct Irenee, *lib. 3. cap. 1.* contre les Guenots, dit: Aucuns ont osé dire, que les Apostres auoient presché, auant qu'auoir eu la parfaicte congnoissance de la verité, & se glorifient d'estre emendateurs des Apostres. Et ceux de nostre temps se glorifient d'estre emedateurs de l'Eglise, & des Docteurs. Et au chap. 2. contre les Heresies de son temps, dict: que Cerinthus, Valentin, Basilides, & Marcion, estoient si peruers, deprauez, & sans honte; qu'un chascun d'eux se preschoit estre la regle de verité: Et quand nous les prouocquons à ceste tradition gardee és Eglises depuis les apostres par la successiõ des prestres, ils contredisent à la tradition; disans, que non seulement ils sont plus sages que les prestres, mais aussi que les mesmes Apostres; & qu'ils ont trouué la pure verité, & que les Apostres auoient meslé aux paroles du Seigneur, les choses legales. Iusques icy le S. Martir Irenee, qui rapporte le langage des anciës Heretiques, presque semblable à celuy des Religioneux. Tertull. *lib. de prescript. cap. 17.* dict. *Cette heresie ne reçoit pas toutes les escritures, & quand à celles qu'elle reçoit, onques ne cesse d'y adionster, ou diminuer, iusques à ce qu'elle les aye détournées, pour en accommoder son dessein: plus si elle en reçoit aucunes, elle ne les reçoit entieres, & si elle les maintient entieres en quelques passages, encore controuue elle diuerses expositions pour les renuerser. En verité autant nuist leur fauce interpretation, que leur fauce leçon ou version.* Iusques icy Tertullien. S. August. contre les Manicheans, *heres. 46.* dict. *Les Manicheans maintiennent, que Dieu qui a donné la loy par Moïse, & qui a parlé par les Prophetes, n'est point le Vray Dieu, ains un des Princes des tenebres: les mesmes Manicheans lisent les escritures du nouueau testament cõme falsifiées,*

GENERAL EXAMEN

pour prendre de la , ce qu'il leur plaist, & en rejetter ce qu'ils ne veulent point. A cecy est conforme Clement Alexādrin, *lib. 7. Strom.* Si ceux qui suiuent les heresies, osent vser des escritures Prophetiques, premierement ils n'vsent pas de toutes : apres, elles ne sont parfaites entieres; & n'en vsent pas selon que dict le corps & tissure de la Prophetie : & eslisans ce qui est dict ambiguëment, ils le diffament & trāsportent à leurs propres opinions. Ces tesmoignages là; montrent assez clairement que les sectaires ne croient proprement, simplement & entierement aux diuines escritures: ains seulemēt à leurs opinions. Item que le chemin qu'ils tiennent pour discerner les escritures apocriphes & prophanes, d'auec les canoniques, est vne manifeste ouuerture à despouiller lesdictes escritures, de toute autorité, & certitude. De mesme façon S. Eusebe raporte, *lib. 5. hist. eccles. cap. 27.* que les Arthemonites & Theodotes, deprauiroient audacieusement les escritures, & abregeoient le Canon de l'ancienne foy : car ilz ne croyoiēt pas les sacrées & diuines escritures, dictes du S. Esprit : & ainsi sont infidelles, & se font plus sages que le S. Esprit: enquoy ils sont incēsez, & agitez de l'esprit maling.

S E C T. XV.

On dira, les chefs des Religioneires ne tiennent point ce langage des Guenots ou Manicheans, contre les sainctes escritures receuës en l'Eglise, ny contre nostre Seigneur, ny contre les Apostres : leurs escrits publicqs en font foy, contre la calomnie de leurs ennemis. Mais nous leur obiectōs en premier lieu, que l'epistre de sainct Iacques à obtenu auec le temps autorité canonique, comme dict S. Hierosime, *de scriptoribus Ecclesiasticis*, & Euseb. *lib. 2. hist. eccles.*

cap. 22. Et ledict S. Hierosme en prend tesmoignage comme d'escriture sainte, *lib. 1. in Iouinia. cap. 24.* Et toutesfois les centuriateurs de Magdebourg la reiectent du canon Ecclesiastique, *Centur. 1. lib. 2. pag. 54.* Et Lurher au preface du nouueau testament à Hyenne, la repudiee comme contentieuse, enflée, aride, pailleuse, & indigne d'esprit Apostolic. Qu'est-ce que cela? Sinon se faire Iuge du S. Esprit, & du canon des diuines escritures: n'est-ce pas ouurir la porte à vn chascun, pour nier l'escriture canonique, selon son plaisir & fantaisie, pour quelques apparentes raisons (comme nous auons proposé) contre les diuins liures des Cantiques, & de Iob? Calvin dict, qu'il ne peut estre amené à croire, que S. Paul soit l'autheur de l'epistre aux Hebreux: Mais par quelle escriture amenera-il les autres à croire, que le saint Esprit en est l'inspirateur? Tous les Theologiens Grecz, faccordent qu'elle est de S. Paul. Tous les exemplaires Grecz & Latins, portent qu'elle est de S. Paul. Il n'y à aucun exemplaire, qui die qu'elle n'en est pas. Beze rapporte au preface de ladiete epistre, qu'il à veu vn exemplaire, ou il y auoit seulement, *l'epistre aux Hebreux*, mais cest exemplaire là; ores qu'il fust, seroit seul: & tous les autres ont, *Epistre de S. Paul aux Hebreux*. Et comme cest exemplaire ne dict pas que cette epistre soit de S. Paul, aussi il ne nye pas qu'elle n'en soit point. S'il la falloit reiecter, pour-ce que le nom de S. Paul n'y est pas, cōme aux autres epistres: à plus forte raison, il faudroit confesser aux Anabaptistes, que les Cantiques des Cantiques, qui n'ont point le nom de Salomon au premier verset, comme les Prouerbes & l'Ecclesiaste, ne seroient point canoniques. Si la diuersité du style

suffisoit à confirmer qu'elle n'est point de S. Paul ; à mesme raison l'Euangile S. Iehan , ses Epistres & son Apocalypse, qui sont de fort diuers style , monstrent qu'ils ne sont point d'un mesme S. Iehan.

SECT. XVI.

Comment n'est-elle point de S. Paul , veu qu'il faict mention de Timothee, *Heb. 13. 23.* deliuré de prison, & qui deuoit venir à Rome ; où saint Paul en ses liens esperoit le voir volontiers, *Philip. 1. 7. Collocen. 2. 18.* Calvin dict, *argumento in epist. ad Hebræos. Que par ce mot (Timothee) saint Paul se descouvroit, & se donnoit assez à connoistre.* Pourquoy donc Calvin ne peut il croire qu'elle est de S. Paul, puis qu'il y donne assez à connoistre son nom ? Si elle n'est point de S. Paul, & Calvin ne le peut croire ; pourquoy la cite-il expressement souz le nom de S. Paul, *li. 1. Instit. ca. 13. sect. 23. & lib. 2. cap. 12. sect. 1. & de rechef fort souuent souz le nom emphatique de l'Apostre, lib. 1. Instit. cap. 13. sect. 7. 11. 26. & cap. 14. sect. 9. Item, lib. 2. cap. 8. sect. 29. & cap. 13. sect. 2. 12. ac cap. 15. sect. 1. & cap. 16. sect. 2. 7. & lib. 3. cap. 2. sect. 16. & cap. 20. sect. 12. 17. lib. 4. Instit. cap. 8. sect. 7. & cap. 15. sect. 22.* Cela mostre que Calvin parle en catholique, & l'entend à la caluinique ; c'est à dire sans en croire rien. L'auteur de l'epistre aux Hebreux *cap. 2. 3.* dict, qu'il a esté confirmé en ce salut annoncé par ceux qui l'auoient oy immédiatement de nostre Seigneur : Où il faut noter, que cet auteur ne dict pas, qu'il aye prins ce salut premierement des Apostres, ny par voye humaine ; ains seulement qu'elle luy a esté confirmée par ceux qui l'auoient ouye de nostre Seigneur : Ce qui conuient à S. Paul, qui fut rauy au tiers ciel, *2. Cor. 12. 1. 2. 3.* & renuoyé à Ananias pour estre cōfirmé par l'imposition des mains, & baptisé

& baptisé, *Act.* 9. 10. 17. 18. 20. Et aussi monta en Ierusalem aux Apostres, pour leur cōmuniquer sa predication de l'eüägile, peur de courir, ou d'auoir couru en vain. *Galat.* 2. 2. 9. Ce que l'auteur de l'epistre aux hebreux, *cap.* 6. 1. 2. 3. raporte le catechisme, c'est à dire l'instruction premiere & de viue voix, dont S. Paul vsoit pour instruire en l'Eglise, 1. *Corinth.* 14. 19. *Galat.* 6. 6. monstre bien que le temps & discours de ceste epistre, conuient tres-bien au temps de S. Paul, contre l'ignorance de Calvin : Aussi S. Luc, *cap.* 1. 4. dict, qu'il à esté instruiet plainement par le catechisme Chrestien, que l'on faisoit en profession, mesmes auant le baptesme, & auant que les sainctes escritures fussent escrites. Ce que les Religionnaires confirment assez clairement, long temps apres qu'elles ont esté escrites, disans en leur catechisme aux parrains & mairaines. *Puis qu'il est question de recepuoir cest enfant en la compagnee de l'Eglise Chrestienne, vous promettez quand il viendra en aage de discretion, de l'instruire en la doctrine, laquelle est receuë au peuple de Dieu, comme elle est sommairement comprinse en la confession, que nous tenons tous Apostolique, Credo in Deum.* Et apres auoir prononcé distinctemēt tous les douze articles de la Foy, comme ils sont exprimez audit Simbole apostolique; Le ministre dict aux parrains & mairaines. *Vous promettez donc de mettre peine de l'instruire en toute ceste doctrine, & generalement en tout ce qui est comprins en la sainte escriture du Vieil & nouveau testament, à ce qu'il le recoiue comme certaine parole de Dieu, venant du Ciel.* En quoy ils monstrent clerement, que l'escriture sainte est la deffence de la foy Chrestienne, & non le premier fondement, qui est asseurement du catechisme & tradition.

Caluin dict en l'argument de l'epistre aux Hebreux, & au chap. 9. 16. Que l'epistre aux Hebreux à esté escrete en Grec : car *Diathiki*, signifie alliance & testament, mais non pas le mot Hebreu, *Berith*, qui ne signifie qu'alliance, & non point testament. Nous demandons à caluin vne escriture pour prouuer son dire du mot *Berith*, fil n'en à point, qu'il nous cite quelque ancien ou recent Rabin, qui die que *Berith*, ne signifie point testament. Si *Berith*, ne signifie testament vieux & nouveau, & non seulement alliance: pourquoy est-ce que Ieremie, *cap. 31. 31. 32. 33.* les appelle l'un & l'autre *Berith*, testament confirmé par mort, par sang, & par sacrifice, en remission, & redemption des pechez: cōme l'ont interpreté nostre Seigneur, & les diuines escritures. *Zach. 9. 11. Math. 26. 28. Marc. 14. 24. Luc. 22. 20. & 1. corinth. 11. 25.* Si *Berith*, ne signifie point testament, aussi bien qu'alliance: pourquoy est-ce que le mot *Berith*, *Exod. 24. 8.* à esté tousiours traduit par *Diathiki*, qui signifie l'un & l'autre? On pourroit coniecturer que Caluin, & les siens, qui n'en scauoient que par Sanctes Pagninus, Iacobin Lucquois, predicateur Apostolicque, & Docteur insigne; ont voulu sur-ce mot, *Berith*, triompher. Mais attendu que ledict Docteur Pagninus n'en à rien dict excellemment, Caluin en à parlé comme homme qui n'y entendoit rien solidement: Peut estre aussi que Bonadventure Bertrand Corneille, de Thouars (mon bon & docte amy) n'en ayant rien dict en son enrichissement à Calepin: sur le mot *testamentum*, Caluin à pensé qu'il n'y auoit point de mot en Hebreu, qui signifiait testament & derniere volōté, confirmée par la mort du testateur, ou d'un

animal en son lieu: car les Juifs ont esté les premiers qui ont eu l'alliance avec Dieu, & declaration de sa bonne & derniere volonté, de mourir pour nous: qui est vn vray testament, apres l'establissement duquel il est mort souz ledict vieil testament mystique-ment, en oblation & sacrifice des animaux. Au nouveau, en mourant en propre personne humaine. Or l'alliance, precede le testament: car l'on ne teste, qu'à ces parens, heritiers, & amys: & pour-ce le testament s'uyt & suppose l'alliance, & la mort en est la confirmation. Qui est cause que *Berith*, signifie alliance, testament, & mort: qui montre la stupide & temeraire ignorâce de Calvin. Il faut que les Religioneux apprennent des Doctes Hebreux, qu'un verbe souvent à plusieurs significations, & non vne seulement, & ce pour diuerses raisons. Secondemēt, qu'il y-a diuerses racines, dont on peut tirer vne mesme diction, comme *Berith*, venant de *Barar*, purifier; où de *Bara*, créer; où de *Barab*, eslire; où de *Bere*, retrâcher, couper, arracher, & defricher: signifie chose arrestée, esleuë, alliée, créé, arrachée, couppee, & retranchée iusques à la mort: qui est vne des raisons, pourquoy, *Berith*, signifie alliance, retranchement, & testament: Et de là vient, que maistre Iehan Forster Lutherien, & professeur tres-laborieux de la sainte langue, à Vuittemberg, en son Lexicon Hebreu, deduisant *Berith*, de *Barar*, & *Barab*, l'interprete alliance; en laquelle il faut vne grâde pureté; sans hypocrisie, & vn choix & eslection bien meure, & examinée. Les autres tirent *Berith*, retranchement, arrest de derniere volonté, & de vie, succition, & mort, de *Bere*, par deux *There*, separer, mettre à part, retrancher, abatre, & faire mourir. *Numer. 16. 30. Iosue. 17. 15. 18.*

Ieché 23. 47. Ce que Calvin avec les Religioneux ne considerans point, ont pensé la langue Grecque plus copieuse en significations, que l'Hebraïque: combien que ce soit tout le contraire, car l'Hebraïque est la plus copieuse en multiplicité, & emphase de significations: & la plus briefue en multitude de dictions. De la vient, que *Berith*, signifie plus parfaictement alliance, testament, & retranchement; que ne faict *Diathiki*, aux Grecz.

SECT. XVIII.

Or que ce mot, *Berith*, signifie alliance, & dernière volonté, confirmée par la mort du testateur, comme argumente S. Paul aux Hebreux, *chap.* 9. 15. 16. 17. 18. 19. 20. il est manifeste: car si *Berith*, n'eust point signifié proprement testament, aussi bien qu'alliance: les Juifs ce feussent moqué de cest auteur, qui eust mal tourné *Berith*, par *Diathiki*, qui signifie l'un & l'autre. Les Juifs de rechef luy eussent dict; la verité de Religion, suivant les alliances & testamens, ne depend pas des mots de la version Grecque; pour argumenter comme vous faictes, en vertu de ceste diction *Diathiki*, ains dépend de la propriété de la sainte langue: parquoy si *Berith*, ne signifie testamēt en Hebreu, vostre discours fondé sur *Diathiki*, & non sur *Berith*, est nul, & sans energie. Attendu donc que les Juifs (plus doctes en Hebreu que milles Calvins) n'ont iamais nyé, ny obiecté que *Berith*, ne signifiait testament; Calvin demeure temeraire & ignorant; & fraye ouvertement le chemin à ceux qui impugneront l'autorité des escritures canoniques. Il faut sçavoir qu'és alliances fixes, & arrestées, que faisoient les anciens, comme dernière volonté des uns envers les autres, ils les establiſſoient par effusion de sang des

animaux sacrifiez, desquels les parties estoient tranchees d'un costé & d'autre, & passoit on au milieu, & puis on goustoit desdictes oblations, *Genes.* 15. 17. *Genes.* 21. 27. *Ierem.* 34. 18. 19. Et pour-ce, le mot *Berith*, signifie alliance, testament, retranchement, & mort. Or apres que l'alliance estoit faicte, à cette fin que ceste derniere volonté demeurast cōme perpetuelle, & vallable, on l'escriuoit, on la grauoit en pierre, en metal, ou en parchemin, & papier. *Exod.* 31. 18. *Ierem.* 31. 31. 32. 33. De la vient, que pour-ce que la loy, qui estoit l'alliance de Dieu, & derniere volonté, estoit gardée en l'Arche, elle estoit dicté l'Arche d'alliance: 3. *Reg.* 8. 1. 6. 21. *Hebr.* 9. 4. Il demeure donc cler & arresté, que *Berith*, signifie alliance & testament. Car les sacrées alliances qui estoient, sont, & seront, la derniere volonté de Dieu, ne sont point faictes sans effusion de sang, ny sans sacrifice, ny sans mort violente de quelque animal, ou de quelque homme: & pour-ce que Dieu, qui n'a point de corps, ne pouuoit mourir, on mist les animaux au lieu, *Exod.* 24. 5. 6. 7. 8. *Numer.* 19. 1. 2. 3. 4. 5. comme vn gage certain, que Dieu luy mesme mourroit, ce qui estoit impossible, fil n'auoit vn corps: Et pour-ce, en la fin du temps déterminé, il s'est faict vray homme au sacré ventre virginal, conçu du S. Esprit, & né de la vierge Marie: & finalement à enduré visiblement mort & Passion souz Ponce Pilate; pour confirmer l'alliance & testament, selon sa promesse. *Daniel.* 9. 26. 27. *Zacha.* 9. 11. Dont est euident que S. Paul en l'epistre aux Hebreux, n'a pas fondé son discours des testamens, sur le mot, *Diathiki*, car il eust esté insuffisant: ains sur le mot *Berith*, qui manifestement signifie alliance, & testament.

GENERAL EXAMEN

SECT. XIX.

Il faut noter que les Iuifs ont nié la vraye eiection des Diables, & l'ont attribuée à Belzebuth : Autant en faiçt Caluin contre l'Eglise, *Math. 12.25.* disant, *Les coniuurations des Diables en la Papauté, ne sont autre chose que de fins tours de Sathan, faisant mine de combattre contre soy-mesme : Ioinct que quelquefois les Diables sont tellement transportez d'un estourdissement auenuglé, qu'ils se destruisent eux mesmes.* Quelle escriture dict cela du Diable, quand il est coniuuré, vaincu, mocqué; & malgré luy ietté hors par les exorcismes frequens en l'Eglise? Ce seroit à Caluin de prouuer son dire: car c'est hors l'Eglise qu'il se mocque, & traicte mal les exorcistes, qui inuoquent faulxement le S. nom de Dieu. *act. 19. 13.14.15.16.17.18.19.* Demandez-le à vostre Patriarche Luther, qui se meslant d'exorciser vne fille de Misnie l'an 1545. fut durement traicté de son maistre le diable, *Tom. 7. pag. 228.* & peut-estre y fust-il demeuré, n'eust esté Frederic Staphile, pour lors son disciple, qui avec vne coignée, rompit la porte de la secretainerie de Vviremburg, pour dōner yssuë à son maistre Luther. *Staphilus Apolog. 2.* Pourquoi dict nostre Seigneur, qu'en son nom on iette les diables hors, *Math. 7.22. Math. 12.25.* Si telle yssuë du malin, n'est qu'une feinte & imposture de Satan, comme dict Caluin, qui auance & conserue le regne de peché, & de Satan, le plus qu'il peut: Pourquoi en vse lon en l'Eglise; & pourquoi nostre Seigneur l'a-il attribuée à son nom? Si l'eiection de Satan, n'est qu'un faux semblant du diable contre soy-mesme, où si ce n'est qu'un estourdissement qui le forcene à se destruire soy-mesme, selon Caluin; Pourquoi nostre Seigneur attribue-il l'eiection des démons, *Math. 17.20.21. Mar. 9.28.29.* au ieune, & à l'oraison; & non aux impostures de Cal-

uin ? Nous disons que Satan vſe de collusion , d'autorité, & feinte, contre vn autre diable, ſans que l'inuocation du nom de Dieu y interuiène: mais non pas quand il eſt adiuré, & contrainct par l'inuocation du S. nom de noſtre Seigneur Ieſus Chriſt; car alors, en vertu d'un tel ſainct nom, nous commandons, nous deteſtôs, deſdaignons, meſpriſons, & chaſſons Satan avec contrainte de ſortir du lieu ou il eſt, & donner gloire à Dieu: à celle fin qu'un chaſcun cognoiſſe ſon impuiſſance, & nuifſance. Que ſi Satan ainſi contenné, meſpriſé & vaincu; diſt qu'il conuiue & collude avec vn ſien cōpagnon, qui le croira? N'eſt-ce pas le langage qu'il tint par ſon miniſtre, à Iulien l'apostat, quand il fut cōtraint ceder au ſigne de la Croix, en diſant, que c'eſtoit l'horreur & deteſtation des Chreſtiens, en la ſuperſtition du ſigne de la Croix, qui l'auoit faiſt ceder; & non pas vne maiesté celeſte du filz de Marie, & du cherpétier Ioseph Galilean ? *Theod. lib. 3. cap. 3. Sozom. lib. 5. cap. 2.* Les Arriés auſſi diſoient, *Ambroſ. Sermon. 91. Ce ne ſont point vrais tourmens des démons, ains mocqueries & riſées feintes des diables.* Les Iuiſs en vomifſoient autant contre noſtre Seigneur, *Luc. 11. 15.* & Calvin les ſurmonte parlant contre noſtre Seigneur, qui à argumenté (ce diſt) par prouerbe, ou ſimilitude, ou coniecture ſeulement; & non ſolidement: Auſſi il impute à l'Egliſe, qu'elle iette les diables hors, par la collusion de Beelzebuth, *Math. 10. 25.* comme Dieu auoit Prophetiſé. Enquoy nous voyons manifeſtement, que Calvin transporté de paſſion contre l'Egliſe, maintient & conſerue le regne & puiſſance du Diable, plus puiſſamment & ſinemét, que les Iuiſs, & Arriens : Nous voyons que Calvin eſt plus ſoldat du malin, q̃ les Iuiſs meſmes.

Voici que dit Calvin sur S. Mathieu ch. 12. 25. *Il nous faut entendre, que Christ à tellement vsé de proverbes cōmuns, que ça esté pour s'en servir cōme de coniectures vray semblables, & non pas comme de probations necessaires: Et puis il n'estoit besoin en faict notoire, dont il y auoit plusieurs tesmoins, chercher preuue d'ailleurs, tout le monde sçauoit que Christ ostoit la possession à Satan, & tous ces miracles tendoient à ceste fin. Iusques icy Calvin.* Voyons dequoy il est question. Nostre Seigneur à ietté dehors vn Diable sourd, & muet en ses effects, & les troupes s'en sont esmerueillées, *Math. 12. 22. 23.* Et les Scribes & Pharisiens dirent, que c'estoit en la vertu du Prince des Diables, nommé Beelzebuth, qu'il faisoit cela: nostre Seigneur ne dit point comme Calvin, le faict est notoire, vne multitude de tesmoins presens l'ont veu, & pour-ce il n'est besoin de chercher preuue de loin: & d'ailleurs que ce n'est point en vertu de Beelzebuth que ie l'ay faict, ains au doigt de Dieu, & par son esprit, *Math. 12. 27. 28.* Item nostre Seigneur ne dict point, tout le monde sçait bien que ie suis venu pour deposseder Satan, & tous mes miracles tendent à cette fin: car les Scribes & Pharisiens se fussent mocquez de luy, & eussent dict: nous ne disputons point du faict & miracle notoire, car les enchanteurs de Pharaon ont faict cōtre Moysse: aussi nous ne mettons point en debat, assauoir si le Messie depossedera Satan, & fera des miracles: mais assauoir, si tu es le Messie, & si les miracles sont de Dieu, comme tu dis; où de Beelzebuth, comme nous estimons: car tu les fais pour cōfirmer vne doctrine nouuelle & fausse, comme est la transgression, & abrogation du Sabbath, que toy & les tiens transgressiez ordinairement, com-

me est le changement de la circoncision par le baptême, comme est la reprehension de la loy touchant le mariage : Alors il estoit besoin à nostre Seigneur de prouver inuinciblement, & distinctement, qu'il iettoit les Diables hors, & faisoit miracles vrais comme Dieu, & non en la vertu du Prince des Démons Beelzebuth. Que si l'on eust seulement argumenté par proverbes, similitudes & coniectures probables, & non par probations nécessaires, comme dict Calvin sans le prouver, il eust rendu tous les miracles Chrestiens, & toute la doctrine Euangelique incertaine, en la prouvant seulement par coniectures estre de Dieu. Si cela est, comme veut Calvin, nostre Seigneur n'a point esté vn divin, celeste, & inuincible Docteur, ains vn Rhetoricien & Sophiste seulement; qui à prouvé son dire par proverbes, & similitudes, & non par probations demonstratiues & inuincibles. Que si cela est vray, comme Calvin commente; l'Euangile, les miracles, les escritures, & nostre Seigneur mesme, ne meritent qu'une foy de coniectures probables, & non certaines & nécessaires. N'estoit il pas de besoin en vne telle contradiction, que nostre Seigneur conuainquist, & demonstrest la calomnie des Scribes & Pharisiens, & enseignast clairement l'Eglise à discerner l'eiection des Démons, par l'invocation du saint nom de Dieu, d'auec l'eiection que feint faire le Prince des diables, par collusion, où mortelle inimitié des Démons les uns avec les autres ? On voit donc que les Heresiarches en croyant à Dieu, & aux escritures, n'y croyent que par coniectures probables.

SECT. XXI.

Voyons donc si les argumens de nostre Seigneur

GENERAL EXAMEN

concluent bien contre Calvin & les Iuifs. Beze dir, *Math.* 12.26. que la conclusion de ces argumens est certaine, au moyen que l'on y conioigne la doctrine, de laquelle les miracles estoient les sceaux. Mais Beze ne regarde pas, que le debat de nostre Seigneur contre les Scribes & Pharisiens, estoit de la doctrine & des miracles : Assauoir, fils estoient de Dieu, où de Satan. Or nostre Seigneur argumente que le tout est de Dieu. Premièrement, le Diable est vn esprit sçauant, puissant, & naturellement aduisé; & pour-ce il festudie à conseruer son estat, principalement contre ceux qui ne le veulent cognoistre ne seruir. Secondement, le diable est ambitieux, impatient, & superbe, contre la gloire & seruice de Dieu: Il ne voudroit donc pas ceder, obeïr & colluder avec ceux qui l'adiurent au seul nom de Dieu: où il vouloit colluder & vser de faux semblant, il ne pourroit le faire: car la vertu du saint nom de Dieu, le tient gesné & contrainct: car en l'adiurant on luy commande imperieusement, on le desdaigne, on le diffame, on le vilanie outrageusement: ceux là cherchent manifestement la ruyne du regne de Satan, & la gloire & seruice de Dieu. Moy, dict nostre Seigneur, & les miés faisons cela, comme ont fait & font vos exorcistes. Par ainsi nous iettons les Diables hors des corps, & des lieux, par le doigt & l'esprit de Dieu; & non par Beelzebuth, où par sa collusion avec les autres Démons. Comment est-il croyable, que Satan conuiue avec ceux qui l'iniurient, le mesprisent, le diffament, & contraignent par le saint nom de Dieu? Je ne iette donc point les diables hors par Beelzebuth, comme vous dictes. Beelzebuth luy mesme, il iette hors vn autre Diable, où il feint le ietter hors, ce

n'est pas avec l'inuocation du seul nom de Dieu, ce n'est pas avec son dommage & iniure, ny pour la gloire de Dieu, ny pour diminutiō du seruice de Satan: car ainsi faisant il ruinerait son estat, & son regne; ce qu'un esprit aduisé ne fera iamais. Or dira quelqu'un, qui a incité Calvin à fauoriser plus les Scribes & Pharisiens, que nostre Seigneur? Aucuns estiment, que Calvin considerant que les miracles sont la confirmation de la doctrine, *Mar. 16. 17. 18. 20. Luc. 10. 17. 18. 19. Ioh. 5. 36. Ioh. 10. 25. 37. 38. Ioh. 14. 11. Rom. 15 18. 19. & 2. Cor. 12. 12. Hebr. 2. 4.* & principalement la diuine eiection des diables, que lon voit iournellement en l'Eglise catholique, par l'inuocatiō du saint nom de Dieu (& non chez les religionaires, qui n'osent chasser le diable, craignans qu'il ne leur aduiēne comme à Luther leur maistre, & disciple de Satan) Aduisa qu'il valoit mieux disputer des miracles, & tenir en suspens la certitude d'iceux, comme probable par coniectures, que d'en resoudre la discretion & verité: car tout ce que lon pourroit dire en verité des miracles de nostre Seigneur contre les Iuifs, auroit aussi lieu en l'Eglise Catholique cōtre les Calvinistes, selon l'escriture, *Math. 12. 25. 26. 27. 28. Ioh. 14. 12.* Or attēdu que le don d'exorciser a esté tousiours commun en l'Eglise de Dieu, *Math. 12. 27. Act. 19. 17.* & sera perpetuellement comme le premier & le plus grand, *Math. 7. 22. Math. 17. 20. 21. Mar. 16. 17. Luc. 10. 17. 18.* Il s'en suit que les Calvinistes, qui n'ont point ce don; n'appartiennent point à l'Eglise de Dieu: & que leur doctrine du tout priuee de miracles, en l'inuocation du saint nom de Dieu, est semblable à celle des Scribes & Pharisiens, qui n'en auoient ny fauz ny vrais, pour confirmer leurs inuentions & inter

GENERAL EXAMEN

pretations : non plus que les ministres Caluinistes, qui calomnient les vraiz de l'Eglise de Dieu, comme faisoient les Iuifs peruers, ceux de nostre Seigneur.

SECT. XXII.

Les Prophetes & Apostres ont parlé du saint mariage, & autres actions chrestiennes; en paroles chastes, discrettes, & examinées : Mais Luther & Caluin en ont traicté scandaleusement & falement. Luther au sermon 1. du mariage à Vvitemberg 1522. pag. 119. & 120. & 123. tom. 5. *S'il aduient que l'homme soit impuissant à auoir lignée, elle doit venir à son mary secrettement, & lui dire (car le Pape mesme n'y demande point tant de tesmoins, & de raisons) Voicy, mon mary & amy, vous ne pouuez rendre la beneuolence du deuoir de mariage, & ainsi vous m'auiez deceuë; & mon ieune corps aussi, & m'auiez exposée au peril de mon salut, & honneur : il n'y a point de mariage deuant Dieu, entre nous deux; ie vous prie me favoriser tant, que ie contracte mariage occulte avec ton frere, ou avec quelqu'un de ton sang, à celle fin que tels biens ne viennent entre les estrangers : Permits donc d'estre deceu de moy, comme tu m'as deceuë. I'ay passé outre, disant; Que le mary qui ne peut auoir lignée, doit acquiescer à sa femme, autrement elle s'en do t fuir occultement en vne autre terre, & pouruoir à son salut, en se mariant à un autre. La troisieme raison du diuorce est, qu'il y a des femmes tant opiniastrées, qu'elles denient la beneuolence à leurs maris: Icy il est oportun que le mary die, Si tu ne veux, un autre le voudra, Si la maistresse ne veut que la chambriere vienne, il est besoin de l'aduertir deux ou trois fois, & descourir & reprendre en face d'Eglise sa dureté: & si elle n'acquiesce, repudie-la: Comme la Roine Vasty, qui n'acquiesça à Assuerus, qui print en son lieu Esther. Pensez que quand le peuple eut ouy ce sermon libertin de leur faulx prophete Luther, il se licencia à tout adultere, repudiation, & paillardise*

occulte & manifeste : N'est-ce pas là, la licence de la chair renouuellée par vn nouveau Mahomet ? Peut on attendre quelque chose de Dieu, sainct, & religieux ; par instrumens tant licentieux & desbordez à mentir & calomnier ? Calvin sur S. Mathieu 19. 3. *Ils demandent s'il est loisible au mary de repudier sa femme, pour quelque cause que ce soit : Si Christ dict que non, ils crieront que Christ fait meschamment d'abolir la loy : Si Christ dict que ouy, ils allegueront qu'il est plustost macquereau, que Prophete de Dieu, en laschant ainsi la bride à l'affection peruerse des maris.* Or il est certain que nostre Seigneur à dict, qu'il n'estoit point licite à toute occasiõ, de repudier sa femme : & si ne lisons point, que les Scribes & Pharisiës l'ayent crié meschât, comme Calvin, ne qu'ilz ayent dict, qu'il aye aboly la loy : ains seulement, qu'ils ont demandé ; pourquoy donc Moysè leur auoit donné le libelle de repudiation : Et il leur a dict, que ça esté vne permission pour la durezza de leur cœur. Nostre Seigneur a dict, qu'en cas d'adultere, il estoit licite de repudier sa femme ; qui est respondre, *Ouy* : Et lesdits scribes & pharisiens, n'ont allegué comme Calvin, qu'il fust plustost macquereau, que Prophete de Dieu, en disant cela : ce qui monstre clairement que Calvin estimoit peu nostre Seigneur, sa doctrine, & l'histoire de l'Euangile ; en luy disant plus d'iniures, que les Scribes & Pharisiens,

SECT. XXIII.

Après que Calvin à desordonné & faussement interpreté les articles du Symbole apostolique, pour faire descendre nostre Seigneur, tout viuant, aux enfers, auant que mourir ; il prononce, *Que ce que nous croyons des lymbes, & de la descente reelle de Iesus-Christ aux Enfers, comme en vne prison, sont fables ; quelque chose qu'en*

ayent creu les anciens Chrestiens, lib. 2. des Inst. chap. 16. sect. 9.
 Il adioulte bien à ce propos la sentence de S. Pierre,
 1. Petr. 3. 19. ou il est dict, *Que Iesus=Christ est venu, & à
 presché aux esprits qui estoient (non pas à son aduis) en vne pri-
 son, mais comme faisant le guet en vne tour.* En quoy Calvin
 n'a peu impugner les lymbes, & descête de l'ame ou
 esprit de nostre Seigneur aux Enfers, comme dans
 vne chartre: sans desdire le S. Esprit, qui dit par saint
 Pierre; *C'estoit bien la raison que l'ame de nostre Seigneur qui
 est esprit (car ainsi il appelle l'ame raisonnable, Esprit) euan-
 gelisâit aux ames, qui estoient esprits, detenus en chartre ou pri-
 son.* Calvin à son aduis au contraire, dict contre S.
 Pierre, qu'ils n'estoient point en chartre ou prison,
 ains dans vne tour: Si Calvin eust eu quelques figu-
 res pour exposer apparemment son interpretation,
 il n'eust contredit si manifestement à saint Pierre.
 Ilz croyent donc leurs opinions & interpretations,
 & nô les escritures expresse; quelques choses qu'ilz
 disent au cōtraire. Beze prononce haut & clair, *Luc.*
3. 36. 37. qu'il n'a point crain de racler, ou effacer de
 l'Euangile saint Luc, Cainam, en suiuant l'histoire
 de Moyse, *Genes. 11. 12.* & vn sien fort ancien Code.
 Mais s'il est ainsi licite d'effacer au nouveau testa-
 ment, ce qui n'est point en Moyse: à plus forte rai-
 son, il faudroit effacer ce qui y est cōtraire. En saint
 Mathieu, Ioram à engendré Oziam: Au quart liure
 des Rois, c'est Amasias qui à engendré Ozias; & Io-
 ram à engendré Ochozias, & non Ozias; & l'un &
 l'autre est vray sans rien effacer: car Ioram à engen-
 dré Ochozias immediatémēt, cōme porte l'histoire
 des Roys; Et le mesme Ioram à engendré Ozias me-
 diatémēt, par Ochozias, Ioas, & Amasias, cōme dict
 S. Mathieu; qui a teu, par vne secrette operation du

S. Esprit, aucūns majeurs de nostre Seignr, que l'escriture n'auoit teu ailleurs. Beda *præfat. actū. apost.* Ainsi Moÿse, *Genes. 10. 24. Genes. 11. 12.* à teu, par vne secrette operation du S. Esprit, *Cainam*, laquelle generation il à apres inspirée par S. Luc *c. 3. 36.* selon la versio des 72. auant S. Luc, *Genes. 10. 24. Genes. 11. 12.* car s'il estoit seulement aux 72. & non en l'Euāgile, & que Moÿse dist, cōme Beze luy veut faire dire; que *Cainam* ne fut onc filz immediat de Arphaxad, & Pere de Salé; tellement que Salé est filz d'Arphaxad, par le moyen de *Cainam*, selon S. Luc. Moÿse donc s'est teu de *Cainam* pour vne occulte raison, cōme du filz immediat d'Arphaxad; & à exprimé Salé, comme filz dudit Arphaxad, par le moyen de *Cainam*: Et S. Luc à exprimé ledict *Cainam*, pour vne secrette raison que Moÿse auoit tenüe: car tous nos exemplaires Grecs & Latins sy accordent. Beze à donc commis sacrilege, raclant de l'escriture ce que tous les Docteurs & les exemplaires, auoient retenu avec reuerence & fidelité: Ainsi Beze ne deuoit aucunement effacer, ce qu'on auoit estimé en sainct Luc, adiousté par le S. Esprit; qui n'a pas moins inspiré l'Euangeliste, que Moÿse: car par là, il a ouuert le chemin à retrancher de l'escriture ce qu'il plaira à vn chacun: Que n'a-il donc effacé ou corrigé la premiere aux Corinthiens *cap. 10. 8.* qui dict, Que pour la paillardise ilz sont morts vingt & trois mille; Et Moÿse aux Nombres *25. 9.* dict, ving-quatre mille: cela ce peut bien concilier, comme plusieurs autres apparentes cōtrarietez, qui semblent estre aux supputations Hebraïques, & des septante. Donc il ne faut rien effacer ny en Hebreu ny en Grec; ains les concilier admirer, ou interpreter.

GENERAL EXAMEN

SECT. XXIIII.

Je desirerois que Beze n'eust point tant inconsiderement dict, sur saint Iean chap. 7. 53. qu'il doute & tiét suspecte l'histoire de la femme adultere, & le cōmencemēt du 8. chap. de S. Iean: car on en a douté, & aucuns ne l'ont point nōbrée ou interpretée: Les anciens d'un cōsentement l'ont reiettée & ignorée. Elle dict, que Christ a esté seul avec elle au temple, ce qui n'est point probable, & ne conuient point bien au verset 12. qui raporte que de rechef il a parlé aux Iuifs. Aussi, dire que Christ escriuoit de son doigt en terre, est nouveau & insolent, & ne voy point comment il puisse estre commodemēt expliqué: Et puis la diuersité des Codes, faiēt que ie doute de tout ce narré icy. A mō aduis, Beze à ouuert la porte à vn chacun, pour racler, & douter de telz liures & endroiets de l'escriture que lon voudra; pour quelques coniectures apparente que lon maintient opiniastrement. On a douté lōg réps de la cessation des obseruations legales; mais cela desfiny par le concil de Ierusalē, *Act. 15.* on a suyui ce qui estoit practiqué & resolu en l'Eglise: On a douté de l'Apocalypse, mais par apres, la plus commune opinion de l'Eglise a esté suyuite. Secondement nous disons à Beze, On a douté du dernier chapitre de saint Marc, *In comment. cap. 16. 1.* Et de la sueur du sang caillé de nostre Seigneur au mont d'Oliuet, *Luc. 24. 44.* Et ce neantmoins la lōgueur du temps là emportée, cōme il estoit escrit au Canō ecclesiastiq des apostres, & du Canon ecclesiastique du 3. Concile de Cartage, *ca. 47.* & des escrits d'Innocēt premier, Zozime, Gelase, & saint Augustin: Et pour-ce, on ne doit pas reietter vn liure, ou quelque partie d'iceluy, pour ce que lon

en

en a douté, ains plustost on le doit recevoir; pour ce que l'Eglise ayant examiné les raisons d'une part & d'autre, avec le temps s'est aduancée comme l'aube du iour, *Cāt. 6.* à iugé ce qui estoit certain & diuin. Beze aussi reiette cette histoire de la femme adultère, car plusieurs des anciens, n'en ont fait mention en recitant les histoires canoniques; Si cela est suffisant pour reiecter une escriture du sacré canon, on peut nyer saint Mathieu, S. Marc, & S. Luc, qui n'ont fait mention du Paralitique, à la Piscine, ny de l'Aueugle né, ny du Lazare. Aussi faut-il reiecter S. Iehan, & les autres, qui racontans exactement les excessives afflictions de nostre Seigneur au iardin d'Oliuet, n'ont fait mention qu'il aye sué du sang caillé. De ceste mesme façon, le liure d'Hester, qui n'est mentionné par Melito Euesque de Sardes, par Athanase Patriarche d'Alexandrie, par Nazianzene Archeuesque de Constantinople, entre les liures canoniques, au rapport qu'ils en ont fait, demeurera non canonique: Et l'Apocalipse, qui n'est point nombrée au concil Laodiceence, *Can. 59.* ne sera point canonique, étant obmise. Beze doute de ceste histoire, car les anciens ne l'ont point interpretée: Certes S. Cyrille, & S. Augustin, qui estoient anciens, l'ont interpretée: & pour-ce Beze la deuroit recevoir. Beze peut dire, saint Chrisostome ny Theophylacte son abreuviateur, ne l'ont interpretée. Nous respondons, que plusieurs autres l'ont interpretée: Nous disons, qu'ils n'ont pas aussi interpreté par le menu toutes les autres clauses de l'escriture: Nous remonstons que saint Chrisostome en a eu cognoissance, come il mostre expressement en l'homelie soixante-iesme sur saint Iehan, & pour-ce il y a grand soup-

con qu'aucun ennemy de ceste histoire l'aye souz-
straiçte du premier escrit de saint Chrysostome.

SECT. XXV.

Euthimius, qui estoit l'an 1080. imitateur de saint Chrysostome & de Theophilacte, l'interprete, disant que l'interpretation n'est point sans vtilité, & que lon en a douté; pour-ce que aux exemplaires que lon estimoit les plus exacts, elle ne si trouuoit point; où si elle se trouuoit, estoit perçee d'une broche connue illegitime, & adioustée. Beze dict, qu'elle n'a pas esté interpretée. Voyons; le mesme saint Chrysostome, *homil. 60.* sur saint Iehan, dict: que les Iuifs ont interrogé Christ, non pas pour apprendre, mais d'une meschante intention: comme quand ils l'ont interrogé, assavoir si estoit licite de donner le tribut à Cæsar, *Math. 22. 18. 19. 20. 21.* Item, si la femme adultere *Ioh. 8. 3. 4. 5. 6.* deuoit estre lapidée; cela monstre clairement que saint Chrysostome n'a ignoré l'histoire de l'adultere, & qu'il l'a estimée non moins canonique, que la question du tribut deu à Cæsar, *Math. 22.* & en disant, que les Scribes & Pharisiens l'auoient amenée à nostre Seigneur d'une meschante volonté, il l'interprete sommairement. Beze aussi dict l'auoir suspecte, car les anciens d'un grand consentement l'ont reiettée, & ignorée: Je voudrois que Beze & Calvin eussent prouué ceste fourbe, & nommé ces anciens qui l'ont reiettée & ignorée: Comment la peuuent-ils auoir ignorée; veu qu'elle se trouuoit en plusieurs exemplaires Grecz? Veue que saint Cirille saint Chrysostome, Grecz, voire Euthimius plus recent, en font mention? Certes il est licite en une chose apparemment, pour un temps, à cause de certaines personnes debatüe, ou douteuse, & in-

definie, s'en taire, n'en escrire rien, ne l'exposer point & d'en differer son iugement; comme semblent auoir faict aucuns docteurs en l'histoire de l'adultere contre les Alogiens qui combatoient l'Euangile S. Iehan. Mais nous ne lisons point que les anciens Catholiques l'ayent ignorée, & reiettee d'un cōsentement: car saint Cirille saint Chrysostome, & S. Augustin ont monsté le contraire. S. Eusebe, à mon aduis avec Papias, n'ont point parlé de ceste femme adultere, comme plusieurs ont estimé, ains de la Magdelaine, qui est nommée, *peccatrix*, Luc. 7. 37. c'est à dire femme diffamée de beaucoup de pechez. Voycy les vrais mots d'Eusebe, *lib. 3. histo. Eccles. cap. 33. sur la fin. Aussi Papias raconte vne autre histoire de la femme qui fut blasmée de plusieurs crimes dauant le Seigneur, Luc. 7. 39. 47. 48.* laquelle histoire comprend l'Euangile selon les Hebreux. Cecy monstre assez qu'Eusebe ny Papias n'ont point parlé icy de la femme adultere, qui ne fut accusée que de ce seul crime dauant nostre Seigneur. S. Ambroise en l'epistre à Stadius 76. expose toute l'histoire de la femme accusée d'adultere dauant nostre Seigneur: parquoy les anciens en ont eu connoissance, l'ont exposée, & ne l'ont reiettee; comme Beze à osé faire, & en diffamer impudemment les anciens Docteurs. Ce qui nous descouure manifestement le menteur, imposteur, & malin esprit de Caluin & Beze. S. Hierosime estoit ancien Docteur, au dialogue second contre les Pellagiens, il en prouue que nous sommes pecheurs: car combien que nostre Seigneur eust commandé à la femme adultere de ne pecher plus, toutesfois l'escriture ne dit point que elle aye faict cela; ou qu'elle ne l'aye pas faict: En quoy S. Hierosime appelle ceste histoire, escriture, &

dit expressement, qu'elle est trouuée en plusieurs Codes tant Grecs, que Latins: Parquoy Beze à commis sacrilege audacieux, & digne d'execration, comme il parle, d'auoir temerairement soupçonné, & douté de toute la foy de cette histoire, comme il prononce luy mesme en cas semblable, *Luc. 22. 44.* & en *S. Marc, 16. 1.* Car si cela estoit licite, & permis, la saincte escriture auroit incontinct perdu son autorité & intégrité

SECT. XXVI.

Beze à douté du commencement du chapitre 8. de *S. Iehan*, car nostre Seigneur a esté laissé seul avec l'adultere au temple: cē qui n'est point probable, dit-il, & ne conuient point avec le verset douziesme, qui dit; que de rechef il à parlé aux Iuifs, disant, ie suis la lumiere du monde. Beze ne peut renuerser l'escriture, qui dict, que nostre Seigneur alla au mont des Oliuiers, & pria; & au matin vint au temple enseigner tout le peuple: & comme il estoit là, les Scribes & Pharisiens (peut estre pour interrompre son sermon) luy amenerent vne femme, en le tentant, comme deprehendée certainement en adultere: & ceste difficulté vuidée, poursuiuant sa predication, il dist de rechef; ie suis la lumiere du monde. Et de verité, quand nostre Seigneur examina ce droict de tesmoigner l'un contre l'autre, ils s'enfuirēt conuaincus de ne pouuoir vallablement tesmoigner contre elle, comme adultere: Alors nostre Seigneur demeura avec elle, ses disciples, & autres, seul au temple: c'est à dire sans partie & tesmoins suffisans. Or Beze & Calvin estiment, qu'escrire du doigt en terre, est nouveau & insolent. Mais pourquoy est-ce que Dieu auroit escrit les tables de la loy, *Exod, 31. 18.* plus in-

solument & nouvellement en pierre, qu'en terre: En quoy est-il plus insolent qu'escrire en Paroy, *Daniel* 5.5. ou destremper le doigt en sang, pour arroser le sanctuaire, ou les cornes de l'autel. *Leuit.* 4.6.17.25.30. 34. Pourquoi cela est-il plus insolent, que mettre le doigt aux oreilles, *Marc.* 7. 33. ou aux playes du Seigneur, *Ioh.* 20. 25.27. Certes les faicts & actions de Dieu, & des Prophetes, n'ont que faire de la comode explication de Beze, ou de Caluin: veu que *Ieremie*, *cap.* 17. 13. dict, que les meschans sont escripts en terre, & que les Docteurs l'ont commodement & sainctemēt interpreté: Donc Beze l'ayant eu suspect & douteux, à mōstré qu'il ne croyoit aux escriptures, que selon son iugement particulier, & non selon l'esprit & iugement de Dieu, residant au corps & consentement de l'Eglise. Le mesme Beze sur le chap. 6. 7. des actes des Apostres, dict; *Qu'il à suspect ce qu'on list, qu'une grande troupe de sacrificateurs obeissoient à la foy, & qu'à grand peine est-il probable qu'il y en aye eu aucun d'entreux, ou bien peu: & n'a point esté une multitude de sacrificateurs qui embrassast la doctrine de salut; & pour-ce ne meritoit point le nom de multitude de prestres; parquoy il faut lire avec l'Arrabe; une grande multitude de peuple, & non de sacrificateurs.* Si ce que Beze dit est vray, S. Luc est menteur, & le saint Esprit nous à trompez, en ayant mis une multitude de sacrificateurs, comme chose de singuliere admiration, au lieu de dire une troupe de peuple. Puis, si la version Arrabique, qui dit avec le Syrien, *un grand peuple*, est plus certaine, que les originaux Grecs & Latins, qui lisent, *une grande troupe de prestres*, il fen suit manifestement, que nos originaux ne meritent certaine autorité pour leur consentement inuariable, & que les versions humaines sont

GENERAL EXAMEN

plus authentiques, & exposent plus clairement le sens diuin du S. Esprit, que ne font lesdicts originaux. Qui est vn argumēt suffisant à nyer & renuerfer toute l'autorité & l'integrité de l'escriture canonique: car cōme dict Tertullien, l'heresie en emendant l'escriture, la vicię; *lib. 4. in Marc. cap. 4.* & n'auroit tant apparemment la corruption de doctrine, si elle n'auoit la corruption des instrumens, *de præscrip. heret. cap. 38.*

SECT. XXVII.

Il semble que Calvin & les Religionaires, d'un dessein particulier ont resolu retrancher du canon Ecclesiastic, les princes Machabeans, restaurateurs de la sainte Religion, & du royaume de Iuda, malgré les infidelles. Et pour-ce Calvin se compare, & l'accompagne des Saduceans, pour nier les Machabeans canoniques, disant, *in Lucam, cap. 20. 37.* Christ allegue vn passage de Moysę, pour-ce qu'il auoit affaire aux Saduccans, lesquels n'adioustoient pas grand foy aux Prophetes, à tout le moins n'en tenoient non plus de compte, que nous ferions du liure Ecclesiastique, ou de l'histoire des Machabeans. Calvin à monstré icy, ceux qui luy auoient tracé chemin à enfreindre le saint canon des saintes escritures canoniques: c'est à luy de colliger qu'il peche contre l'Eglise Chrestienne en niant les Machabeas: autrement la comparaifon ne seroit pas bonne (comme faisoient les Saduceans) en n'adioustant point de foy aux Prophetes restaurateurs de l'Eglise, & de l'estat; comme ont fidèlement & vaillamment fait les Machabeans. Il semble que Calvin se repréd d'auoir impugné l'autorité des Machabeans, car il en parle ailleurs honnestement, *lib. 1. inst. cap. 8. sect. 9.* Ce

1. Arg.
pour les
Macha-
beans.

2. Arg.

que ces canailles libertines amenant du liure, id est, des Macha-

beans. chap. 1. vers. 59. tant s'en faut qu'il deroge à la certitude de l'écriture sainte, comme ils prétendent, qu'il est tres-suffisant à l'establi. Notez premierement, que Calvin, pressé du tesmoignage des Machabeans, ne dit point qu'il n'est pas canonique, & qu'il ne merite point de foy; Imò, il afferme qu'il est tres-suffisant pour establi la certitude de l'écriture: Que si cela est, les Machabeans sont tres-certaines écritures, puis qu'elles donnent la certitude aux autres saints liures. Les Ministres Religionaires en leurs grandes Bibles Francoises de Geneue. 1561. imprimees chez Nicolas Barbier, & Thomas Courteau; au preface sur le premier des Machabeans, escriuent expressement, *Quis Aristobulus misit sur son chef la Couronne royale, & print le titre de Roy. L'auteur de ce liure est incertain, toutesfois la lecture en est sainte & utile: & pour-ce, à esté receu en l'Eglise du Seigneur.* Ce qui monstre clairement, que les Machabees sont receus en l'Eglise de Dieu. Parquoy les Religionaires sont iniques, en les rescindant des saintes écritures, & de l'Eglise de Dieu, ou les ministres les avoient auouez, & reconneus auoir esté reçus. Les ministres de Genesue, pour reiecter du saint canon Ecclesiastique le second liure des Machabeans, alleguent (sans le prouuer) qu'és membres, il excède le premier liure; & ne disent point où, ny de combien: A mesme raison, il faut reietter la premiere aux Corinthiens, qui n'a pas tant de fornicateurs tuez, 1. Cor. 10. 8. comme Moysse escrit, Numer. 23. 9. Le premier liure met que les Juifs ont tué souz Iudas Machabée; cent mil estrangers, 1. Mach. 11. 48. a quoy, le second n'augmente le nombre, & ne cōtredit point, & n'en exprime que octâte mil tuez ailleurs en trois iours par Antiochus, 2. Mach. 5. 14. Si pour le grand

3. Arg.

4. Arg.

nombre il faut censurer vn liure canonique, pour la multitude des nombres: Le 4. liure des Roys 19. 35. & Esaye 37. 36. qui escriuent que l'Ange tua cent quatre-vingts cinq mille hommes en l'armée de Sennacherib, seront non canoniques, selon l'argument des predicans

SECT. XXVIII.

5. Arg. Les predicans pour se rendre plus ineptes & ridicules, alleguent qu'il est faict mention d'un Ange à cheual, & de deux Iouenceaux, qui traicterent Heliodore & ses soldats fort rudement, 2. Mach. 3. 24. 25. 26. 27. 28. 29. Aussi ce mesme liure second raporte que par quarante iours on a veu en l'air des armées, avec armes d'or, & vestemens de drap d'or, cheminans, & combatans par ordre. 2. Mach. 5. 1. 2. 3. 4. Dauantage, on a veu cinq cheuaucheurs à frein d'or, batailler pour les Iuifs. 2. Machab. 10. 29. Et puis on a veu vn cheualier vestu de blanc, armé d'armes d'or, brandir sa hallebarde, 2. Mach. 11. 6. 7. 8. 9. chose non accoustumée aux autres escritures. On dit aux ministres, que si la diuersité du style, du suiet, & du langage, & de ce qui est traicté en vn liure particulierement, faict suffisamment qu'il ne soit point legitiment canonique: Que Iob qui pratique l'eloquence de trois langues; & Ieremie de la Caldeane & Hebraique; & Daniel avec Esdras la Caldeane, ne seront point canoniques. Qui est le liure qui traicte choses semblables à Iob, aux Cantiques; & à Daniel, qui a trouué le premier le nom des Anges, Michel, Gabriel. Si la langue ou version, rabaille la diuinité ou canonisation d'un liure; tout le nouueau testament sera renuersé, aussi bien que les Machabeans: voire saint Mathieu, & l'epistre aux Hebreux, qui auioirdhuy ne se trouuent en Hebreu. Qui est le liure qui aye

les mil ans sur la terre, cōme l'Apocalypse? Les Anges à pied & à cheual, cheuaux de rāt de diuerſes couleurs, de tant de combats & victoires au ciel, en l'air, en la terre, & ſouz la terre; cela à eſté tant eſtrange aux cerueaux legers & melancoliques, qu'on a attribué à Cerintus l'Apocalypſe; comme font les miniſtres, les diuines reuelations & actions du ſecond des Machabeans, aux Rabins. Si les Religionnaires prouoient leur dire par l'Eſcriture, ou par les Rabins meſmes, ou par les hiftoires non ſuſpectes; on y auroit eſgard: Ilz citent Iosephe qui n'en a rien dict, non plus que de la mort des Innocens par Herodes. Il faudroit donc inferer que S. Mathieu l'auroit eu par quelque Rabin, car il n'y a aucun Euāgeliste qui en face mention fors S. Mathieu, *chap. 2. 16.* Iosephe dict, qu'Herodes qui print Herodias, n'estoit point frere de Philippes, comme dict l'Euangile, *Math. 14. 3. 4. Mar. 6. 17.* & pour-ce, ſelon les predicans, les Euangelistes n'en ſeront creuz. Iosephe attribue la mort de S. Iehan, à la crainte d'une ſedition; & les Euāgelistes à la vangence d'Herodias: Que ſ'il eſtoit creu, beaucoup de choſes tant du vieil que du nouveau teſtament ſeroient reſcindées, & non canoniques. Venons à ces Anges compagnons particuliers des Iuiſ, pour chaſtier leurs ennemys, & pour les aſſiſter à la guerre; car cela faiet peur aux miniſtres, comme viſions cōtrouuées par les Rabins. Le Cherubin qui fut mis dauant le Paradis, avec vne eſpée brillante, pour en empêſcher l'entrée, qui n'a eſté veu d'aucun depuis, *Genef. 3. 24.* ſeroit plus probablement ſonge & inuention rabinique, que les viſions Machabeanes veuës de tous les Iuiſ, que perſonne n'auoit tenuës ſuſpectes, iuſques aux predicans in-

GENERAL EXAMEN

credules, & sans probation & raison de leur dire: S'ils ont des Rabbins, ou escritures tesmoings de leur creance, que ne les mettent-ilz en auant? Il n'est pas question en la canonisation des liures canoniques, de se fonder sur des coniectures, & se resoudre sur opinions caluiniques; ains sur escritures, sur raisons manifestes, & sur le iugement de l'Eglise: Desquelz fondemens les predicans estans destituez, monstrent leur legereté & leur ignorance.

SECT. XXIX.

Si les coniectures & accusations des ergoteurs Ministres, estoient vallables: ce qui est raconté des visions & des Anges, seroit suspect; comme, Que Iacob luita corporellement avec l'Ange, *Genes.* 32. 32. Que les Anges prirent Loth, sa femme, & ses filles, par la main; les contraignans de sortir hors de Sodome, *Genes.* 19. 13. 15. 16. Que Iacob auoit vn Ange qui l'auoit garenty de tout mal, *Genes.* 48. 16. Que l'Ange precedoit en colonne de feu l'armée d'Israel, contre les Egyptiens, & les suyuoit en vne nuée, & changeoit de place, selon qu'il estoit expedient pour leur salut, en les precedant. *Exod.* 14. 19. 20. *Exod.* 23. 20. 23. Iosué veit l'Ange l'espée desgainée, qui estoit chef & entrepreneur de l'armée, & peuple d'Israel. *Ios.* 5. 13. 14. L'ange de Dieu tua cent quatre vingts cinq mille hommes en l'armée de Sennacherib, dauant Ierusalem. 4. *Reg.* 19. 35. *Esa.* 37. 36. Le chariot & les cheuaux de feu separerent Elie & Elisée d'ensemble; & Elie monte au ciel par vn tourbillon. 4. *Reg.* 2. 11. Elisée fit voir à son seruiteur vne armée de chariots & cheuaux de feu, en vne môtagne à l'entour de luy. 4. *Reg.* 6. 15. 16. 17. L'ange de Dieu ne se mit-il pas au destroit du chemin, l'espée au poing contre Balaam, pour

l'empeschier, & son asne, de passer ? L'asne ne discourut-il pas par raison, avec son maistre Balaam ? *Num.* 22. 23. Et Dauid eut si grãd peur de l'espée de l'Ange, qu'il n'osa aller au tabernacle pour prier Dieu, 1. *Paralip.* 21. 30. qui sont benefices diuins, autant & plus absurds, que ce qui est historié au second des Machabéens. Les ministres sont donc donneurs de cascades, en disant qu'il n'y a rié de semblable aux escriitures, à ce qui est raporté au second des Machabéas. Les predicans suyuant leurs erres d'incrudulité, ont ^{9. Arg.} suspect que le saint feu aye esté caché en vn puy sec, & qu'ayant trouué de l'eau grasse, il se soit allumé pour consommer les sacrifices, 2. *Machab.* 18. 19. 20. 30. 31. Cela est-il plus incroyable, que de croire que le feu soit descendu du ciel, pour consommer les sacrifices de la loy, *Leuit.* 9. 24. & pour consommer les sacrifices du Temple, 2. *Paralipo.* 7. 1. Et que d'allumer l'eau soubz le bœuf d'Helie, 3. *Reg.* 18. 34. 38. pour consommer son sacrifice. Certes Dieu à souuent faiçt choir le feu du Ciel sur les sacrifices, pour monstrier qu'ils luy estoient plaisans & acceptables, en telle façon ; par Abel, par Aharon, par Salomon, & icy, & que cela seroit de durée. Les Ministres disent là dessus, qu'Efras & Nehemie n'en disent rien. Or nous disons aux Caluinistes, que l'argumēt prins d'une autorité negatiue, ne cōclud rien ; & pour ce les Religioneux sont peruers, & se fondent sur du fable. Nous leur respondrons ce que saint August, *lib. 7. de Trinit. cap. 4.* respondoit aux Sabelliens ; qui disoient : Nous ne receuons point le mot de personne ; car l'escriure n'en dit rié. Ausquels il dict ; Nous disons en Dieu trois personnes, non pas que l'escriure le die ; mais pour ce qu'elle n'y contredit point.

GENERAL EXAMEN

Nous croyons donc ce feu caché, non pas qu'autre escriture le die que le second dès Machabeans; mais parce que nulle autre escriture n'y contredit point. Les Ministres disent, qu'Efras & Nehemie n'en disent mot; aussi ne le nient-ilz pas, comme les predicans font: Aussi Efras & Nehemie ne font mention de Daniel, & Ezechiel, prophetes celebres en la captiuité, ains seulement d'autres petits compagnons. *Efr.* 8.2.5. Il faut donc par mesme argument rejeter leurs liures.

SECT. XXX.

10. *Arg.*

Les Religionnaires disent, que le sacrifice pour les trepassez, mentionné au 2. des Machab. chap. 12. 42. 43. a esté introduit par l'avarice des Rabins, des Juifs & des Chrestiens. Mais qui les croira sans le prouver? Qui pourra estimer les princes Machabeans suscités de Dieu, pour restituer la pureté de la Religion, auoir esté dominez d'avarice? Qui dira que Tertullié, S. Cyprien, S. Athanase, S. Nyssene. S. Ambroise, S. Epiphane, S. Augustin, & tous les autres saints anciens contempneurs des biens, de la gloire, des delices, & lucres de ce monde, auoir suyui l'avarice? Nostre Seigneur, Docteur consommé & parfaict, à reprins disertement toutes erreurs, & tous pechez, tant en la doctrine qu'aux mœurs; & non la priere pour les trepassez, ny és Machabeans, ny és autres: ce qu'il n'eust passé souz silence, ny les saints Docteurs, si ç'eust esté peché. Les Aëriens ont esté condamnez d'heresie par saints Epiphane, Augustin, Honorie, prestre d'Autun, & Damasçene, pour auoir nié la priere pour les deffuncts. Quoy, ferons nous les saints, ignorans, & heretiques; pour honorer les impudens & ignorans Caluinistes? Certe l'idolatrie,

& l'erreur, quelque grands qu'ils ayent esté, n'ont iamais eu lieu, ny longuement, ny vniuersellement, ny dés le cōmencement par tout en l'Eglise de Dieu, non pas mesme l'adoration du veau d'or, auquel ne consentirent les Leuites : ains il fut incontinant exterminé avec dure reprehension & punition. Donc la priere pour les deffuncts, qui à tousiours eu lieu des le commencement par tout, en l'Eglise de Dieu, & n'y à iamais esté contredit, que par les Saduccans, Aeriens, & Caluinistes, ne peut estre dite erreur. Les Caluinistes disent, que la priere pour les deffuncts, ne peut estre fondée en foy : Pourquoi donc *Ioh. 11. 25. 26.* est-il dict, que celuy qui croit en nostre Seigneur, est tousiours viuant ? Pourquoi est-ce, que la priere & demande que nostre Seigneur & les saincts ont fait, pour resusciter visiblement les morts, sera en foy, & aura lieu ; & celle pour les ames sera interdite ? La Bible de Genesue, *Glose 2. Mach. 12. 46.* dict, Que la priere pour les deffuncts n'a aucun fondement en l'escriture ; Ainsi ie diray, où est l'escriture sur laquelle soit fondé l'ouuerture des sepulchres, & le releuement des morts, pour se môstrer en Ierusalem, & tesmoigner la resurrectiō de nostre seigneur ; fors en S. Mathieu, 27. 52. 53. ce qu'il faut donc reiecter, selon l'argument des predicans ; car il ne se list ailleurs en l'escriture. Ou est-il escrit en la loy, ou és diuines histoires, ou és prophetes ; fors en l'Euangile, *Luc. 9. 29. 30. Math. 17. 3.* que Moyse & Helie separez de ce monde, deuoient *Marc. 9. 4.* apparoitre en la transfiguration de nostre Seigneur. Par la cōclusion des Ministres, l'Euangile sera incertain, & le faut effacer des escritures canoniques ; comme le second des Machabeás, touchât la priere pour les deffuncts :

GENERAL EXAMEN

car il ne s'en trouue certain fondement ailleurs. De mesme illation Caluinique, faut rejeter la descente de l'Ange en la Piscine, & la guerison des malades, *Ioh. 5. 4.* car elle n'a manifeste fondement aux autres escritures.

SECT. XXXI.

La priere pour les trespassez a fondement, *Leuit. 16. 16.* car il falloit nettoyer le tabernacle des immonditez, des preuarications, & des pechez des enfans d'Israël : Or il est certain que les deffuncts estoient non moins enfans d'Israël, que les viuans; & qu'ilz auoient pollué par leurs offences le tabernacle, non moins que les viuans, & que le tabernacle estoit expié de tous pechez, par les sacrifices & oraisons du prestre, & de la synagogue; Qui montre clairement que lon prioit pour les viuans & les deffuncts. Aux Nombres 19. 13. 14. On en collige autant de l'immonde, qui n'a peu estre purifié dauant sa mort, cela seroit rigoureux, qu'il perist auant qu'auoir peu estre purifié : Il falloit donc qu'estant ia trespaslé, on priaist pour luy, & qu'il fust purifié. Au Psalme 105. 6. 7. Daniel 9. 5. Daud & Daniel confessent leurs pechez pour en auoir remission; Ilz confessent aussi les pechez de leurs peres deffuncts, & des autres, dont plusieurs estoient morts; c'estoit donc pour obtenir remission, tant pour les viuans que pour les deffuncts. Il est certain que les Iuifs ont tousiours prié pour les deffuncts, comme tesmoignent Fagius, & Munsterus sectaires, sur le Deuter. 14. Cela n'a donc pas eu son origine de l'auarice des Machabeans, comme les predicans ont commenté. Le Lazare estant deffunct, *Ioh. 11. 21. 22. 25. 29.* Marthe dist à nostre Seignr, Je sçay que tout ce que tu demanderas à Dieu, il le te donnera : Il estoit question de demander pour le La-

zare, non pour la resurrection generale d'iceluy, car elle ce fait sans priere, par l'ordonance de Dieu: non pour la resurrection miraculeuse, que Marthe n'esperoit point, car elle disoit, *Il put desja*. Il restoit donc qu'elle esperast en l'oraison de nostre Seigneur, pour le salut de l'ame de son frere: Et pour-ce nostre Seigneur dist, cela se faict par la foy, qui nous faict immortels; Et pour-ce, viuans tousiours selon l'esprit, l'oraison des fideles sert aux trespassez. Les predicans disent; Les pechez sont seulement pardonnez en ce monde; & non en l'autre: parquoy la priere pour les deffuncts ne sert de rien. Les Calvinistes deuroient prouuer leur dire par l'escriture expresse, sans y apporter leur additiō, & leur glose. Nous leur disons, que le peché mortel est pardōné en ce monde ordinairement; quand à la coulpe odieuse à Dieu, & quand à la peine eternelle: mais quand à la coulpe venielle, & peine temporelle, elles sont remises tant en ce monde qu'en l'autre, *Math. 12. 32. Augus. lib. 21. de ciuit. Dei cap. 24. Grego. lib. 4. dialog. cap. 39. Beda in Math. 12. S. Bernard. serm. 66. in Cantica*, qui l'ont ainsi exposé, & qui entendoiet mieux l'escriture de saint Marc, chap. 3. 29. *Eternellement*, qui emporte le temps present & futur, comme parle S. Mathieu, *cap. 12. 32*. Car le peché contre le S. Esprit n'est iamais pardonné, si on ne fait penitence: Et cela aduient rarement & difficilement; & alors, icy, la coulpe & la peine eternelle sont pardonnees: & en ce monde, & en l'autre, la peine temporelle.

SECT. XXXII.

Nous auons allegué fidelement toutes les raisons que les predicans estimoient suffisantes pour reierter les Machabeans, & elles ce sont trouuées friuolles

Cōtinua-
tion du
4. argu-
ment

1. argu-
ment cō-
tre les
Macha-
beans.

ineptes, sans probation, & de consequence suffisante à renuerfer, & brouiller toute l'escriture canonique : Qui est vn argument certain, que les Machabeans sont canoniques, puis qu'ils sont receus en l'Eglise, & que les ministres n'ont rien apporté de solide au contraire. Et à celle fin que les Religioneux ne se plaignent point de nous ; comme de gēs ignorans, qui n'auroient pas assez exactement considéré toutes les raisons qui les pouuoient esmouuoir à douter de la canonisation des Machabeans ; nous adiousterons des raisons apparentes, pour en douter. Premièrement le liure 2. des Mach. chap. 15. rapporte vne vision d'Onias souuerain sacrificateur, & de Ieremie prophete, qui prioient pour la sainte cité de Ierusalem, & que ledict Ieremie donna vn glauiue d'or à Iudas Machabée pour vaincre & tuer ses ennemis, & nomme cette vision, vn songe, 2. Mach. 15. 11. 12. Mais nous ne lisons point, que les saincts, apres que Dieu les à retirez d'auec nous, ayēt quelque communication avec nous, ny nous aucun commerce avec eux. Calvin, lib. 3. Inst. cap. 20. sect. 24. ce pendant qu'ils viuent en ce monde, ils intercedēt dit Vigilāce, les vns pour les autres ; mais apres qu'ils sont mors n'ont aucune connoissance de nous, Psal. 48. 12. Psal. 77. 39. Psal. 102. 16. Eccles. 3. 19. 20. Eccles. 9. 5. 6. 10. & 4. Reg. 22. 20. Esay. 63. 16. & pour-ce ne prient point pour les viuā. Qui leur à faiēt la veuē si aiguē de voir les pēsees de nostre cœur : où ont ils emprunté des oreilles si longues, & tant bien percees, pour oyr de si loin nos oraisons ; & se ressentir de nos necessitez ? Ce songe donc, rend les Machabeans suspects. Nous disons que si le mot de songe rend la vision suspecte, & le liure non canonic, Genèse sera non

non canonique, pour les songes de Iacob, de Ioseph & de Pharaon & de ses seruiteurs. Ioel, Daniel, saint Mathieu, & les actes des Apostres seront suspects, pour les songes qu'ils autorisent. Les songes des predicans, & des semblables faux Prophetes nous doiuent estre suspects, *Deute.* 13. 5. *Ierem.* 23. 25. mais non pas les sacrez songes pour le bien commun de l'Eglise: comme ceux de Iacob, Ioseph, Pharaon, & de Iudas Machabée, que l'euenement victorieux à confirmé veritables: & pour-ce, il est escrit, digne de foy, 2. *Mach.* 15. 11. Si les saints n'ont plus de communion, & de commerce avec nous, depuis que Dieu les a retirez de nostre compagnee; Comment est-ce qu'Helie, quatre ans & plus, apres sa receptiõ au ciel, à escrit au Roy Ioram, 2. *Paralip.* 21. à eu soin de luy, & de son salut? Qui luy à aiguisé la veüe à voir claiement si loin? Qui luy auoit foré les oreilles & esmeu le cœur à oyr, & auoir soucy des necessitez humaines? Que ne se plaint il comme Samuel, que par forcelerie on luy à troublé son repos, Dieu le permettant: 1. *Reg.* 28. 15. où auoit on oy cela auparauât, & quelle promesse de cecy trouue l'on en l'escriture sainte. Calvin est donc aueugle & sourd, de vouloir qu'on luy rende compte de la puissance de Dieu, où de ses œuvres merueilleux.

SECT. XXXIII.

L'erreur des Saduceans impugnans la resurrection charnelle de nos corps, venoit, de ce qu'ils erroient, ignorans les escritures, & la vertu de Dieu: car ils estimoient le siecle futur en actions, & en sensualité, semblable du tout à ceste vie mortelle & infirme. *Math.* 22. 29. 30. Ainsi Calvin du tout animal, argumente que les saints ne voyent point nos actions

icy bas, n'oyent point nos clameurs, & n'ont aucune communion avec nous, pour en estre trop esloignez. N'est-ce pas vn erreur brutal de Mahommer, d'estimer le siecle aduenir de condition sensuelle, & infirme, comme cestuy-cy : Si donc l'estre, la veüe, l'ouÿe & conuersation futures aux esprits bien-heureux, sont d'autre condition, & creation, voire comme les Anges de Dieu au Ciel, non en propriété de nature, ains d'actions : Calvin s'est monstré ignorant en demandant longues oreilles : C'est mal conclud à Calvin de dire, il à les oreilles plus longues; Ergo il oyt plus clair : les asnes ont les oreilles plus longues que les cheuaux, & n'oyét pas plus clair, sinon peut estre és escuries de Calvin. Le Iouuenceau seruiteur d'Elisee vieillard, voyoit plus clair selon la chair, que son maistre : mais non pas de veüe d'esprit, iusques à ce que Dieu la luy eust donnée, à la priere de son maistre. Et alors il aduisa vne montagne pleine de cheuaux, & de chariots de feu, au secours, & à l'entour de son maistre, 4 *Reg.* 6.15.16.17. Certes, la veüe & lumiere beatifique, est sans cōparaïson plus grande que la Prophetique : elle n'a donc que faire de la veüe, & des oreilles asnieres de Calvin. L'asne de Balaam voyoit l'Ange l'espée au poin, pour tuer son maistre, & raisonnaït pourquoy il reculoit, fuyoit, & ne vouloit pas passer outre, *Numer.* 22.21.22.23.30. 31.32.33. Et l'Ange maintint la parole & la raison de l'anesse contre Balaam, qui luy auoit fait tort de la battre lors qu'elle luy vouloit sauuer la vie : & Balaam ne voyoit l'Ange, ny l'espée, ny les lieux où l'Ange se mettoit au deuant de luy, iusques à ce que Dieu luy eust ouuert les yeux à voir d'une veüe d'autre creation, & condition. Calvin donc qui ne cōsidere

qu'une sorte de veüe cômune aux predicans, & aux mousches, à esté plus embeguiné d'asnerie, que l'asnesse de Balaam. Et les Religionaires ont esté tant stupides, que Calvin les à embeguinez du beguin des Asnesses Saduceannes, qui fimaginoient les corps & sens du siecle futur, du tout semblables à ceux d'icy bas. La distance des lieux, & le secret des actions humaines, n'ont empesché Elisée absent, de voir Giezi prendre presens de Naamen, & rapporter ce qui estoit deliberé au secret conseil du Roy de Syrie, 4. Reg. 5.25.26.27. & 4. Reg. chap. 6.12. & ne servira de rien aux Religionaires, de dire, que ce sont miracles particuliers, & actions de Prophetes entre les viuâs. Or nous leur disons, que les miracles particuliers sont pour confirmer, qu'il y a és hommes vne autre façon de voir, que l'infirmé de ce monde, comme il est manifeste és Prophetes : Secondement, que attédu la condition de la veüe des esprits, & plus encore des bien-heureux : les Démons, le mauuais Riche, Abraham, le Lazare, & autres, ont veu & côneu d'une veüe propre aux esprits, les choses & comportements d'icy bas. Les Religionaires n'osteront donc jamais ceste veüe d'esprit, & des bien-heureux principalement : sinon qu'ils confondent les ames avec les corps.

SECT. XXXIIII.

Caluin ennemy des saincts, comme Vigilance, monstre bien qu'il à emprunté Palborach, où grand asne blanc de Mehemmet Chorissy, en niant que les saincts prient pour nous; toutesfois incontinent il corrige son erreur, en confessant qu'ils desirent l'aduenement du royaume de Dieu, qui gist en la confusion des iniques, & au salut des fidelles, & que leur

GENERAL EXAMEN

charité est enclose en la communion du corps de Christ, & ne s'estend pas plus loin, que porte sa nature; qu'ils prient en general, & non en particulier: car ils seroient distraits aux choses terriennes, & quitteroient leur repos, *lib. 3. Inst. cap. 20. sect. 24.* Nous voudrions que Calvin nous eust maintenu l'intercession generale, sans la particuliere, par tesmoignage de la sainte escriture. Car que seruiroit-il, que l'homme est animal raisonnable & mortel, si vn chacun ne l'estoit en particulier, si vn chacun ne participoit les incidens particuliers, qui nous apportent la mort? Que sert l'aumosne leguée à la communauté; si elle n'est distribuée en particulier selon l'indigence, où capacité d'un chacun? La terre de Canaan, leguée en general aux enfans d'Israel, à esté partagée entre les tribus, & des tribus aux particuliers. Certes le iugement, & la distribution sans particuliere connoissance, & en confus, sont imparfaits: donc l'intercession generale & confuse; en suppose vne particuliere & cogneue. Il est tres-certain que le iugement general des iniques, suppose le particulier d'un chacun: autāt est-il du salut d'un chacun fidele. Qui-conque donc confesse la generale priere des saints, confesse malgré soy, la particuliere. Dauantage si la charité des bien-heureux est enclose en la communion du corps de Christ, comme confesse Calvin, il faut qu'ils prient pour nous, fils sont membres comme nous, d'un mesme corps: Or la nature du corps de Christ, est charité, secours, & compassion des membres l'un à l'autre; ce qui suppose la connoissance particuliere de nos necessitez. Calvin est si peu amy des bien-heureux, qu'il leur denie la connoissance, & secours particuliers pour nostre salut: & est

tant vallet des Démons, qu'il leur confesse, & concede la connoissance & nuisance particuliere contre nostre salut. Calvin à peur que si les saints se soucioient de nostre salut, & de la conduite des choses terriènes, qu'ils ne fussent distraits, & qu'ils ne quittassent leur repos. Nous demandons à Calvin vne seule escriture expresse de son dire : mais ne luy, ne tous les Religioneux, n'en scauroient produire, que nous ne leur bruslions la langue par le feu de verité en nostre replique. Car icy nous proposons seulement leurs lourdes fautes & ignorances : & en nostre replique Dieu aydant, nous demonstrerons clairement, & au long, leurs erreurs, & sophismes. Nous leur demandons en attendant, si Dieu & les Anges, qui ont le gouvernement, & soin de toutes choses indifferemment, celestes & terrestres, sont incommodez de leur beatitude pour cela ? *Imò*, c'est l'excellence & nature de la beatitude d'auoir noble & efficace soucy, sans trauail, ny distraction de son repos, & contentement. Quand Dieu à mis nostre Seigneur les Anges & bien-heureux, sur les gouuernemens des royaumes & prouinces, *Psal.* 2.8.9. *Apocal.* 19.13. *Psal.* 73.8. *Math.* 24.48. *Math.* 25.23. *Luc* 19.17. *Apocal.* 2.26.27. à ce esté pour les distraire, & incommoder, où pour leur faire quitter leur repos ? Il n'est en la puissance de tous les Religioneux de le prouuer, où maintenir par l'escriture expresse.

SECT. XXXV.

Ces gens icy ne cornent autre chose que l'escriture expresse ; & puis ne produisent en auant que leurs negatiues, opinions, & interpretations. Premièrement, alleguent que les saints ne prient point Dieu pour nous : & puis qu'ad on leur obiecte le contraire,

GENERAL EXAMEN

ils rabaisſent leur colere, diſans qu'ils n'entendent pas parler des viuans corporellement, car ils prient pour nous, & nous prions pour eux: alors on leur diſt, la vie charnelle nuist pluſtoſt à ſaincteté, à l'oraïſon, & empesche les effectſ de charité, & nous diſtrait de noſtre ſalut, que ne faiſt la gloire & beatitude de Dieu, qui ſont le loyer d'auoir bien veſcu. Ils rabaisſent de rechef vn peu de leur fureur, & diſent, que de vray les ſainctſ en general prient pour nous, mais non en particulier, car ils ſeroiét diſtraits par le ſoin des choſes terriennes, & empeschez de leur repos. Alors on leur diſt, les ames ſont comme les Anges au ciel, *Math. 22.* leſquels d'autât qu'ils ſont plus heureux, ont plus de charge, & de ſoin des affaires ſeculieres, *Daniel 12. 1.* & moins de diſtraction. Et meſme les Démons; tous damnez & emprifonnez qu'ils ſont, connoiſſent & aſſiſtent à ceux qui les inuoquent. Calvin ainſi preſſé dit, qu'ils n'ont les yeux ſi aigus, ny les oreilles ſi longues, pour auoir encores quelque communication avec nous, entant qu'il eſt poſſible d'en coniecturer, car cela n'a aucun fondement en l'eſcriture. Voyez vous à ceſte heure le trompeur Calvin, il prouuoit tout par l'eſcriture, & en fin il ſe deffend par coniecture, & eſt ſi ignorant de la loy de Dieu, & de la loy de nature (ou pluſtoſt tant forcené de rage) qu'il demande ſur quoy eſt fondée l'interceſſion des ſainctſ: enquoy lon connoiſt qu'il à perdu tout ſentiment, & memoire d'humanité, de charité & d'amirié des vns aux autres. La loy diuine eſt, *Tu aymeras Dieu de tout ton cœur de toute ta penſee & affection, & ton prochain comme toy-meſme. Deuter. 6. 5. Leuit. 19. 18. Math. 22. 37. 39.* Ce commandement d'amour & charité, eſt cauſe que nous aymons, que nous prions Dieu, & qu'il nous donne ce que luy

demandons. Or ce commandement de dilection, n'est pas du temps de ce mode seulement, pour estre accompli parfaitement, mais principalemēt pour le siecle futur, ou l'amitié croist, est couronnée, est sans empeschement, sans distraction, & en sa perfection : qui faiēt que les saincts avec Dieu, prient plus ardemment pour nous, que quand ils estoient en ce monde. Qui à donné puissance à Vigilance, où à Calvin d'abreuier le commandement de charité, & l'emprisonner seulement en ce monde, & l'exclure de l'autre ? N'est-il pas vray que toutes choses passent & cessent, fors charité ? 1. *Cor.* 13. Quelle diuine relation a dit à Calvin en l'escriture expresse, où à Vigilance, où aux Manicheans, où aux Saduceans les ancestres ; que ce pendant q̄ nous estiōs en ce monde, nous priōs les vns pour les autres, & auiōs cōpassion des affligez cōme membres d'un mesme chef ? Mais que la mort corporelle, & la beatitude celeste nous aueugloiēt en l'esprit, & nous empeschoiēt de comiseration, & de charité. S'ils ont de l'écriture cōtre l'Eglise, & les biē-heureux, qu'ils la produisent : fils n'en ont point d'expresse ; pourquoy croient ils aux coniectures charnelles de Calvin, sans escritures.

SECT. XXXVI.

Nous alleguons que les Anges se campent à l'entour de nous, *Psl.* 33. 8. & 4. *reg.* 6. 16. 17. qu'ils priēt pour nous, *Zach.* 1. 12. nous defendēt & assistēt, *Dan.* 12. 1. & que les saincts Peres les ont priez, *Genes.* 48. 16. & adorez sans erreur, *Ios.* 5. 13. 14. 15. Parquoy il y a des façons d'adorer, de gouuerner, de secourir & benir, communes en termes à Dieu, & aux Anges, au seul Créateur, & aux creatures, qui toutesfois en intention, sont distincts seruices & recoñoissances rédues autremēt à Dieu,

autrement à ses creatures, officiers & seruiteurs. Les Caluinistes considerans cela, en la glose de leur grād Bible de Geneue, sur Genese 48. 16. & Calvin, *lib. 3. Inst. cap. 20. sect. 25.* citant le second des Paralyp. chap. 6. 42. & le Psal. 101. 10. & sur Daniel chap. 12. 1. & sur Zacharie chap. 1. 12. Ils exposent & entendent par les mots d'Ange, de Dauid, de Michel, & semblables, le fils de Dieu nostre Seigneur Iesus Christ. Tellement que nostre createur sera distinct de Dieu, puis qu'il est officier de Dieu : & Dauid & Michel, en nature inferieure, comme disoient les Arriens. Iehan Oecolampade sur Zacharie, *chap. 1. 12.* escrit, que celuy qui par l'Ange, entend le S. Esprit, ne se trompe & n'erre point. Calvin toutesfois sur Genes. 48. & Zach. 1. dément Luther, Bulinger, & Oecolampade ; qui entendent ces passages des Anges, de Dauid, & de S. Michel, ainsi qu'expressement parle l'escriture. Calvin luy mesme censure ses propres expositions, & des faux prophetes ses compagnons, *lib. 1. Inst. cap. 14. sect. 6.* disant, *Dieu commet à ses Anges la tutelle de ceux qu'il veut garder*, & Iacob en benissant Ephraïm & Menassés, prioit que l'Ange de Dieu, qui luy auoit tousiours assisté, *Genes. 48. 16.* le fist prosperer. Nous sçauōs bien que les mots d'Ange, & de Dauid, sont quelques fois prins pour nostre Seigneur, *Malach. 3. 1. Ierem. 23. 5. Ierem. 33. 15. 17. 21. 22. Iech. 34. 23. 24.* mais non pas au ministere & gouuernement particulier, special, temporel & terrien : comme, *Genes. 48. Psal. 131. Daniel 12. Zach. 1.* donc vne arondelle ou deux ou trois ne font pas asseurement le renouveau : Aussi vne exposition du nom de Dauid & d'Ange, dits par translation, ne doit abolir la propriété de tous les autres passages. Calvin de

rechef, lib. 3. *Inst. cap. 20. sect. 23*, honnist son commét, & l'exposition de ses compagnons, disant, *Il est faict souvent mention de l'intercession de Anges, & les prieres des fideles, sont portees par leur main dauant la face de Dieu: le leur concede, mais ils ont à prouuer, que les saints trépassé, sont deputé pour procurer nostre salut, & qu'ils ont la charge, & commission de nous guider en toutes nos voyes, qu'ils sont à l'entour de nous, qu'ils nous admonnestent & consolent, & veillent tousiours pour nous conseruer*: Toutes ces choses là sont attribuces aux Anges, & non pas aux saints. On penseroit que quand Calvin & les siens disent cela, qu'ils veulent acquiescer à l'Eglise, & ceder à la verité, ou lon leur produira quelque escriture qui monstrera cela, mesme, qui en aura tant soy peu d'apparence; ce neantmoins ce n'est que pour tirer en longueur, & maintenir perpetuellement tout irresolu & en suspens

SECT. XXXVII.

La raison d'intercession, que Calvin met en auât, est fondée en charge & obligatiō du superieur à son vallet, du curateur à son pupille, du procureur à son Seigneur, des gardes à celuy qui leur est mis en conseruation. Or nostre dispute cōtre Vigilance & Calvin, n'est point de l'intercession infirme, & compassion imparfaicte en tant que nous sommes viuans & mortels, ny en tant que nous sommes commis en la charge & garde d'autrui: ains, en tāt que nous sommes freres en Iesus-Christ: membres, tant viuās que morts, d'un mesme chef & corps, liez d'un mesme lien de charité. Parquoy posé le cas que les saints, & plusieurs Anges, ne priaissent pour nous, comme pour leurs inferieurs & pupilles commis à leur garde, & deffence, comme nous sommes aux Euesques, aux Roys & superieurs: toutesfois comme freres,

GENERAL EXAMEN

amis, voisins & membres d'un mesme corps; ils prient pour nous, comme font bons fideles, tant en general qu'en particulier. C'est icy ou les Vigilantiés & Religioneux doiuent produire l'escriture, qui admette inclusiuement l'intercession du superieur, pour l'inférieur, qui est commis en sa garde & protection: & reiette l'intercession, compassion, amitié & charité, qui est naturelle entre les freres d'un mesme pere, & entre les membres d'un mesme chef & corps. Venons maintenant aux malicieuses ignorances de Calvin, & luy monstons que les bien-heureux au ciel, sont cōme les Anges de Dieu, en leurs fonctiōs, *Math. 22. 30.* car ils n'exercent point les fonctions charnelles & corporelles, mais les Angeliques seulement, car ils sont sans corps, & sans empeschement du corps: car ils sont esprits, où de conditions où qualitez spirituelles, & non plus infirmes & mortelles: car ils sont en la gloire & beatitude de Dieu, qui les empesche de distraction, & leur donne repos en tout gouuernement. Calvin prouue cōtre les Sadoceens, *lib. 1. Inst. cap. 14. sect. 9.* (*que les Anges sont personnes spirituelles, & vrais esprits qui subsistent: & non pas mouuemens, qualitez, & inspirations diuines seulement*) par ce que les fideles apres la resurrection, seront semblables aux Anges de Dieu au ciel, *Math. 22. 30.* & l'Apostre aussi, *Hebr. 12. 22.* les comprend & colloque en mesme ordre, que les ames des fidelles. Puis donc qu'ils sont esprits comme les Anges, & de cōditions spirituelles comme les Anges, & colloquees en vn mesme ordre que les Anges, ils exercent les mesmes fonctions, en tāt qu'il est expedient pour la gloire de Dieu, & pour nostre salut. Si les ames des deffuncts ne se soucient de nous ny de nostre salut, & ne voyent, & n'oyent point ce qui se faict icy bas; Comment est-ce que

Moyse & Helie, assisterent à nostre Seigneur, conférerent avec luy, & se firent connoistre aux Apostres, pour la foy en nostre Seigneur Iesus Christ. *Luc. 9.30.31.* Les corps saincts se releuerent de leurs tombeaux, apparurent à plusieurs en Ierusalem, & tesmoignerent à beaucoup sa glorieuse resurrection: ils auoiet donc quelque charge du salut de leurs freres, encore mortels & viateurs. S. Cyprien Epistre 57. à Corneille euesque & martir. *Si quelqu'un de nous par diuine dignation precede l'autre, que nostre dilection perseuere enuers Dieu, à celle fin que l'oraison pour les freres & sœurs, ne cesse enuers la misericorde du Pere. Et au liure de la mortalité, la grâce & frequente troupe des saincts nous desire, qui est bien asseurée de son immortalité, & soigneuse de nostre salut. & au liure de l'habit des Vierges il dict, Endurcicez vous vaillamment, aduancez vous spirituellement, parueniez heureusement, & alors que la virginité commencera en vous d'estre honorée, ayez au moins de memoire de nous.* Iusques icy S. Cyprien.

SECT. XXXVIII.

Nostre Seigneur parlant de la retribution du bon seruiteur & fidele Prelat au siecle futur, dit, *Math. 24. 45. 46. 47.* que Dieu le constituera sur tous ses biens, tant s'en faut qu'il le priue de charge & d'honneur. Et au 25. ch. vers. 21. 23. *Bon seruiteur & fidele, tu as esté loyal en peu de chose, ie te constitueray sur beaucoup, entre en la gloire de ton Seigneur.* Et en saint Luc 19. 17. *Bon seruiteur, pour autant que tu as esté loyal en peu de chose, prens puissance sur dix villes.* Et de rechef, *Apocal. 2. 26. 27.* *Celuy qui aura vaincu, & aura gardé mes œuvres iusques à la fin, ie luy donneray puissance sur les peuples, & il les gouvernera avec une verge de fer, & seront brisez comme vaisseaux de potier, cōme i'ay aussi receu de mon Pere.* *psal. 2. 9.* Nous sçauōs que nostre chef à prins par execution, plus grāde puisāce au regime spirituel sur les peuples, apres sa mort ignominieu-

GENERAL EXAMEN

se, que quand il viuoit; Or il en donne & commet autant à ses mébres victorieux: Parquoy les saincts apres leur decés, prennent charge de nostre salut, comme nostre Seigneur & les Anges. Secondement l'escriture qui estoit dite de nostre Seigneur viuant, luy est plus excellemment attribuée apres son decés qu'en son viuant; & est semblablement transferée à ses membres les benoists Saincts: Parquoy leur puissance, connoissance, intercession & regime, est plus grand & efficace en la gloire, que comme ilz estoient viateurs. Et pource dict saint Ambroise, finissant le liure 8. sur S. Luc 19. 17. *Ainsi que les Anges president, ainsi sont ceux-là qui meritent la vie des Anges.* Et saint Eusebe liure 12. chap. 1. de la Parascene Evangelique, escrit; *Les ames des deffuncts ont quelque vertu, par laquelle, mesme apres la mort, ilz aident aux choses humaines.* Saint Iehan Chrysostome, *homil. 2. sur le Psalme 50. traictant la parole de Dieu, en Esaye 37. 35. Je defendray avec mon bouclier ceste Cité, en la sauuant, pour moy & pour Dauid mon seruiteur* 4. Reg. 19. 34. *Dauid estoit mort, & ses merites auoient vigueur: ô chose admirable, ô clemence de Dieu ineffable, l'homme mort defend le viuant.* Iusques ici l'Escriture expresse, & saincts Docteurs, qui en disent autant & plus que caluin n'en demandoit. Donc le liure second des Machabées, ne peut estre suspect pour cela, comme les ministres pensoient.

SECT. XXXIX.

Voyons si les saincts n'ont plus de commerce avec nous, apres qu'ilz sont avec Dieu; filz ne voyent n'y n'entendent nos oraisons & necessitez; filz n'ont aucune charge de nostre salut, comme dict Calvin: Car nous ne croyons pas, comme les Religioneux, aux gloses de Calvin. Pourquoi est-ce, que quand

il est question de nous bien faire; Dieu, les Anges, les saincts deffuncts, & les fideles viuans sont ioints ensemble; & si les vns prient, & ont soucy; pourquoy les autres y seruent-ils cōme d'un O en chiffre? *Genes.* 48. 16. *Iech.* 14. 14. Pourquoi est-ce que Moysse dict, Que Dieu fera misericorde en mille generations, en faueur de ceux qui ont gardé ses commandemens? *Exod.* 20. 6. Pourquoi est-ce que pour auoir Dieu propice, Moysse allegue non seulement la promesse de Dieu aux Peres; mais aussi leur pieté & seruiçe? *Exo.* 32. 13. Pourquoi Dieu à-il retiré la peine de la diuision du royaume d'Israël, meritée par Salomon, sinon qu'en la faueur de Dauid? 3. *Reg.* 11. 12. 13. 32. 34. 36. Pourquoi la Synagogue prie elle que Dieu conserue le Roy, pour l'amour de Dauid son serui-teur? 2. *Paral.* 5. 42. *Psal.* 131. 10. Là il est manifeste, que lon parle de l'estat temporel d'Israel, commis aux Roys de Iuda; & non du royaume spirituel appartenant à nostre Seigneur Iesus-Christ. Comment est il possible qu'il n'y aye point de compassion entre le membre malade, & celui qui est sain? Cōment peut estre le chef, sans la conformité à ses membres? Les membres entr'eux, ne peuuent faire vn mesme corps, sans se communiquer l'un à l'autre? Pourquoi les Saincts sont-ils priuez du cōmerce des viuans, puis que la charité plus parfaicte demeure; l'humanité plus asseurée y preside, & la sympathie y est plus naturelle. Comment ne prient-ils les vns pour les autres, puis que le commandement de prier les vns pour les autres n'est point aboly; 1. *Cor.* 13. 7. 8. *Iacob.* 5. 16. car nous ne sommes pas encores sauuez, ny leur gloire ne peut estre parfaicte sans la nostre. Pourquoi est-ce que le nom de Dauid est repeté

GENERAL EXAMEN

douze fois, comme ayde & secours a sa posterité, 3.
Reg. 11. 12. 13. 32. 34. & 3. *Reg.* 15. 4. 5. & 4. *Reg.* 8. 19.
Actu. 4. *Reg.* 19. 34. & 4. *Reg.* 20. 6. Pourquoi de-
mandons nous Iustice pour les Saints, *Psal.* 78.
10. 11. 12. & eux vengeance aussi, *Genes.* 4. 10. *Apocal.*
6. 10. 12. fils ne demandent misericorde pour nous
leurs confreres penitens?

SECT. XL.

Nos saints Docteurs ont religieusement aduisé, de
n'admettre vn seruice aux saints, qui excedast le de-
voir de compassion des membres ent'eux mesmes, &
de n'esgaller aucun membre à son chef; comme il
estoit Dieu, ou Sauueur, *Epiph. heres.* 78. car cela est
vne calomnie des Iuifs, des Payens, des Manicheans
& de Mahomet, qui rapporte en l'Alkoran, *Assuar* 4.
appellé *Elmeideh.* c'est à dire Table ou Cene, que Dieu
dist, *O Iesus fils de Marie, tu as dit aux hommes, receuez moy,*
& ma mere, deux Dieux, outre Dieu: Ou lon voit les Ma-
hometistes auoir estimé que les Chrestiens croyoient
les saints estre Dieux, comme les impudens Calui-
nistes nous imputent. *Eusebe lib.* 4. *chap.* 14. de l'histoire
Eccles. rapporte que les Iuifs & Gentils disoient au
Iuge de Smyrne, *Ne donne point le corps de Polycarpe aux*
Chrestiens, de peur que laissant leur Crucifix ils adorēt cestuy cy.
Et de vray, les Caluinistes disent des Catholiques,
comme faisoient les Manicheans, qu'ils adorent
plusieurs Dieux, & qu'ils ont tourné les martyrs en
Dieux, & eldoles, & que nous sacrifions ausdicts
martyrs. *August. lib.* 8. *de ciuit. Dei cap.* 27. & *lib.* 22. *cap.*
9. 10. *ac in Faust. lib.* 25. *cap.* 21. car les martirs, ont puis-
sance mesme sur les diables, *lib.* 10. *de ciuit. Dei cap.* 5. Nous
voyons que les Religioneux, qui nous appellent ido-

lastres, ont aprins ce langage des perfides Iuifs, des Gentils abusez, des charnels Mahometans, & des superstitieux & ignorans Manicheans. Voila leurs peres, & ancestres. Il n'y a aucune escriture, ny Prophete, ny S. Docteur de l'Eglise, qui aye tenu le langage des calomniateurs Caluinistes; combien que nous & eux, auons tousiours estimé ceux-la iniques, qui font du corps de la vierge, vn Dieu: ou des autres saincts, ou qui leur sacrifient du seruice qui est d'heu seulement à Dieu. Nous reprenons aussi ceux-la qui se fient tellement és oraisons des saincts, qu'ils ne font rien de leur costé. Et pour-ce dict S. Iehan bouche d'or, *homil. 44. sur Genese. Bien aymé* ayons recours ensemble aux prieres des saincts, & les prions d'interceder pour nous: mais ne nous confions pas seulement en leurs prieres, ains nous aussi, dispensons droictement ce qui est en nous, & nous retournons tousiours à ce qui est de meilleur, pour donner lieu à l'oraison, qui est faicte pour nous. S. August. liure 21. de la cité chap. 27. exposant le verset 9. du chap. 16. de saint Luc, escrit, qu'il y en à aucuns qui ne peuuent estre receuz és eternels tabernacles, sans les suffrages des saincts: & aussi ne seroient aydez des merites des saincts, fils n'auoient rien faict de leur costé.

SECT. XLI.

La foy de l'intercession des Saincts à esté publiquemēt tesmoignée aux Concils generaux: Aduint au premier Concil general celebré à Nicie l'an 333. le 10. iour de Iuillet, par 318. Peres, que deux insignes Euesques, Chrsiantus, & Mauzonius, preuenuz de mort, ne peurent signer: les Arriens disoient qu'ilz estoient dés leurs; que s'ilz auoient signé les actes du Concil, ils l'approuueroient: Fut donc accordé

GENERAL EXAMEN

entre les Catholiques & Arriens, que les actes publicz du Concil feroient mis sur leurs tombeaux, avec bonne garde tant d'un party que d'autre, avec ceste priere: *O Chrisant & Mauzone, qui à present voyez clairement la diuine essence, & personnes, signez s'il vous plaist la verité.* Or le iour & la nuit passez en feruente deuotion, on prend les cayers que lon auoit mis sur leurs fosses, on les ouure, & on trouua signé, *Nous Chrisant & Mauzone, absens de corps, & d'esprit presens, auons souscripts de nostre propre main à la verité definie par les trois cens dixhuiet saints Peres, au Synode de Nycie: comme escrit Gregoire prestre de Cæsaree, en l'histoire des trois cens dixhuiet Peres de Nycie, Simeon Metaphraste des Saints le 10. Iuillet. Niceph. lib. 8. cap. 23. S. Leon louë l'Empereur Marcian, & Pulcheria son espouse, Epist. 37. & 42. de ce qu'à leur pouuoir ilz auoient destruit l'heresie Nestorienne, & Eutichienne. Item de ce qu'ils auoient fait transporter avec deu honneur, en l'Eglise de Constantinople, les venerables reliques de Flauian sacrificateur de ladicte Eglise, & Innocent martyr: duquel le Concile de Calcedonie action 15. dict, *Eternelle memoire à Flauien Patriarche de Constantinople, voila la vengeance, voila la verité, Flauien est viuant apres la mort, que ce martir prie pour nous: Flauien a exposé la foy apres sa mort, Flauien est orthodoxe: nous desirons beaucoup d'années à l'Empereur, Flauien Iuge avec nous.* Si les Religionnaires croient aux Concils generaulx, ils y verront clairement que les saints, apres leur decés, sont viuans, nous voyent, & entendent, voire sont presens, & nous aydent autant qu'il est expedient pour nostre salut, & decent pour leur gloire. Calvin, à sa coustume, ne voulant subir l'exemple ou sentence des saints Concils, dict; *lib. 4. Inst. cap. 9. sect. 10.* qu'il*

Qu'il y a à redire aux plus purs concils : car en celuy de Nycie les Euesques (comme pour faire plaisir à Arrius) se mangoient , diffamoient , & defaisoient l'un lautre ; si Constantin n'eust bruslé leurs accusations , & informations , en refusant d'en estre Iuge : Voila Calvin contre les Concils , comme Cam contre Nohé. Premièrement , Calvin ne sçauroit monstrier , que les Euesques Catholiques fussent contraires en la foy , ou définition orthodoxe ; dont est question aux concils. Secondement il ne sçauroit prouuer , qu'ils debatissent les mœurs concernâs l'Eglise en general , car cela apattient au iugemēt du Synode , & non de l'Empereur. Il estoit donc seulement question des droicts particuliers , & purement terriens , appartenans sans priuilege à l'Empereur : pour le iugement desquels , l'assistance generale & certaine du S. Esprit n'est point promise : comme quand il est question de la foy , & de la doctrine ; de laquelle nous disputons cōtre Vigilance. Calvin est donc vn calomniateur , & sophiste , en confondant le general avec le particulier ; la foy & doctrine , avec le droict terrien & temporel. Or nous auons vn autre signalé exemple du soucy que les Saincts Martyrs ont de nous ; que Iehan Zonare escrit , *tom. 3.* de ses annales en la vie de l'Empereur Marcian : rapportant que les Eutichiens , en la presence dudit Marcian , promirēt acquiescer au Concile general de Calcedoine , au moyen que la cōfession de foy , tant des Catholiques , que des Eutichiens , fust mise sur l'estomach de la vierge & martire Euphemie en sa chasse ; & que celle qu'elle aprouueroit , & presenteroit à l'empereur , seroit receuë de tous : ce qui fut faict fidelement avec bonne garde , & instante prieres , tant d'un costé que

GENERAL EXAMEN

d'autre: Le lendemain la Chasse ouuerte, presens les Eutichiés, la Vierge martyre estédit le bras, & bailla à l'Empereur Marcia la cōfession catholique, & mist la profession de Eutichiens souz ses piedz: qui est argument tres manifeste que les saincts voyēt nos necessitez, & nous y secourent. S E C T. XLII.

Si les saincts n'ont plus de cōmerce avec nous; pourquoy estce que sainte Potamienne vierge & martyre; promist de voir Basilides trois iours apres sa mort: l'instruire & rendre Chrestien: ce qu'elle accomplit, *Euseb. lib. 6. hist. Eccl. ca. 4.* S. Pierre & S. Paul apparurent à Cōstantin, & le renuoyerēt à S. Syluestre, cōme S. Paul à Ananias, pour estre plus familiarēmēt instruit de la Religion Chrestienne, & pour estre guery de sa laderie par le S. Baptesme, ce qui fut effectué & verifié. Metaphraste en la vie de S. Syluestre, & action 2. du concile de Nicye second. Niceph liure 8. chap. 3. Eugene tyran, felleua avec vne armée de Payens quasi sans nombre, contre Theodose religieux Empereur; lequel iour & nuiēt perseueroit en oraison par les Eglises: & les deux armées estans prestes de combattre, apparurent S. Iehan Euangeliste, & S. Philippes, au deuotieux Empereur (& ensemble) toutesfois separement au Connestable, promettans assistance, & victoire contre le tyran; & il aduint ainsi, *Theod. lib. 5. cap. 24. hist. trip. Castod. lib. 9. cap. 45. Nyceph. liure 12. chap. 39.* Je demande aux Religioneux, pourquoy S. Iehan & saint Philippes ont fait cela, plustost que d'autres: & à Calvin, comment ils ont esté plustost priuez de leur repos, que l'Ange qui tua cent octante cinq mil hōmes en l'armée Assirienne; S. Fœlix martyr ne fut-il pas veu sur les murailles de la ville de Nola en Affrique, batailler, & la deliuer

du siege des Gots, comme rapporte S. Augustin de ce temps là, liure du soin qu'on doit auoir des morts chap. 16. l'ay vne multitude d'histoires semblables, pour môstrer aux Caluinistes leurs longues oreilles, & yeux de mouches, & pour leur môstrer leur ignorance, & blaspheme Iudaic & Payen, fils les attribuent à Belzebuth, & font en cela chemin à destruire les miracles du vieil & nouveau testament.

SECT. XLIII.

L'experience seule sans l'escriture, ou promesse, & exemple, à contraint les hommes Saduceans d'approuuer les miracles de l'Ange descendant en la Piscine: pourquoy n'en fera il autât des miracles Chrestiens souuent aduenus aux chasses des martyrs, cōme recitēt S. Ambroise, S. Hierosme, & S. Augustin? Dieu fera il contraint par Caluin faire vne nouvelle escriture, & promesse, selon la fantaisie humaine, contre ce qu'il à pratiqué iusques au iourdhuy? La raison nous apprend d'argumenter du plus petit au plus grand, cōme ont inferé & colligé S. Hierosme contre Vigilance, S. Chrsost. *homil. contrā gentes, quod Christus est Deus*, S. August. *in Psal. 88*. Car si charité & fraternité estans encore en enfance, estās encore en guerre, si la connoissance estans encore imparfaicte à induit les saincts à prier pour leurs confreres & membres: A plus forte raison à present consommez en gloire, en puissance, en connoissance, & charité, ils prient pour nous, & nous reciproquemēs les deuons prier plus ardamment & instamment, comme dit S. Augustin, liure 20. *In Faust. cap. 21*. d'autant que nous sçauons leur saincteté mieux asseurée. Certes il y doit auoir pleine conformité des membres au chef, & des rameaux de la vigne au sep. Or l'execu-

GENERAL EXAMEN

tion de puissance, connoissance, intercession, & amitié de nostre chef Iesus-Christ, à nous ses membres, à esté plus grande apres son Ascension, & beatitude au ciel, qu'auparavant: parquoy doit il estre ainsi de ses saincts, autrement ils seroient desnaturez. Le 4. argumēt general des anciens pour l'intercession des saincts, est le commandement de prier l'un pour le salut de l'autre, qui est perpetuel, & non charnel, cōme le mariage, l'aumosne, & predication; parquoy il dure tousiours: donc les saincts prient incessamment pour nous. Les saincts en cinquiesme lieu, desirent ardāment l'aduenement du royaume de Dieu, qui est nostre salut, & le chastiment des iniques, parquoy ils prient pour nous. Il y a encores sept autres argumens generaux, par lesquels les Eglises de Dieu ont maintenu l'intercession des saincts, contre les Saduccans, Manicheans, Eunomiens, & Vigilātiens, avec plusieurs escritures & raisons particulieres que nous gardons pour le salut des Religioneires.

SECT. XLIIII.

Caluin reiette ce liure second des Machabeans, liure 3. de son Inst. chap. 5. sect. 8. escriuant, *Je suis mal aduisé, de me debatre en vain: Car l'autheur mesme demonstre combien on luy doit deferer, quand il prie qu'on luy pardonne s'il a dit quelque chose à la trauerse. Certes si celuy qui cōfesse d'auoir mestier qu'on le suporte, & qu'on luy pardōne; proteste assés par cela, que ce qu'il dit ne doit pas estre tenu pour arrest du S. Esprit: cōme pretend caluin, qui n'use point (dit la glose de Genēue lib. 2. Mach. c. 15. ver. 39.) d'excuse enuers les hōmes: parquoy nous ne receuons point ce liure au rang de ceux qui sont authorisēz du S. Esprit. Nous respondons à Caluin qu'il se monstre mal aduisé de debatre en vain, comme il confesse, touchant ce liure second des Machabeans: Caluin*

commente, comme il à de coustume, que l'auteur de ce liure prie, qu'on luy pardonne, si luy a dit quelque chose à la trauersé. Si Calvin & ses complices prouuent ce qu'ils imposent à ce liure, ilz ne sont mal aduisez: mais ne le trouuant point, expressement ils sont imposteurs & brouillons. Voicy les motz, 2. *Mach. 15. 39. 40. Que si i'ay bien dict, & comme il appartient à l'histoire, c'est cecy que i'ay voulu: Mais si çà esté en bas & petit style, c'est cecy ou i'ay peu atteindre: Car comme c'est chose contraire à l'homme de boire du vin & puis de l'eau, mais user de vin attrempe d'eau, c'est chose delectable: Ainsi la façon de proceder en vne mutation est agreable aux lecteurs, quand elle est elegante: Parquoy sera ici la fin.* Voyla le vray texte des Machabeans, qui ne dit point comme luy imposent les gloses des predicans, en ces motz: *Pardonnez-moy ie vous prie, si i'ay dit quelque chose à la trauersé.* C'est le pere de mensonge, qui à entré en la bouche de Calvin, & des predicans, comme en celle de T sedechias, & de ses complices faux prophetes, 3. *Reg. 22. 22.* Ceste impudente mensonge de demander pardon si on a dict quelque chose à la trauersé, est de la forge de Calvin, & de la reformation de l'esprit malin, & non du diuin texte des Machabeans. Calvin adiousté, que cet auteur confesse auoir mestier qu'on le supporte, & qu'on luy pardonne, le dementy demeure à Calvin, & à tous les ministres, iusques à ce qu'ilz ayent produit le texte expres de leur dire; ce qu'ilz n'ont encore peu faire, & ne feront iamais. L'auteur des Machabeans ne dict pas; Si i'ay dit vray c'est ce que ie desire; mais si ie n'ay dict vray, ie vous prie me pardonner & supporter: & pour-ce le texte ne dit pas, ἀληθῶς verè, ains estoit καλῶς benè, pulchrè, & honestè, καὶ εὐτίκτως *competenter, integrè ac congruè sicut decet.*

GENERAL EXAMEN

Le S. Esprit veut donc dire par cest authœur, Dieu tient plus de conte de dire bien, de dire beau, honnestement, ou eloquemment a suffisance, & en style bas quelque fois, & petit, que d'estre tousiours si eloquent: comme boire tousiours du vin, qui est eloquence, n'est pas bon: boire aussi tousiours de l'eau, qui est le style tousiours bas, & petit, n'est pas aussi tousiours bon: qui ne sont paroles d'excuse, ains, parolles de iugement, & remonstrance à ceux qui voudrôt reietter la sainte escriture, à cause qu'elle n'est pas tousiours de style eloquent: & ce saint authœur dict, que c'est assez qu'elle soit d'un style temperé: Tant s'en faut qu'il s'excuse, ou demande pardon, qu'il prononce que le style temperé est le meilleur.

SECT. XLV.

Posons le cas que les ministres eussent allegué vray, & que ce S. authœur s'excusast du style & eloquence deuë à vne telle histoire, & en demandast pardon & support, comme vn homme qui auroit dict l'un, & feroit prest à dire l'autre: Et par-ce que ce liure n'est point canonique aüec tesmoignage du S. Esprit: Il s'ensuit que Nathâ qui à dit à Dauid, Edifie le Temple, & puis le contraire, ne meritoit plus le nom de Prophete, & veritable. 2. *Reg.* 7. 3. 13. Esaye dist à Ezechias qu'il mourroit de ceste maladie, & incontinent apres, qu'il ne mourroit de quinze ans. *Esay.* 38. Et Elie dist, qu'il estoit laissé seul des Prophetes de Dieu, ce qui estoit faüx, 3. *Reg.* 18. 22. & *cap.* 19. 18. Et Michée prophete, dist à Achab, 3. *Reg.* 22. 15. Monte, tu prospereras: & le Seigneur baillera la ville de Ramoth entre les mains du Roy: & incontinent, verset 20. il luy denonce le contraire. Qui croira donc plus les Prophetes, puis qu'ils sont in-

certain de la volonté de Dieu, selon l'argument des faulx prophètes de Genesue : Moysc s'excuse d'aller en cour à Pharaon, car il n'est point eloquent, ains à langue pesante & tardive, *Exod. 4. 10.* Pourquoy d'oc le diuin Machabean ne pouuoit il excuser l'eloquence & bas style ; Si on vouloit raisonner selon l'ignorance des predicâs, qui enseignent, qu'il n'y à point de conseils Euangeliques, & que lon ne doit rien faire sans l'expres commandement de Dieu, & que qui demande qu'on le supporte, & qu'on luy pardonne, monstre que son dire n'est pas vn arrest du S. Esprit ny vn liure canonique. S. Paul & ses escrits, principalement aux Corinthiens, ne seroit canonique, & ne meriteroit aucune foy : car il dit, ce que les predicans imposent au diuin escriuain du second des Machabeans. *Je n'ay point, dit S. Paul, commandement du Seigneur des Vierges, mais i'en dône conseil, & voudrois qu'vn chacun fust continent comme moy : Si la Vierge demeure ainsi elle est plus heureuse, selon ma sentence. I'estime aussi que i'ay l'esprit de Dieu, 1. Cor. 7. 7. 25. 40.* S. Paul allegue sa sentence, son opinion, & son iugement, & non le commandement de Dieu, & l'inspiration du S. Esprit. Aussi il estime auoir l'esprit de Dieu, & ne dit pas, ie croy, & vous esleue que i'ay l'esprit de Dieu : Et en la 2. aux Corinthiens chap. 12. 1. 6. *A ma volonté que vous supportassiez vn peu de mon insipience : aussi supportez moy, que si ie suis idiot de parole, ou eloquence, mais ie ne le suis pas de connoissance.* Si donc les Epistres de saint Paul sont canoniques, & du Saint Esprit, non-obstant qu'il escrit selon sa sentence, & non du commandement que Dieu luy en aye faict ; & qu'il estime, sans l'asseurer, qu'il à l'esprit de Dieu,

& qu'il prie qu'on supporte sa folie, & qu'il est idiot en parole, & non pas en science. A plus forte raison le second des Machabéens merite foy, qui n'a rien accusé de sa folie, qui n'a demandé qu'on le supportast, qui n'a point dit qu'il fust idiot: ains qui a dit comme Moyse, qu'il n'estoit eloquent, & que le style temperé, comme est celuy des escritures, bien considéré; est le plus plaisant: comme le vin temperé d'eau est le plus salubre à boire.

SECT. XLVI.

3. Arg. Les Ministres estiment que ce liure n'est pas canonique, car il louë vn ancien Iuif nommé Razier, ou Razias; c'est à dire secret du Seigneur, ou clarté de Dieu, que les Ministres appellent (ie ne sçay d'ou) Zarias, qui s'est frapé soy-mesme de son glaiue, & puis precipité d'une haute muraille, & en fin estant sur vn haut rocher, ayant des-ja perdu tout le sang, print ces entrailles, & les ietta de ces deux mains sur les gens: priant Dieu qu'il les luy voulust rendre de rechef; aimant mieux mourir noblemét, que d'estre faict suiet aux pecheurs; & que d'estre iniurié indignement contre sa noblesse. 2. Mach. 14. 37. 42. 43. 44. 45. 46. La responce est; Que si l'acte de se tuer soy-mesme, sans exception, est suffisant argument de reietter vn liure du sacré Canon; que Samson, apellé saint au Seigneur, & qui est fort loué par le liure des Iuges, Qui s'est marié non seulement outre la loy, comme Salomon, à vne estrangere Egyptienne, mais aussi à vne Palestine Cananeane, contre la loy expresse, ne sera canonique: Car si vous dictes que c'est vn fait particulier inspiré de Dieu, qui ne se doit practiquer qu'en inspiration singuliere, comme Sampson: on vous en dira autant de Razias: Car vi-

ure sans sang, & ietter ses entrailles des deux mains, & plustost mourir, que de laisser moyé aux ennemis de se mocquer de Dieu, en l'iniuriant: pour la vie de nostre personne, il vaut mieux mourir comme feic Sampson, *Iudic.* 16. 28. 29. 30. Saül, *1. Reg.* 31. 4. selon l'opinion des Hebreux; comme Ionas dist, *lettez moy en la mer.* *Ion.* 1. 12. 15. Mais pour nostre interest particulier il n'est licite de se tuer: Ce que vous dictes d'oc pour sauuer & excuser Sampson, comme prophete, comme ayant eu vne inspiration plus admirable, qu'imitable; & que le fait est raconté cōme vaillant, noble & courageux: mais non pas comme saint & religieux. Ce que vous direz aussi pour excuser le premier liure des Roys, touchant la mort de Saül, qui mourut pour obeir à l'ordonnance de Dieu, *1. Reg.* 28. 16. 19. & Ionas se fit noyer, sera dict pour la defence du second des Machabeans. S. Augustin, & l'Eglise, nonobstant le fait de Razias, n'ont pas laissé de le receuoir pour canonique, cōtre l'opinion d'aucuns Iuifs plus recens, *lib. de doct. Christi, cap. 8. & lib. 18. de Ciuit. Dei, cap. 36. ac lib. de Cura pro mortuis agenda, cap. 1. & serm. 44. ad Fratres in Heremo, Concil. Carthagin. 3. cap. 47. Roman. sub Gelasio. Innocentius Papa ad Exuperiū.* Et puis le mesme S. Augustin, voyant que les Donatistes en abusoient sans discretion, ne les nie pas: ce qui eust en vn mot renuersé les Donatistes, *Ep. sto. 61. Adulcitiū, ains dit, lib. 1. In Gaudent. cap. 31.* qu'ils sont receuz de l'Eglise non inutilement, au moyen qu'ils soient leuz & oys sobrement: ce que ne faisoient les Donatistes, qui en vsoient indiscretement. Et les religionnaires les reiettent temerairement, sans examiner modestement les raisons pourquoy on les reçoit, ou bien pourquoy aucuns les ont reiettez. En

verité l'écriture sainte est receüe inutilemēt, si elle n'est leuë sobremēt, comme le mariage d'Abraham avec Agar; celui de Iacob, avec les deux sœurs; l'exheredation de Canaam par Noé, le meurtre de l'Egyptien par Moÿse; l'inceste de Loth, la mort des enfans en Ierico; le larrecin des Iuifs enuers les Egyptiens, la mort de Sampson, de Saül, & de Razias, nobles & grâds personnages, qu'il faut examiner, plustost que imiter leurs actions.

SECT. XLVII.

4. Arg. Les Anabaptistes viennēt au secours des Ministres disans: Que ce 2. des Machabeans ch. 2. 4. 7. 13. cite Ieremie & Nehemie; & ce qu'ils disent de Ieremie, & Nehemie, ne se trouue poit en leurs saints liures que nous auons: Donc ce liure des Machabeans est faux, en alleguāt ce qui n'y est point, n'y en autres liures canoniques, ains en quelques liures apocriphes ou bien à esté controuué par cest authœur du second liure des Machabeans. Nous disons que les Anabaptistes sont imposteurs, aussi biē que les ministres de Calvin, car l'écriture ne cite le liure ou lamétations de Ieremie, ny l'histoire de Nehemias; ains allegue leurs descriptions & cōiectures, qui sont œuures distincts de leurs saints liures. Saint Ierosime, sur S. Mathieu 27. 9. 10. dit auoir veu vn autre liure de Ieremie, auquel est au long & de mot à mot ce qu'on allegue de S. Mathieu, qui ne se trouue en Ieremie canonique, q̄ nous auons. Certes plusieurs liures sont citez en l'écriture qui ne sont plus, nō plus que les descriptions & cōmentaires de Ieremie & de Nehemie; & cela n'empesche pas qu'ilz ne soient canoniques: Auili ne peut-il empescher la canonisation des Machabeans. S. Paul cite Menander, Aratus, &

Epimenides, auteurs payās, & allegue ceux qui ont esté fiez : & S. Iude cite le tesmoignage apocriphe d'Enoch. L'escriture faiët expresse mention du liure des guerres du Seigneur. *Num.* 28. 14. Item du Deuteronome, mis au costé de l'Arche, *Deut.* 31. 26. & n'est certain si ce Deuteronome, estoit seulement les deux Tables de Moÿse, ou le seul liure dit Deuteronome, ou les cinq liures Mosaiques. Le liure des Iustes est cité en Iosué 10. 13. & 2. *Reg.* 1. 18. Le premier liure des Rois *chap.* 8. *vers.* 11. 12. 13. 14. 15. 16. 17. 18. allegue le liure du droict Royal, que Samuel posâ dauât le Seigneur 1. *Reg.* 10. 25. La sainte Parole, faiët memoire du liure des paroles ou actions de Salomon. 3. *Reg.* 11. 41. Item du liure des paroles des iours des Rois de Iudah. 3. *Reg.* 14. 29. & *cap.* 15. 7. 23. 31. *ac cap.* 22. 46. & 4. *Reg.* 8. 23. *ac cap.* 12. 19. & *cap.* 16. 19. *ac cap.* 20. 20. & *cap.* 21. 17. Le liure des Rois d'Israël est mentionné 3. *Reg.* 16. 5. 14. 20. 27. le liure des Rois d'Israel & de Iuda. 1. *Paralip.* 9. 1. & 2. *Paral.* 16. 11. & *cap.* 35. 27. *ac cap.* 36. 8. Les propheties de Samuel, de Gad, de Nathan, de Semeia, de Iehu, d'Ahas, d'Aado, le Misdrach, ou Commentaire des Rois, 2. *Paral.* 24. 27. le liure des histoires des Peres, 1. *Esd.* 4. 15. la Biblioteque des thresors, 1. *Esd.* 6. 1. Le liure de la Genealogie, 2. *Esd.* 7. 5. & plusieurs autres qui sont alleguez aux saintes Escritures, qui ne se trouuent point auourd'huy : Parquoy ce second des Machabeans ne laisse pas d'estre canonique, encore qu'il citast autres escritures que les saintes. Epiphane en la vie de Ieremie, reconnoist que ce Prophete cacha l'Arche de Dieu : & Dorothee martir Euesque de Tyr, en dit autât en sa Synopsis. Theophilacte aux Hebreux 9. dit, que la cruche d'or, & la verge d'Aaron estoient

GENERAL EXAMEN

en l'Arche, que Ieremie cacha; & que les Iuifs modernes le confessent: & qu'en cela saint Paul à dict vray, *Heb. 9. 4.* Quand aux escritures, *3. Reg. 8. 9.* & *2. Paralip. 5. 10.* qui disent, qu'il n'y auoit rien en l'Arche, que les deux secondes Tables de la Loy; elles sentendent de l'Arche souz Moyse & Salomon, & du temps que Ieremie ne l'auoit encores point cachée: car alors qu'il la cacha, y fut mise la cruche d'or & la verge d'Aaron. Ce qui monstre clairement, que les Iuifs & anciens docteurs ont creu ceste histoire des Machabeans, *cap. 2. 1. 4. 7. 13.*

SECT. XLVIII.

Les Anabaptistes ennemis des saintes escritures, qui condamnent leurs erreurs, non moins que des ministres, reiettent les Machabeans: premierement, pour-ce qu'on ne scait proprement qui en est l'auteur: secondement, pour-ce qu'ils ne sont qu'un abrégé de cinq liures des Machabeas, mis en lumiere par Iason Cyrenien auteur profane: troisiemement, pour-ce que S. Hierosime dit, que Iosephe en a esté l'abreuiateur, qui n'est point auteur sacré, *lib. de Viris Illust. & lib. 2. in Pelagian.* Si cest argument est bon & suffisant, pour reietter un liure canonique, le pretendu pentateuque de la loy sera douteux, car il ne porte pas le nom de Moyse: & comment Moyse apres sa mort eust il escrit la fin du Deutero. Et par quelle escriture *Rab Mosche Kimbi*, prouuera-il que Iosué à escrit son liure, & les huit derniers versets de la loy? Par quelle escriture les Rabins nous prouueront-ils que Samuel à escrit le liure des Iuges, de Ruth, le premier & second des Roys? Que Ieremie à escrit son liure, les Lamentations, & le trois & quatriesme liure des Roys? Est il croyable qu'Esaye,

outre son liure, aye escrit les prouerbes de Salomon, les Cantiques, & l'Ecclesiaste, qui l'auoient precedé long temps auparauant, comme asseurét les Rabins? Comment Salomon à-il escrit ou transcrit tous ces Prouerbes que nous auons : veu que depuis le vingt cinquiésme chapitre, cela est attribué aux hommes du Roy Ezechias? Croyons nous les Hebreux, qui disent que les hommes de la grande Sinagogue, ont escrit Ester, Ezechiel, Daniel, & les douze moindres Prophetes? Ils tiennent asseurement qu'Esdras à escrit les Paralypomenes premier & second, iusques au vingt-vniésme chapitre, verset 2. Et laissent aux predicans à deuiner qui sont les auteurs & scribes des dixsept derniers chap. dudit second des sacrees Croniques. On reçoit le liure de Iob, qui n'estoit point Iuif, pour canonique: combië que lon ne scait asseurement si c'est le mesme Iob, ou bien Moÿse, qui en soit l'auteur, ou scribe: & principalement depuis le trantiésme chapitre verset 40. ou il est escrit, *Icy finissent les paroles de Iob.* Dóc les vnze derniers chap. seront douteux, comme adioustez aux precedés colloques, & la solution de Rabi Leui Bengerson, est assez infirme: Il ne s'ensuit dóc pas, que les Machabees ne soient canoniques, encores qu'on en ignore l'auteur. Nous disons secondement, que les Iuifs, & plus nouueaux Rabins sont incertains, & peu iudicieux, touchant les auteurs des diuines escritures: Item touchant la nature, l'ordre, & nombre d'iceux diuins liures: singulierement depuis la sacrée mort & passion de nostre Seignr Iesus Christ. Donc les prefaces de sainct Hierosime, *viginti & duas litteras, & lungat. Epistola*, procedent de S. Hierosime parlant des escritures canoniques selon l'escole des

GENERAL EXAMEN

Iuifs, & non selon la foy & iugemēt de l'eglise Chrestienne, que iay suyue contre les Iuifs, sans qu'ils m'ayent satisfait. Si les predicans Religioneux qui les suyuent, nous satisfont par raisons & escritures, nous cederons. S E C T. XLIX.

Si nous voulons asseurement iuger des diuines & certaines escritures, c'est assez de congnoistre, & croire, que Dieu tres-sainct, tres-puissant, tres-bon, & tres-veritable, en est l'auteur, qui l'a inspiré soit au S. Enoch, où à Adam pecheur, soit au iuste Ioseph où aux crimineux Eschafon, & Panetier Egyptiens, ou à l'infidele Pharaon, soit au faux prophete Balaam, ou à Moysse legislateur: soit à Saül, ou à Samuel: soit à Moysse, où aux Anciens: soit à S. Iehan, ou à Caiphe: Salomō à esté idolatre, & Dauid adultere, & Moysse meurtrier, & la diuine inspiration n'a rien diminué où augmenté de sa certitude & autorité pour leurs personnes & pechez. Ne scait on pas bien que la saincteté du baptisme à ses effets, soit que le baptisant soit homme de bien, soit qu'il soit pecheur, où heretique: Il ne faut donc point infirmer les Machabees pour le nom de l'auteur; car il n'est pas certain q̄ dix prophetes & Dauid ayēt escrit les psalmes: ioint, qu'il y a beaucoup d'escritures, dōt les Iuifs ne f'accordent pas de l'auteur. S. Hierosime au preface sur les epistres de S. Paul dit, qu'aucuns ont douté si l'epistre aux Hebreux estoit de S. Paul, pour la diuersité du style, & qu'elle allegue les escritures autrement qu'elles ne sont en Hebreu: & qu'elle n'a point en son inscription le nom de S. Paul: De la cōclud S. Hierosime; si l'epistre aux Hebreux n'est point de S. Paul, pour-ce qu'elle n'en a pas l'inscriptiō; aulli ne sera elle pas de S. Luc, ny de S. Barnabé, ny de saint

Clement, comme plusieurs ont estimé : *Imò* elle ne sera d'aucune personne, attendu qu'elle n'a le nom d'aucun en son inscription. Comment est-il assuré que Samuel qui n'estoit encores né au temps des Iuges & de Ruth, ains à esté le dernier : aye escrit (ce qui n'a esté fait durât son temps) l'histoire des Iuges & de Ruth. Aucuns Hebreux disent que ç'a esté Esras qui à escrit les Iuges & Ruth. S. Irenée, *lib. 3. cap. 25. & Tertull. de habitu mulier*, tiennent certainemēt qu'Esras à esté le scribe & restaurateur de toutes les diuines escritures. Mais il est bien plus probable & certain, que quelque effort qu'ayent fait Iarobeam, Achab, Menasseh, & les scribes ennemis de Ieremie : Item les Caldeans, Medes, Persans, Syriens & Grecz, avec Antiochus & les Saduceās, de corrompre, exterminer & brusler les liures sacrez : que Dieu les à diuinemēt conseruez entiers comme luy appartenans, & non principalemēt aux auteurs, où scribes d'iceux, voyez *Ier. 8. 8. & Ier. 36. 23. 28. 32. Eccl. 1. Mach. 1. 59. 60.* Rabi Elias en son *Thisbi*, és dictiōs Zachar, *Ascharot, Machak gamze,* & *Patarhe Halaschon*.

SECT. I.

Nous cōfessons que les Machabeās sont vn sōmaire & abregé de cinq liures de Iason Cyrenien, 2. *Mach. 2. 24.* cōme le liure des Rois, & des sacrees croniques sont abregez de plusieurs autres liures. Quand à Iason Cyreniē insigne historiographe, il n'est en la puissance de tous les predicās, soiēt Anabaptistes ou Religioneux, de prouuer qu'il fust auteur prophane : S'ensuit-il q̄ Scipion l'affricain ne fust pas Romain, pour ce qu'il est dit affricain ? ou q̄ les Empereurs romains soiēt Gots, allemās, & Sarmates, pour auoir emporté ces surnoms d'hōneur. S'ensuit il donc que Iason ne fust pas Hebreu, estāt appellé Cyrenien ? q̄ les hōmes religieux qui cōuersoient en Ierusalem de toutes na-

GENERAL EXAMEN

tions qui estoient souz le Ciel, comme Parthée, Elamites, Persans, Mesopotamiens, Egyptiës, Pontains, Arabes, Asians, Iuifs, Capadociens, Phrygiens, Pamphiliens, Libyens, Cyreniens, Cretois & Romains, *Act. 2. 5. 9. 10. 11.* ne fussent point Hebreux? De mesme apparéce Iason est dit Lacedemonien, pour-ce qu'il mourut exulé en Lacedemonie, ne seroit point Iuif, combien qu'il aye esté trois ans souuerain Pontife en Ierusalem, estant successeur de Simon son pere, grand Pontife, pere dudit Iason: d'Onie, & Menelaus ses freres. 2. des Mach. 1. 7. Quoy? Iason, insigne Capitaine & legat, enuoyé à Rome pour faire alliance avec les Romains, par le peuple Iudaique, 1. Mach. 8. 17. laquelle son noble filz Antipator long temps apres renouuella, 1. Mach. 12. 16. 17. & 14. 22. ne meritera point le glorieux nom de Cyrenien: Et encores que ce liure eust esté abbrevié d'un autheur prophane, comme Menander, Aratus, Epimenides, ou d'un Apocriphe, comme Enoch avec Iambes & Membres, ou d'un liure qui ne se trouue plus, cōme sont plusieurs liures de la sainte escriture, il n'en seroit pas moins digne de foy. Donc l'oposition des Anabaptistes est pleine d'ignorance, & sans raison: car les Iuifs ont obtenu l'insigne surnom de toutes les nations qu'ils ont habitees, *Act. 2. 5. 10. Iacob 1. 1. & 1. Pet. 1. 1.* C'est donc indeüment colligé, que Iason fust prophane; pource qu'il est surnommé Cyrenien: Ainsi les Cineans & Iob, qui n'estât point Hebreux seroient prophanes, ce que iamais homme n'a conclud, fors les Anabaptistes & leurs consors.

SECT. LI.

Ces beaux ministres mettent en auant, que saint Hierosme dit, que Iosephe a escrit le liure des Machabees

chabeans; & qu'il les à abbreviez, ce qui est vne imposture ministralle & religieuse verité : Voicy ces paroles discourant de Iosephe, au liure des escriuains Ecclesiastiques. Il y à aussi vn autre liure de Iosephe, qui est inscript; *περὶ αὐτοκρατορίας λογίσμων*, du commandement de raison, lequel liure est tenu pour tres-elegant, auquel sont mis par ordre les martires des Machabeans. Cela ne dit pas que Iosephe à escrit l'histoire des Machabeans que nous auons en nos Bibles, ne qu'il aye abbrevié les cinq liures de Iason, comme commentent les predicans : ains expressement Iosephe à escrit, *Du commandement que la raison à sur les passions & tourmens, comme au martire des Machabeans*. Le mesme saint Hierosime escrit au 2. liure contre les Pelagiens, *Qu'il y à des perturbations d'esprit contraires les vnes aux autres*, Galat. 5. desquelles nous pouuons estre affranchis parfaitement, selon Zenon & Chrisippus Stoyciens, mais selon les Peripateticiens, cela est impossible, ou difficile, & l'autorité de la sainte escripture s'accorde à ceste sentence : Dont Iosephe, escriuain de l'histoire des Machabeans à dit, que les perturbations de l'esprit peuuent estre rompies & regies, mais non pas entierement desracinées. Jusques icy S. Hierosime. Si S. Hierosime parle ici de l'histoire des Machabeans, que nous auons en nos Bibles, comme commentent les ministres, qu'ils nous y trouuent quatre perturbations d'esprit par lesquelles le genre humain est vexé, lib. 2. In Pelag. cap. 3. selon ledit saint Hierosime. Et Iosephe en fait expresse mention au prefacc du liure intitulé, *De la domination de raison*, où des Machabeans, escriuant, *On pourra diuiser la sagesse, ou raison en quatre parties: la raison ne peut obtenir, qu'on ne desire quelque chose, mais elle peut bien contraindre que ce qui aura esté désiré, soit vaincu par vn prudent conseil de la raison, comme quoy? Elle ne peut obtenir que tu ne te courrouces point, mais elle*

peut bien faire, que quand tu seras courroucé, tu ne commette aucun forfait. Elle ne pourra non plus obtenir, que tu ne conuoite point de villaines voluptez, mais elle pourra gagner ce point, que tu ne les accomplisse : elle n'esteint donc point du tout les vices, ains elle les repousse. Iusques icy Iosephe selon le sens, & paroles produites par saint Hierosime. De là est euidet, que Iosephe n'est autheur ny escrivain de nos Ecclesiastiques Machabeans, ains seulement du liure intitulé, *de l'empire de la raison*, ou il poursuit le martyre des Machabeans rememoré au 2. liure chap. 7. & en Iosephe Hebreu, liure 3. chap. 4. 5. 6. Les doctes & dignes de foy Erasme & Genebrard, ont transferé ce liure de Grec en Latin & en François, & ont mis la conclusion dudit Iosephe, que les Anabaptistes ont laissée, pour-ce qu'elle leur coupé la gorge. Voicy, dit Iosephe, ce que j'ay peu recueillir des escrits des Anciens, & des liures sacrez touchant le martyre des Machabeans. Iosephe dit, qu'il à recueilli des anciēes, ce qu'il à escrit du martyre des Machabeans : il n'est donc pas le premier autheur de l'histoire que nous auons, comme luy ont imposé les Anabaptistes, produisant faussement à ce subiect, S. Hierosime. Semblablement les predicans nomment les Machabeas, liures Prophanes, où Apocriphes, & Iosephe Hebreu, prestre noble, docte, & vaillant, les appelle liures sacrez. Je vous supplie ministres, protestans, pretendans, & Euangeliques, quels liures sont sacrez en l'Eglise, sinon les canoniques ? Or Iosephe à appelé les liures des Machabeas, liures sacrez, ils luy estoient donc canoniques, & non apocriphes anciennemēt entre les Iuifs, comme vous leur auiez faussement imposé, rescindans impudemment l'entier tesmoignage de Iosephe.

SECT. LII.

Il apparôist (peuvent dire les ministres) que les Machabeans ne sont de sainte authorité, car les anciens n'en ont tenu compte, comme Melito Euesque de Sarde epist. à Onesime son frere en Eusebe liure 4. chap. 25. cōme Origene sur le premier Psal. en Eusebe liure 6. chap. 19. Comme Philastrius Euesque de Bresse en son Cathalogue des cent cinquāte heresies, *heres.* 88. parlant des liures qu'il faut lire en l'Eglise, ne nomme point les Machabeans. Epiphane au liure des poids & mesures, ne met point les Machabees au rang des liures canoniques: Et saint Hierosime en son prologue morionné, & sur les proverbes, & en l'epistre à Paulin, escrit, *Tout ce qui est hors le canon des Hebreux est apocriphe*, comme la Sapience, communement dite de Salomon, & de Iesus fils de Syrach, & Iudith, Tobie, & le Pastor, ne sont au canon. J'ay trouué le premier des Machabeans en Hebreu, le second est Grec, ce qui se peut aussi prouuer par la phrase: Ainsi donc certes, comme l'Eglise list les liures de Iudith, de Tobie, & des Machabees, mais elle ne les reçoit pas entre les canoniques escritures. Semblablement elle list la Sapience & l'Ecclesiastique pour l'edification du peuple, non pas pour confirmer l'autorité des decrets ecclesiastiques. Nazianzene ne nōbre point les Machabees entre les liures canoniques. Athanase aussi en sa Synopsis, ou observation des escritures canoniques, ne faict mention des Machabeas, non plus que le Concil Laodiceence *Can.* 59. 60. combien qu'il nōbre de propos delibéré, tous les liures canoniques. S. Cyprien où Ruffin sur le simbole, dit, que les Machabeans n'ont autorité vallable pour confirmer la foy Chrestienne. S.

Iehan Damascene, *lib. 4. fid. ortod. cap. 18.* recitant de propos deliberé, les liures canoniques, ne faict aucune mention des Machabeans. S. Augustin mesme *lib. 1. ad Gaudent. cap. 31.* raporte que les Iuifs ne tiennent pas l'escriure des Machabeans, comme la loy, les Psalmes, & les Prophetes, combien que l'Eglise Paye receu non inutilement, au moyen qu'elle soit oye & leuë sobsiemment. S. Gregoire Pape, *lib. 19. moral. in Iob cap. 13.* s'excuse d'auoir allegué les Machabeans escriure non canonique; comme cite mesme l'auteur de la glose ordinaire, *In Genes. c. 2. 15.* Le docteur literal de Lyra, 1. *Machab. 11. 11.* dit, que combien que l'histoire des Machabeans soit plus croyable, que Iosephe, toutefois le liure n'est pas canonique. Et liure 2. des Machab. *c. 2. 8.* dit: Quand au preface de ce liure 2. des Machabees, plusieurs le reputent & tiennent pour apocriphe. Thomas Caietain Iacopin cardinal; sur saint Mathieu chap. 24. 15. repréd l'auteur des Machabeas, *lib. 1. cap. 1. 57.* de ce qu'il a tité le tesmoignage de Daniel *cap. 9. 27.* à l'idole d'Antioche, que nostre Seignr raporte à vn autre temps, ce q̄ caietain n'eust osé faire, si les Machabeas eussent esté canoniques; & pour obuier la multitude des tesmoins contre les Machab. nous finirons par ce maistre moyne, (disent les Religioneux) docteur scholastic, insigne creature du Pape, enuoyé en Allemagne contre Luther qui escrit au preface de l'epist. aux Hebreux, *Que nous auons eu par sort Hierosme regle pour discerner les liures canoniques, peur d'y errer: car nous auons pour canoniques ceux qu'il nous baille, & ceux là qu'il discerne des canoniques, nous les auons hors du canon.* Et sur la fin du dixiesme chap. d'Esther ver. 3. il escrit. Icy est terminé le liure d'Esther selon la verité Hebraïque: tellement que les six où

sept chapitres qui senfuiuent, font apocriphes, & pour-ce nous ne les expoſerons point, & en ce lieu, nous terminons les hiftoires du vieil teſtament, car les autres, c'eſt aſſauoir Iudith, Tobie, & les liures des Machabees ſont nombrez, & applacez par le diuin Hieroſme hors des canoniques, entre les apocriphes, avec le liure de Sapiéce, & l'Eccleſiaſtic, côme il eſt manifeſte au prologue morionné. Ne te trouble point, ô Nouice, ſi tu trouue en quelque lieu ces liures nōbrez aux ſacrez cōcils & docteurs, entre les canoniques, car il faut reduire tant les paroles des cōcils que des docteurs, à la lime de S. Ieroſme, & ſelon ſa ſentence à Chromace & Heliodore Eueſques. Ces liures icy, & ſemblables en la Bible, ne ſōt point canoniques, c'eſt à dire reguliers, pour affermir ce qui eſt de la foy : ils peuuent toutesfois eſtre dits canoniques, c'eſt à dire reguliers, pour l'edification des fideles: puis qu'ainſi eſt, qu'ils ont eſté receuz & authorifez en l'Egliſe pour-cela. Tu pourras donc avec ceſte diſtinction, diſcerner les dires d'Auguſtin au 2. de la doctrine Chreſtienne, & les eſcrits au concile de Florence ſouz Eugene 4. & les eſcrits aux concils prouinciaux de Carthage, & Laodicée, & d'Innocēce & Gelafe Pontifes, à la louange & gloire de Dieu omnipotēt, à Rome, l'an de ſalut 1532. & de mon âge 64. le 19. iour de Iuillet. Dont eſt euident, que quelque Sophiſterie, ſubtilité, & diſtinction qu'ayent peu inuenter les Romains, le liure des Machabeans demeure non canonique. *Iuſques icy Caietain.*

SECT. LIII.

A mon aduis que ie n'ay rien, où peu laiſſé des cōcils & docteurs, qui fiſt pour impugner la canonifation des Machabeans, que ie n'aye mis en auant : à celle

GENERAL EXAMEN

fin que les Religionaires ne disent pas, que nous sommes ignorans, & que nous iugeons sans auoir ouy, & deüment examiné les tesmoins. Or nous leur disons, que les docteurs & concils sans se contredire, parlent en deux façons des saintes escritures: premierement, selon l'eschole des Iuifs, & ainsi les Machabeans, & semblables liures de nos Bibles, sont apocriphes, & non canoniques, ny vallables à prouuer les mysteres de la foy Chrestienne cõtre les Iuifs; & autres qui ne les admettēt pas, comme ont entendu ceux que nous venõs d'alleguer: Secondement ils ont parlé des saintes escritures selon le iugemēt de l'Eglise Chrestienne aux saints canõs Apostoliques & cõcils Chrestiens de Nice, de Carthage, de Rome aux vsages des Pontifes, Inuocence, Gelase, & creance des Docteurs, Augustin, & Isidore: Et en cette Chrestienne creance, les Machabeans & semblables sont escritures canoniques, comme à bien distingué S. Augustin liure 18. de la cité chap. 36. disant, *L'eglise Chrestienne tient les Machabeans pour canoniques, & non pas les Iuifs.* Origene, Serapion, Eusebe, Epiphane, Nazianzene, Athanaze, S. Hierosme, S. Damascene & semblables Docteurs catholiques, monstrent assez euidentement, que quand ils disent les Machabeans non canoniques, ils parlent selon l'eschole des Iuifs; & pour-ce expressement font mention des saints liures, selon le nombre des vintgt-deux lettres Hebraïques: mais quand ils parlent des liures sacrez Chrestiennement, ils les reconnoissent pour canoniques, en ce qu'ils en confirment la foy Catholique; comme Origene sur le 5. chap. des Romains contre les Valentinien, qui disoient que l'opinion qu'on auoit que le Dieu de la loy n'estoit pas bon, estoit

cause, que nul n'auoit voulu mourir pour icelle, ainsi que pour l'Euangile: ausquels repliche Origene, que feront ils, car nous trouuôs en la loy plusieurs martyrs; qu'ils lisent les liures des Machabees, ou c'est que la mere avec ces sept enfans, avec toute instâce, à receu patiemment le martyre. Eusebe de Cæsarée liure dixiesme de la demonstration de l'Euangile cha. 1. demonstre par l'histoire des Machabees, liure 1. chap. 7. 12. 15. 16. 17. que la prophetie du Psal. 78. 2. à esté accomplie au temps d'Antiochus & des Machabees: & au 13. liure chap. 7. de la preparation Euangelique, il en prouue que les saints deffuncts prient pour nous. 2. *Mach.* 15. 12. 13. 14. 15. 16. 17. saint Epiphane contre Acrius, *heres.* 26. *lib.* 3. reçoit entre les liures Chrestiens à confirmer la foy, la Sapience & l'Ecclesiastique, qui confirme ouuertement nostre distinction. Il n'est point aucunemēt croyable, que saint Hierosime, prestre du saint siege Apostolic, souz S. Damase, aye eu autre foy du vieil & nouveau testament, que l'Eglise Chrestienne: & pour-ce, il dit en l'explication du simbole Apostolic à Damase Pape, *Nous receuons le vieil & nouveau testament en ce nombre de liures, que nous baille l'autorité de la sainte Eglise Catholique.* En quoy est euident que le preface morionné, & celui des prouuerbes, ont esté prononcez par S. Hierosime, selon l'eschole des Iuifs, & non absolument selon l'autorité de l'Eglise Catholique. S. Gregoire donc, s'excuse bien à propos d'auoir vsé tant librement des Machabees enuers tous, attendu qu'il n'estoit pas canonique par tout selon l'eschole des Iuifs, qui en debatent contre l'Eglise Chrestienne. Saint Augustin dit bien, qu'il en faut vser sobrement, & avec discretion, car sans cela, il ny à liure en la Bible

qui fust falutaire; ains il feroit pernicious & damnable. Le vèrètable Bede le prononce non canonique, selon l'opinion de l'eschole des Iuifs, & selon l'opinion d'aucuns autres il est beaucoup apocriphe: surquoy il ne pronõce rien, ains en laisse le iugemēt aux maieurs, qui ont bien congneu que les causes & raisons qui les mouuoient à l'auoir suspect, comme apocriphe, estoient friuoles, & nulles en effect: cõme nous auons ey dauant monistré, que Ieremie est dit, auoir dit & faict, ce qui à esté dit & faict par son conseil & commandement, 2. *Mach.* 2.1. Et n'y à doute que les Caldeans ont honoré grandemēr Ieremie, qui auoit predict tout ce qu'ils ont faict en Ierusalem & Iudée, tellement qu'il ne luy ont rien denie, & à obtenu ce qu'il à voulu. Quand est de Caietain, il à esté circonuenu par les Iuifs, & son opinion est priuée, & separée du iugement des saincts Concils Chrestiens: & pour-ce, ne merite aucune foy, & preeminence en iugement Chrestien pour cest endroit, car ce n'est au membre inferieur & separé, de iuger le corps & chef vnis.

SECT. LIIII.

Ie desire toutesfois que lon reconnoisse, que nous ne censurons pas le reuerēdissime Caietain, comme heretique, car il n'a iamais laissé la communion de la saincte Eglise Romaine: Et combien qu'il aye eu diuerse opinion au iugement des liures canoniques, ce n'a pas esté pour ne ceder iamais aux saincts concils: *Imò*, il s'est tousiours offert d'obeir à la censure de l'eglise Romaine. Caietain s'est oublie en reprenant l'autheur des Machabees, de ce qu'il a tiré à Antiochus, ce que nostre Seigneur expose à l'Antichrist: ne considerant pas que cela appartient au

Roy Antiochus, cōme figure; & à l'Antichrist, comme à sa verité. Semblablement il n'a pas assez Chrestiennement regardé, que saint Paul en ces epistres à deüimēt tiré à nostre Seigneur Iesus Christ, verité, fin de la Loy & des Prophetes; ce qu'en ombre, & exemplaire auoit esté escrit d'Adam, Abraham, Isaac Israël, Dauid, Salomon, & autres; car l'Escripture à vn sens historial, literal & terrien: & vn sens literal & celeste, ou chrestien: à cause dequoy nostre Seigneur Iesus-Christ est appellé Dauid. *Ezech.* 34. 23. 24. Et aux Cātiques, l'Eglise s'entend par la Synagogue; & Dieu y est conneu parler, selon les Hebreux, souz le nom de Salomon. C'à donc esté legeremēt faict à aucuns Chrestiens, rabinisans, de fauoriser à Rab. Dauid Kimhi s'enflant contre S. Paul, comme vn crapaud, qui pensoit que S. Paul auoit mal allegué l'escripture des Psāles, la rapportant de la lettre spirituelle à nostre Seigneur Iesus-Christ, le vray Dauid & Salomon: ioint qu'il y a beaucoup de choses en la lettre meurtrissante, qui n'ōt esté acomplies, qu'en l'esprit de l'escripture viuifiant. Quand à la lettre & verité Hebraique, mal tournée selon les Iuifs, par les 72. Interpretes, & par les Euāgelistes & Apostres chrestiens, dont se sont tousiours plains les Rabins importunément: Nos anciens n'en ont pas tenu grād compte, car le saint Esprit en sa plenitude du nouveau testament, *Ioel.* 2. 28. & en la souueraineté de sa secrette doctrine, es docteurs de l'ancienne alliance *Deuter.* 17. 8. *Malach.* 2. 7. n'a deu estre sujet à la rudesse charnelle des plus recens Rabins: Et pour-ce, legitimement à peu supleer, esclaircir, ou reueler beaucoup de mysteres par les 72. & par les Chrestiens, qui n'estoient manifestes au texte Hebraique:

GENERAL EXAMEN

Joint aussi que le sens d'un mesme texte estant diuers, la version ne doit necessairement estre semblable. Ceste importune crierie des Iuifs à tellement rompu les oreilles des Gentils, Grecs & Latins, pour le texte Hebraique, & en leurs versions, que l'on a aucunement cédé au dire des Iuifs, en certains mots & dictions, qu'ilz ont fait changer, ou falsifié & corrompu aux versios Grecques, filz ont peu. Caietain donc s'est abusé, en preposant ou esgallant S. Hierosme à l'Eglise, pour le iugement des escritures canoniques. Secondement, Caietain deuoit cōsiderer, que S. Hierosme à parlé des escritures canoniques, selon l'opinion de l'escole des Iuifs. Item, en disputant; se defendant, & en raportant l'opinion des Hebreux, & non des Chrestiens. Et pour ce le dire de S. Hierosme, selon les Iuifs, ne merite autre creance que ce que la raison en peut inferer.

SECT. LV.

Les Religioneux alleguent l'escriture frauduleusement, premierement pour rabaisser leur autorité, comme contraires à eux mesmes; ou à l'Eglise: Secondement, cōme non d'un mesme accord. Troisiemement, comme professeurs d'une mesme foy, & mesme mœurs, que lesdictz Religioneux, qui ne tiennent compte desdicts docteurs. Pour exemple. S'ilz tenoient compte de Melito, Euesque de Sardes, au canon des Escritures, en Eusebe liure 4. de l'histoire ecclesiast. chap. 25. ilz receuroient le liure de la Sapience de Salomon, que Melito reçoit. Ils ne receuroient point Ester & Nehemie, que Melito ne nôbre point entre les escritures canoniques. Ilz fäident donc des Docteurs & Concilz, à contredire, à diuiser, & destruire; & non à concilier, à vnir,

& à edifier. Que ne tiennent-ils pour canonique le liure de Iudith, que sainct Hierosime (& deuant luy le premier concil de Nycie) ont receu pour canonique? *Hieron. præfat. in Iudith.* Pourquoy retranchent ils du canon Chrestien, des liures canoniques, le liure des Machabées, que les Apostres reçoient, *Can. Vlt. suorū. decret.* Que le troisieme concile de Carthage (present sainct Augustin) reçoit, *chap. 47.* qu'Innocence Pape, auoit auparauant nombré entre les saintes Escritures, *Epistol. ad Decentium.* que sainct Gelase au concile de Rome auoit receu comme canonique, & non aucunement apocriphe. N'estoit-il pas plus certain & Chrestien en cecy, de suyure les sacrez conciles generaulx de Florence & de Trante, que de suyure les opinions diuerses & particulieres d'aucuns docteurs, ou concilz; ou que sur le taire & l'oubliance des hommes? Car il ne s'ensuit pas. Le Concile de Laodicée se taist, & ne nombre point entre les liures canoniques, les Machabées, ny l'Apocalypse de sainct Iehan; Ergo ils ne sont pas canoniques. Certes les tesmoings n'ont lieu en iugement pour se taire, ains seulement en parlant. S'ensuit-il, Iosephe ne fait mention aucune de l'alliâce du vieil, & du nouueau testament, avec Abraham & Isaac, pour obtenir la loy Mosaique, & la benedictiō salutare par le Messie, avec vn sacré sermēt; Ergo il n'en est rien, & n'y a par consequent ny nouueau ny vieil testament, car Iosephe n'en dict rien. Il se taist, & obmet la memoire du Serpent d'airain, qui toutes-fois à esté: Il ne s'ensuit donc pas que le liure des Machabées ne soit canonique, encores que le cōcile de Laodicée, Philastrius, Nazianzene, ou aucuns autres Docteurs n'en fassent point de mention:

GENERAL EXAMEN

Car les tesmoins Caluinistans par oubly, ou en ne disans mot, ne sont receuz *ab auctoritate negatiue*: Autrement la descente de nostre Seigneur aux Enfers, qui n'est point exprimée au sainct Symbole de Nycie, ne seroit plus article de foy. Cecy monstre clairement que les ministres de Calvin ne sont vrayz Chrestiens, ny bons dialecticiens, ains sophistes & Caluinistes.

SECT. LVI.

Parlons d'Origene, qu'ilz mettent en auant sur le Psal. i. en Eusebe liure 6. de l'hist. Ecclesiast. chap. 19. qui nombrant les escritures canoniques selon les Iuifs, & non selon l'Eglise Chrestienne, ne nombre les Machabeans pour canoniques: Quand à nous, nous n'estimons rien le iugement de la synagogue destituée du sainct Esprit, depuis l'Euangile receu, mesme des Gentils: Les Hebreux ne sont nos pasteurs, ny nos iuges: C'est donc mal-faict de mettre en auant leur censure, ou des Chrestiens iudaïsans, ou des Docteurs disputans selon leur opinion, comme ont faict aucuns Catholiques. Mais si les religionaires suiuent la doctrine d'Origene, en la receptioin des escritures canoniques, sur le Ps. i. que ne recoiuent-ils aussi Hieremie, avec l'epistre qui est Baruch, Daniel, Daniel en Hebreu, Iob, Iob, Ester, Ester, rememorez par Origene en son catalogue: Pourquoi les reiettent ilz scélô Philastrius, & Athanasius, *de heresib. & in synopsi*, qui ne disent mot des Machabeans. Philastrius, *heresf.* 88. ne fait mention que de la Loy, des Prophetes, des Euāgiles, des actes Apostoliques, des treize epistres de sainct Paul seulement: de sainct Iehan, trois: de sainct Pierre, deux: de sainct Iaques, vne: de sainct Iude, vne: Il obmet toutes les sacrées histoires, & Iob & Salomon, & les

Psalmes, & la 14. epistre de S. Paul, & l'Apocalypse de S. Iehan:& faiët mention des sept actes Apostoliques, que nous ignorons: Et les religionnaires ne se plaignent que des Machabéens, dont il ne dit mot. S'ilz suiuent la Synopsie, ou obseruation de saint Athanasie aux escritures canoniques, que ne reçoient-ils 151. psalmes comme luy? Pourquoy approuuent ilz Ester, auquel on a reclamé selon S. Athanasie? Nous reiettons cōme luy, quatre liures des Machabées non canoniques, l'un de Iosippe, l'autre de Iosephe; & les deux autres des histoires Egyptiennes; & admettons pour canoniques les deux ecclesiastiques, tirées des trois auteurs. Si saint Gregoire Nazianzene plaist aux Religionnaires, pourquoy reçoient-ils Ester, & l'Apocalypse, qu'il ne nomme point entre les liures sacrez; ains diët expressement, que tout ce qu'il a obmis, ne doit auoir place entre les escritures certaines, *in carminib. de Veris & Germanis scripturæ libris*. Et ailleurs en ses carmes à Selencus, tesmoigne qu'Ester & l'Apocalypse n'estoient receuz de tous: Les Religionnaires mettent S. Epiphane en auant, comme vray censeur des escritures canoniques, quand il en dispute selon les Iuifs: mais quand il en parle selon l'Eglise chrestienne, il reçoit Baruch, & les epistres de Ieremie, *sect. 8. de Epicur*. Item il rememore la sapience de Salomon, & l'Ecclesiastique entre les diuines escritures, *heres. 26. liu. 3.* que les religionnaires iudaïsans reiettent, non moins que les Machabées, que saint Augustin tient pour escriture vallable du viel testament, pour maintenir le sacrifice, & priere pour les trespassez, au liure du soïn qu'on doit auoir pour la Mort, chap. 1. tom. 4. & liure 9. chap. 12. 13. tom. 1. Dirons nous que saint

temps des Apostres, au premier concile de Nyce, & autres. Nous trouuons estrange que vous autres ministres, qui vous dites Chrestiens, nous remettiez à l'alphabet Hebreu, qui commence à א. signe du bœuf cornu, car le nostre commence à la Croix de par Dieu, signe de vie & de salut : car la Croix est l'origine de toutes nos lettres, croyâce & salut *Ezech.* 9. 4. d'oc elle va deuât en tous nos alphabets depuis la sacrée mort & Passion de nostre Sauueur Iesus-Christ : Mais vos enfantins Alphabets, n'ont non plus de Croix, que ceux des Iuifs, & des Turcs. Vous maintenez auec les Iuifs, qu'il n'y à que vingt-deux lettres, mais *Tamim*, & *Scemol* monstrent la difference de *Schim* & *Scin*, quand aux caracteres, & à la prolation, cōme nous en auons l'histoire manifeste, *Iudic.* 12. 6. Il y à donc en Hebreu vingt & trois lettres differentes de marque, & de prolation malgré vostre morion de *מוריא*, & par consequent il faut qu'il y aye vingt-trois liures canoniques, selon l'argument Rabinique prins de l'alphabet. Mais quelle raison y a-il, de nombrer l'ordre des liures canoniques selon l'ordre, & le nombre des lettres alphabetiques ? car Genese ne se commence pas par א ny Exode par א & ainsi des autres liures sacrez. Car quand Dauid, Salomon, Esaye, & Ieremie ont nombré les versets de leurs saincts escripts par lettres alphabetiques, ils ont tousiours commencé par ordre, depuis *Aleph* iusques à *Thau*. Puis donc que les liures de la Bible ne se commencent point par les lettres selon l'alphabet, c'est vne imposture Rabinique de les y assubiectionner tant sottement. Si cela estoit comme aux nombres, & versets communement, où seroit la raison de la memoire, de la matiere, de la forme, & de l'ordre

l'ordre qui s'y trouue, & y est requis ? Or les Iuifs ne se trouuans asseurez de leur *viginti & duas litteras*, & que *schin*, & *scin* en faisoient expressement 23. & outre que l'6 trouuoit 27 liures canoniques sans debat: Ils ont eu recours à vne autre bourde, disans qu'il y auoit cinq lettres doubles où caracteres, c'est asauoir *Caph*, *Mem*, *Nun*, *Pe*, *Tfade*, & pour-ce, ils content deux pour vn, & vn pour deux. Or sçauent ils bien, que ces cinq lettres là ne sont point doubles, ny differētes en nature, ny en prolation, ny en propriété: ains seulement en lineamens & valeur d'arithmetique, qui sont accidens à plaisir aux lettres, & non de leur essence: Il y a de la raison que *schin*, & *scin*, facēt deux lettres, pour en auoir 23 de diuerse prolation: mais si cela à lieu, *Daghes*, & *Raphe*, qui sont la bride & l'immunité de *Begad Kephath*, leur en engendreront fix de nouueau, qui seront en nombre arresté trente quatre lettres, differentes de caractere, & prolation. Il faut donc selon leur infantine raison literalle, qu'il nous accordent trēte quatre liures, canoniques au vieil testamēt, selon le nombre parfait des lettres: qui est ce que nous demandons: Genese 1. Exode 2. Leuitique 3. Nombres 4. Deuteronomie 5. Iosué 6. les Iuges 7. Ruth 8. le premier des Roys 9. le second des Roys, 10. le troisiēme des Roys, 11. le quatriēme des Roys, 12. le premier des Paralypomenes, 13. c'est à dire, supplément des histoires, ou chroniques & annales delaissees. Le second des Paralypomenes, 14. Esdras, 15. Nehemic, 16. Tobie, 17. Iudith, 18. Job. 19. Psalmes, 20. Prouerbes, 21. Ecclesiaste, 22. Cantiques, 23. Sapience, 24. Ecclesiastique, 25. Esaye, 26. Ieremie, 27. les Lamentations, 28. Ezechiel, 29. Daniel, 30. Baruch. 31. Les douze Prophetes, 32. Le 1.

GENERAL EXAMEN

des Machabeans, 33. Le 2. des Machabeans, 34.

SECT. LIX.

S'il faut donc auoir autant de liures canoniques, cōme les Iuifs ont de lettres en vsage, sans en mettre deux en vng, & vn en deux: nous en aurons, comme nous auons trante quatre du vieil testament; & ne les conterons plus en deux façons, comme les instables Iuifs en leur alphabeth. Les Iuifs font cinq lettres doubles, & ne trouuons que quatre liures, Samuel, les Roys, les Paralypomenes, & Ieremie: Car quand aux Iuges, & à Ruth, ils en sont encor en debat, & entr'eux fort differens. Mais que n'ont ils mis Iob en deux liures, qui finist en Hebreu au vers. 40. du chap. 31. Et Dauid en deux, qui finist au vers. 20. du Psalme 71. Ils l'ont bien party en cinq liures, sans escriure; & ont craint le mettre en deux avec l'écriture. Psal. 71. 20. Les Prouerbes sont bien partis entre Salomon, & les hommes d'Ezechias, *Prouerb.* 25. 1. en deux: & les Iuifs sans écriture n'en font qu'un. S'ils veulent accorder cela selon leur *viginti & duas litteras*, il faut qu'ils composent vn alphabet nouveau; & qu'ils inuentent de nouuelles lettres doubles en Hebreu, autres que *w* à celle fin que tout ce rapporte bien l'un à l'autre: Ce gentil preface, *viginti*, monstre l'enfance malicieuse des Iuifs en nōmant le Pentateuque où cinq volumes de Moÿse, comme disent bien les Grecs & Latins, *Thorah*, c'est à dire, loy. On scait bien que Genese, est vn liure & hystoire à part, qui n'a rien de commun avec les autres quatre liures de la loy Mosaique: donc dire cinq liures de la loy; comme parle ce Morion icy, est vne balbutie Rabinique, & Iudaique ineprïe: nous pouuons bien dire, cinq liures ou volumes de Moÿse,

mais non pas cinq liures de la loy, car il n'y en à que quatre de Moyse. Le second ordre & quintal des liures canoniques, selon ce morion icy, sont les premiers Prophetes, c'est assavoir Iosué, les Iuges, Ruth & les 4. liures des Rois : Mais qui à iamais nombré les sacrees histoires, & les historiens, entre les prophetes ? Qui est celuy qui à nommé Iosué & Ruth, prophetes ? N'est-ce pas dire faux, & faire iniure à Adam, Nohé, Heber, Abraham, Isaac, Iacob, Ioseph, Moyse, & Aharō prophetes, qui ont precedé Iosué, les Iuges, Ruth, & Samuel : d'appeller Iosué & Ruth premiers prophetes, comme parle ce Morion à la Iuifue ? Les Iuifs ne peuvent nier, principalement, aujourd'huy, que Ruth n'est point cōprins souz les Iuges ; car ils le comprennent, & l'ont conté à part au parauant en vne partie de la Bible, nommée iusques auourd'hui, *Le quinaire des cinq volumes*, qui sont le Cantique des Cantiques, Ruth, Lamentations de Jeremie, Ecclesiaste, & Hester : Donc les Iuifs ainsi morionnez se moquent des Chrestiens : & les Religioneux leurs consors, se gabent des Catholiques, en leur proposant pour censure certaine des liures canoniques : la diuersé façon, & ordre du liure de Ruth, & des semblables : dont ils n'estoient encores d'accord du temps de S. Hierosme, non plus qu'ils sont auourd'hui : c'est le venin & le poison de l'escole des Iuifs furieux, & non la saine & diuine Resolution de l'Eglise Chrestienne touchant le canon des saintes escritures.

SECT. IX.

Ce morion Iudaïque establist, & nomme la troisieme partie des liures canoniques, *Cethubum*, escrit, *Hagiographa*, saintes escritures : & dit, qu'il y à cinq

liures de Moyse, & neuf liures des prophetes, & neuf autres des saintes escritures, qui sont vingt-trois liures canoniques. Au parauant, il en auoit mis 22. selon son 22. *litteras*, & selon le nombre des 22. mille Leuites, *Numer.* 3. 43. Mais quel liure mettra-il pour le surcroist de 273 Leuites qui se trouuerent dauantage. Or les Iuifs congnoissans tout cela incertain, ne craignent point de diuiser, où vnir par leurs lettres doubles, les saints liures; tellement qu'ils en nombrent vingt-quatre: Ainsi les compte Mûstere apres les Iuifs, *Ghescerim vè arbangh viginti & quatuor*. Les autres, à la Iuifue, en trouuent vingt-sept. *Epipha. de ponder.* Ce qui monstre clairement l'incertitude du compte, & nombre des liures canoniques selon les Iuifs; qui se declarent, avec les Religionnaires, manifestemēt perfides, muables, & incrédules; en deniant foy & creance aux Hagiographes, saintes ou prophetiques escritures qu'ilz reconnoissent eux-mesmes, comme sont Iudith, & Tobie, que les Iuifs ont colloqué *inter Hagiographa*, ainsi que raporte saint Hierosme *Præfat. in Iudith, & prolog. in Tobiam*. De verité ie cognois tresbien que l'on a plus manifeste argument & raison d'adiouster foy aux liures posez & conseruez en l'Arche, & escrits souz les Prophetes, ayans succession ordinaire, & manifeste, qu'aux liures Ecclesiasticz escrits par apres: comme raporte Iosephe *lib. 1. in Appionem*. Mais hardiment ie dy; que c'est vne insigne impieté aux iuifs du iourd'huy, & inexpiable sacrilege aux Religionnaires iudaïsans, de forclore & d'exclure du canon des escritures canoniques, les liures que l'on croit diuins, *Deute.* 4. 2. *Deuter.* 12. 32. *Prouerb.* 30. 6. par longs siecles precedans, 2. *Timoth.* 3. 16. ausquels personne

n'a presumé y adiouster ny diminuer, ny de changer aucune chose, ains s'arrester à ce qu'ils disent; & volôtiers, si besoin est, mourir pour le soustien d'iceux: Comme sont les liures escripts depuis Artaxerxes ou Assuerus, iusques à Iosephe. Voyci ces mots liure premier contre Appion Egyptien, grammairien, & citoyen d'Alexandrie. *Est aduenu tres-droictement & necessairement, que nos histoires escrites par nos Prophetes, sont tres-fermes, certaines, & veritables: à raison que l'autorité & puissance d'escrire les faicts, euenemens, & Annales, n'a esté permise à tous en la publique histoire: Parquoy ne s'y trouue aucun discord. Les seuls Prophetes donc ayans la connoissance des choses passées, premieres & antiquies, selon l'inspiration que Dieu leur a donnée: & escriuans apertement & publiquement les choses faictes & aduenues en leurs temps, faict que nous n'auons point vne infinité de liures entre soy discordans, où à eux mesmes contrarians: ains auons seulement vingt deux liures contenans la description de tout le temps: ou la foy, & creance est à iuste raison receuë: Desquels vingt-deux liures, les cinq premiers sont de Moysse, contenans les natiuitez & genealogies des premiers anciens hommes, & la deduction de la generation humaine, iusques au decez d'iceluy: lequel temps contient presque trois mil ans: Et depuis la mort de Moysse, iusques à Artaxerxes, Roy de Perse, qui succeda à Xerxes, les Prophetes ont escrit les gestes & les faicts & les cas aduenus de leurs temps, en treize liures: Et les quatre derniers, Les Hymnes composez & chantez à l'honneur de Dieu: Et les saintes preceptes & enseignemens concernans la vie humaine. Personne donc iusques à ce temps, ne peut douter des saintes Escritures.*

GENERAL EXAMEN

SECT. LXI.

Iosephe poursuiuant son propos dit, Depuis le regne d'Ataxerxes iusques à nostre temps, tous les gestes dignes d'estre rapportez, & toutes & vne chacune choses memorables qui sont aduenues, ont esté certainemēt, & diligemment escriptes; toutefois non tenues en si grande foy & autorité, que les premieres: pour-ce que la succession des prophetes n'estoit si certaine: Ce neātmoins il appert par les œuvres mesmes, les choses estre aduenues, comme nous les lisons, & croyons en nos propres liures: veu qu'à icelles choses, depuis tant de siècles passez, ne s'est trouué aucun qui ait presumé de rien y adiouster, ny oster, ny changer: car cela est planté de nature, & incontinant dès la premiere generation inspiré en l'esprit des Iuifs de nommer ces escrits, Diuins enseignemens, & à iceux s'arrester, & pour le soustien d'iceux; mourir bien volōtiers s'il en est besoin. Iusques icy Iosephe. Or retenez que Iosephe ne dit pas, que les liures de Judith, Tobie, Sapience, Ecclesiastique, ou Machabees escrits depuis Artaxerxes, soient apocriphes, sans authorité, & indignes que lon y adiouste foy: ains seulemēt que lon n'y adiouste pas tant de creance, qu'aux liures de Moysse, & des prophetes: Autrement, puis que ces liures contiennent asseurement la verité des choses aduenues en l'Eglise de Dieu, tellement qu'il n'est licite de rien en oster, diminuer où changer: ains il les faut entierement croire, comme diuins enseignemens que nous lisons, & s'arrester sans doute à iceux, & volontiers mourir pour les soustenir: Cela monstre bien que la foy de Iosephe; & des anciens Hebreux, estoit bien autre que de ces recens Rabins, & de l'escole des Iuifs; dont saint Hierosme a rapporté l'opinion en ses prologues, sur les Roys & Prouerbes. Les anciens Iuifs confessoient

qu'il y auoit difference entre les liures canoniques, & *Hagiographes* : Car attédu que les premiers auoient esté en l'Arche d'alliance, ou escrits souz la manifeste succession des prophetes, ils meritoient bien qu'on y adioutast premierement foy,plustost qu'aux autres. Certes i'adiouste plus grande foy aux Anges qu'aux hommes,& à Dieu,qu'aux Anges : ce neantmoins ie croy fermement les vns & les autres : Et ne faut aucunement ce scandaliser des anciens Iuifs, qui ont preferé les liures de Moysé, les Prophetes, les premieres histoires iusques à Assuerus, à celles qui ont suivi par apres. Et de verité ces premiers escrits là, ont prophetisé premierement plus abondamment,ordinairement, & clairement le regne du Messie, que ceux qui sont venus apres : Mais quand à la verité, suffisance & saincteté; les liures,selon les anciës Iuifs,canoniques,ne sont pas plus veritables, certains,& diuins, que les sainctes escritures dictes, *Hagiographa*,qui ont esté par apres escrites,proposees & receuës par l'Eglise de Dieu: comme sont Iudith, Tobie, Sapience,l'Ecclesiastique,& les Machabées. Touchant les liures apocriphes, i'en ay escrit plus particulierement selon saint Augustin en mes Catholiques demonstrations, il y à enuiron quarante ans, imprimees à Paris chez Michel & Guillaume Iulien : & pour-ce icy i'en traiteray briefuement selon saint Hierosme, qui n'est non plus pour les Religioneires, que ledit saint Augustin.

SECT. LXII.

Saint Hierosme rapportant le labour de sa version inaudite & nouuelle d'Hebreu immediatement

GENERAL EXAMN

en Latin, pour mieux appaiser la colere, & inimitié des Iuifs, qui en vouloient au canon Ecclesiastique, & aux translations Grecques & Latines, qui auoient plusieurs liures en Grec, & Latin, qui ne se trouuoient point en Hebreu, disoit souuent à ceux auxquels sa nouuelle version desplaist, consultez les Hebreux, & vous congnoistrez que ie ne dis rien que ce qui est aux liures canoniques que les Iuifs ont: ie ne sçay point les translations Grecques & Latines, ains seulement la verité Hebraïque: Ma version ne merite donc point de reprehension, sinon que lon blasme la verité Hebraïque. Quand aux liures, ie n'ay traduit d'Hebreu en Latin, sinon les liures canoniques selon l'escole des Iuifs: Quand aux liures qu'ils ne tiennent point canoniques, comme l'Ecclesiastique, & le premier des Machabees, que j'ay veu, & leu en Hebreu; ie ne les en ay pas traduits, ains du Grec & Latin, dont l'Eglise vsoit auparauant moy: Autant est-il de Baruch, & second des Machabees retenus du Grec & Latin. Ie n'ay non plus traduit de l'Hebreu Tobie & Iudith: ains du Caldean, & pour-ce, les Iuifs ne peuuent dire que j'aye rien supposé à leur canon des escritures canoniques où Ecclesiastiques, que lon pourroit dire legendes: ce que j'ay fait (conclud saint Hierosme) à celle fin que nous peussions sçauoir, que ce qui est hors de ceux cy (c'est à dire, canoniques & Ecclesiastiques) doit estre reputé entre les apocriphes. Et pour-ce, la Sapience de Salomon, l'Ecclesiastique, Iudith & Tobie avec les Machabees, ne sont point du canon des Hebreux, ains seulement Ecclesiastiques. Donc S. Hierosme & les Iuifs ne disent pas, qu'ils sont apocriphes, ains seulement comme dist est, Ecclesiasti-

ques, *Præfat in Prouerb.* combien qu'ils ne soient point canoniques selon les Iuifs. Or les apocriphe, dont ils parlent icy, *pro logo Galeato*, sont comme les songes du 3. & 4. d'Esdra, *Hieronim. præfat. in Esdr.* qui ne sont leuz publiquement en l'Eglise, ny en Grec, ny en Latin, & encores moins en Hebreu. Donc la Sapience, l'Ecclesiastique, Iudith, Tobie, & les Machabees qu'on y list solemnellement. 1. *Machab.* 4. 59. & 2. *Machab.* 10. 5. *Iohan.* 10. 22. & 15. *Can. Sancta Romana, ceterum qui libri.* ne peuuent estre dits apocryphes. Les apocryphes, dict saint Hierosme, *Epistola ad Latam, cap. 5. & in Esayam cap. 64. 4. & Nahum. 1. & in regul. Monach. cap. de contempl. orat. & Lectio. Ut Apocalypsis Helia, & ascentio Esayæ,* sont liures qui ne sont des auteurs dont ils portent le tiltre, & contiennent plusieurs choses folles & vicieuses, comme qu'il y ait vn Ange nommé Tyrus, presidât sur les reptiles, & ainsi d'autres Anges presidans, l'un aux poissons, l'autre aux animaux, l'autre aux arbres, & ainsi des autres. Or est-il que nos saints liures dont est question, sont de ceux dont ils portent le nom, ce que les Iuifs mesmes n'ont iamais nié: Secondement ils ne disent rien absurde particulier & vicieux, comme nous auons monstré en respondant aux calomnies des Anabaptistes & predicans: & pour-ce ils ne sont point apocriphe, ains Ecclesiastiques, comme dit saint Hierosme, *Præf. in Prouerb.* Car l'Eglise les list en public, & lisoit mesme dauant le siecle de saint Hierosme, & se lira mesme malgré les successeurs du Tyran Antioche. 1. *Mach.* 1. 59. 60.

SECT. LXIII.

Puis donc qu'un apocriphe, ou occulte, est celuy

GENERAL EXAMEN

qui n'est point leu publiquement en l'Eglise: Les Machabées tousiours leuz publiquement chez les Iuifs, l'espace de huiët iours (mesmes auant l'incarnation de nostre Seignr Iesus-Christ) commençans le 25. de Decembre, appelé *Canucha Cisleu*, Reposez-vous le 25. de Novembre ou Decembre, ne peut estre dict apocriphe. L'Eglise Chrestienne list & à leu les Machabeans publiquement, il y a mille ans, durant le moys d'Octobre. 15. *Distinct. §. ceterum qui libri*. Iamais nous ne trouuons que les confus ministres ayent distribué la lecture des saintes escritures par toute l'année en leurs Eglises, comme faisoient les Hebreux la loy, auant le tyran Anthiocus, & les Prophetes apres sa mort: Les Paraschortz de de la Bible Hebraique en font foy iusques auourd'huy. Les Machabées ne sont donc pas apocriphe, ains les ministres de Calvin: comme dict Dauid, *Psal. 9. 29. 30.* qui se soyent avec Pluton & ses compagnôs, *ἐν Ἀποκρύφους*, espionnant, *ἐν Ἀποκρύφω*, comme vn Lyon. Et S. Hierosime le m'a enseigné sur Esaye chap. 64. 4. Certes les predicans qui suiuent la perfidie des Iuifs, ne sçauent non plus qu'eux, que c'est qu'apocriphe; aux hebreux *Neghelem*, caché, occulte, non descouuert, & congrue. 3. *Reg. 10. 3. Ecclesiast. 12. 15. Neghalamim* en pluriel, non manifestes & apparâs: *Psal. 25. 4.* Et de là vient le mot *Galmah*, vierge pucelle, non congrue, & descouuerte d'aucun homme: côme à solidement argumenté S. Ierosime contre les Iuifs, & Religionaires, sur le mot de *Hagalmah*, Esaye, 7. 14. Secondement, apocriphe; comme à dit saint Hierosime, est vn liure qui porte vn nom supposé, & non le nom de son auteur, & matiere. Or les Macha-

bees ne traiectent d'autres choses, que de ceux dont ilz portent le nom; & par-ce ne peuuent licitement estre reputez apocriphes. Tiercement, apocriphe, escrit S. Hierosme, est vn liure d'origine occulte, & d'operation particuliere; comme l'Apocalypse d'Helie, & l'ascension d'Esaye: Or les Machabees sont de manifeste origine en la Sinagogue Hebraïque, *Mich. 5. 7. 8. 9.* & de commune action, *Abd. 1. 17. 19. 20.* & pource ne peuuent deüment estre appelez apocryphes. Finalement le liure est apocryphe, *Hieros. in Nach. 1.* qui contient choses fausses, vicieuses, & inaudites: comme, qu'il y ait vn Ange pour presider aux reptiles, qui s'appelle Tyrus, troublant; & qu'autres creatures insensibles, ou vegetatiues, ou animales & non raisonnables, ayēt anges particuliers & determinez pour leur garde. Or les Machabees n'enseignent rien faux, sot, ou vicieux; comme nous auons cy deuant monstté, & par-ce ne sont aucunement apocryphes. Les ministres alleguent l'exposition du Symbole des apostres, qui est de Ruffin, sous le nom de saint Cyprien, cōtre les Machabees; qui tesmoigne clairement que les Machabees ne sont point apocryphes, en disant: *Il faut scauoir qu'il y a d'autres liures, que nos majeurs, en disputant contre les Iuifs, n'estiment point canoniques, ains Ecclesiastiques; comme la Sapience, & l'Ecclesiastique, & de ce mesme ordre sont Tobie, Iudith, & les Machabees: Et ont voulu telles escritures estre leuës aux Eglises, non pas qu'on les mist en auant pour confirmer par iceux l'auctorité de la Foy, contre les Iuifs: Quand aux autres escritures, ils les ont nommees Apocryphes, & n'ont voulu qu'elles y fussent leuës. Iusques icy Ruffin.* Ce qui monstre aux Iuifs & religionaires, que leur Morion n'est de bon-

GENERAL EXAMEN

ne trempe, parquoy n'à peu empescher que la semence de benediction n'ait brisé la teste du serpent qui parloit en eux, se fians en ce Morion rouillé.

SECT. LXIIII.

Philippes Direk Aanabaptiste, & plusieurs Religionnaires ont les Machabees pour suspects, car des le commencement ils disent, *chap. 1.* qu'Alexandre Macedonien fils de Philippes à regné le premier en la Grece; & il est certain que ça esté Grammeus dit Caranus, des le temps qu'Osias regnoit sur Iuda en Hierusalem. Item Alexandre le grand n'à regné en Grece, que le 24. Roy au temps que Simon Pontife souuerain, appellé Iadus, regnoit en Hierusalem, l'an du monde 4860 *Olympiade III.* Les ignorans Anabaptistes, & malicieux Ministres, deuoient remarquer de Merhastenes historien de ce temps là, qu'Alexandre le grand à esté le premier Roy Monarque des Grecs, comme entend l'histoire de Machabees, combien qu'il n'ayt esté que le 24. selon l'ordre d'un chascun Roy, selon les auteurs Grecs: de rechef disent-ils, il est escrit 1. *Mach. 1. II.* qu'Antioche Epiphane commença à regner l'an cent trente sept du royaume des Grecs: Or si on nombre bien par chascun Roy; on trouuerra que depuis Alexandre, iusques à Antioche l'illustre dit Epiphane, fils du grand Antioche, qu'il y eut cent cinquante & trois ans. La responce est clere selon saint Eusebe en ses chroniques, selon Rhambam, Strabo, de Lyra, Carence, & Carthusien sur ceste difficulté: car il faut considerer, que les Grecs qui supputent les ans depuis Alexandre Monarque l'an 7. de son regne, iusques à Antioque en nombrent 153. du royaume des Grecs: mais ceux qui ne les cōtent que du Roy Seleucus, dit

Nicanor, qui fut vnze ans apres la mort d'Alexandre Monarque; n'en trouuent que 137. comme tres-bien content les Machabees, 1. *Mach.* 1. 11. Ce qui monstre disertement l'ignorance, ou malice des Calvinistes. Les Anabaptistes disent, Antiochus mourut de tristesse en son lit, sur le chemin & retour de la capitale ville de Perse, l'an 149. 1. *Mach.* 6. 8. 9. 16. ailleurs en son retour de Perse fuyant par le chemin cheut de son charriot, & se froissa tout, dont les membres luy pourrissent, & les vers puans le mangerent, 2. *Mach.* 9. 7. 9. & congneut que c'estoit vne diuine vengeance: ailleurs, il fut tué au Temple de Nannée. 2. *Mach.* 1. 13. 14. 15. 16. La responce n'est tant difficile comme les predicās estiment, qui se monstrent ignorer, que quand vne chose est rapportée en diuers lieux, qu'ils semblent se repugner les vns aux autres irreconciliablement. Exemple, Moyse dit, en Genèse 23. 8. 17. que Abraham à acheté le sepulchre d'Ephron, fils de Zohar, en Ebron. S. Estienne, *Act.* 7. 16. dict, qu'Abraham à acheté le sepulchre des fils d'Emor fils de Sichen. Moyse en Genèse 33. 19. dit que ça esté Iacob qui à acheté cest heritage là des enfans d'Emor, fils de Sichen: toutesfois Moyse à dit vray, & sainct Estienne aussi: mais les ministres ne sachans ce qu'il y faut entendre, estiment ce lieu, *Act.* 7. faux, non moins que les Machabees, comme si tous nos escriuains Grecs, Latins, & Syriens nous auoient voulu introduire vne faulxe esriture: Si nous venons à confesser vn erreur inueteré & general en l'esriture, comme estiment les ministres, C'est faict de l'hauthorité de nos esritures, comme à bien remarqué S. Augustin contre les Manicheans, & sainct Epiphane contre les Marcionites.

GENERAL EXAMEN

SECT. LXV.

Prenons vn autre exemple de ceux qui se trouuent racontez deux fois: comme, 3. *Reg.* 11. 3. Salomon est tesmoigné auoir sept cens femmes, & trois cens cōcubines: Et aux *Cantiques chap. 6. 7. 8.* ou ses excessiues amours sont racontées, il n'a que soixante Roy-
nes, & quatrevingts cōcubines: Quand aux pucelles elles sont sans nombre: l'vn & l'autre passage est vrai & s'accordent tresbien, nonobstāt que les Ministres l'ignorent: lesquels i'aduertis de se souuenir ici, *Cant.* 6. 7. qu'il y a *Ghalmot*, qui est aussi auparauant, *Cant.* 1. 3. traduit par les hebreux en leur glose: & par les predicans *Bethuloth*, vierges, pucelles: dont les Ministres doiuent apprendre, aussi bien que les Iuifs, que *ghalmah*, signifie vierge, *Prouerb.* 30. 19. *Esa.* 7. 14. *Genes* 24. 43. *Exod.* 2. 8. Les predicans ont versé en François *Cant.* 6. 7. non vierges, non pucelles, non fillertes, ains seulement iuuenelles, regardans au sexe, & à l'aage; & non à l'integrité: & en iudaïsant manifestement, osent dire, qu'ilz ont fidelement, & simplement traduit la Bible d'Hebreu en François. De mesme façon il semble que saint Mathieu, & saint Luc, ne s'accordent point touchant le Centenier, *Math.* 8. 5. 6. 7. & *Luc.* 7. 2. 3. 5. 6. 7. Car S. Mathieu dict, *Mon Enfant*. Saint Luc dict expressement, *Mon seruiteur*. S. Mathieu dict, *Paralytique*: Saint Luc escrit, *non paralytique*, ains seulement *prest à mourir*. Saint Mathieu dict, que le Centenier pria Iesus quand il fut entré en Capernaum. Saint Luc dict, que le Centenier ne festima pas digne que Iesus entraist chez luy, ou qu'il vint à luy: ains il enuoya au deuant de luy les anciens des Iuifs ses amis, pour le prier de venir, & de guerir son seruiteur. S. Augustin & les saints Docteurs

ont concilié plusieurs lieux semblables, qui estoient plus contaires en apparence que n'est la vie, la mort, le lieu, & le temps d'Anthiocus l'illustre, aux liures des Machabeans. Pour responce donc à ces lieux ici *1. Mach. 6.* que les querelleux ministres ne peuuent accorder, non plus qu'eux-mesmes entr'eux. Faut noter, qu'il y a diuerses origines de conter, car quelquesfois le compte & le nombre des ans, aux sacrées histoires Machabeannes, se commence à Alexandre le Grand *1. Mach. 1. 1.* autresfois vnze ans apres; c'est assauoir, à Seleucus Nicanor, *1. Mach. 6. 16.* Quelquesfois il commence auparauant tout cela, dès la supputation du douziesme an du Roy Assuerus, souz lequel les Iuifs auoient diuinement euadé la mort; comme au temps d'Anthiocus, *2. Mach. 1. 10.* & pour-ce, il n'y a point de contradiction aux nombres des Machabeans; ains vne ignorance aux Anabaptistes, qui ne sçauent pas que l'escriture à souuent diuerses periedes de compter. Secondement, il faut retenir que Iudas Machabée à purgé & sanctifié le temple deux fois: Premièrement, l'an 148. du regne des Grecz, le 25. iour de Decembre, vn an dauant la mort d'Anthiocus Epiphane, *1. Mach. 4. 36. 37. 38. 42. 43. 46.* & la seconde fois fut l'an 151. du regne des Grecs, deux ans apres la mort d'Anthiocus Epiphane, *2. Mach. 10. 2. 3. 5. 6.* Dont est euident que les histoires des Machabees, s'accordent bien les vnes aux autres. Ainsi est-il de l'histoire d'Anthiocus Epiphane, filz d'Antioche le Grand: Antioche Epiphane, dict Illustre, fut homme impie & cruel; pour-ce persecuta à toute outrance la sainte Religion des Iuifs: il aduança l'idolatrie sans mesure, il fut conuoiteux, ambitieux, & rusé hypocrite: il entreprint sur Elei-

GENERAL EXAMEN

maide, dictée Persopole, ville capitale de Perse; desirant piller le tres-riche temple, auquel presidoit Nannée, & pour mieux faire son ieu, disoit, Qu'il vouloit estre gendre de Nannée, comme Euesque des Persans, & qu'il se contentoit du mariage, au moyen que pour son douaire, il eust les deniers, richesses & thresors dudit Temple. Or les habitans d'Eleimaide, & sacrificateurs de Diane firent bonne mine à ce ieu, offrant bailler l'argent du Temple à Antioche l'illustre, & il entra avec quelques homes armez dans le Temple: & les prestres fermerent les portes sur Antioche & ses Capitaines, & ouvrirent vne porte d'enhaut, dont ils iettoient pierres sur ledit Antioche & ses gens, & fraperent l'Empereur, & mirent en pieces, & descapiterent plusieurs de ses capitaines, & tuerent ses soldats, les iettans dehors: Ceux de la ville coururent aux armes contre Antioche, qui c'estoit eschappé avec plusieurs de ses gens, & le chasserét hors la ville avec son armée, le poursuivant si viuement, que luy fuyant hastiuement cheut de son charriot & se froissa miserablement tous les membres: il entédit aussi la ruine & deffaite de ses gens en Iudée, & comme tout alloit mal pour luy de toutes pars, mesmes par les montagnes: alors il fut saisi d'une miserable & continuelle tristesse & puanteur, & les vers luy mangeans la chair, mourut miserablement. Ce qu'on peut aisément recueillir de ce qu'Antiochus est dit seulement frappé en Nannée, & ses tapitaines mis en pieces. 2. *Mach.* 1. 16. Et par apres l'escriture dit, qu'il est mort, 1. *Mach.* 5. 16. & 2. *Mach.* 9. 28.

SECT. LXVI.

La derniere obiection que les Anabaptistes &
pre-

predicans pointent contre les sacrez Machabeans, est, que nous lisons Iudas Machabée mort en vne bataille dauant Hierusalem, l'an sixiesme de Demetrius, 1. *Machab.* 9. 3. 18. qui estoit l'an 152. du regne des Grecs : & puis long temps apres l'an 188. Iudas, non comme mort, avec le Senat, escriuirent à Aristobulus Iuif de l'ordre sacerdotal, & philosophe peripateticien precepteur de Ptolomée en Égypte. Ce qui monstre assez la contradiction, & vanité de ces deux liures Machabeans. Nous respondons que cette pretendue contradiction n'a pour fondement que l'ignorance des Anabaptistes, & la malice des predicans, qui ne regardent pas que Iudas escriuit à Aristobulus au temps de Demetrius Soter, dixiesme Roy de Syrie l'an 188. selon la supputation des Hebreux depuis Assuerus ; & pour-ce il n'est pas escrit, 2. *Mach.* 1. l'an 188. du royaume des Grecs : car ce n'estoit que l'an 150. de leur regne, en contant depuis Seleucus. Et Iudas mourut en guerre l'an sixiesme de Demetrius 14. Roy de Syrie, qui commença à regner l'an 152. du royaume des Grecs, 1. *Mach.* 9. 1. 3. 17. Dont l'an sixiesme de Demetrius que Iudas mourut, estoit concurrent avec l'an 156. où 157. du regne des Grecs : Et Iudas & le Senat de Ierusalem auoient escrit aux Iuifs en Égypte, enuiron six ans auparauant qui estoit l'an 188. des années, depuis la miraculeuse deliurance des Iuifs au temps de la Royne Hester. Parquoy est euident, que si on distingue bien la diuersité de compter des Hebreux, Alexandrins, & Grecs, & des Roys de Syrie, d'Égypte & de Perse, & des noms, Ptolomée, Antioche, & Demetrie, dont ont vsé avec beaucoup de raison nos histoires Machabeannes, on y verra manifestement vn bon ac-

cord & ingenieux artifice: Et pour-ce ie diray aux Religioneux avec Caluin, *In Luc. cap. 20. 37.* qu'en ne croyant point aux Machabees, ils semblent aux Saduceens, qui ne croyoient point aux liures des prophetes. Voicy ses paroles. *Les Saduceens n'auoient pas beaucoup de foy aux prophetes, à tout le moins, ils ne les auoient pas en autre estime, que nous tenons le liure de l'Ecclesiastique, où l'histoire des Machabees.* Je laisse aux predicans à contempler, si leur Pere Caluin les à bien comparez, & accompagnez des Saduceens en la reception où reiectiō des sainctes escriptures: & pour moy ie m'y accorde avec Caluin; qui à eu beaucoup de raison en cette tant propre comparaiſon, comme nous auons allegué cy dauant, *sect. 23.* Aussi à il escrit, *lib. 1. Inst cap. 8. sect. 9.* que le liure des Machabees est tres-suffisant à establir la certitude de la saincte escriture; voicy ses mots. *Ce que ces canailles amenant du liure des Machabees, 1. Machab. 1. 59. tant s'en faut qu'il desroge à la certitude de l'Ecriture sainte (comme ils pretendent) qu'il est tres-suffisant à l'establir.* Il s'ensuit donc, que les predicans qui nient ce liure, diminuent tant qu'ils peuuent la certitude de la saincte escriture, ainsi que les Saduceens: comme Caluin leur à cy deuant serieusement & à ptopos remonstré.



Que les liures des Machabees sont canoniques, contre les Ieroboamites, Accabeans, Menasseans, Samaritains, Saduceans, Iuifs, nouveaux Rabins, Marcionites, Manicheans, Anabaptistes, & Religionnaires Calvinistes.

Chap. XIIII. sect. I.

L'Ennemy n'ayant peu esteindre la parole de Dieu tout à vn coup, à tasché à supprimer tantost la loy, par les Samaritains : tantost les Prophetes par les Saduceans, tantost les liures Ecclesiastiques par les nouveaux Rabins, & sectaires de nostre temps: mais Dieu la deffendit contre Ieabeam & Acap Roy d'Israel, contre Menasses Roy de Iuda, contre Antioche Roy de Syrie, contre les Scribes d'Israel, au temps de Hieremie, contre les Iuifs enuiron 150 ans apres l'incarnation de nostre Seigneur: & contre tous Iudaïsans où Heretiques qui ont tasché à la détourner, violer, changer, augmenter, où diminuer: cōme Akilla, Symmachus, Theodosion, Marcion, Manichée, & semblables pestes de religion. Ce mesme Satan nous veut oster les cantiques de Salomon par Sebastien Castallion, & tasche de nous mettre au lieu le quart liure d'Esdras, par Theodore Bibliander, qui cuide en deuinant sur les songes apocriphes où occultes dudit Esdras, nous le faire accroire saint & prophete. Luther, Pomeran, Vitus, Theodorus, Nurinbergensis, & ceux de Magdebourg,

nous veulent retrancher l'épistre saint Iaqués, la seconde de S. Pierre, & les deux dernières de saint Iehan, avec son Apocalypse: & les Arriens l'épistre de S. Paul aux Hebreux, avec autant de raison que les Aeriens & Religioneux veulent retrancher les Machabeans: Mais Dieu qui à cy dauant deffendu sa parole contre les premiers tisons d'enfer, la defend encore aujourdhuy contre leurs successeurs. Le veau d'or communement appelé בעל *Baal*, à vsurpé le souverain nom de Dieu, יהוה *Exod. 32. 5.* & à esté presque vn fait ordinaire aux Heretiques & changeurs de religion, de muer & changer l'écriture de la Bible, en autre version & leçon que celle de l'Eglise auparauint eux: de changer aussi les prestres de consecration Ecclesiastique, en ministres d'institution laïque: Ainsi Iarobeam, Achab, & Menassés effacerent de la sainte Bible *Acharoth*, *Koudschot*, saintes memoires, c'est à dire, les saints noms de Dieu, & mirent en leur lieu, en leurs Bibles בעל *Bangaal*, qui estoit le non & la peinture des idoles, & de tous les faux Dieux, *1. Mach. 3. 4. 48.* fors du vray Dieu, & comme rapporte Rabi Elias en son *Thisbi*. L'Eglise Hebraïque commanda que les Bibles de tels Heretiques fussent bruslees, ce qui fut fait: Pourquoy aussi ne le seront celles des Religioneux qui ont changé le mot diuin & religieux (*de croire*) du mot prophane, *persuader*, *Luc. 16. 31.* ont tourné le mot *Gaalmoth*, Pucelles, au mot, *Negharoth*, Iouuencelles, *Cant. 6. 7.* Ils ont pelagianisé aussi bien que les Anabaptistes & Zuingliens *Rom. 5. 12.* Et ainsi la mort est paruenue sur tous les hommes: comme si le peché originel estoit seulement vne peine, & non pas vne coulpe qui eust penetré en nous: il falloit donc suy-

ure le Grec & Latin, & tourner catholiquement, *Et ainsi la mort à passé outre en tous les hommes.* Derechef suy-
uās l'erreur de leur Anglois Pelage ont versé, *ἵφ' ὧ,*
In quò, Scilicet Adam; auquel Adam tous ont peché (ainsi
le faut il traduire) ont versé dis-ie en ces mots, *dau-*
tant que tous ont peché, comme si le peché originel estoit
d'imitation, & non vne coulpe de nature, par Adam
en nous. S. Paul 1. *Timoth.* 3. 11. dit semblablement: *il*
faut que les femmes soient honnestes. Les ministres de Ge-
neue ont traduit, *semblablement il faut que leurs femmes*
soient honnestes, ceste honnesteté en mariage, est pudicité: Mais
il n'à esté licite aux predicans tourner, *γυναῖκας,*
mulieres, les femmes, nom general, en nom particulier:
car S. Paul n'à pas escrit *γυναῖκας σαυτῶν,* *leurs fem-*
mes. Certes S. Paul requeroit pudicité & honnesteté
non seulement des femmes, dont les maris estoient
esleuez à la dignité episcopalle, & fonction diaco-
nale; mais aussi en general de toutes femmes: com-
me à bien traduit Pierre Oliuetain l'an 1535. premier
translateur des Bibles huguenottes, en cest endroit.
Certes il y à vn grand nombre de fautes en leurs
Bibles Françoises de Geneue, en leur version tant
d'Hebreu, Caldean, Syrien, Idumean, Arabe, Grec,
que Latin: fautes, dis-je, tant aux mots, & aux lan-
gues, qu'aux sens, & religion; comme aisément &
manifestement ie les peux conuaincre, en restituant
la Bible en françois selon la verité Hebraïque, Grec-
que, & Latine: qu'eux, les Iuifs, & autres Heretiques
ont tasché de peruertir, ainsi qu'il m'est facile de
monstrer clairement: En quoy ils seront conuain-
cuz tant de malice, que d'ignorance & imposture, en
ayant baillé aux hômes la parole des faux prophetes
au lieu de la parole de Dieu.

Il est certain que les Juifs ont voulu pervertir la verité Hebraique, & l'edition des 72 anciens en mettant en marge כרס *foderunt Caru*, que Rabbi Iacob Hayim de Tunes, fils de Rabbi Isaac, au grand Masforet, parlant de la lettre א tesmoigne auoir veu en Hebreu es Bibles correctes de l'ancienne Synagogue, *Caru*, Iehan Isaac Juif Leuite, au 2. liure de la verité Hebraique, rapporte, que la Bible Hebraique de son grand pere, lisoit aussi en texte, *Caru*, *Ils ont percé mes pieds & mes mains*, cōme ont leu & interpreté les 72 anciens, à quoy symbolise le mesme mot *Carah*, *percer*, *Psalm.* 39. 7. *Psalm.* 57. 7. *Hierem.* 18. 20. Iehan Forster professeur Hebreu à Vitemberg, & Bernard Ziegler professeur Hebreu à Lypse, escriuent au l'exicon Hebreu, & en leurs leçons, que les Juifs ont corrompu ce passage. S. Iustin martir contre Triphon Rabia Ephesien, & Tertullien, accusent les Juifs d'auoir rescindé du *Psalm.* 96. 10. *Meghet* אֶפֶס לִי טֶרֶם עֵץ לִי *à ligno*. Le Psautier de l'ancienne Eglise Gallicane, qui est gardé en la librairie de S. Donatian à Bruges, escrit de lettres d'or, list, *Quia Dominus regnauit à ligno*. Le Psautier Romain lisoit aussi le mesme, auât le temps de S. Hierosme. S. Hierosme tient les Juifs suspects d'auoir corrompu le 16. chap. de Iosué *comment.* in *cap.* 5. 2. *Michea*. & de rechef, il les soupçonne d'auoir peruertie le verset 26. du chap. 27. du Deuteron. *comment.* ad *Gallat.* lib. 2. *cap.* 3. 10. & semblablement le verset 22. 23. du chap. 21. du mesme Deutero. *comment.* lib. 2. in *cap.* 3. 13. ad *Gallat*. Certes leur *Tikun Sophrim*, & *Tikun Esra*, & leur *Keri Ketib*, leur diuerse leçon, leur permutation de lettres, leurs mots tantost vnis, & tantost separez; leur א pour ו & semblables inuentions, rendent leurs Bibles Iudaiques, suspectes, &

incertaines. Ils demandent si ça esté dauant l'incarnation de nostre Seigneur, ou apres, qu'ils ont peruertey la Bible comme Origene obiecte, *lib. 8. in Esay.* au nom desdits Iuifs: & sainct Hierosme *lib. 3. in Esa. cap. 6. 9.* Si ç'à esté deuant, ou au temps de la venue de nostre Seigneur Iesus-Christ; cōment est-ce que luy & ses apostres, qui ont reprins beaucoup de plus petits pechez és Scribes & Pharisiens, ont teu ceux cy; qui sont, comme disoit Triphon à sainct Iustin, plus grands que l'adoration du Veau d'or? Nous respondons, que les reprehensions de nostre Seignr ont esté pleines de discretion, selon que l'occasion s'est présentée: & que si elle ce fust présentée de son temps, nostre Seigneur & les apostres ne s'en fussent non plus teuz que Ieremie, *cap. 8. 8. ac 23. 36.* qui a iustemēt condamné de ce crime les scribes & les Iuifs. Nous disons secondemēt, que tout ce qu'à dit nostre Seigneur & les Apostres, n'est pas couché par escrit Qui plus est, il est certain que les Iuifs ont presumé corrompre l'hebreu par les 72. interpretes, enuiron l'an 140. apres la natiuité de nostre Seigneur Iesus Christ, cōme Iustin & Tertull. nous font foy, avec le cōmencemēt de leur Thalmud: ce qui a esté cause q̄ nostre Seigneur & les apostres n'en ont fait mētion. Finalemēt quād nostre Seignr leur a dit, *Mat. 15.* Vous aneantissez les cōmandemēs de Dieu par vostre tradition: il a suffisammēt cōdamné par equiuallēt tout ce qu'ils mettent en auant contre l'escriture. En fin Origene & S. Ieros. disent au nom des iuifs: Si nostre Seignr & les apostr. ont allegué les escritures, cōme les iuifs deuoient corrompre, ils nous ont appresté à rire. Les iuifs doiuent sçauoir qu'il n'y a Chrestie qui ait iamais pensé cela; cōbien que nous croyons qu'ils

ayent essayé de peruertir la liberté des 72. & le texte Hebraique, qui les en voudroit legerement croire, comme ils font par la mutation des poincts, & des lettres, par le changement des lettres consonantes, des accens, & des periodes, par la controuuée signification des racines, & diuersité des origines du theme: Toutesfois Dieu à tant fauorisé son Eglise, que les Iuifs ny les Heretiques n'ont peu peruertir la verité hebraique, ny le sens, que l'un & l'autre ne se puisse monstrier, & maintenir manifestement contre leurs fourbes, impostures, ou caballes & massoretz.

SECT. III.

Pour bien scauoir les escriuains de nos sainctes escritures souz le vieil testament, il faut noter que Dieu ordonna dès le commencement en son peuple certain nombre d'officiers, anciens, iuges, greffiers, & notaires de son Eglise, sans le iugement escrit, & examen desquels, nul prophete ou prophetie estoit authentique: Et pour-ce, Moyse & sa legation sont renuoyez au iugement des anciens du peuple Israëlitique, *Exod. 3. 13. 14. 16. 18.* Tellement que Moyse, par le conseil de Ietro son beau-pere, & consentement du peuple, ordōna des Princes sur les milliers, des Centeniers sur les centaines, des cinquanteniers sur les cinquantenies, & des dixainiers sur les dixaines, pour iuger, & gouverner le peuple d'Israël, *Exo. 18. 17. 18. 25. 26. Deut. 1. 9. 15. 16.* Ces 70 anciens icy monterent iusques au pied de la montagne, pour authentifier la loy, & pour iuger le peuple avec Aharon & Hur, qui faisoient septante deux anciens, en l'absence de Moyse, *Exod. 24. 1. 9. 11. 14.* Il est certain que ces septante anciens icy receuoient le saint Esprit en l'institution de leur office, *Numer. 11. 24. 25. 26.* Et

par-ce, ce qui estoit faict de par eux en la fonction de leur charge, estoit attribué au saint Esprit. Ilz iugeoient de tout souuerainement, comme du souuerain Prestre, de la lignée, du Prophete, de l'escriture, de la paix, ou de la guerre generale. De là vient que les prophetes escriuoient en cedules particulieres, ce que Dieu leur reueloit par chacun iour, l'interpretoient & preschoient au peuple : ce que finy, les 72. anciens du peuple retenoient l'original & minute desditz prophetes & actes publicz, en les mettant par ordre, & en escrit public, pour estre autentiques, & non suspects : Tellement que pour se resoudre de la verité du texte & sens hebraïque, il falloit appeller les Scribes du peuple, *Math. 2. 4.* Les saints escritz donc des sacrées escritures que nous auons, croyons, & lisons ; ne sont pas les escrits & fragmens particuliers de Moyse, Iosué, Samuel, Esaye, Hieremie, Esdras, & semblables ; comme ont opiné les incertains Rabins : ains ce sont les escritz des anciens, des iuges, des greffiers, ou notaires publics qui estoient en l'Eglise de Dieu, de leur temps : car mesmes és negoces du monde (qui sont de petite importance, au regard des salutaires) ce qui concerne le public, tant pour le Roy, que pour les officiers, ou pour le peuple ; n'est rendu authentique & vallable, sinon qu'il ait le public tesmoignage des greffiers, notaires, & scribes : Et pour-ce l'Ecriture dict, que Dieu à parlé de tous temps par la bouche de ses saints Prophetes, *Luc. 1. 70.* car les Scribes de l'Eglise ont autorisé la bouche des Prophetes ; côme il est escrit, *Psa. 86. 6. Le Seigneur nombrera en escriuant les peuples :* c'est à dire, fera rediger par ordre à ces Scribes & Secretaires ; ce qui a esté geré & negocié

GENERAL EXAMEN

publiquement avec ses peuples, & les Princes: Aussi la prophetie de l'escriture, n'est point de particuliere interpretation ou mouuement, 2. *Petr.* 1. 20. Car il faut que les scribes de l'Eglise, qui president pour lors, reconnoissent & autorisent le dire, l'inspiration & l'escrit d'un chacun. C'est donc vne vanité Rabinique de penser que les sacrez liures soyent escrits par les auteurs particuliers dont souuent ils portent le nom, comme ont cuidé les Iuifs sans aucune escriture expresse, ny tradition autentique: car mesme la commune opinion des anciens & vraz Hebreux est, que le prophete & particulier scribe mettoit par escrit vn sommaire de sa reuelation & predication, qui estoit reserré en la Trezorerie du Temple, ou de la Synagogue: & vn autre sommaire affiché à la porte par dehors, pour pouuoir estre leu ou cōtredit de tous, & redigé en ordre public, par les communs Scribes de la Synagogue: Tellement que les liures sacrez que nous auons, sont de la main des cōmuns Scribes, anciens, iuges, greffiers, & notaires ecclesiastiques de l'eglise de Dieu, qui estoit pour lors.

SECT. II II.

Qui a donc escrit les liures de Moyse, de Iob, de Iosué, des Iuges, des Machabées & semblables auteurs que nous auons en la Bible? S'ont esté Moyse, Iob, Iosué, les Roys, Nathan, Gad, Ido, les Annalistes du tēps, & semblables auteurs qui y sont alleguez, qui en ont escrit les premiers sommaires, breuetz, & memoires: & puis apres ont esté redigez en ordre & style comme nous les auons, par les anciens, scribes, iuges souuerains, sacrez notaires, & greffiers publics qui estoient en ces temps là: car l'Eglise ne fut onc sans ces prestres & scribes, pour publier, escrire

& conseruer la loy de Dieu. Cest vsage receu de tout temps au peuple de Dieu, pour conseruer l'integrité de la sainte Parole, à esté cause, que quand il y interuenoit difficulté en l'escriture, qu'ils nommoient *Cetif*, ou *Cetabf*, ou en la lecture appellée *keri*, ou *Rara*, on auoit recours aux scribes, cōme on l'a practiqué du temps d'Esdras, & apres l'a bien monsté: De là vint que le grand Pontife Eleazar, ne commist la version de la Bible d'Hebreu en Grec, qu'aux 72. anciens: & au temps d'Herodes la difficulté du lieu & du téps de la naissance du Messie, mis en auant; fut terminée principalement par les scribes du peuple.

Math. 2. Ces anciés icy en leur institution, receuoyét le saint Esprit, *Numer. 11. 25.* estoient ordinairement docteurs de la loy, *1. Esdr. 7. 7.* & successeurs de Moyse, *Math. 23. 1.* tenans de viue voix, & de religieuse memoire, l'entiere lecture, escriture, & interpretation de toute la parole de Dieu, beaucoup plus plainement & clairement, que la kaballe que le Tikkun, & Massoretz ne le nous enseignent: Et pour ce les 72. anciens souz Ptolomée Philadelphie, peurent chascun à part, par le diuin esprit de la Caballe, aisément s'accorder en vne mesme version, estans non seulement interpretes, mais aussi prophetes, comme Philo, & nos anciens ont recogneu: combien que S. Ierosme ne s'en soit pas incontinent resout; n'aduisant pas qu'il y a bien à dire entre la version qui se fait par vne reigle & kaballe diuine; par souverains & speciaux officiers à ce deputez & vsitez, qui facilement se peuuent accorder: & non pas les autres interpretes, qui n'ont point de reigle vniforme. Nous auons argument de cecy en Ieremie 36. 2. 4. 8. 16. 17. 18. 27. 28. 32. Dieu dist à Ieremie, *Pren vn roule-*

GENERAL EXAMEN

me de liure, & escry en iceluy toutes les paroles que ie t'ay dict à l'encontre d'Israël, contre Iuda & contre toutes gens. Ieremie donc appella Baruch, fils de Ner-ia, & Baruch escriuit de la bouche de Ieremie toutes les paroles du Seigneur qu'il luy auoit dictes, au volume du liure : Et Baruch fils de Ner-ia fist tout selon ce que Ieremie prophete luy commanda : & leut au liure les paroles du Seigneur, en la maison du Seigneur : Quand donc ils eurent ouy toutes les paroles, ils furent esbahis, Vn chacun vers son prochain, & dirent à Baruch : Deuons nous faire sçauoir au Roy toutes ces paroles ? Et luy demanderent disans, Declare nous maintenant comment tu as escrit toutes ces paroles de sa bouche : Et Baruch leur dist, Il m'a dicté de sa bouche toutes ces paroles icy, & ie les escriuois d'ancre au liure, & la parole du Seigneur fut faicte à Ieremie, apres que le Roy eut bruslé le volume : Et les paroles que Baruch auoit escrites de la bouche de Ieremie, disant : Retourne, & pren vn autre volume, & escry sur iceluy toutes les premieres paroles qui estoient au 1. volume que Ioachim Roy de Iuda a bruslé : Et Ieremie print vn autre volume, & le donna à Baruch scribe, fils de Ner-ia, lequel escriuit en iceluy de la bouche de Ieremie, toutes les paroles que Ioachim Roy de Iuda auoit bruslé au feu : Et encores fut adionsté à icelles plusieurs paroles semblables à icelles. Cecy monstre clairement que les prophetes escriuoient les diuines reuelations, & puis que les scribes de la Synagogue les trāscriuoient & redigeoient par ordre, comme officiers à ce commis en l'Eglise, & Iuges diuinement instituez à cest œuvre supernaturel.

SECT. V.

Dieu dict aux fideles, Deuter. 4. 2. Vous n'adiousterez point à la parole que ie vous commande, & d'iceluy commandement vous n'en diminuerez rien. Et de rechef, Deuter. 12. 32. Vous garderez & ferez ce que ie vous commande, vous n'adiousterez ny ne diminuerez rien d'iceluy : Les Samaritains ont abusé de ce passage, disans que les Prophe-

tes estoient additions, diminutions, & alterations à la loy: Les Iuifs du iourdhuy farment de ces lieux icy, cōtre les escritures du nouveau testament, qu'ils appellent additions, & mutations de la loy, *Act. 6. 13. 14.* & des prophetes. Les Religionnaires & plus anciens heretiques, en ont abusé contre les Apostoliques & ecclesiastiques traditions, & contre la reception des liures sacrez depuis Assuerus, qui n'auoient esté mis en l'Arche, ou qui n'auoient la succession ordinaire des Prophetes. Or l'intention du texte est, qu'il ne faut adiouster ou diminuer à aucun liure de l'Ecriture sainte: Secondement, qu'il n'est licite adiouster ou diminuer aucune chose, qui altere ou change la substance & essence de la verité: Donc les traditions ecclesiastiques, & commune creance des Docteurs, qui seruent pour elucider les escritures, & qui maintiennent la foy Catholique, cōtre l'opinion particuliere des sectaires, ne sont point additions, ny diminutions à la parole, ains ayde & secours. Cela donc, à quoy il n'est licite, ny n'a esté, d'adiouster, de changer, & diminuer, *Deuter. 4. 2.* est parole de Dieu, nette, bien purgée, & examinée par le feu, *Psal. 11. 7. Prouerb. 30. 5. 6. Apocal. 22. 18.* Parole proposée par route la tetre, pour reigle. *Psal. 18. 8. 9.* Parole racontée és escritures des Princes, & des peuples de Ierusalem, *Psa. 88. 6.* par la bouche des saints Prophetes, par laquelle il a parlé de tout temps, *Luc. 1. 70. Hebr. 1. 1.* Il n'y a eu aucune prophetie de l'escriture qui ait esté faicte de priuée interpretation, ou qui ait esté apportée par volonté humaine, *2. Petr. 1. 20. 21.* Donc route escriture diuinemēt inspirée, est vtile à doctrine, à conuaincre, & à corriger, pour enseigner en iustice; à celle fin que l'homme de Dieu soit parfait,

GENERAL EXAMEN

& adoucy à tout bon œuure. Si donc la Sapience de Salomon, de Syrac, Iudith, Tobie, & les Machabées se trouuent depuis leur temps, sans addition, diminution, sans changement, & immuables, examinez par les premiers de l'Eglise, proposez en reigle de pieté à tous fideles; raportez es escritures des Princes & des peuples de l'Eglise, par la bouche des premiers de l'Eglise; non en schisme particulier; non pour vne commodité humaine: à bon droit seront tenus pour saincte escriture. Or attendu que toutes ces religieuses circonstances, & diuines conditions, se trouuent non moins asseuremēt en ces cinq liures là, qu'és autres liures de la Bible; il est consequent qu'ils sont vrayment liures de la saincte escriture, comme le liure de Ruth, des Iuges, & des Roys.

SECT. VI.

Nous ne sçaurions sçauoir plus certainement la creance des hebreux, touchant les liures de la Bible, depuis Moysē iusques à Iosephe, que par luy mesme disputant cōtre Appion Alexādrin, de la preference, autorité & antiquité des liures hebraïques, à ceux des autres nations. Premièrement il n'a esté permis à vn chacun en particulier, escrire les gestes & créance de sa republique; ains à certains prophetes & interpretes des choses occultes: cela a esté cōmis spécialement par iugement public & diuin. Secondement, la generation premiere de toutes choses, n'a esté écrite d'aucun, tant clairement, plainement, antiquement, & vniformement, que de Moysē, & des Prophetes; qui sont par tout d'vn singulier accord en tous lieux, en tous temps, voire mesmes es choses supernaturelles: Mais les autheurs des autres gens s'introduisans eux mesmes à escrire, sont plus recens

& sans accord. Les escriuains hebreux notét graue-
 nient par bonne suite, dès le commencement, tous
 les faitz d'histoire & de religiō dignes d'estre rapor-
 tez. Les scribes des Iuifs n'ont iamais obmis d'escri-
 re vraiment, & diligemment, les merueilles & cas
 dignes de memoire; cōme nous les lisons, & croyōs
 en nos lettres, que pour ce nous appellōs diuins en-
 seignemens, & nous y arrestons du tout fidelement;
 voire mesmes nous ne craignons point de mourir
 librement pour la tution d'iceux liures, sil en est
 besoin: Et nostre deuotion à esté tousiours telle en-
 uers iceux, qu'il n'y a point de memoire qu'aucun
 iamais ait presumé y rien adiouster, y rien diminuer,
 ou y rien chāger. Puis donc que les Machabées sont
 tels, on ne peut religieusement douter qu'ilz ne soyēt
 saincts & dignes de foy, combien qu'ilz ne soient de
 tant miraculeuse croyance, cōme la Loy & les Pro-
 phetes; que les Iuifs appelloient canonique par ex-
 cellence, qui auoient vn cōtinuel, familier, & mani-
 feste miracle de la presence, inspiration, & gouver-
 nemēt de Dieu: Et les autres liures que nous croyōs
 & auons, n'ont qu'une croyance, inspiration &
 presence de Dieu en general, que les Hebreux & les
 Chrestiens ont nommée sainte & Ecclesiastique.
 Oyons Iosephe par sa bouche, lib. 1. in Appio. *Est ad-
 uenit fort droitement, dict-il, voire fort necessairement, que nos
 histoires escrites par les Prophetes sont tres-assurées, certaines, &
 veritables, à raison que l'autorité & puissance d'escire les faits
 aduentures, & annales, n'a esté à tous permise: Donc en la pu-
 blique histoire n'y à aucun discord: car les seuls Prophetes ayans
 la connoissance des choses passees, premieres, & anciennes, selon
 l'inspiration de Dieu à eux donnée, & escriuans apertement &
 publiquement les choses faictes & aduenues en leurs temps, nous*

GENERAL EXAMEN

n'auons point vne infinité de liures, entre-foy discordans, & à eux mesmes contraires : mais auons seulement vn & deux liures contenans la description de tout le temps, ou la foy & creance à esté receuë à iuste raison.

SECT. VII.

Iosephe preuoyant qu'Appion luy pouuoit dire, qu'il est incredible qu'en vingt-deux si petits liures, on comprint tous les faicts & doctrine, depuis le commencement du monde, iusques à leur temps: Et secondement, qu'il n'estoit point probable, que tous les liures iusques auiourdhuy, fussent dignes de foy & certains. Iosephe respond, qu'ils sont tous veritables, diuins, certains, & dignes de foy, toutesfois differemment: Car les cinq premiers contiennent le generations, effects, loix, histoires, & genealogies, depuis le commencement du monde, iusques à la mort de Moyse, espace d'environ trois mil ans: en quoy Moyse n'a eu aucun cōpagnon, ny égal: depuis les Prophetes ont escrit en treize liures tout ce qui a esté faict iusques au temps d'Artaxerxes, dit Assuerus, successeur de Xerxes Roy de Perse: & les quatre derniers, qui contiennent les Hymnes chantez à l'honneur de Dieu, Psalmes, Cantiques, & les Preceptes & enseignemens concernans la vie humaine: C'est assauoir les Prouerbes, & Ecclesiaste. Icy il est difficile d'expliquer seulement ces treize liures alleguez par Iosephe, car nous en trouuons bien dauantage: comme Iosué, les Iuges, Ruth, quatre des Rois, deux des Paralypomenes, deux d'Esdras, Esther, Iob, Esaye, Ieremie, les Lamétations, Ezechiel, & Daniel, avec les douze Prophetes, qui font 19. qui ioincts aux autres, font en vray nombre 28. liures dignes de foy: Dont s'ensuit que ces vingt & deux, pretenduz
par

par les Iuifs, ne se peuuent aisément maintenir. Ce qui nous doit degouster absolument du nombre & censure des liures Ecclesiastiques à la Iuifue: Et pour ce les benists Apostres, le diuin premier Concil de Nyce, le Chrestien 3. de Carthage, saincts Innocence, Gelase, Augustin, & autres fideles Chrestiés, n'ont tenu compte de la censure Iudaïque. Et si les Religioneux estoient vrayz Chrestiens, comme nos anciens, ils ne suyuroient la censure des Iuifs, qui ne se peut maintenir. Iosephe dit à Appion, que quand il à dit, qu'il n'y auoit que 22. liures chez les Iuifs, il entendoit seulement de la creation du monde, iusques à Artaxerxes, où la succession des Prophetes à perseueré sans interruption: depuis lequel temps, combien que la succession des Prophetes n'ait pas succédé manifestemēt, sans interruption, toutesfois quād a ce qui est aduenu depuis, entre les Hebreux, il à esté fidelement & entierement redigé par escrit cōme nous le lisons, & croyōs, sans y rien adiouster ny diminuer, ny changer: Donc Iudith, Tobie, les Machabees, la Sapience, & l'Ecclesiastique, escrits & diuulguez en la Sinagogue des Hebreux, auant le temps de Iosephe, sont saincts & vrais escrits Ecclesiastiques tres-dignes de foy: qui à esté cause que le mesme Iosephe à cité souz le nom de la diuine loy ce qui est escrit, *Ecclesiast. chap. 42. 14.* contre Apollonie, Molon, & Lyfimache. *La mauuaise de l'homme est superieure à la femme bien faisante*: qui est vn clair tesmoignage, que combien que ces liures icy, ne feussent canoniques aux Iuifs, selon quelque sens, & interpretation, ce neantmoins ils estoient diuins, saints, & Ecclesiastiques, tres-dignes de foy: comme auoient bien entendu les anciens Chrestiens au troiziesme

Concile de Carthage : Si donc les Religioneux auoient quelque front & de conscience, ils adiousteroyent autant de foy à ces cinq liures Ecclesiastiques, que faisoient les anciens Iuifs, mesmes encorés au temps de Iosephe.

SECT. VIII.

Nostre autheur suyuant son procès contre Appion, escrit, *Desquels vingt & deux liures, les cinq premiers sont de Moÿse, contenant les natiuité, & genealogies des anciens hommes, & deduction de la generation humaine iusques à sa mort, lequel temps n'est guiere moins de trois mil ans : & depuis la mort de Moÿse, iusques à Artaxerxes Roy de Perse, qui succeda à Xerxes, les Prophetes ont escrit les gestes, les choses faictes, & les cas aduenus de leur temps, en treize liures. Et les quatre derniers, contiennent les Hymnes composéz, & chantez à l'honneur de Dieu, & les saintes preceptes, & bons enseignemens concernant la vie humaine. Depuis le regne d'Artaxerces, iusques à nostre temps, tous les faict dignes de memoire, & tout vn chacun œuure memorable aduenü certainemēt, à esté diligemment redigé par escrit : non toutesfois tenu en si grande foy, & autorité, que les premiers : pour-ce que la succession des Prophetes n'estoit si certaine : neantmoins il appert par les faict mesmes, les choses auoir ainsi esté faictes, comme nous les lisons, & croyons à nos propres lettres, veu que à icelles depuis tant de siècles passéz, ne s'est trouué aucun qui ait presumé de rien en oster, ny adiouster ny changer : car cela est de nature, & incontinant des la premiere geniture, planté en l'esprit des Iuifs, de nommer ces escrits diuins enseignemens, & à iceux s'arrester ; & partant, pour le soustien d'iceux (si besoin est) mourir bien volontiers. Iusques icy Iosephe parlant des saintes escritures. Notez premicrement qu'il met difference entre les saintes liures escrits deuant Artaxerxes, & entre ceux qui ont esté escrits par apres, iusques à son temps : non*

pas qu'il y en ait aucuns apocriphes, ou douteux: non pas qu'ils ne soient tous certains, parfaicts, entiers, & diuins: non pas qu'il soit licite d'adiouster, diminuer, ou changer quelque chose en aucun de ces liures, non qu'il soit licite de ne les croire pas, de ne les lire pas, où pour ne mourir pas pour la tuitiõ d'un chacun de ces saincts liures: Mais en cela, les liures escripts deuãt Asluerus, sont à preferer en foy, & autorité, pour la plenitude de l'esprit de prophetie, qui auoit ordinairement respondu, & residé au temple, iusques à la mort de Zacharie prophete, que Ioas fit tuer entre le temple, & l'autel, l'an du monde 3187. en vengeance dequoy, les oracles ne furent plus si frequens, si manifestes, & esclatans, qu'auparauant: ains se firent depuis ce temps là, plus rarement, avec peu de clarté, en vois basse, & deliée: toutesfois durerent iusques à la captiuité de Babilonne, autant que dura le premier temple selon les Hebreux, sur Aggée chap. 2. 10. *Imo*, ne cesserent qu'environ deux cens ans auant Iosèphe, *lib. 3. antiq. cap. 9.* Secondemēt, à cause que la succession des prophetes sans interruption, auoit duré depuis l'origine du monde, iusques en l'an 3785 que Malachias mourut souz l'Empire d'Alexandre le grand, des-ja encommencé: ce qui estoit cause manifeste que ces liures là meritoient foy, & autorité, tant pour le temps, que pour les personnes. Mais pour-ce que depuis, combien que les diuins oracles n'ayent pas du tout cessé, comme nous voyons, *Luc. 2. 25. 26. 27.* entre les Iuifs, ny le don de prophetie, *Luc. 2. 37. 38. 39.* toutesfois pour-ce qu'ils n'ont pas esté si manifestes, & frequens, les escripts de ce temps là: n'ont eu si promptement vne telle foy & autorité, que les precedens:

Mais le temps, & l'usage de l'Eglise de Dieu, leur ont acquis, & confirmé ce qu'ils meritoient bien. Aussi est il bien certain, que les liures de Moysé, & des autres escriuains Ecclesiastiques, n'ôt pas esté écrits ny proposez, receuz & authorisez en vn mesme instant : Mais ç'a esté Dieu qui leur à acquis, donné foy, & autorité, par l'usage public, & saint examé de l'Eglise: qui ne consent iamais qu'en la parole, & l'esprit de verité, *Esaye 59. 21.*

SECT. IX.

Les ennemis des Machabees ne les ont impugnez tous d'une mesme raison, ains chacun sy est opposé selon sa propre commodité : Secondement, ils n'ôt esté contredits dès leur commencement, ains seulement avec le temps, par quelque nouuelle occasion: ce qui monstre clairement leur certitude & antiquité. Les Arabes voyans que ces liures monstroient l'immortalité des ames en Hieremie prophete, & en Onie grand sacrificateur, qui intercedoient pour l'Eglise de Hierusalem, les ont impugnez. Semblablement les Samaritains les nioient tout à plat, car ils voyoient que ces liures icy, sur tous, recommandoient la loy, & ne batailloient principalement que pour l'obseruance d'icelle, & cōseruation du peuple d'Israel, que les filis Samaritains impugnoiēt à toute outrance. Les Philistees, Syriens, Idumeans, Egyptiens, & semblables nations, cōsiderans que les seuls Machabees, faisoient guerre mortelle aux Idoles, & faux Dieux, persecutoient cruellement les Machabees & brusloient les saints escrits. Les Hemerobaptistes qui maintenoient vne Metempsicose & Palingenie, qui ne pouuoit auoir lieu par les Machabees, qui monstroient toujours mesme ame à

mesme corps, où personne, comme aux enfans martyrs, & à la mere, aux Princes Machabees, à Hieremie & Onie, leur contredisoient comme contraires à leur erreur. Les Saduceans nyoient les Anges & esprits, souuent & clairemēt mentionnez aux liures des Machabeans. Les mesmes Saduceans, peu deuāt le temps des Herodes auoient vsurpé la principauté royalle, & sacerdotale, qui appartenoit aux Iuifs, & aux Pontifes, comme les Machabeans auoient bien monstré: contre lesquels & leur posterité lesdits Saduceans auoient vsé de grāde inhumanité. Les Iuifs voyans enuiron 120. ans apres la sacrée mort & passion de nostre Seigneur Iesus-Christ, que le nom & Religion Chrestienne croissoient euidemment & miraculeusement par tout, quelque persecution, & contradiction que le monde y peust apporter, & qu'ils tiroient de grans preiugez de l'autorité des Machabeans, les ont impugnez, d'autant que par iceux, il apparoiſt premierement, que le sceptre Iudaïque, *Genes.* 49. 10. n'estoit cessé en Babilone, dauant Herodes, comme cuidoient les Iuifs: car le regne & gouuernement des Machabees monstre du contraire, c'est assauoir, qu'il n'estoit point cessé iusques audit Herodes, & iusques au temps des Romains, & naissance de Iesus-Christ. Secondement, que les guerres mondaines & terriennes predites par Esaye chap. 2. par Abdie 1. par Michée 5. par Zacharie 10. & 14. & par Daniel 9. 27. & 11. 34. ne seront accomplies par le Messie à la lettre; ains par les Machabees, comme figure, ainsi que disent les Chrestiens; qui les rapportent à vne exposition metaphorique, & spirituelle, comme si le Messie estoit vn esprit: & non vn homme. Aussi le liure des Machabees mōstre que

GENERAL EXAMEN

donnez, seront heretiques & reprouvez. Que si les Docteurs ont condamné les anciens Heretiques, Peres des Religioneux, sans suffisante escripture, ou valable traditiō, tous les saints & anciens Docteurs ont damnablement failly, & prostitué le vray corps mystique de nostre Seigneur Iesus-Christ: & ceux que lon à creu auoir esté les membres illustres de l'Eglise, n'ont esté qu'esclaves de Sathan, & Anges de tenebres. Que si cela à lieu, Paradis sera Enfer, & Enfer sera Paradis: & l'Antichrist & ses complices, seront au lieu de nostre Seigneur Iesus-Christ, & de ses dignes membres: Telles sont les abominables conclusions qui sensuiuent de la Religion Caluinienne, si on luy donne lieu.

S E C T. XI.

Nos saints Peres ayans tiré argument des saints Machabées, contre les erreurs, abus, & heresies des heretiques, des Iuifs, & des Payens: ont bié monstré clairement qu'ils les tenoient manifestement pour saints & canoniques. Est-il aucunement credible, que ces saints Pontifes tant sçauans & zelez pour la pureté de la loy de Dieu, y eussent introduit vn nouveau & faulx seruice? Peut on avec sain iugemēt estimer que ces Princes, tant religieux & vaillans, eussent introduit, ou enduré vn execrable abus au pur seruice de Dieu? Est-il possible de soupçonner ces saintes ames penitentes, & bataillantes pour la pureté & conseruation de la vraye religion; l'auoir corrompuë si laschement? Dieu à-il iamais assisté manifestement par illuminations & miracles, cōme signes de la faueur du Ciel, tesmoins de sa presence & de son aide, en espouuantant les ennemys, à gens qui aiet publicquemēt violé la sainte religion; cōme

il a fait aux tres-deuots Machabées? *Mach.* 12. 15. & 14. 4. 12. Item 2. *Mach.* 2. 22. & 5. 2. 3. & 2. *Mach.* 10. 29. 30. & 11. 8. 10. *Ioh.* 5. 4. Miracle, comme, 2. *Mach.* 5. 2. 3. selonc meisme la glose des Ministes de Genesue, 2. *Mach.* 15. 21. 27. 35. Dieu a-il tourné son ire en misericorde, 2. *Mach.* 8. 5. pour son alliance avec les Peres, & pour l'inuocation de son saint nom, en faueur des violateurs de la pure religion? 2. *Mach.* 8. 15. Dieu à-il priué ceux-là de son secours, qui ont sur tout hay le peché, & pourfuyui la restauration de son saint & pur seruice? 2. *Mach.* 12. 42. A-il iamais demandé d'assister, à ceux desquels il exauçoit les oraisons? 1. *Mach.* 7. 40. 43. 46. Est-il à coniecturer, que ceux qui auoient manifestement Dieu, & son Ange, conducteurs de leur bataille, en extrême necessité, fussent infracteurs de sa loy? 2. *Mach.* 5. 43. & 11. 6. 8. 13. Peut-on dire de sens rassis, que Dieu à rendu la ville, & le temple pour en oster les Idoles, & y mettre miraculeusement son saint seruice, aux corrupteurs de la vraye religion? 2. *Mach.* 10. 1. 2. 3. A on iamais leu en l'escriture, que Dieu à espouuanté les ennemys des violateurs de la vraye religion? Si donc les Machabées en offrans oraisons & sacrifices pour les defuncts, eussent violé la pureté de la religion, Dieu n'eust pas tant puissamment espouuenté leurs ennemys. 2. *Mach.* 12. 22. 28. 36. 37. Certes on a à bon droit estimé Moyse, Iosué, les Iuges, Dauid, Esaye, & leurs semblables, agis, & asseurement possédez de Dieu, qui ont osté la crainte des ennemys à leurs soldatz, les asseurans de la victoire prochaine; comme il est incontinent aduenü. 2. *Mach.* 8. 16. & 13. 15. 17. 22. Dieu à-il fait ces graces à ceux qui ont pollü & vicié sa sainte religion, au lieu de la restablir en sa pureté &

GENERAL EXAMEN

splendeur ; comme ont faict les saints Machabées ? Les Predicans dōc qui les chargent, sans aucune expresse escriture, d'un pñant sacrilege ; nonobstant tant de diuines prerogatiues, monstrent manifestement qu'ils sont possedez de l'esprit de peruersitez, comme les Egyptiens. *Esa. 19. 14.*

SECT. XII.

Tout ce qui a esté predict en la loy & aux Prophetes, de nostre Seigneur Iesus Christ, sera infailiblement accompli selon la lettre terrienne & mondaine aucunement ; comme en Daud, en Salomon, en Efras, en Zurubabel, & autres Princes des hebreux : & és ennemys du peuple de Dieu, Caldeans, Idumeans, Syriens, Egyptiens, & de leurs Roys ; comme d'Antioche : Et en la personne de nostre Seigneur & de son Eglise religieusement. Exemple. Dieu en Esaye au second, à predict vn insigne repos par l'vniuers, apres auoir esmeu le ciel & la terre, *Aggee 2. 7. 8.* Ce qui à esté accompli à la lettre, enuiron la naissance de nostre Seigneur Iesus Christ, souz les Romains. Et depuis ayāt de rechef esté prophetizé par Daniel, Abdias, Michée & Zacharie, à esté accompli à la lettre, par les magnifiques Machabeans, *lib. 1. ca. 14. 4. 5. 6. 7. 8. 9. 10. 11. 12. 13. 14. 15.* Car il est de besoin, que les propheties soient accomplies aucunement à la lettre mondaine, selon les Hebreux : & selon l'Esprit, au regne du Messie, selon les Chrestiens. Certes les Iuifs, qui veulent faire le regne du Messie temporel en sa personne, & nō en sa figure, resuent grandemēt ; car le principal qui est le spirituel, & metaphorique, doit conuenir au Messie ; & le temporel & terrien, à sa figure. Donc la terrienne exposition des Iuifs touchant le Messie & son regne, est tollerable,

si on l'a rapporte à sa figure Israel, & à ses ennemys selon la chair. Semblablement l'exposition Chrestienne, qui est metaphorique, & spirituelle, doit avoir son lieu, sans l'exclusion de la temporelle, ny du contraire. Il ne faut donc pas penser, que ce qui à esté accôply à la lettre, par Iacob, David, Salomon, ou par les Machabées, doyue ainsi mondainement estre accompli par le Messie, car ce seroit confondre la figure, avec la verité : & le corps avec l'esprit : Il faut donc necessairemēt que ce que Daniel, Abdias, Michée, & Zacharie, ont predict de la miraculeuse deliurance du peuple de Dieu, soit accompli à la lettre, & selon l'esprit. Daniel à predict, que l'Eglise de Dieu, & son vray seruice, seront par tyrannie tellement contreditz publiquement, & violez inopinément, que l'idole ou abomination seroit mise au temple de Dieu, c. 9. 27. Ce qui a esté accompli souz Anthiocus, 1. *Machab.* 1. 57. & le sera souz l'Antichrist plus plainemēt, *Mat.* 24. 25. Cela mōstre que les liures des Machabées, & du nouveau testament, esquelz se trouuēt enidemmēt accomplis ces mysteres ici, sont vraiment saints, & l'accomplissēmēt des propheties. C'est la raison pourquoy nostre Seigneur en saint Mathieu 24. 15. rapporte la parole de son Euangile, au dire de Daniel, chap. 9. 27. & chap. 11. 31. donnant à entendre, que l'escriture de son Euangile, n'est pas moins sainte, & veritable, que celle de Daniel. De mesme façon les Machabées *lib.* 1. *cap.* 1. 57. rapportans en eux, & en leur temps, l'accomplissēmēt des propheties de Daniel, donnent à entendre, que leur escriture n'est point moins sainte & veritable, que celle de Daniel : comme traitant d'abondant vne mesme chose. Impugner donc la sainteté & verité

GENERAL EXAMEN

de l'Eſcriture Machabeanne, & diminuer du manifeſte accompliſſement des propheties: comme qui nieroit l'Exode, oppugneroit l'accompliſſement de la prophetie de Dieu, prediſte à Abraham. *Genef. 15. 13. Exod. 12. 40.*

SECT. XIII.

Iob & ſon liure ſont authoriſez, pour-ce qu'il en eſt faiſt celebre mention en Ezechiel *chap. 14. 14.* & en S. Iaques 5. 11. Ainſi donc les actions des Machabées, rememorées en Daniel *chap. 11. 28. 29. 30. 31. 32. 33. 34.* ſont recommandées comme de perſonnes conſtantes en l'oſſervance du teſtament de Dieu, comme de docteurs de la loy de Dieu, comme d'inſignes guerriers qui obtiendront victoire avec peu de geñs. Les Hebreux, & S. Hieroſme entēdent cecy tant de noſtre Seigneur Ieſus-Chriſt, que des nobles Machabées; & tāt d'Anthiocus, que de l'Antichriſt. Les annotations des grands Bibles, attribuées à Vatable, & les Bibles de Geneſue en François, l'expoſent ſemblablement des illuſtres Machabées: Parquoy nous voyons manifeſtemēt, qu'eux, que leurs eſcrits & que leurs actions, ſont icy canonifées par Daniel, comme de Martyrs conſtans, comme de Docteurs entiers ſuſcitez diuinemēt, comme diuins guerriers, leſquelz avec peu de ſoldats miraculeuſement remporteront victoire; ainſi qu'eſt aduenū au temps des Machabeans. Quelques-vns ont penſé, que ceſte liberté des Iuiſ ſe deuoit entendre du retour d'Iſraël, ſouz Eſdras, & Zorubabel, de la captiuité de Babylo-ne: mais ceſte liberté là n'a pas eſté plaine, ny obtenūe par force, comme celle cy, contenuē es Prophetes; & euincée par les Machabées. Voici ce qu'eſcrit Abdias prophete *chap. 1. 17. 18. 19. 20. 21. Il y aura ſalut*

(assurance) en la montagne de Syon, & sainteté: Et la maison de Iacob possedera ses heritages. La maison de Iacob sera vn feu, & la maison de Ioseph fera vne flamme: Et la maison d'Esai sera la chaume, & brusleront en icelle, & la consommeront, & n'eschappera rien de posterité en la maison d'Esai, car le Seigneur à parlé & heriteront le midy (les pays adiacens) avec la montagne d'Esai, & la campagne avec les Philisteans: Et heriteront le champ d'Efraim, & le champ de Samarie, & Beinjain avec Galaad. Et la transmigration de ceste armée des Enfans d'Israël, qui (ont esté transportez) en Canaan, & iusques en Tsarphad: Et la transmigration de Ierusalem (des Iuifs) qui ont esté transportez iusques en Sapharad, possederont les Citez du midy, & les sauueurs monteront en la montagne de Tsion, pour iuger le mont d'Esai, & le royaume sera au Seigneur. Si on confere le cinquiesme chapitre du premier liure des Machabeans, avec ces cinq versets ici de nostre prophete Abdias, on congnoistra clairement, que les Machabeans sauueurs de Iuda, & d'Israël, ont accomply à la lettre, ce qui auoit esté prophetisé d'eux: car ilz ont par armes vaincu les nations estrangeres, qui occupoient Iudée, Galilée, Samarie, & autres regions circonuoisines. Tellement que les Iuifs qui estoient transportez par les guerres entre les Cananeans, en Tsarphad & Sepharad, (les Hebreux entendent iusques en Esclauonie, en Germanie, en France, & en Espagne) ont eu moyen & liberté de retourner en Iudée, souz le regne de Dieu, c'est à dire, des prestres Machabeans; desquels le saint Empire, est nommé le regne de Dieu, *Abd. l. 21.* pour le reestablisement du pur seruice de Dieu. Puis donc que Dieu auoit estably ces Machabeans pour sauueurs d'Israël, & pour restaurateurs de la vraye religion, nous n'auons aucune occasion de douter de leurs escrits ou actions.

GÉNÉRAL EXAMEN

Lisez, 1. *Mach.* 3. 1. 2. 3. 4. 5. 6. 7. 8. 9. 10. 11. 12. 17. 20. 22. 23. & 1. *Mach.* 4. 8. 14. 15. 24. 25. 26. *Ac.* 1. *Mach.* 5. 54. 62. & 1. *Mach.* 5. 3. 4. 5. 6. 7. 23. 28. 35. 36. 43. 44. 45. 50. 65. 66. *Ac.* 1. *Mach.* 14. 6. 8. 9. 10. 11. 12. 13. 14. 15. 16. 17. 26. 29. 30. 37. tellement qu'en plusieurs batailles, il n'y auoit aucun Iuif occis, 1. *Mach.* 5. 54. SECT. XIII.

S. Hierosime en ces commentaires sur Zacharie, chap. 10. & 14. reconnoist, que les Iuifs mesmes, confessent & exposent ces lieux, des Machabees. *Zach.* 10. 3. 4. 5. *Le Seigneur des armées visitera son troupeau, la maison de Juda, & les à mis en bataille, comme son cheual d'honneur: de luy est le coin, de luy est le clou, de luy est l'arc de la bataille: Ensemble par luy sortira tout oppressant, & seront en la bataille, comme les forts, qui marchent en la bouë des chemins, & batailleront, pour-ce que le Seigneur fera avec eux, & les gens de cheual seront confus.* Ce qui à esté clairement & à la lettre accompli aux guerres Machabeennes. Autant en lisons nous au mesme Pprophete, chap. 14. 1. 2. 3. 4. 10. 11. 15. 16. 21. Tellement que doutans de l'esprit & histoire des Machabees, nous douterons conioinctement & consequemment, du dire des Prophetes, qui ne se trouuent accomplis à la lettre, & proprement, que souz les Machabees. Et comme il faut croire, que toutes ces choses faccompliront spirituellement & religieusement, par nostre Seigneur Iesus-Christ, en son Eglise, contre l'Antichrist; aussi ne faut-il douter, qu'en figure elles n'ayent desja esté accomplies à la lettre. Que si nous en osons l'escrit & histoire des Machabees, comme prophane; il restera es Prophetes beaucoup de mysteres, & figures sacrees à accomplir, où desquelles l'accomplissement ne sera sacré, comme des autres histoires de la Bible. Michée aussi à clerement prophetisé des

Machabees, disant, chap. 6. 7. 8. 9. *Et le reste de Iacob sera au milieu de plusieurs peuples, comme la rosée du Seigneur, & comme la pluie sur l'herbe, qui n'attendent point l'homme, & n'esperent point es filz des hommes* (c'est à dire) le secours, & la victoire des Machabees, seront miraculeux. & le residu de Iacob entre les gens; au milieu de plusieurs peuples, comme le Lyon entre les bestes de la forest, & come le Lyonceau entre les troupeaux du bestail, lequel, quand il aura passé, foulé & raiui, il n'y aura aucun qui deliure. Que lon rapporte le dire de Michéc Prophete avec l'histoire des Machabees, liure 1. chap. 3. on le verra du tout conforme l'un à l'autre: Dont est euidēt que les liures des Princes Machabees, sont saintes histoires, & manifestes accomplissēmēs des propheties de Daniel, d'Abdias, de Michéc, & de Zacharie. S. Chrysostome expose le Psal. 43. 1. (*O Dieu nous auons ouy de nos oreilles, ta main à dechassé les nations, & as planté nos peres*) des Machabees, de leurs afflictions, constance, & victoires miraculeuses. S. Augustin interprete le Psal. 78. 2. des Machabees: comme fait aussi l'auteur desdits Machabees, liure 1. chap. 7. 17. & non seulement des Caldeans, qui prophanerent le Temple. Et la glose de Marlorat expose ce Psal. 78. de Nabuchodonosor, & d'Antioche l'illustre. Commēt donc pourrons nous estimer les Machabees violateurs du diuin seruice de Dieu, & leurs escrits & histoires incertaines, lesquelles Dieu à autant, & plus honoré par ces saints & celebres Prophetes, qu'aucuns saints Peres, qui ayēt esté souz le vieil testamēt. On à adiousté créāce à S. Iehan, *Ioh. 1. 23. 25.* quād il allegua qu'Esayc. 40. 3. auoit prophetisé de luy. Il n'y à dōc raison de douter des paroles, ou des actiōs des Machabees, dōt tant de prophetes si souuēt, & tant manifestement ont prophetisé manifestement.

GENERAL EXAMEN

SECT. XV.

Les Iuifs & Chrestiens sont d'accord, qu'il est necessaire que tout ce qui a esté dict, & escript du Messie & de son regne entierement, soit accomply: Mais les Iuifs raportent toute la gloire, victoire, repos & richesses, à la personne du Messie temporellement, & à la lettre: Et ce qui est des peines, miseres, & afflictions, ils l'exposent par metaphore, le rapportant, non à la personne du Messie, ains seulement à ses membres. Or les Chrestiens l'exposent du tout au contraire; & leur raison est, Que le principal & permanent doit estre attribué à Dieu, & au regime le plus excellent. Or le regne du Messie est eternal, & spirituel, incorruptible, & immuable: *Daniel* 3. 33. *Dan.* 4. 31. *Dan.* 7. 13. 14. 15. 27. *Michée* 4. 7. Il consiste donc principalement en dons celestes, & biens spirituels, & en actions vertueuses, salutaires, & religieuses, & non temporelles & caduques, sinon en tant que le temporel, est vmbre du spirituel: & le mondain, est figure du religieux. Le spirituel estant donc venu à sa perfection, en la personne du Messie: il faut que le temporel & mondain, ait precedé, & qu'il ait esté accomply en ceux qui ont figuré & vmbagé le Messie: comme Adam, Abel, Noé, Melchisedech, Iacob, Israël, Ephraïm, Iudah, Leui, Ioseph, Moyse, Sampson, David, Salomon, Cyrus, Zurubabel, Mathathias, Machabées, & semblables. Par ainsi, ce que nous lisons des victoires temporelles, en Daniel, Abdias, Michée, Zacharie, & autres Prophetes, de la terre & estat des Hebreux, doit estre accomply à la lettre, exterieurement, & temporellement, non par le Messie, ains par Princes & homes mondains: autrement les prophetes seroient trouvez menteurs.

Or

Or Mathathias sacrificateur avec ces cinq fils, ont esté suscitez de Dieu, pour sauuer Israel: ce qu'ils ont faict, comme il est escrit, *1. Mach. 3.6. Ac. 4.25. & 5.62.* & à esté iusques icy recongneu tant des Iuifs, que des Chrestiens. Mathathias fesseua, & fopposa avec ses enfans, & peu de gens, à la tyrannie du Roy Antiochus, occist les Idolatres, destruisit l'idolatrie, vainquit en plusieurs rencontres, & en plusieurs batailles rangées, les ennemis du peuple de Dieu; reestablishit la loy, la religion, & circoncision, *1. Mach. 2.* par tout le chapitre. Il monta en Hierusalem, là rebastit, mura, & munit: il reedifia, & purgea le Temple, en le sanctifiant par deux fois: & comme bon sauueur & vaillant conducteur, à estably leur estat en la terre de promission, malgré les Roys de Syrie, & nations estrangeres à l'entour d'eux, *1. Mach. 4.8.14.37. 60.* Il à dilaté sa gloire, & de son peuple, dont il à esté sauueur: Il s'est exposé sans peur aux dangers comme vn Lyon, & à penetré les armées comme vn Lyonceau hardy à sa proye: Il à vaillamment faict paroistre, qu'il estoit le cheual d'honneur au combat du Seigneur, Il à monstre qu'il estoit le gouuernail du nauire du Seigneur, & le coing de ses inuincibles murailles: Il à ramené ces gés du combat avec victoire, sans qu'aucun y ait perdu vne goutte de sang: C'est luy qui à exterminé le mont de Seïr & Idumeans, les Amonites, Beanites, Galadites, Philistean, Galileans: qui s'est rendu admirable par tout l'vniuers: tellement que les Romains, Spartains, Syriens, & autres, ont grandement prisé son alliance, & confederation. C'est luy qui à prins de force & d'assaut les plus fortes villes, & mieux munies de son temps; C'est luy qui assure ces victoires sans doute, & sans

menfonge, mefmes auant qu'elles fuflent aduenües, cōme ont fait les Prophetes. Si dōc Iofué, capitaine diuin, à merité creance, & fon liure enfemble: Pourquoy Iudas Machabée, & fon hiftoire, ferōt-ils fans foy & fainteté?

SECT. XVI.

L'hiftoire facrée touche premierement & immediatement, & pourfuit ce qui eft de l'Eglife, & de la Religion: Secondement elle contient le manifefte, & miraculeux accompliffemēt des chofes qui auoiēt efté predites. Tiercement, elle raconte purement, fans neceffité, & fans artifice, fes cheutes, & fes fautes. Outre, fon discours tend à la gloire de Dieu, & non à la vaillance & industrie humaine: Dauantage elle ne met rien manifeftement faux, & contredit par les hiftoires facrees ou prophanes. Qui plus eft, on la lift publiquement aux aflemblees Ecclefiaques; ce qui n'à eu lieu aux liures apocriphes, & écrits prophanes. Semblablement, les diuins & extraordinaires Iuges du peuple de Dieu, ont prophetifé & affeuré leurs victoires (comme tefmoigne le liure des Iuges) comme aufli ont fait les Machabees: Apres ils ont predit la profperité des leurs, & la ruine des mefchans, & clairement monftré que leur guerre eftoit de Dieu, veu qu'obtenant victoire plusieurs foy, pas vn des leurs ne fe trouuoit frappé à la mort: ce qui n'à eu lieu qu'aux guerres de Dieu. Ainfi Mathatias & Iacob mourans, & beniffans leurs enfans predirent, & à leurs fucceffeurs, ce qui eftoit futur, avec la ruine de leurs ennemis. Les gouuerneurs du peuple Hebreu leur osterent la crainte des ennemis, & les affeurerent de la victoire, ramenans les foldats du combat fans qu'aucun fust occis, *1. Mach. 2. & 3. & 4. & 5. 54 & lib, 2. Mach. 15. 7.* Par ainfi les Ma-

chabees, leurs actions & leurs escrits, ne meritent moins de foy, que les Iuges & leur liure: Et qui voudroit oster la censure de l'Eglise, les faits, le don de prophetie, & actions des Iuges, auroient autant où plus à redire & blasmer, que les Machabees: cōme le meurtre d'Aod, ou Eheud, *Iud. 3. 15.* & aussi l'oblation de Gedeon sacrifiāt à l'Ange creature, *Iud. 6. 19. 20. 22.* & aux idoles, *Iud. 8. 27.* comme l'indiscret vœu, & meurtre desnature de Iephté, *Iud. 11. 30. 34. 35.* comme le mariage prophane & interdit de Samson, avec les Palestines, & le desesperé meurtre de soymesme, *Iud. 14. 1. 2. 3. 11. 16. 30.* & ne se peut riē remarquer aux faits & escrits des Machabees, qui ne se puisse interpreter bien plus raisonnablement, que le meurtre fait par Moysē, que l'occision des petits enfans, & que le sale mariage d'Osée, comme ont calomnié les incensez Manicheans: ausquels les Religionaires Iudaïsans effrontément, contre la foy des anciens Hebreux, ouurent la porte de sedition & de perdition, contre les fondemens des sainctes escritures, & de la Religion: en impugnant sottement les liures & actions Machabeanes, comme reprochoit S. Augustin aux Manicheans, qui preferoient leur presumptueux, & opiniastre iugement à celuy de nostre mere saincte Eglise. *de util. cred. cap. 2. & contra epist. fundam. cap. 5. Ac. lib. 8. In Faust. cap. 7. & lib. 11. cap. 2. & lib. 17. cap. 3. Ac. lib. 32. 19.* car l'intention maligne des Heretiques est de preferer leur enflée ignorance, à la raison solide de l'Eglise: leur volage opinion, à son solide iugement: & leur seditieux debat, à la diuine authorité du sainct Esprit, president ordinairement en son Eglise.

SECT. XVII.

Nous ne voulons pas routesfois inferer precisē-

ment, & seulement vn liure estre canonique, pour ce qu'il est, où son auteur, où celuy dont il porte le nom, rememoré en l'écriture: car nous en aurions beaucoup plus que nous n'en auons; comme ont clairement monstré S. Athanase & Dorothee Euesques anciens. Nous ne pretendōs pas donc les maintenir canoniques, pour-ce que lon trouue des témoignages aux liures canoniques prins d'iceux: autrement le liure d'Enoch seroit canonique: Nous n'entendons non plus les autoriser precisément comme canoniques, pour-ce que aucuns peres les ont alleguez, & quelques Eglises, s'en sont quelque fois seruies. Semblablement, nous ne les maintenōs absolument catholiques, pour-ce que ce sont manifestes accomplissemens des diuines propheties, où pour-ce qu'on les list publiquement en quelques Eglises, comme les legendes des martyrs. Finalement nous ne les tenons pas precisément canoniques, pour ce qu'il n'y à rien en iceux à redire. Mais quand tout cela d'un bon accord y est manifestement concurrēt avec l'usage anciē, qui avec le temps à preualu, & iugement infallible de l'Eglise vniuerselle, qui nous les à baillez cōme tels; & de l'autorité desquels les saints docteurs ont vſé cōtre les erreurs iudaïques, & foles opinions des Heretiques: infalliblement nous les croyons canoniques: & pour icelle foy & creance ne doutōs point de mourir; cōme à dit Iosephe, *in App.* Or cōsidéré, que les deux liures des Machabees sont manifestement tels: & par-ce il s'ensuit, qu'il les faut necessairement receuoir, où ouurir la porte aux Ateïstes, pour n'en receuoir aucun: où bien faire licence à vn chacun de receuoir où reietter souz quelque pretexte ce qu'il luy plaira: comme ont fait les pro-

restans & pretendans du iourd'huy; à l'imitation des anciens Manicheans & Arriens.

SECT. XVIII.

Les Machabeans sont compris en deux volumes appelez des Iuifs *Megiloth*, *Mecabai*, & contiennent trois liures, dits en Hebreu *Sepharim*, *Casmonim*. Quãd à la diuersité du temps de l'histoire, le premier liure contient les impietez d'Antioche, surnommé l'illustre, filz du grand Antioche, & les cruelles persecutions dont il trauailla la maison de Iacob, iusques à sa miserable mort: vn an auant la premiere repurgation & dedicace du Têple, le 25. iour de Nouembre, quelquefois en Decembre. Le second liure contient les actions de Iudas Machabée, depuis la dedicace du temple, & reparation de la ville, l'an 148. du regne des Grecs, que l'on escriuit aux freres qui estoient en Egypte, iusques en l'an 156. que Iudas mourut, l'an sixiesme de Demetrius 14. Roy de Syrie. Le dernier liure contient toutes les actions & tout le temps des freres de Iudas Machabée. Or nous appellons volume, quãd vne chose, mesme de diuerses façons, personnes & suiets, cõme Antioche & Machabée: comme pieté & idolatrie, tyrannie & martyre, est comprinse ensemble pesle-mesle. Par le nom de liure, nous entendons les diuers periodes de la vie & actions d'un chacun distinctement, comme d'Antioche, de Machabée, & de ses freres, iusques à la mort d'un chacun: Et ainsi, le premier & second des Roys font vn volume: & tõtefois sont deux liures. Les douze liures des Prophetes, ne font qu'un volume: Et les trois liures des Machabeans, ne font que deux volumes.

SECT. XIX.

Les Protestans & Pretendans, accordent que la

dedicace du tēple de Ierusalē, obseruée tāt de nostre Seignr, que de la Sinagogue iudaique, en S. Iehan 10. 22. à esté celebrée selon l'ordonnance du Pontife Iudas Machabée, souuerain administrateur de l'Eglise Hebraique. 1. *Mach.* 4. 56. 59. & 2. *Mach.* 10. 5. 6. 7. 8. Il faut noter qu'il y a eu plusieurs innouations, dedicaces, ou cōsecrations, du tabernacle & temple de Dieu : La premiere dedicace du tabernacle de Dieu, fut par Moyse, le premier iour de mars: comme nous voyons, *Exod.* 40. 1. 8. 9. & aux Nombres cha. 7. 1. 2. 89. & au Deuter. 12. 11. Et telle sanctification, & les liures d'icelle, furent receuz en l'Eglise, cōme actiōs faictes par le Pontife, & Recteur de l'Eglise de Dieu. La seconde sainte renouation du temple, fut faicte par Salomon, & les anciēs de l'Eglise, entre lesquels Sadoch Pontife, estoit le premier, le dixiesme iour de Septembre : car Abiathar auoit esté depōsé selon le iugemēt diuinement prononcē par Samuel & par les estats, au second sacre de Salomon, cōme entend Rabi Schelomo, 1. *Parahp.* *Ultimo.* *vers.* 22. & 1. *Reg.* 2. 30. 31. 32. 33. 34. 35. 36. & iustemēt executé par Salomon, 3. *Reg.* 2. 26. 27. Car contre le diuin Oracle, & contre le testament de Dauid, ledict Abiathard auoit oinct Adonias en Roy, 1. *Parahp.* 29. 22. & 3. *Reg.* 1. 7. 9. 19. 25. Ceste solemnité à esté sainte, & son histoire cōme celebrée par les Princes de la Synagogue. La troisieme innouation du temple, fut au retour de la captiuité Babylonique, le troisieme iour de Feurier, souz Esdras scribe & pontife : & souz Zurubabel chef du peuple. 1. *Esd.* 6. 15. 16. Ce qui authorisa le liure & la feste, pour saintes & sacrez: encores qu'ils fussent escripts depuis le retour de Babylone. La quatrieme dedicace fut celebrée le 25. de Nouem-

brē (eschoyant quelquesfois en Decembre) par Iudas Machabée Pontife, & Prince du peuple fidele, vn an auant la mort d'Antioche Epiphane, 1. *Mach.* 4. 36. 37. 38. 42. 43. 46. qui estoit l'an 148. du regne des Grecs. La derniere dedicace fut par le mesme Machabée Pontife, & gouuerneur du peuple de Dieu, le mesme iour du moys appellé *Cisleu*, l'an 151. du regne des Grecs, deux ans apres la mort d'Antiochus, 2. *Mach.* 10. 2. 3. 5. 6. & appellerent ceste feste icy כנו כה *Canu-ca*, *Canu*, reposez-vous, כה le vingt-cinquiésme de *Cisleu*, de Nouembre, venant en Decembre. Puis donc que ceste feste fut ordonnée par le Pontife, & celebrée en l'Eglise de Dieu, mesmes iusques au temps de nostre Seigneur; il est euident, que les Machabees, diuins gouuerneurs du peuple de Dieu, meritent foy & saincteté en leurs escrits, & ordonnances: comme ont obtenu l'Exode, les Nombres, & le Deuteronomie souz Moyse: comme lon à donné aux liures des Roys, souz Sadoch, & Salomon: comme ont obtenu les liures d'Esdras souz son Pontificat, & souz Zourubabel apres la captiuité de Babylone, & succession des Prophetes; non moins interrompue, qu'au temps des Machabees: & les diuins oracles du tabernacle, & du premier Temple cessez, non moins qu'aux iours des Machabees: qui à cause de cela, ont esté predits, honorez, & recommandez par Daniel, Abdias, Michée, & Zacharie, autant ou plus, qu'Esdras, & Zourubabel, les liures & actions desquels, sont receuz en l'Eglise de Dieu, pour saincts. Les machabees donc meritans pour le moins vne telle recommandation, sont dignes de creance, & de foy.

Si nous regardons fidelement, ce qu'ont fait ces diuins personnages en la dedicace du Temple, nous trouuerrōs qu'ils ont exterminé les Idoles du Temple de Dieu, qu'ils ont erigé vn autel selon son ordonnance : & quand aux pierres profanes du precedent autel, ils n'en ont voulu prononcer ; ains ont remis cela à Dieu, quand il luy plairoit enuoyer vn Prophete. Là nous voyons, qu'ils sy sont portez tant religieusement, & deuotement, que les Roys de Syrie, d'Egypte, & autres circonuoisins, & estrangers, ont esté incitez à y faire signalez presens, & solemnels sacrifices : & ont tellement determiné du diuin seruice, qu'ils ont redoublé la lecture des saintes escritures, aux assemblees Ecclesiastiques : Car le tyran Antioche ayant à son pouuoir exterminé, & bruslé les liures sacrez ; & en ceux qu'il luy à pleu, effacé le saint nom de Dieu יהוה & au lieu mis le nō בעל comme nous auons dit, & és autres les simulachres de leurs faux Dieux : Iudas Machabée avec le Senat ordonna au cōtraire, que tous ces idoles, faux Dieux, & Bibles corrompues, fussent bruslees & exterminees : & qu'au lieu qu'on ne lisoit qu'vn *Parascha*, où section du Pentateuche, c'est à dire cent trante six versets à chacune assemblee de l'Eglise : on leust semblablement en correspondante matiere, autant des escrits des Prophetes, qui faisoient en tout deux cens quatre vingt quatre versets : pour assopir l'heresie des Tsadukeans & Samaritains, ennemis de la loy, & des Prophetes : Dauantage ils ordonnerent, cōme on list en *Megilah canuca*, au volume reposez-vous le 25. iour de Novembre, que la feste de la sanctification du Temple seroit celebrée l'espa-

ce de huit iours , & l'hystoire leuë l'espace desdits huit iours à perpetuité, tant en Iudée, qu'ailleurs. Car ne se trouuant és ruines du Temple qu'un petit cruchon d'huile sainct, & non pollué; il fut suffisant pour ardre & luire abondamment l'espace de huit iours, par toutes les lampes du Temple; ce qu'aucun Iuif, ny Chrestien n'a contredit iusques aujourdhui. Si cela estoit vne imposture Rabinique, c'est merueille que nostre Seigneur eust celebré & assisté à la feste, sans reprendre ces songes des Rabins. Certes, ces deuotions & ordonnances des Machabees racontées & ioinctes à plusieurs illuminations, où miracles tant euidens , que les Religioneux mesmes les approuuent quelquesfois, où confessent ingenuement qu'ils sont probables, où dignes d'estre creuz: 2. *Mach.* 2. 22. 23. car on trouue le semblable en autres hystoires, monstrent assez que ces personnages & leurs escrits, sont saincts & dignes foy.

SECT. XXI.

Venons à vne des regles fondamentales, touchant la reception des sainctes escritures. Premièrement, les Iuifs ont receu ordinairement ces escrits là, pour saincts & diuins, qui leur ont esté escrits, & baillez, par les prestres, par les scribes publics , & modérateurs du peuple de Dieu : & n'ont fait difficulté de les retenir comme diuins enseignemens , principalement, ils ont racoté les miracles, le diuin secours, & victoire du peuple Iudaique, contre leurs ennemis. Qui plus est, si ces liures là ont exprimé les actions priuilegiées de Dieu, enuers ses fidelles seruiteurs, & les faits heroiques de l'Eglise pour le seruice de Dieu, où exprimé l'accomplissement des propheties, en ce temps, & en ces personnages là : on

GENERAL EXAMEN

n'à fait aucune difficulté de les garder comme saints & sacrez. Ce qui à esté euident en la reception des liures de Moyse, de Iosué, des Iuges, des Roys, de Salomon, & des Prophetes. Consideré donc que les Machabees, qui ont, & comprennent toutes ces diuines prerogatiues, ne peuuent raisonnablement, ny ne doiuent religieusement estre retranchez du diuin Cathalogue des diuines escritures: autrement on ouure la porte, pour reietter du canon des escritures, la plus part des liures de la Bible, qui n'ont point plus forts argumens pour estre tenus saints & indubitables, qu'ont fait les Machabees en Daniel 9.27. *Daniel* 11.28.29.30.31.32.33.34. en Abdias 1. 17. 18. 19.20.21. en Michée 5.7.8.9. & Michée 7.14.15.16. en Zacharie 10.3.4.5. & en Zach. 14.1.2.3.4.10. 11. 15. 16. 21. selon l'exposition des anciens Hebreux, de saint Hierosme, mesmes de Vatable, & des ministres de Genéue, comme nous auons cy dessus demonstté. Il est certain, que nostre Seigneur en obseruant la feste de Pasque, où des Tabernacles, qu'il à approuué la loy, & confirmé les liures d'icelle, contre les Marcionites, & Manichéens: Ainsi donc en gardât la dedicace du Temple, *Ioh.* 10.22. ordonnée par Iudas Machabée, 1. *Mach.* 4.56.59. & 2. *Mach.* 10.5.6.7.8. Il est certain qu'il à approuué la feste, & autorisé le liure au nouveau testament. Certes si ceste histoire Machabeane, n'eust esté sainte auât l'incarnation de nostre Seigneur, l'Eglise Iudaïque ne l'eust pas leuë & solemnisée en ces religieuses assemblees, l'espace de huiët iours, comme celle d'Hester, chap. 9.17.18. 19.20.21.22.23. qui estoit de ioye, & de bonne chere: Et Machabée en ordonna vne semblable à perpetuité, pour la miraculeuse victoire qu'il obtint contre

Nicanor, 2. *Mach.* 15.34.35.36.37. car Dieu luy à assisté avec euidens miracles, 1. *Mach.* 5.54. & 2. *Mach.* 11.10. 13. *Act.* 2. *Mach.* 14.15. Puis donc que les illustriſſimes Machabees, n'ont rien esté inferieurs à Ester, où Mardochée, il est tres-raisonnable qu'eux & leurs escrits meritent pareil respect, & croyance, que lesdits Mardochée, Ester, & leur liure.

SECT. XXII.

Les escritures ont esté creuës canoniques, quand on en à tiré tesmoignage, pour prouuer, confirmer, & maintenir ce qui appartient à la foy Chrestienne. Or S. Paul en son epistre aux Hebreux 11.34.35.36.37. 38. pour autoriser la foy Chrestienne prend tesmoignage du second liure des Machabees, chap. 6.28.30. & liure 2. chap. 10.6. en vsant de mesme mots, tympanisez, où estendus ainsi que la peau d'un tabourin 2. *Mach.* 6.19.30. comme à bien remarqué Theodoret Euesque de Cyr sçauant & ancien autheur. Calvin en ses Commentaires, *Hebr.* 11.35. escrit, *Toutesfois ie ne doute point que S. Paul ne remarque icy les cruelles persecutions dont Antiochus à seuy contre le peuple de Dieu, comme il est euident en l'histoire des Machabees.* Beze en ses annotations sur ce passage, escrit, *Hebr.* 11. 35. *L'exposition de l'ancien interprete m'a semblé tres-simple, disant, les autres ont esté estendus, ne tenans compte d'estre deliurez pour trouuer vne meilleure resurrection : & n'y à point de doute, qu'il remarque icy la persecution qu' Antiochus executa.* Or il est certain qu'aux Iuifs on ne pouuoit rien acertener, sinon par tesmoignages prins des saintes escritures, dont est consequent que les Machabees estoient saintes escritures, dignes de foy entre les anciens Iuifs: mesmes dauant le temps de S. Paul, qui d'iceux en à pris expres & manifeste tesmoignage. Nous auons veu cy

GENERAL EXAMEN

dauant par trois tesmoignages de Iosephe, que les Machabees sont escritures sacrees, & dignes de foy. Le premier est vers la fin du liure intitulé, *De l'empire de la raison* où il dit, *Voicy ce que j'ay peu recueillir des escrits des anciens, & des liures sacrez touchant le martire des Machabees*. Or il n'y en à point d'autres que ceux que nous auons en nos Bibles : il s'ensuit donc qu'ils estoient liures sacrez auant Iosephe. Le second lieu, est au premier liure contre Appion grammairien Alexandrin, ou il dit que tous les liures cōtenans les gestes, & faits des Hebreux, depuis Assuerus iusques à son temps, sont certains & dignes de foy, comme on les croit, & comme on les list : qu'il n'y faut adiouster où diminuer, & qu'il faut mourir pour la tution d'iceux. Le 3. tesmoignage est contre Apollonie, Molon, Lyfimache où il cite le chapit. 14. verset 42. de l'Ecclesiastic souz le nom de la loy de Dieu. Or l'Ecclesiastic est de mesme cōdition que les Machabees; il s'ensuit donc, que quand il ne les à pas receuz au canon Iudaic, qu'il n'à pas voulu nier, qu'ils ne fussent vrais, saints, & sacrez : ains seulement qu'ils n'ont point esté en l'Arche, ny escrits durant la succession ordinaire des prophetes, & non interrōpue. Egesippe au preface des liures de la destruction de Ierusalem, dit, *La parole prophetique absout briefuement les histoires des Machabees*. Tertullien en son liure contre les Iuifs chap. 4. maintient par iceux, la proche abrogation du sabbat, car ces instaurateurs de pure Religion, ont bataillé & miraculeusement vaincu le iour du sabbat.

SECT. XXIII.

On pourroit demander; Comment est-ce que Tertullien, & l'auteur des questions sur le vieux & nou-

uveau testament, *quest.* 61. ont cité les Machabées cõ-
 tre les Iuifs, pour abroger le Sabbat : & les autres
 Docteurs anciens en ont vsé, tant contre les Iuifs,
 que contre les heretiques, en matiere de Religion:
 veu que les Iuifs ne les receuoient point, & que selõ
 le commun langage de l'Eglise, ilz estoient vallables
 pour son edification; mais nõ pas pour establis l'au-
 thorité des dogmes ou decrets ecclesiastiques. Nous
 respondons, que les Machabées ont esté du temps
 de nostre Seigneur & de S. Paul, voire cent soixante
 ans auparauant, vallables & receuz pour sacrées
 escritures : autrement l'histoire n'en eust pas esté
 leuë en la Synagogue, l'espace de huiet iours : au-
 trement nostre Seigneur n'eust pas solemnisé tant
 deuotement la feste tesmoignée par ceste histoire là:
 autrement saint Paul n'eust pas prins tesmoignage
 pour la foy Chrestienne enuers les Hebreux, de ce
 second liure des Machabées, s'il n'eust esté sacré &
 digne de foy. Quand il est dict, que les Iuifs ne re-
 ceuoient point les Machabées, il faut entendre les
 plus recens Iuifs, qui ont vescu cent cinquante ans
 apres nostre Seigneur : car auparauant & du temps
 de nostre Seigneur & des Apostres, tous les hebreux
 recõnoissoient l'histoire des Machabées, sainte &
 digne de foy; comme nous auons demonsté par Io-
 sephe, & par l'Euangile de S. Iehan, chap. 10. & par
 l'vnzieme chap. de l'epistre aux Hebreux, mesmes
 par la confession de Caluin, & de Beze. Finalement,
 quand S. Hierosime au preface sur les Prouerbes de
 Salomon, & Ruffin sur le simbole des Apostres, ra-
 portent que les Machabees peuuent estre leuz, à
 l'edification du peuple, & non pour cõfirmer l'au-
 thorité des decrets Ecclesiastiques. Item, que tout

GENERAL EXAMEN

ce qui n'est point au canon des 22 lettres, selon les Hebreux, est apocryphe au preface morionné: ils parlent selon l'escole & l'opinion des Iuifs, & non selon l'Eglise Chrestienne, qui à tousiours leu au mois d'Octobre publiquemēt les Machabees, comme sainte escripture: Aussi nos anciens, & saints Peres en ont vsé, tant contre les Iuifs, que contre les Heretiques. C'est donc vne grande ignorance, ou malice aux Religioneires du iourd'huy; de s'aider de l'imposture Iudaïque contre les Machabees; pour la definition Ecclesiastique, qui à tousiours leu & cité les Machabees, comme doctrine sainte & vtile: & comme telle, l'ont recongneu les ministres de Calvin 1561 au preface sur le 1. des Machab. en leurs Bibles Françoises, disans, *L'auteur de ce liure est incertain, toutesfois la lecture en est sainte, & vtile: & pour-ce à esté receu en l'Eglise du Seigneur.* Pourquoi donc les predicans, & Religioneires du iourd'huy, debattent ils plus de la sainteté & vtilité des Machabees, où de leur reception en l'Eglise de Dieu? Ils montrent en cela, leur ver-quoquin Egyptien, qui les picquant, les fait tant sottement contourner, selon qu'auoit clerement prophetisé Esay. chap. 19. 14. qu'ils ne s'accordent pas mesmes entr'eux, és fondemens de la Religion, à eux-mesmes.

SECT. XXIIII.

Or que les Machabées eussent tousiours suffisante autorité en l'Eglise Chrestienne, contre la perfidie Iudaïque, & l'heresie Gnotique; Tertullien le declare manifestement, en prouuant aux Iuifs, que Iosué & les Machabées ont bataillé & miraculeusement vaincu le iour du Sabbat: Et aux G'nots, qui ne croyoient pas aux liures de Moysé, ny que Dieu eust

tout faict de rien, il le leur prouue par le verset 28.
 du 7. chap. du 2. liure des Machabées, *lib. de præscript.
 heret. cap. 13.* ce qui eust esté ridicule & impertinent,
 si les liures des Machabées eussent esté apocryphes,
 & sans autorité, pour confirmer les decretz eccle-
 siastiques, & la doctrine de la foy Chrestienne: côme
 faisoit courir l'escolle des Iuifs, souz le nom de l'E-
 glise Chrestienne. Semblablement S. Cyprien liure
 de l'exortation au martyre chap. 5. & chap. 11. con-
 clud, qu'il faut exterminer les idolastres, & les auoir
 en horreur, par les faicts genereux de Mathatias, 1.
Mach. 2. 24. 25. Et au chapitre 4. des tesmoignages à
 Quirim contre les Iuifs, il prouue qu'il est iuste, que
 l'homme ne s'égale point à Dieu, selo qu'il est escrit;
 2. *Mach. 9. 12.* Et qu'il ne faut point craindre la iactâce
 des meschās, en ce lieu mesme du 1. des Mach. 2. 52. 60
 62. & au chap. 15. & 53. des tesmoignages à Quirin,
 & en l'epistre 15. à Corneille, il cite le liure 1. des
 Machabées chap. 2. & epistre 56. aux Tybariens, il
 allegue le 7. chap. du second des Machabées. Et en
 l'epistre 68. au peuple en Hespagne, il met en auant
 le chapitre second du premier liure des Machabées.
 De ces autoritez, il apparroist clairement que les
 Machabées estoient ordinairement en vsage en l'E-
 glise Chrestienne, non seulement en lecture au peu-
 ple, mais aussi en tesmoignages de la foy, contre tou-
 tes gens, & à toutes occasions. Origene, au liure de
 la singularité, ou vie solitaire des clers, prouue que
 les anciens se doiuent bien donner garde de bailler
 mauuais exemple aux ieunes gens, selon la doctrine
 du venerable scribe Eleazar, 2. *Mach. 6. 24.* Nous a-
 uons cy dessus monsté du mesme Origene, que la
 loy de Moyse estoit bonne & sainte, contre les

GENERAL EXAMEN

G'nots & Valentinien, car les heroïques Machabees n'auoient point craint de mourir pour icelle. L'auteur des homilies sur les cantiques, attribuees à Origene, en prouue & confirme, que les saincts apres leur decez, prient Dieu pour les viuans, *lib. 2. Mach. 15. 12. 13. 14.* Autant en à fait Eusebe liure 12. de la Parascue à l'Euangile, chap. 1. & liure 13. chap. 7. S. Ambroise au liure 1. des offices, chap. 40. & 41. maintient contre les Manicheas avec S. August. *lib. 2. in Faust. cap. 74.* qu'on peut licitement faire la guerre, à l'exemple d'Abraham & des Machabees. Secondement, que la guerre, pour la conseruation & restauration de la Religion, est iuste & heroique, comme Mathatie & ces cinq enfans ont heroiquement monsté: Et au liure 3. de ses offices, chap. 14. Il conclud, qu'il faut auoir vn singulier soing de conseruer la pureté, & l'honnesteté de la Religion: ce que Dieu à monsté par miracle, en faisant que l'eau allumoit le feu, ainsi qu'une pierre de fuzil, au temps des Machabees, *2. Mach. cap. 1. & 2.* comme au temps de Moysse, & Aharon, *Leuit. 9. 24.* ainsi qu'à Gedeon, *Judic. 6. 21.* & à Salomon, *2. Paralyp. 7. 1. 3.* & au sacrifice d'Helie, *3. Reg. 18. 24. 36. 37. 38.* Car quand Dieu honoroit vne personne, & son sacrifice, il enuoyoit le feu du Ciel pour le brusler, *1. Paralyp. 21. 26.* S. Ambroise n'à point estimé à la volée, comme les predicans, ce chapitre apocryphe, & rabinique: ains l'a interpreté cōme les saintes escritures semblables.

SECT. XXV.

Le mesme S. Ambroise prend argument de louer les Vierges ou Nonnains recluses ensemble pour seruir à Dieu, *lib. 1. de uirginit.* de ce qui en est dict au liure second des Machabees, chap. 3. 19. (*Mesmes les Vierges*

Vierges recluses s'en couroient vers les portes:) Ailleurs il induit à tollerance, constance & martire , à l'exemple d'Eleazar sacrificateur des sacrificateurs , le priant d'estre aydé de ses oraisons, alleguant aussi la matrone Machabeane, & ses sept enfans martyrs, 2. *Mach. 6.* & 7. qui eust esté peu efficace. *lib. 2. de Iacob. & Vita beata. chap. 10. & 11.* si les escritures Machabeanes n'eussent esté sainctes. Theophile Patriarche d'Alexandrie , *lib. 4.* aux Euesques d'Egypte, maintient le ieufne & l'abstinence des viandes, estre vn saint & religieux exercice, à l'exemple de Daniel, & des Machabees, & de S. Iehan Baptiste: ce qui monstre clerement, que l'histoire Machabée, à tousiours obtenu sainte autorité, entre les Chrestiens. Saint Gregoire Nazianzene, & S. Chrysostome ont faict celebres homilies en l'honneur des Machabees, qui ont esté martyrs par foy en nostre Seigneur Iesus-Christ, mesmes auant son aduenement en chair: qui à esté cause que l'Eglise Chrestienne, leur à spécialement plus deféré, qu'à nul autre du vieil testament, comme à bien remarqué S. Bernard , *epist. 98.* & 313. Ce qui monstre euidentement que l'Eglise vniuerselle de tous temps, à tousiours deféré grand honneur & creance aux Machabees, par dessus les Peres du vieil testament: que les Religionaires veulent maintenant mettre au rang des hommes occultes, & entre les escrits apocriphes, priuez de foy & saincteté. S. Iehan bouche d'or, outre les tesmoignages cy dessus alleguez, prouue par iceux, contre les enkratites, & friuoles raisons d'aucuns, *homil. 4. in 6. cap. Esay. 1.* que le mariage n'empesche point absolument la vertu & le martire, à l'exemple de la mere Machabeane, 2. *lib. Mach. cap. 7.* Nos anciens en

ont autorisé le sacrifice, & les oraisons pour les trespassez : voicy ce que dit S. Augustin *chap. 1. tom. 4. du liure du soin pour les deffuncts* : *Nous lisons aux liures des Machabees, que le sacrifice à esté offert pour les morts, 2. Mach. 12. 43. 46. & mesmes s'il n'estoit point du tout leu aux escritures anciennes, l'autorité de l'Eglise vniuerselle n'est pas petite, qui à renommée en ceste coustume de prieres, que le sacrificateur fait au Seigneur Dieu à l'autel, ou la recommandation des morts à son lieu* : Cecy monstre clairement, que la Religion Chrestienne de S. Augustin, & de l'Eglise vniuerselle de son temps, estoit du tout contraire à celle de Calvin, & des Religionaires. S. Iehan Damascene, en l'oraison des prieres & sacrifice pour les trespassez, entre autres escritures, rememorant le ch. 12. du 2. des Mach. vers. 43. 44. 45. & 46. dit, *ConsidereZ que la sacrée escriture nous rememore & declare que Iudas Machabée en Syon Cité du grand Roy, voyant le peuple, auquel il commandoit, occis & descapité par les ennemis estrangers, & regardant souZ leurs vestemens des idoles cachees, & congnoissant que Dieu est prompt, & enclin à misericorde, offrit à cause de ce crime, oblations pour vn chacun d'entre eux : & ainsi s'acquita de cest œuure & office de souveraine pieté & charité. Dont est aduenus, que la diuine escriture là esleus de loüanges & fort recommandé en cecy, ainsi qu'en tous ces autres noms, & actions.* Si S. Augustin, où S. Iehan de Damas eussent esté à loüage, pour autoriser les Machabees, comme sacrée & diuine escriture autentique à condamner l'heresie Acrienne, & à maintenir le sacrifice, & prieres pour les trespassez, ils n'eussent peu rien dire plus excellemment pour la Catholique, & rien plus iustement contre les Heretiques, que ce qu'ils ont icy expressement escrit.

Les Apostres en leurs Canons, Can. 85. ont annoté les Machabées en trois volumes, pour religieux & sacrez; disans, *A tous vous clercs & laiꝝ, vous soient religieux & saints ces volumes du viel testament, Cinq de Moÿse, Genese, Exode, Levitique, Nombres, Deuteronomie, Vn de Iesus fils de Naue, Vn des Iuges, Vn de Ruth, quatre des Rois, deux des delaissez du liure des Iours, que nous disons Paralyptomenes, ou suplément des choses, ou Chroniques laissez, Vn d' Ester trois des Machabées, Vn de Iob, Vn du Psaultier, trois de Salomon Paraboles, Ecclesiaste, Cantique des Cantiques, Vn des douze Prophetes, Vn d' Esaye, Vn de Ieremie, Vn d' Ezechiel, & Vn de Daniel: Voila le Canon apostolic, qui n'a pas oublié les Machabées, comme canoniques, du tesmoignage desquels ils se sont seruis canoniquement. liure 7. de leurs Constitutions chap. 38. & 39. Priant Dieu qu'il exauçast les oraisons des Chrestiens, comme il auoit fait celles d' Abel, de Noé, d' Abraham, d' Isaac; de Iacob, de Moÿse, d' Aharon, de Iosué, de Gedeon, de Manué de Samson, de Iephthé, de Barac, de Debora, de Samuel, de Dauid, de Salomon d' Helie, d' Elisee, de Iosaphat, d' Eséchias, de Menassés, de Iosias, d' Esdras, de Daniel, de Ionas, des trois Enfans, & de Iael en benedictions. Aussi, Seigneur omnipotent, nous te rendons graces, de ce que tu n'as iamais cessé de nous appliquer tes misericordes, & misérations, & de nous assister, & defendre de ton ayde, comme au temps d' Enos, d' Enoch, de Moÿse, de Iosué, des Iuges, de Samuel, d' Elie, & des Prophetes, au temps de Dauid & des Rois, au temps d' Hester, Mardochée, & de Iudith, au temps de Iudas Machabée & de ses freres: Et en nos temps tu nous as apporté aide par le grand Pontife Iesus-Christ ton fils. Iusques icy les Apostres en leurs Constitutions & Canons, qui disertement tesmoignent auoir les Machabees en grande reputation & foy, non moins qu'aucuns autres saints personnages & escrits du vieil testa-*

GENERAL EXAMEN

ment. Icy dessus nous auons môstré, que le premier Concil de Nyce ayant receu le liure de Iudith entre les saintes escritures, à cassé la reigle Iuifue, qui rescindoit Iudith & autres du sacré canon des escritures, aussi bien que les Machabées : Parquoy il faut suyure l'vsance de l'Eglise Chrestienne, & non la cecité Iudaïque. Vovez saint Augustin liure 18. de la Cité Dieu, chap. 36. tom. 5. Le Concil 3. de Carthage, present S. Augustin, ch. 47. dit: *Il a plu au saint Concile, que riē ne fust leu en l'Eglise, outre les escritures Canoniques, sous le nom des diuines Escritures : Or les escritures Canoniques sont, Genesē, Exode, Leuitique, les Nombres, le Deuteronomie, Iesu Nauē, les Iuges, Ruth, quatre liures des Rois, deux des Paralipomenes, Iob, le Psautier Dauidique, cinq liures de Salomon, les liures des douze Prophetes, Esaye, Ieremie, Ezechiel, Daniel, Tobie, Iudith, Esther, deux liures d'Esdras, deux liures des Machabées.* Iusques icy le Synode Chrestien : Et par-ce, les predicans qui suyuent l'imposture & censure Iudaïque, qui a tousiours résisté au saint Esprit, Act. 7. 51. ne sont point vrayment Chrestiens, ains iudaïsent.

SECT. XXVII.

L'Eglise Chrestienne voulant par chacun an, que la sainte Bible fust entierement leuë publiquemēt aux festes parrochiales; assembla vn concile à Rome souz le saint Pape Gelase, il y a plus de mil ans passez: Ce pape fut d'une sainte vie, & sur tout grand aumolnier, amateur du bon Clergé, qu'il augmenta beaucoup: il estoit sçauant & eloquent, ardent zeleur de la foy: il exila & chassa de Rome les Manicheans heretiques; & fopposa hardiment contre les Arriens, & escriuit contre eux doctement: Il en fit autant contre Nestore & Eutiches, comme nous voyōs par ses œuures. Au Synode de 70. doctissimes

Euesques assemblez à Rome, il publia & confirma le canon des saintes escritures vniformement à celui 3. de Cartage, qui auoit precedé peu auparauant, & auoit deüment suiuy les vestiges du treffage & fiddle Pape Innocent premier, en son epistre 3. à Exuperius Euesque de Tholose, chap. 7. Il à esté de telle autorité, que depuis qu'il eut entrepris la deffence de S. Chrysostome; il obtint gain de cause: il condamna les subtils Pelagiens, & matta tellement les Arriens, que depuis son temps ils n'esleuerent la teste és Synodes comme auparauant. Son decret Ecclesiastic à esté tellement recongneu, qu'il ne s'est trouué aucun Sinode depuis qui y ait contredit: ains il à esté suiuy par le 3. concile de Carthage, par celui de Rome souz saint Gelase, qui avec 70. Euesques, distribua à chacune escriture son temps plus commode pour estre solemnellement leuz, assignant aux Machabees le mois d'Octobre pour estre leuz, 15. *Distinēt. Can. sancta Romana §. qui libri.* Les saints concils generaux de Florence, & de Trente, ont suyui le mesme Cathalogue des liures canoniques en l'Eglise Chrestienne, contre l'imposture que les Iuifs faisoient fauslement courir en leur escolle, de vingt deux lettres, pour retrancher finement souz le nom des anciens Iuifs, & des Chrestiens plus recens, les Machabees & autres sacrez liures des saintes escritures: Mais graces à Dieu telle imposture Iudaique est aujourd'huy assez descouuerte, tellement qu'il n'y à plus d'excuse à aucū vray Chrestien & Catholique, de douter de la canonization des Machabees, dont on conclud necessairement, que ceux qui en doutēt, sont Heretiques inclinans à la perfidie Iudaique.

GENERAL EXAMEN

SECT. XXVIII.

Nous pourrions encores alleguer plusieurs saincts Peres, qui ont vſité l'eſcriture des Machabees, cōme ſaincte, ainſi qu'il paroist en la docte epiſtre d' Hormiſda eueſque, au 5. concile general : Mais nous ſu-perſedons pour venir à l'autre impieté, & nouvelle rebellion des heretiques: qui, comme à diēt Tertul-lien, *de præſcript. hæret. cap. 18.* premieremēt debattent de la reception des eſcritures canoniques, & des en-tieres parties d'icelle : Secondement ilz querellent la verité du texte, & de la version d'icelles eſcritures à l'imitation des Iuiſ, qui n'ont iamais ceſſé de tu-multuer iuſques à ce qu'ilz ayent corrompu & mu-tilé la tref-parſaictē version des 72. anciens, comme leur ont reproché S. Iuſtin martyr, & Tertullien: Car comme l'Egliſe & les gens de bien ont obtenu certaines & bonnes versions, par perſonnes dignes & à ce publiquement ordonnees, comme les 72. an-ciens, & S. Hieroſime: Auſſi ſen eſt-il trouué d'autres priuées, obſcures, & imparſaictes, qui ont beaucoup preiudicié au ſalut de ceux qui ſen ſont voulu ſeruir. Telle à eſté la premiere verſiō d'hebreu en Grec, peu dauant l'empire des Perſans : ſaictē negligemment, cōme dit Eufebe li. 8. ch. 1. de la preparation Euange-lique, & li. 9. ch. 3. long temps auparauāt celle des 72. interpretes; de laquelle Ariſtobulus Iuiſ, de la lignée ſacerdotale, ſur les cinq liures de Moÿſe, liu. 1. à Pro-lomée Philometor, fait mention : & apres luy Cle-ment d'Alexandrie, *lib. 1. Stromat.* Et apres eux Eufebe de Cæſarée, liu. 9. & chap. 3. & liure 13. chap. 7. de la preparation Euangelique. Or ceſte version icy eſtāt obſcure, manque & imparſaictē, comme il eſt bien probable; n'a pas eſté congneuë à tous les Gentils,

& plusieurs des Gentilz mesmes n'ont pas laissé d'ignorer la loy Mosaique; à cause que dauant le temps des 72. interpretes (comme raporte Demetrius) elle n'auoit esté distinctement & cōmodément traduite: Ainsi faut-il entendre Philo, qui dit la loy Caldeenne n'auoir esté cōgneuë des Gentils: C'est assauoir, cōmunément, entierement, & parfaictement, auant la version des 72. anciens, à la priere de Ptolomée Philadelphie Roy d'Egypte, par le commandement, du grand Pontife Eleazar. Cecy à esmeu de grands personnages de nostre temps à escrire en leurs Annales liure 2. Et au preface de la Bible Grecque de N. S. P. Sixtus V. qu'il n'y a eu aucune version d'Hebreu en Grec, auant celle des 70. & que ce que les Gentils en ont sceu, à esté seulemēt par ouy dire, & par la cōuersation & frequentation avec les Iuifs. Que les Gentils ayent sceu beaucoup de choses de la Loy & des Prophetes, par la tradition & frequentation avec les Iuifs; il est bien probable, & la lecture de nos docteurs anciens; comme Iustin, Clemens, Eusebe, Theodoret, & autres, le nous monstrent: Mais nous n'estimons pas certain, qu'on puisse de là fermement inferer, qu'il n'y ait point eu de version, d'Hebreu en Grec, auant celle des 70. Premieremēt Aristobulus philosophe Iuif tres-docte, voisin des 72. interpretes, n'eust osé l'escrire en ses commentaires sur les cinq volumes de Moyse à Ptolomée Philometor, sil n'eust esté vray qu'il y eust eu vne version auant celle des 72. anciens: Secondement, Clement Alexandrin, homme de verité & de iugement, n'eust pas dit l'auoir veu escrit es commentaires dudit Aristobulus sil n'y eust esté: Tiercement, Eusebe de Cæsarée, ne l'eust pas rapporté deux fois

du susdit philosophe peripateticien Aristobulus, si ce n'eust esté vne chose bien auerée. Dauantage Iosephe luy mesme, liure 12. de l'ant. chap. 2. dit, que Theodectes voulant mesler quelque chose de ces saincts liures secrets parmy vne sienne tragedie, fut aueuglé, ou terny & obscurcy: qui monstre qu'il y auoit vne version de ces sacrez liures auant celle des 72. interpretes. Si Iosephe eust dit que Theodectes auoit esté aueuglé, terny ou obscurcy en voulant mesler en sa tragedie, quelques mysteres qu'il auoit ouy, ou aprins des Iuifs, la suspicion du digne Baronijs auroit plus de probabilité. Finalement, Demetrius escriuant à Ptolomée Philadelphie dit, *Certainement on rapporte aucunes choses d'admiration traduites de la loy Iudaïque, par lesquelles on voit qu'il n'y a qu'elle entiere & diuine.* Ce qui monstre clairement, qu'il y auoit eu vne version d'Hebreu en Grec auant celle des 72. interpretes. voyez Euseb. liure 8. de la Parasceue cha. 1. & liu. 9. chap. 3. S E C T. X X I X.

Après la premiere version Grecque, assez negligemment faite, comme ont dit Demetrius & Eusebius, peu plus ou moins de 490 ans auant l'incarnation de nostre Seigneur, fut faite la seconde version d'Hebreu en Grec par les 72. anciens, à ce faire choisis, de chacune lignée six, par l'aduis d'Eleazar souverain sacrificateur, & de tout le celebre Senat qui pour lors estoit en Ierusalem, à la priere du Roy Ptolomée Philadelphie: cette version fut estimée de tous les Iuifs, qui pour lors estoient en Egypte, tresparfaite, comme dit Iosephe: à laquelle il n'estoit licite d'adiouster, changer, où diminuer aucune chose. Il y eut vn tel accord & consentement entr'eux, cōme escrit Aristas l'un des gardes du Roy Ptolomée

Philadelphie, que Philo Iuif les nomme pluſtoſt prophètes poſſédez de l'eſprit de Dieu, qu'humains interpretes. Ce que S. Ieroſme à confeſſé en fin, vaincu de verité, *Præfat. in Paralipo. Il ne faut, dit-il, attribuer les fautes aux ſeptantes interpretes, mais aux ſcribes, car les 70. eſtâs plains du ſainct Eſprit, ont tranſlaté les choſes au vray: Si donc tu vois vne broche, ou verge de trauers dauant quelque diſtion, là eſt marqué ce que les 72. interpretes ont adiouſté, ou pour grace de beauté, ou pour l'autorité du S. Eſprit, combien qu'il ne ſoit point leu és volumes Hebreux.* Et au preface ſur les Pſalm. deſcrit, *ſi l'edition des 72. eſtoit permanente, ſuperflument ie ſerois pouſſé de tranſferer les volumes Hebreux en Latin.* iuſques icy S. Hieroſme. Le bien-heureux martyr Iuſtin, en ſon oraiſon contre les Gentils; Sainct Epiphane au liure des poids & meſures diſent, *Que les 72. anciés ont traduit les premiers la Bible, d'Hebreu en Grec: & en chambres ſeparées, ſe ſont miraculeuſemēt trouuez d'accord.* Mais dira quelcun, *Comment eſt-ce que les 72. ont les premiers traduit la Bible d'Hebreu en Grec, comme diſent Sainct Iuſtin, & Epiph.* Si auparauant il y auoit vne verſion dauant l'Empire des Perſans, comme ont dict & expreſſement eſcrit Ariſtobule Iuif, de la lignée ſacerdotale, Clement Alexandrin, & Euſebe de Cæſaréc: Ariſteas dit expreſſement, qu'il y auoit vne verſion auparauant, mais faiſte negligemment. Comment eſt-ce qu'au contraire; ſ'il n'y auoit point eu de verſion d'Hebreu en Grec, auant les 72. que Theodectes qui ne ſçauoit rien en Hebreu, euſt attenté de meſſer quelque choſe des liures Hebreux en ſa Tragedie, ainſi que raporte Demetrius, Iosephe, & Euſebe? Ces dignes perſonnages, Iuſtin Martyr, Clement Alexandrin, Epiphane, Euſebe, & autres; ſont aiſez à

GENERAL EXAMEN

concilier, & interpreter. Quand les vns disent que les 72. anciens sont les premiers qui ont traduit la Bible d'Hebreu en Grec, il faut entendre clairement & parfaictement, tant la Loy que les Prophetes: car la version qui auparauant auoit esté diuulgée, ne contenoit que la loy, & non les saints Prophetes. Secondement, ceste version là, estoit negligemment & imparfaictement faicte: tellement qu'en general elle estoit la premiere: Mais en perfection & excellence, celle des 72. anciens merite le premier lieu. Certes Clement d'Alexandrie estime ceste version premiere & ancienne, auoir esté faicte par le témoignage du philosophe Aristobulus, en son 1. liure sur le Pentateuche: & non pas pour-ce que les Philosophes sont recogneuz auoir prins quelques choses des escritures Iudaiques, comme dict quelqu'un.

S E C T. x x x.

Ceste diuine & prophetique version des 72. anciens à eu lieu par l'vniuers deux cens quatre-vingts ans auant l'incarnation de nostre Sauueur Iesus-Christ. Theodoret luy en donne 310. Epiph. 313. Athanase, 230. S. Augustin 150. suyuant diuerses periodes de nombres: Les Iuifs l'ont honorée cōme parfaicte & sacrée, plus de cēt ans apres la sacrée mort de nostre Seigneur Iesus Christ, sans qu'on les aye accusez de l'auoir viciée: car S. Iustin martyr, & Tertullien sont les premiers qui iustement en ont faict plainte. Voyla la premiere attainte des Iuifs contre les 72. interpretes. La seconde est venuë de la diuersité des interpretes, tant Caldeans, Syriës, Grecs, que Latins: que les 72. anciens n'estoiēt pas bien entieremēt & clairement tournez, puis qu'on auoit donné lieu à d'autres: Comme la version de Luther, à la Iuifue,

celle de Leo Iudah, à Suric; & semblables à Genéue; ou souz le nom de Pagninus, de Robert Estienne, de Iehan le Iard, de Simon Mennon, de Munstere, de Vatable, & autres, qui ne sont que manifestes ou tacites reprehensions, ou supplémens de la vulgate edition Latine, & ancienne Grecque, & des 72. aussi. Troisièmement, Origene à ouuert la porte pour corrompre les 72. interpretes en mettant en colonnes esgalles, l'Hebreu, les 72. la vulgate Grecque, Aquila, Symachus, & Theodotion: remettant tâtoist six colonnes, tantost huit, y adioustant des estoiles, y fourrant des broches d'adition, ou diminution, & proposant cela à vn chascun lecteur pour en iuger, & y glotir à son plaisir: ce qui à diminué & presque mis du tout à neant, l'edition des 72. la plus parfaicte de toutes les autres. Et ainsi en fust aduenü aujourdhuy en l'Eglise de Dieu, sinon que le sainct concile de Trente, voyant qu'on se range à la vulgate edition, latine, y tout on ayé le plus communément depuis milant, l'Eglise toute fois veut que nous suppléons, clarifiant ce qui sembleroit defaillir, obliuion, change en ladiète edition vulgate.

SECT. XXXI.

La troisieme version a esté faicte paraphastique-ment par Reobi Ionathas, fils d'Vsiel, en langage Caldeu, Chaldeu, enuiron 40. ans auant la natiuité de nostre Meſſie, fils de Dieu & de la Vierge, conceu du S. Esprit. Ce Ionathas icy estoit sainct & doctissime personnage, compagnon de nostre Simeon le iuste, qui auoit eu reuelation du S. Esprit de ne mourir point, qu'il n'eust veu l'oinct du Seigneur: lequel Symeon ie iuste n'eust pas ainsi benist publiquemēt au temple l'oblation faicte à Dieu, & ceux qui la

faisoient, si n'eust esté Prestre & Prophete de la lignée de Leuy: Autrement l'escriture eust nommé *sa Tribu*, ou lignée, aussi biẽ qu'elle a fait d'Anne Prophetesse. *Luc. 2. 36.* On tient cõmunément que ledit Ionathas mourut 28. ans auãt l'incarnatiõ de nostre sauueur Iesus Christ: nous auõs sa version entiere, & nõ viciée sur le Pentateuque de Moyse, laquelle fait manifestement contre les Iuifs, pour les Chrestiens: Nous l'auons aussi sur les Prophetes, non si entiere, car quelquefois il y a manifeste suspiciõ de quelque faute Rabinique apposee de nouveau. La paraphrase sur Iob, sur les Psalmes, Prouerbes, Ecclesiaste, Cantiques, Ruth, & Ester, est rabinique, composee par vn Iuif, ennemy iuré des Chrestiens; qui escriuit l'an de nostre Seigneur 400. appellé Rabbi Ioseph l'aueugle, en Hebreu *Ghiuer*, surnom qui luy conuient fort bien.

SECT. XXXII.

La quatriesme version de la Bible a esté faiçte d'Hebreu en Caldean, ou Syrien, par Rabbi Ounkelos, fils de la sœur de l'empereur Titus, enuiron 53. ans apres la natiuité de nostre Seigneur Iesus Christ, peu de temps auant la destruction du Temple, & de la ville de Ierusalem. Nous n'auõs ceste version que sur les cinq volumes de Moyse, à nostre grand dommage: car elle est bien souuent cõforme à la translation latine, & à l'intelligence Chrestienne. Plusieurs estiment que l'incredule malice des Iuifs, nous a soustrait ce qui nous en reste. La cinquieme version fut faiçte enuiron l'an de nostre Seigneur 147. d'Hebreu en Grec, par Aquilla Ponthois, de la mineure Asie: Cest Aquilla se conuertit au Christianisme, & fut par apres du tout addõné à l'astrologie iudiciaire. Plusieurs pasteurs de l'Eglise luy commanderent de

laisser tel abus & superstition diabolique : ce que ne voulant faire , fut excommunié. Or alors il s'apostata du Christianisme , se fit Juif , & fut circoncis : Et pour se vanger des Chrestiens, qui vsoient de la version des 72. anciens, comme dit S. Epiphane, il fit sa version en haine de nostre Seigneur Iesus Christ, en peruertissant la version des 72. anciens. La sixiesme interpretation d'Hebreu en Grec, fut faicte enuiron l'an de nostre Seignr 180. par Symmachus, dit l'ambitieux de gouverner: ce Symmachus estoit Samaritain, my-Payen & my-Juif, & pour ce circoncis à la Samaritaine : dont il semble que Martial parle, *lib. 7. Epigr.* Et Properce *Saty. 5.* comme l'on peut cōferer avec ce qui est escrit *1. Mach. 1. 16.* & *1. Corinth. 7. 18.* Voyez Cornel. Cels. *lib. 7. cap. 25.* Apres il se conuertit du tout au iudaïsme , & fut circoncis pour la seconde fois : & de Juif se fit Ebionite, c'est à dire Chrestien à la Pharisienne, en croyant à l'Euangile, & gardant la loy, & cōnoistre nostre Seigneur seulement homme, & non Dieu. Or cest homme ambitieux & volage , heretique & ennemy de l'Eglise, fit deux translations de la Bible, ou plustost vne insigne peruersion, *Hier. in Hierem. cap. 32. 30.* non ensuyuant les mots Hebreux , mais proposant les sentences peruerties à son opinion. Thedotion Juif Ephesien, fit & euulga la septiesme version , enuiron l'an 190. de nostre Seigneur : il se conuertit du iudaïsme au Christianisme, & du Christianisme, passa à l'heresie de Marcion, insigne tronqueur & peruertisseur des escritures; & par-ce, ne pouuoit on attendre de cest Ephesien Juif, à demy Chrestien, & parfait Heretique Marcionite, qu'une entiere peruersion de la sainte esriture.

Venons aux autres versions, controuuées à mon aduis, par Origene: Car Eusebe rapporte, *lib. 6. Eccles. hist. cap. 12.* qu'Origene fit si diligente recherche des versions, qu'outre celles des 72. d'Aquila, de Symmachus, & Theodotion, il en trouua trois autres, incongneuës quand à leurs auteurs, & auparauant cachees, *Hieron. de Scrip. Eccles.* C'est allauoir la cinquième trouuée en Hierico, enuiron l'an de nostre Seigneur 219. septiesme an de l'empire de Caracalla. La Nycopoline fut cachée en des tonneaux, & en fin trouuée par le mesme Origene en la ville de Nycopoly, que lon appella la sixiesme version, enuiron l'an de nostre Seigneur 230. Origene aussi euulgua la septiesme version selon Nycephore, *lib. 5. cap. 11. Hiero. de Script. Eccles.* enuiron l'an de nostre Seigneur 239. qu'aucuns ont nommé Hierosolimitaine, qui estoit en ordre la dixiesme version, contans toutes celles qui auoient precedé. Origene à mon aduis s'est plus soucié de multiplier les versions, tant des Iuifs, des Apostats, où Heretiques, que d'aucuns peu doctes, & peu iudicieux Catholiques, qu'il n'a faict de conseruer ce qui estoit pur & Catholique, & supprimer ce qui estoit adiousté, rescindé, où changé par les Iuifs, par les Apostatz, par les Heretiques, où par les peu iudicieux Catholiques. Et posé le cas qu'Origene n'ait point eu d'intention peruerse, en assemblant tant de versions des Iuifs, d'Apostats, d'Heretiques, de Catholiques, de sçauans, & d'ignorans ensemble: Si estce que telle diuersité ne pouuoit en fin esclorre qu'une corruption, comme il est adueni. Outre ces dix versions, Origene en euulga vne autre, dont les Eglises de la Palestine ont vsé, qu'il dict estre les 72.

par luy corrigez. En douzieme lieu, Lucian Martyr
 euulga leſditz 72. anciens par luy examinez, & corri-
 gez, dont les Eglieſes d'Antioche & de Conſtantino-
 ple ont vſe. Autant en fit Heſychius pour les Eglie-
 ſes d'Alexandrie, & d'Egypte. S. Hieroſme ſembla-
 blement transfera aux occidentaux la verſion des
 72 en Latin, ſelon qu'elle eſtoit en Origene meſſee
 avec celle de Theodotion : tellement que les 72 in-
 terpretes eſtoient diuulguez par l'vnivers non ſeu-
 lement en trois parties, comme dit S. Hieroſ. *pag. 1.*
in Paraph. mais en quatre: C'eſt aſſauoir d'Origene,
 de Lucian, d'Heſychius, & de S. Hieroſme, qui font
 quatorze verſions publiques, & diſtinctes : & avec
 la ſeconde verſion de Symmachus, font quinze in-
 terpretations publiques & ſolemnelles. Or ceste
 verſion d'Origene diuulguee par Euſebe, & traduit-
 re en Latin par S. Hieroſ. n'eſtoit pas l'edition pure
 des 72 ains vne verſion dite des Grecs *22. 11.* com-
 mune & vulgate, vſitee de ce temps la en l'Eglieſe, &
 de laquelle les Pſalmes Latins en font vne portion.
 Nous auons auourd'huy en ſeizieme lieu, la vulga-
 re edition Latine, tournee & compoſee de l'Hebreu
 & du Grec : principalement par S. Hieroſme que
 nous deuons reconnoiſtre pour vraye parole de
 Dieu, l'expoſer, fortifier, maintenir, & orner des
 originaux Hebreux, Grecs, Caldeans, Syriens, Ara-
 bes, & Latins quand l'occalion ſy preſente. Toutes
 les autres verſions qui ſe preſentent, ſoient anciennes,
 ſoient nouuelles, ſoient generales, ſoient particu-
 lieres, ſoient en langage ſcholastique, ou en langa-
 ge populaire, ne doiuent eſtre recuei de nous qu'a-
 uec examen, & bonne congnoiſſance.

Venons aux autres versions, controuuées à mon aduis, par Origene: Car Eusebe rapporte, *lib. 6. Eccles. hist. cap. 12.* qu'Origene fit si diligente recherche des versions, qu'outre celles des 72. d'Aquila, de Symmachus, & Theodotion, il en trouua trois autres, incongneuës quand à leurs auteurs, & auparauant cachees, *Hieron. de Script. Eccles.* C'est assauoir la cinquième trouuée en Hierico, enuiron l'an de nostre Seigneur 219. septiesme an de l'empire de Caracalla. La Nycopoline fut cachée en des tonneaux, & en fin trouuée par le mesme Origene en la ville de Nycopoly, que lon appella la sixiesme version, enuiron l'an de nostre Seigneur 230. Origene aussi euulgua la septiesme version selon Nycephore, *lib. 5. cap. 11. Hiero. de Script. Eccles.* enuiron l'an de nostre Seigneur 239. qu'aucuns ont nommé Hierosolimitaine, qui estoit en ordre la dixiesme version, contans toutes celles qui auoient precedé. Origene à mon aduis s'est plus soucié de multiplier les versions, tant des Iuifs, des Apostats, où Heretiques, que d'aucuns peu doctes, & peu iudicieux Catholiques, qu'il n'à faiët de conseruer ce qui estoit pur & Catholique, & supprimer ce qui estoit adiousté, rescindé, où changé par les Iuifs, par les Apostatz, par les Heretiques, où par les peu iudicieux Catholiques. Et posé le cas qu'Origene n'ait point eu d'intention peruerse, en assemblant tant de versions des Iuifs, d'Apostats, d'Heretiques, de Catholiques, de sçauans, & d'ignorans ensemble: Si estce que telle diuersité ne pouuoit en fin esclorre qu'une corruption, comme il est aduenü. Outre ces dix versions, Origene en euulga vne autre, dont les Eglises de la Palestine ont vlé, qu'il dict estre les 72.

par luy corrigez. En douziesme lieu, Lucian Martyr
 euulga lefditz 72. anciens par luy examinez, & corri-
 gez, dont les Eglises d'Antioche & de Constantino-
 ple ont vſé. Autant en fit Hefychius pour les Egli-
 ſes d'Alexandrie, & d'Egypte. S. Hieroſme ſembla-
 blement transféra aux occidentaux la verſion des
 72 en Latin, ſelon qu'elle eſtoit en Origene meſlée
 avec celle de Theodotion : tellement que les 72 in-
 terpretes eſtoient diuulguez par l'vniuers non ſeu-
 lement en trois parties, comme dit S. Hieroſ. *prefat.*
 1. *in Paralyp.* mais en quatre: C'eſt aſſauoir d'Origene,
 de Lucian, d'Hefichius, & de S. Hieroſme, qui font
 quatorze verſions publiques, & diſtinctes : & avec
 la ſeconde verſion de Symmachus, font quinze in-
 terpretations publiques & ſolemnelles. Or ceſte
 verſion d'Origene diuulguée par Euſèbe, & traduit-
 te en Latin par S. Hieroſ. n'eſtoit pas l'edition pure
 des 72 ains vne verſion dite des Grecs *κοινή*, com-
 mune & vulgate, vſitée de ce temps la en l'Egliſe, &
 de laquelle les Pſalmes Latins en font vne portion.
 Nous auons aujourd'huy en ſeiziesme lieu, la vulga-
 re edition Latine, tournée & compoſée de l'Hebreu
 & du Grec : principalement par S. Hieroſme que
 nous deuons reconnoiſtre pour vraye parole de
 Dieu, l'expoſer, fortifier, maintenir, & orner des
 originaux Hebreux, Grecs, Caldeans, Syriens, Ara-
 bes, & Latins quand l'occafion ſy preſente. Toutes
 les autres verſions qui ſe preſentent, ſoiét anciènes,
 ſoient nouuelles, ſoient generales, ſoient particu-
 lieres, ſoient en langage ſcholastique, où en langa-
 ge populaire; ne doiuent eſtre recuës de nous qu'a-
 uec examen, & bonne congnoiſſance.

G E N E R A L E X A M E N

S E C T. XXXIIII.

Après que les sectaires ont superbement oppugné les liures canoniques, & fil leur à esté possible temerairement changé la saine version & le texte de l'écriture, en mettant en auant quelque nouuelle version, au lieu de la parole de Dieu; ils esleuent leur bouche au Ciel, & leur langue, comme dit Dauid, *Psal. 72. 9.* (passe en terre) c'est à dire, mesdisent de Dieu, & des hommes: Ils sont, escrit Dauid *Psal. 77. 41.* tellement presumptueux, incredules & temeraires, qu'ils limitent l'omnipotence de Dieu: disans, que Dieu ne scauroit faire vn corps en deux lieux. Ils font le corps mistique de la beste, qui ouure sa goule en blasphème cōtre Dieu, pour blasphemer le nom d'iceluy, & son Tabernacle, & ceux qui habitent au Ciel, *Apocalyp. 13. 6.* Car estans pressez de l'écriture expresse; ils ne suiuent point la sentence de Dieu, ny l'interpretation des saincts Docteurs, Calvin *lib. 3. Instit. cap. 23. sect. 9.* Les reprouuez veulent estre veulz excusables en pechant, pour-ce qu'ils ne peuuent euader la necessité de pecher, principalement qu'icelle procede de l'ordonnance & volonté de Dieu. Et sur S. Luc chap. 2. 40. L'ame de Christ à esté subiecte à ignorance comme les nostres, sinon que les nostres le sont de necessité, la sienne seulement de Volonté. *Math. 21. 18.* Il n'est donc point absurde de dire, que le figuier auquel il donna malediction, luy estoit vn arbre incongneu. *Math. 26. 39.* Le vœu où desir donc Christ pria au Iardin d'Oliuet, fut conceu & fait à la volée, en requerāt vne chose impossible luy estre faicte, & parce incontinant il à chastié & reuoué ce vœu: Cette oraison de Christ n'estoit point premeditée, la force de la douleur, luy à extorqué cette voix, Mon Dieu, Mon Dieu, & subitement il à corrigé ceste voix: Alors la memoire luy fut ostée, & ne pensa pas estre enuoyé à la condition de mourir redempteur

dempteur pour le genre humain; il recula, & refusa faire office de mediateur. Et de rechef, *Math.* 27. 46. 47. Il n'est point absurde qu'une voix de desespoir soit eschappée à Christ, & qu'il ait conceu en son esprit son alienation de Dieu: car Christ à esté de tous costez tellement vexé de desesperation qu'il desiste de l'invocation de Dieu, laquelle chose estoit renoncer au salut. Iamais Calvin, ny les Religionaires ne trouuerront expressement aux escritures, ces iniures, qu'ils disent contre Dieu, & son cher filz nostre tres-contant & temperé Sauueur: Iamais Mehemmet & Satan n'en dirent autât. Helas! que pouuoient seruir l'ignorance, & le desespoir pour nous sauuer? Nous qui sommes membres de ce sacré chef, sommes nous sauuez par ignorance & desespoir? N'est-ce pas là vn chemin de penser choses plus abiectes de nostre Seignr Iesus-Christ (que Calvin à fait vrayment damné pour vn temps) que d'un autre homme? Certes estre ensemble en vn mesme instant, Sauueur, & damné; sont contraires.

SECT. XXXV.

Ie ne me puis raisonnablement persuader, que ceux là qui parlent de Dieu, & de ces saincts, où docteurs, iniurieusement, où à la façon commune des autres hommes, les aiment, où les croient: ains plustost en disant ce que Dieu ne dit point expressement, & en censurant la commune doctrine des Docteurs, soit par escrit ou par tradition; c'est superbement se faire iuge de Dieu, de l'escriture, de l'Eglise, des docteurs, & cōcils, desquels on se disoit disciple; car tel souuerain iugement n'appartient qu'à Dieu, où à son Eglise, *Esay.* 59. 21. *Psal.* 86. 6. *Math.* 16. 18. & 1. *Timo.* 3. 15. Et à ce propos Calvin escrit, *lib.* 4. *Inst.* cap. 8. sect. 12. L'apostre dit 1 *Timot.* 3. 15. que l'Eglise est le pilier, & firmament de verité: Or que signifient ces pa-

roles autre chose, sinon que la verité de Dieu est cõ-
voilà la mis seruée en l'Eglise, par le ministration de la predication,
sio ordina- comme il declare ailleurs en disant, Ephes. 4. 11. 12.
re, Ps. 44. 17 Iesus Christ a doné des 1 Apostres, des 2 Pasteurs, 3 Docteurs, à fin
Jo. 20. 21. 22 que nous ne soyons plus esbranlez & transportez à tout vent
2 voilà la puis de doctrine, où deceuX par l'astuce des hommes : mais qu'estan
sance de re- illumineX à la congnoissance du filX de Dieu, nous soyons tous
gir et ordon- reduits en vnité de foy. Pourtant, ce que la verité n'est point
ner. 1. Cor. II esteinte au monde ; mais qu'elle demeure en vigueur, cela se fait,
2. & 14. 19. d'autant que l'Eglise est seure & fidelle gardienne, pour la main-
40. tenir à ce qu'elle ne desché point. Et incontinaut en la sect.
3 La puisſſance 15. il declare qu'à voulu dire nostre Seigneur. Math.
de prescher, 18. 17. S'il n'oit l'Eglise, qu'il soit tenu pour publicain
& aſſiſtance & Payen. Que peut on conclure de cela, sinon qu'il n'est pas li-
certaine du S. Esprit, si cite de contemner le consentement de l'Eglise, laquelle n'accorde
on tient l'v- iamaſ, sinon en la verité de Dieu. Iusques icy Calvin de
nité de l'E- mot à mot, qui au chapitre 6. precedant sect. 16. de-
glise, avec clare qui est l'Eglise Chrestienne, escriuant expresse-
les Pasteurs ment. Je proteste auant toutes choses, que ie ne veux point nyer,
& docteurs. que les anciens Docteurs ne facent tousiours beaucoup 4 d'honneur
4 Calvin la à l'Eglise Romaine, & qu'ils n'en parlent reueremment : Ce que
nõme pail- ie pense estre adueni pour trois causes : Car l'opinion commune
larde et pu- qu'on auoit que S. Pierre en estoit le fondateur, valoit beaucoup,
tain, cõme pour luy donner credit & authorité : Et pourtant, les Eglises
ent fait les Donatistes. d'Occident l'ont appellée par 5 honneur, Siege apostolique. Secon-
5 demet pour ce que c'estoit la ville capitale de l'Empire, 6 & que
Calu. & les pour cette raison il estoit vray semblable, qu'il y auoit là des per-
Donatistes, sonnages plus excellens, tant en doctrine, qu'en prudence : &
la nomment mieux experimentez qu'en nul autre lieu. On auoit esgard &
Chaire de pestilence. à bon droit, de ne mespriser point tant la noblesse de la ville, que
6 Et au iour les autres dons de Dieu qui estoient là. Tiercement, comme ains
d'hui Cité soit que les Eglises d'Orient & de Grece, & mesmes d'Aſſi-
ſouueraine que, fussent troubles de plusieurs dissensions: l'Eglise Romaine à
de l'Eglise.

touſſours eſté plus paiſible de ce temps là, & moins ſubieſte à eſ-
 motions. De là il aduenoit que les bons Eueſques & de ſainé
 doctrine, eſtans chaffeZ de leurs Eglifeſ, ſ'y retiroient comme en ^{Et Cal-}
 refuge, ou en vn port. Cela donc à fort augmenté l'authorité ^{non ſ'ens}
 de l'Eglife Romaine, qu'elle n'à point eſté en trouble de ce temps ré.
 là, que les Eglifeſ ſe combattoient enſemble : mais à conſiſté plus
 conſtamment en la doctrine qu'elle auoit vne fois receuë. Iuſques
 icy Calvin, duquel ſi les Religionaires ſuyuent les
 paroles, ils ſe condamnent eux meſmes.

SECT. XXXVI.

Nous ſçauons bien qu'il faut croire les Docteurs
 & Synodes quand ils prononcent ſelon l'eſcriture:
 & qu'il ne les faut eſcouter, quand ils diſent au con-
 traire, dont nous ne diſputons point contre les He-
 retiques : ains ſeulement qu'il faut croire le ſens de
 la foy Chreſtienne, eſtre où les Docteurs & l'Eglife
 ſ'accordent tant aux mots, qu'en l'interpretation
 Autrement, il peut aduenir que l'opiniou d'aucuns
 Docteurs, où Synodes particuliers, qui ne ſont pas
 le conſentement de l'Eglife vniuerſelle, erroient,
 comme au temps de S. Cyprien, & au concil de *Rimi-*
no, auquel les Catholiques, & Arriens, accorderent,
 quand aux mots, *Homouſſios*, de ſemblable ſubſtance,
 mais non quand au ſens: Car les Catholiques enten-
 doient la ſimilitude de ſubſtâce en propriété, equali-
 té, & verité, de meſme ſubſtance comme en S. Iehan,
ca. 1. 14. Philip. 2. 7. 8. Heb. 13. 17. Les Arriés l'expoſoient
 en comparaïſon de qualité diuerſe & inegalle, côme
 en S. Math. *cap. 3. 16.* Auſſi ne ſe trouuera il aucun
 ſynode, ou l'Eglife vniuerſelle aye accordé en ſens,
 & en paroles avec le ſiege Apoſtolic, qu'il n'aye eſté
 creu comme tres-certain : Et c'eſt en ce ſens là, que
 nous eſtimons tous cōtreuenans aux ſaincts Cōcils,

GENERAL EXAMEN

Schismatiques, où Heretiques. Ainsi l'escriture du vieil & nouveau Testament, annonce seulement vn seul Dieu, ce que les perfides Iuifs, & brutaux Mahometains, lisent & chantent comme l'Eglise Chrestienne, mais ils le croient autrement: car ils entendent Dieu, estre vn, tant en nature qu'en personnes:& les Chrestiens le croyent vn seul Dieu en nature,& distinct en personnes. Car Dieu estant naturellement cause de l'estre, substance, vnité, & accorde toutes choses qu'il a produictes librement, doit auoir en soy vne souueraine, tres-parfaicte, infinie, & indiuisible vnité: Dieu aussi estant en soy naturellement, & volontairement cause de toute distinction, personne, où substance, doit auoir cela en luy, tres-parfaictelement, necessairement, & substantiellement, & non accidentairement. Si donc il n'y auoit en Dieu, qu'une personne, comme croient les nouveaux Iuifs, Mahometains & Sabelliens; il n'y auroit point proprement de substantielle distinction de substance, comme porte la perfection de nature. Car la seule distinction, & pluralité de propriété, n'est pas l'absoluë & parfaicte distinction qui se trouue en nature formellement; ains c'est celle qui est de substance & personne: dont sensuit necessairement qu'il y a en Dieu proprement, distinction de quelques personnes, & vnité d'essence, selon que nous enseignent les escritures du vieil & nouveau testament, exposees par nostre mere sainte Eglise. A ce propos dict S. Augustin, disputant du baptesme des heretiques, qu'on ne list point expressement & inuinciblement aux escritures, cha. 22. de l'vnité de l'Eglise, tom. 7. *Or maintenant, comme ainsi soit que nous ne trouuons point aux escritures, qu'aucuns heretiques entr'eux*

baptisez ayent passé de l'heresie à l'Eglise, & auoir esté receuz comme ie dy (sans reiterer le baptisme) ou comme tu dis (en les baptisant de rechef) l'estime que s'il y eust eu quelque sage compagnee à laquelle Christ donnast tesmoignage, & elle seroit consultée de nous sur ceste question & douie: nous ne deuons douter en aucune façon de faire ce que dirait ce personnage là, car nous serions iugez plustost repugner au Seigneur Iesus-Christ, qu'à cetuy qui nous estoit recommandé par son tesmoignage. Math. 16. 18. & 1. Timoth. 3. 15. Et de rechef, liure 1. contre Crescon grammairien, Donatiste chap. 33. dict: Par ainsi, combien que certainement on n'allegue point vn exemple des Escritures canoniques de cecy, que les baptisez par les heretiques reuenans à l'Eglise, ne doiuent point de rechef estre baptisez, & que le baptisme donné entre les heretiques, est entier & vray sacrement de nostre Seigneur Iesus-Christ: combien qu'il ne soit donné ny receu legitimement & salutairement, par les heretiques, & hors de l'Eglise: Toutesfois en cecy nous tenons la verité des escritures, quand nous faisons ce qui à desia pleu à l'Eglise vniuerselle, laquelle l'autorite de l'escriture recommande, Psal. 88. 6. Esay. 54. 7. 8. 9. 10. Ierem. 23. 4. Comme donc la sainte Escriture ne peut tromper: aussi quiconque crainct estre trompé en l'obscurité de ceste question, qu'il consulte ceste Eglise, laquelle l'Escriture monstre sans aucune ambiguïté. Iusques icy S. Augustin, qui manifestement rend à Dieu, à l'Eglise, & aux Docteurs, l'honneur qui leur appartient, sans iniure & temerité. Il n'est iamais aduenue à S. Augustin, à S. Hierosme, à S. Ambroise. ny aux vrayz Pasteurs de l'Eglise, de dire iniure aux anciens Docteurs, ou Synodes qui les auoient precedez: comme S. Clement, S. Ignace, S. Denys, saint Cyprien, & autres.

S E C T. XXXVI.

Il n'y a point ou peu de grâds personnages, desquels les heretiques n'ayent parlé en Antichrist: Premie-

GENERAL EXAMEN

rement Calvin en son volume sur saint Mathieu, chap. 2. 13. escrit; *Il est probable que le Seigneur à espargné Marie, iusques à ce qu'elle est venue à conualescence de ses couches, pour pouuoir faire chemin.* Si cela est vray, elle a pâty en son enfantemēt cōme les autres femmes: Si le fils est né auec ouuerture de sa mere, elle n'est pas demeurée vierge, & fermée, cōme ont dit les Prophetes; Si elle est demeurée close en enfantant, le corps en est forty sans vser de sa mesure, & pour-ce ne luy falloit attēdre la cōualescence de ses couches, pour aller en Egypte: Et s'il a forty sans l'vsage de sa mesure, cōme il est tres-vray: pourquoy dōc ne sera-il en l'Eucharistie sās l'vsage de sa grādeur & grosseur? Sur S. Math.

Caluin. c. 1. 19. il dit. *La iustice de Ioseph qui est ici loüée, à esté vne detestation de peché, car il auoit sa femme suspecte d'adultere: Imò, estant persuadé qu'elle estoit adultere, il ne vouloit par son indulgence, fauoriser vn tel peché: car l'homme est macquereau de sa femme, qui conuie à son impudicité.* Et sur S. Mathieu 3. 14. *Saint Iehan Baptiste à erré en cela, qu'il n'a pas considéré, que le Baptisme a esté demandé de Christ, à cause des autres.* En son commentaire sur Genese, chap. 16. 1. 2. 3. 4. 6. *Nous ne lisons point pour lors du commandement de Dieu, d'une seule femme à vn mary, ne que la femme ne peut s'adherer à son mary. d'en prendre vne seconde pour auoir lignée: Toutesfois Calvin plus hardy que Moÿse, que les Prophetes, & que l'Eglise, à censuré vilainement Abraham & Sarra, disant; Sarra à cherché en soy vn moyen estrange, & mal conuenable à la parole de Dieu, pour auoir lignée de son mary Abraham: Le souhait de Sarra est tellement à loüier, quand au but qu'elle a grandement failly en la maniere de proceder, de ce que elle a esté si impatiente de ne se voir point d'enfans, qu'elle a laissé la parole de Dieu, pour iouyr de l'effect de la parole: Sarra peruertit la loy de mariage, en poluant le lit qui estoit dédié à*

deux tant seulement : Tout ainsi donc que la trop grande hasti-
 ueté de Sarra fut vicieuse, aussi la facilité d'Abraham est digne
 de reprehension. Agar est improprement appelée femme d'Ab-
 raham, d'autant qu'elle est amenée contre la parole de Dieu,
 pour coucher au lit d'autrui : Et ceste compagnee à esté tellemēt
 illicite, qu'elle a esté comme moyenne entre mariage & paillar-
 dise : Et pour ce tous deux ont esté punis de leur legereté. iusques
 ici Caluin, qui incontinent procede à censurer Isaac
 & sa femme, en Genese 26. 7. Isaac n'a pas renoncé sa
 femme expressement : mais il est à blasmer premierement, en ce
 que pour garder sa vie, il a recours à vne simulation, qui n'est
 pas loin de mensonge : & puis de ce qu'il absout sa femme de la
 foy du mariage, & l'a prostituë aux autres. Et chap. 27. 4. 5.
 Isaac a esté aueuglé & ravy en l'amour de son fils aîné, pour le
 preferer à l'autre, & en ce faisant il combat contre l'oracle de
 Dieu : Combien aussi que Rebeca ne peut ranger son mary à bon
 conseil, toutesfois ce n'estoit point vne façon legitime de proceder
 & le circonuenir par telles fallaces : & d'autant que le mensonge
 est dānable en soy, elle a plus griefuement peché, en ce qu'elle s'est
 osée iouir par telles abusions, à vne chose sacrée. Et au liure 3.
 chap. 2. sect. 31. de son Institution : Apres que Dieu a
 reuelé à Rebeca l'election de Iacob, elle prononça par mauvais
 & peruers artifice, qu'il soit benist par Isaac, qui estoit tesmoin
 & ministre de la grace de Dieu : elle corrompt son fils à mentir,
 Bref elle corrompt la verité de Dieu, par plusieurs fraudes &
 mensonges : Elle expose la promesse de Dieu à opprobre, & tant
 qu'elle peut l'aneantist : Isaac a esté admonnesté de Dieu, que
 le droit de primogeniture, estoit translaté à son fils puisné, il n'a
 pas laissé toutesfois d'estre plus enclin à son fils aîné Esau. Ce
 qui monstre clairement que Caluin, encores qu'il
 n'ait parole de Dieu expresse des iniures & reprehē-
 sions, tant de la foy que des mœurs, & des saincts
 Peres anciens, il ne laisse pas de les condamner com-

GENERAL EXAMEN

me peruers.

SECT. XXXVIII.

On scait bien que la Poligamie à esté vn mal tant commun, que Dieu a enduré vne telle licence outre les anciens, sans l'attribuer à peché: Aussi tout inceste n'a pas tousiours esté vice, entre tous parens: ains y a eu quelque temps, quelques personnes, quelques causes & considerations, pour lesquelles nos maieurs, & Dieu, y ont vtilement dispensé: non moins qu'au meurtre de Samson: Et pour-ce, Iacob, Laban son oncle, avec ces deux filles, Lia & Rachel, ne meritent les iniures, que le Satyre feure Calvin leur dit en *Genes. 29. 27.* escriuant, *Quelque excellent que soit Iacob, toutefois si est-ce que le lignage qu'il a ne vient que d'une puante ordure, en tant que deux sœurs sont meslees avec luy en vn mesme lit, par vne façon brutalle: & puis deux concubines sont adioustées pour faire le comble. Or Iacob retient malgré qu'il en ait pour femme, celle dont il estoit franc, & quitte: tellement qu'il redouble le mal, par la poligamie, & le triplique par les nopces incestueuses. Laban peche griefuement, en ce que non seulement il enveloppe son nepueu en vne poligamie, mais aussi le poluit luy & ses filles, par mariages incestueux.* Tous les anciens legistateurs, les Prophetes, les Docteurs Hebreux, Syriens, Caldeans, Grecz, & Latins, n'ont iamais villané les saincts Patriarches, & leurs chastes & sages esposés, Satan l'auoit reserué à son digne organe Calvin. Les G'notz, Valentinians, Marcionites & Manicheans en auoient mesdit, mais non tant falement. Il ne faut donc pas rien rabaisser de l'hautorité & creance des anciens docteurs & Concilz, quelque chose qu'en dient, ou censurent les religionnaires: Car ilz ne sont membres, ny docteurs, ny Iuges de l'Eglise, de S. Hierosme, de S. Ambroise, de S. Augustin, & de S. Gregoire, qui inuoquoient

les Saints, qui estoient moynes, qui viuoient en perpetuelle continence, & prioient Dieu pour les trespassez. Et pour-ce, quant les religionaires se voyent pressez des docteurs ils se fôt iuges des escritures qui disent, ou ne disent pas ce qu'il leur plaist; comme ont fait tous autres Heretiques. Iamais Valentin Marcion, Manichée, Sabellius, Arrius, & de nostre temps Luther, Memnon, & Calvin, n'ont rien trouué faux en l'Eglise Catholique. Apost. & Rom. sinon és articles ou elle cōdamne leurs erreurs qui soppo-sent à la verité : Et alors Calvin & ses complices respondent avec furieuses iniures, *in Genes. 14. 18. Les anciens Docteurs ont transferé sottement, & froidement la similitude de Christ, & de Melchisedech, au pain & au vin, qui consiste bien en d'autres choses.* Et puis au liure de la reformation de l'Eglise; *Il ne me chaut pas beaucoup des passages qu'ils alleguent des anciens docteurs, car ces brouillons font mestier d'amasser, & est leur coustume de racler, tout ce qui est d'orcieux en tous escriuains, & principalement aux Docteurs de l'Eglise, cōme si quelqu'un recueille l'escume en reietant l'or, ou la paille, en ne tenant cōte du bon grain.* Si vous repliquez à Calvin, qu'en son dire il iniurie la pieté, le iugement, la conscience & science des anciens Docteurs, aussi bien que des modernes, il vous dira nouvelles iniures, qu'il est certain qu'il va bien, & que tous les anciens ont grandement erré : comme à dict Mehemmet, & tous heretiques n'en ont pas moins presumé. Donc ces Luciferiennes censures de Calvin & ses consors, nous monstrent clairement qu'ilz sont manifestement membres de l'Antichrist. *Iude 1. 16.*

SECT. XXXIX.

Après que Calvin à censuré les anciens Docteurs liure 4. *Inst. chap. 18. sect. 11.* il censure Luther, Zuingle,

GENERAL EXAMEN

& Oecolampade, au liure de la Cene, disant; *Je ne pense pas qu'on puisse excuser les anciens Docteurs, qu'ils n'ayent aucunement failly en la forme exterieure: car ils ont ensuyui de plus pres la façon Iudaïque, que l'ordonnance de Iesus-Christ ne portoit: C'est donc le point où ils meritent d'estre redarguez, qu'ils se sont trop conformez au Vieil testament: & que ne se contentans de la simple Institution de Christ, ils ont trop decliné aux Vmbres de la Loy. Nous auons en quoy Luther à failly de son costé, & en quoy Oecolampade, & Zuingle ont failly du leur. iusques icy Calvin. Le tesmoignage duquel, monstre clerement, que Satan l'à reserué entre tous autres, pour enchanter tout le pauvre monde: Car nous ne voyõs rien és fondemens de la verité Chrestienne, & és resolutions de la foy Catholique, en caluin & és predicans, sinõ leurs superbes césures, & leur adultere parole, au nom de celle de Dieu. Sainct Marcel Pape & martyr, est nigaud à Calvin, lib. 4. Institutio. cap. 6. sect. 12. Sainct Augustin est Docteur de superstition, en esgalant sur S. Iehan tract. 50. le signe d'une folle superstition de Croix, aux vrais signes de la presence de Iesus Christ. Liure 4. Inst. chap. 17. sect. 28. Pour dire vray, ie voy quasi tous les anciens, desquels nous auons les ceuures, auoir failly en la doctrine de la satis-faction, ou auoir trop durement parlé. Liure 3. Inst. ch. 4. sect. 38. Les anciens traictans du Purgatoire & des prieres pour les trespasséz, se sont par trop conformez à l'opinion & sottise du vulgaire: Sainct Augustin mesme n'a pas biẽ compassé à la reigle de l'escriture, le souhait d'une vieille Monique sa mere, requerant que lon fist memoire d'elle à l'autel. Aussi n'afferment-ils rien du Purgatoire, ains ils en doutent. liu. 3. Inst. ch. 5. sect. 10. Calvin dict cela, mais il ne peut rien prouuer. Parlant du franc arbitre, & des anciens docteurs, escrit, liu. 2. chap. 4. Certes nous voyons que les anciens ont plus attribué à l'homme, qu'il n'appartient, & qu'ils*

ne deuoiuent : pour en dire franchement ce qui en est , certes leurs paroles sont fausses : & puis parlant du liberal arbitre, qu'il nie cooperer à la diuine grace, cōme il est escrit 1. Cor. 15. 10. *J'ay trauaillé plus qu'eux tous, non moy seul, mais la grace de Dieu avec moy.* Ceux-là, dict-il, liu. 2. cha. 3. sect. 12. qui ont leu selon la vulgate edition, ont failly & choppé à ce festu : & le Grec est cler. Mais qui croira caluin seul l'entendre mieux que tous les latins : y voir plus cler que tous les Grecs, le mieux translater que S. Hierosme ? N'est-ce là pas vn trait de l'antichrist, se preferer aux langues, & au sens de l'escriture, à tout l'vniuers ? Beze & Brance, condamnent S. Hierosme d'aperte impieté, pour l'intercession & priere des Saints avec nostre Seigneur, *lib. de omn. present. Christi. pag. 609.* Vitaker, effronté Anglois, en la respōce 5. de Emond Campian, dit : *Les trois hierarchies de Denis Areopagite ne sont point de luy. Bartholmi Cause dial. 5. & 11. Clype. fidei. Ce vieux Denis est vn refuseur.* Irenée en escriuant du liberal arbitre, du Primat de l'Eglise Romaine, & du sacrifice de la Messe, estoit (disent ceux de Magdebourg) hors du sens. *Cent. 1. liu. 2. cha. 5. 10. & 11.* Hippolyte Euesque & martyr, est vn phantosme, & supposé escriuain, touchant le signe de la Croix, & le sacrifice de la Messe, disent Iuelus Euesque, & Vitakerus ministre Anglois. Cyprian est vn stupide autheur, qui à depraué la doctrine de penitence. *Magdebourg Cent. 3. chap. 4. Causeus de fide Dial. 8. & 11.* Clement d'Alexandrie à apporté des zizanies, & de la lie, en lieu de la saine doctrine, *Cent. 1. liu. 2. chap. 10. & 11.* Les saints Peres anciens ont laissé à leur posterité des blasphemmes & des monstres. *Cent. 1. liu. 2. chap. 10. & 11.* Nazianzene est vn conteur de fables, qui ne sçait qu'il dict. Saint Ambroise à esté enforcélé du meschant

diable. Saint Hierosme est patron d'idolatrie, blasphémateur impie, & damné comme le diable : dict *Barthelemy Causse en son bouclier de la foy religionnaire, Dial. 6. 7. 8.* De là il est cler & euident, que les caluinistes ne tiennent compte des saincts Docteurs, quelque chose qu'ils disent de bouche,

SECT. XL.

Les sectaires mettans nouuelles heresies en auant, cōtre la créace & l'interpretation de tous les saincts & docteurs anciēs qu'on leur obiette, n'en tiennent conte : & prononcent effrontement, qu'ils ont tous erré & failly en ce lieu là; comme à la 2. des *Thessal. chap. 2. 2. 3. 4.* ou Calvin & Beze commentans, enseignent premierement que l'Antichrist n'est point vne personne particuliere, comme, Israël, Iacob, Ephraïm, Iudas, Ioseph, Dauid, Christ: ains seulement vn corps mystique; comme la Sinagogue de Satan, l'Eglise des malins. Secondemēt, que le Pape depuis le tēps de S. Paul, est le vray Antichrist. Tiercement, qu'il y aura vne apostasie de la foy vniuerselle. Quatriesmement, que tous les docteurs de l'Eglise qui l'ont autrement exposé, ont lourdement erré & failly, 2. *Thessal. 2. 2. 3. 4.* Mais si l'Antichrist n'est point vne personne particuliere, pourquoy nostre Seignr en fait-il mention particuliere, *Iohan. 5. 43. Le Messie occira le meschant par l'esprit de sa bouche. Esay. 11. 4.* Ce qui est attribué à nostre Seigneur, comme acte singulier de son aduenement. 2. *Thessal. 2. 8.* contre vn certain homme de peché, par antonomasie. Ce filz là de perdition, par article demonstratif & particulier, comme, *Math. 3. 17. Math. 17. 5. Collorens. 1. 13. & 2. Petr. 1. 17.* Qui montre en ces façons de parler, non proprement vne assemblée, ains vne speciale person-

ne, *Ioh. 17. 12.* comme Israel, Iacob, Iuda, Ioseph, Ephraïm, Leui, Dauid: car quand ces noms là sont mis impropremēt, mystiquemēt, & pour plusieurs; la determinatiō indefinie le declare: ce qui n'est point ici. Dauantage il n'y a point de corps general de Christ, ou de Dauid, sinon en cōtemplation du vray Christ. Les Antichrist caluiniques inferent donc malgré les dens de Caluin, son vrai chef l'Antichrist: & comme le Messie est non seulement le fidele, le iuste, l'obeissant dauant Dieu, en adiectif, ou concret; ains aussi est nostre fidelité, iustice, & obeissance: pour-ce qu'il à la plenitude de foy, d'esperance, charité, de iustice, & de toutes vertus; dont nous n'auons que des parcelles. Ainsi l'Antichrist qui se reuoltera plainemēt & excessiuement, de tout le Christianisme, est bien proprement nommé l'apostasie, comme à doctemēt dict S. Augustin, liu. 20. chap. 19. de la cité de Dieu. Car les sectaires ne se reuolent que par certains articles, & par parcelles: Mais l'Antichrist se reuoltera du tout. La reuolte donc vniuerselle sera de l'Antichrist, & non de l'Eglise catholique, comme Caluin & Beze ont iniquement commenté sans l'escriture, contre l'article de Foy, *Je croy l'Eglise Catholique.* Aussi saint Paul parle disertemēt en ce passage, de Christ, & de l'Antichrist: & non de Christ, & de l'Eglise. Secondement, le Pape croit tous les douze articles de la Foy, & les defend selon leur simple teneur, contre tous heretiques presens & passez. Il se souzmet manifestement à nostre seigneur Iesus-Christ, & aux diuins mysteres: & pour-ce ne peut estre l'Antichrist, comme disent les Iuifs & les Religioneux. Tiercement, si la reuolte de l'Eglise estoit generale, comme dict Caluin, la Foy ne seroit plus

GENERAL EXAMEN

Catholique, la charité de plusieurs refroidira, non pas de tous. *Math. 24. 12. Penses-tu que le fils de l'homme, venant, trouue foy en la terre? Luc. 18. 8. car l'avarice des hommes, la vengeance hastiue des hommes, la dilation de la punition diuine entre les hommes terriens, fait qu'ils perdent la foy.* Icy nostre Seigneur parle de la foy, non en foy, ny de toute l'Eglise: ains seulement de la foy des hommes terriens & mondains, au temps de l'Antichrist. Finalement il apparoit, que la reuolte generale n'est pas ici mentionnée, s'entend de l'Antichrist, & non de l'Eglise: s'entend de la discession de l'empire Romain, comme à fait Mehemmet entre les Turcs, entre les Persans, & autres Mahometains, comme l'écriture & les Docteurs anciens, exposent d'un sincere accord, contre la Babilone des heretiques, qui ne vit qu'en dissension, qu'en mensonge, & discord, pour amplifier le Royaume de l'Antichrist: & pour contredire & exercer le regne eternel de nostre Seigneur IESVS-CHRIST, auquel soit gloire eternelle.

A M E N.









TABLE DES MATIERES

principales contenuës en
ce present liure.

A

- A**ction particuliere des Machabeans. 206. 251.
252. 253. 254. 255. 256. 257. 258.
Adoration de latrie & doulie, 14. 15. 16. 17. 21. 48. 204.
Anne seruoit à Dieu en ieusnes & oraisons. *Luc. 2. 3. 7*
Antiquité hors l'Eglise ne merite creance. 39.
Analogie & vmbrageuse exposition des Religion-
naires. 90. 91. 92. 93. 107. & 108.
Agnus est transitus, reuelation du diable à Zuingle qui
n'est en l'escriture, *Exode 12. 11.* pag. 145. 146.
147. 148. 149. & 155. 156. 157. 158.
Alkoran, & que c'est. pag. 155.
Les Apostres adorerent Dieu és mysteres de l'E-
ucharistie, auant que communier. 151. 152. 153. 154.
Arriens & Religioneux symbolisent. 154.
Ascarah, sacrifice memorial. 59. 60.

B

- B**aptême necessaire à salut. pag. 129. 130.
Benir & la forme. 50.
Benir & maudire, pag. 93. 94. 95. 96.
Benir & consacrer, n'est le deputer religionnaire,
pag. 93. 94. 95. 96. 97. 98.
Beze à tourné *Romanorum* 16. 1. *Diaconum ministra*, n'est
non vñté aux escritures, ny és bñs auteurs latins,
en honneste vsage: car les Diacres du temps passé

T A B L E.

n'estoient point mariez.	pag. 130. 131.
Beze à raclé des mots en l'Euangile S. Luc, <i>cap. 3. 36.</i>	
pag. 191. 192. & ne croit pas tout l'Euāgile sainct	
Iehan, <i>cap. 8. 2. 3. 4.</i>	pag. 191. 192. 193. 194. 195.
Benediction sacramentalle,	pag. 108. 109. 110.
Bibles de Genēue escourtées & alterées par les Pre-	
dicans,	234. 235. 236.

C

Communier à ieun,	152. 153. 154.
Charme & magie conuiennent plus probablement	
aux Religionnaires que aux Catholiques,	pag. 95.
96. 97. 98. 110.	
<i>Cæna Domini.</i>	pag. 122. 123.
Chapelets & dixains, & prieres pour les trespassez,	
162. & 163.	
Caluin plus iniurieux à nostre Seigneur Iesus-christ	
que Mehemmet,	162. 169. 170. 171. 172. & plus
Inicque que les Iuifs,	188. 189.
Cæne Turquesque,	160. iusques à 170.
Christ est en la Cene, cōme dict Calvin,	165. 166. 167.
Christ & la Vierge calunniez par Mehemmet &	
Caluin comme, faux Dieux,	168. 169.
Caluinistes ne croyēt point propremēt aux sainctes	
Escritures,	175. iusques à 189.
Chasteté promise à qui que ce soit oblige,	pag. 8.
fac. 2. 9. a.	
Ce n'est à du Plessis de s'entremettre du iugement &	
censure de la Religion & doctrine Chrestienne,	
pag. 1. & 2.	
Changemēt du nom Chrestien & Catholique,	pa. 4.
Confession iuste,	pag. 6. face 2.
Caluin desdit le sainct Esprit, & S. Pierre, 1. <i>Pet. 3. 10.</i>	
pag. 191. 192.	

TABLE.

- Caluinistes pressez exposent les escritures diuersement entr'eux, & contre l'Eglise, pag. 204. 205.
- Calumnies des Iuifs, des Gentils, & des Saduceans, & Manicheans, & des pretendans leurs enfans, contre les Chrestiens, pour la priere aux saints, pag. 207. iusques à 210.
- Catholiques prient en langue esleuë, comme sont Grec, Latin & Hebreu, pag. 30. 31.
- Cene Religieuse n'appartient au seruice de Dieu, pag. 90. 91. 92. & 169. 170.
- Caluin & pretendans, iniurieux à nostre Seigneur & aux Saints, 264. iusques à 271.
- Cene n'est proprement Sacrement, pag. 82.
- Caluin Antichrist, pag. 23.
- Caluin change & altere les paroles de l'Escriture, pag. 27. 28.
- Caluin impose à S. Paul, 1. Cor. 14. pag. 28. 29.
- Ceremonies en adorant, pag. 48. 49.
- Caluin plante bourde & bailleur de cassades, pa. 69.
- Caluin desdict expressement l'escriture, pag. 69. 70.
- Caluin introduit la circoncision, ou il n'y en a rien en l'escriture, pag. 74. 75.
- Cruauté profane des Ministres, Arriens, Donatistes & Caluinistes, pag. 137. 138.
- Consummatum est*, Ioh. 19. 30. pag. 128. exposé catholiquement contre la peruersion des religieux, pag. 128.
- Cene mot nouveau, sans vertu, & non frequent, pag. 111. iusques à 116.
- Christ en la Cene, pag. 165. 166. 167.
- Caluin & Beze changent, effacent, adioustent, & diminuent ou contredisent aux saintes escritures, comme il leur plaist. pag. 191. iusques à 195.

& pag. 24. 30. 31.

Caluin & les siens, sont semblables aux Tſadukeans
au iugement du Canon des escritures, p. 195. 196.

Caluin & Beze, avec les Ministres, honorent la fide-
lité de l'histoire des Machabeans pag. 195. 196.

Caluin & Beze mesdisent de nostre Seigneur, de la
Vierge, & des Patriarches, p. 264. iusques à 269.

C'est au Prestre, au Leuite, au Docteur, au Pasteur, &
au Clerc, d'enseigner & regenter, ou escrire en ce
qui touche la doctrine Ecclesiastique, & nō à au-
cun autre seculier, ou de profession non ecclesia-
stique, *Leuitic.* 10. 9. 10. 11. 12. *Deuter.* 17. 8. 9. 10. 11.
12. 13. *Esay.* 59. 21. *Malach.* 2. 7. *Luc.* 10. 16. *Iob.* 20. 21.
Act. 15. 2. 6. 7. 20. 22. *Ephes.* 4. 11. 12. 13. 14.

Censure des Iuifs pour les liures canoniques, est in-
certaine & peu iudicieuse, pa. 223. iusques à 226.

Celebration de la Messe tous les iours.

Cene Religieuse n'est l'Eucharistie, pag. 91. 92.
93. & 133. 134.

Croix, & le signe d'icelle, pag. 49. 50. 51. 52.
& pag. 100. iusques à 107.

Chasteté possible aux hommes fides, 161. 162.

Cene n'est point Sacrement, ny sacrifice, ny memo-
ire de la Croix, selon la doctrine & pratique de
Caluin, pag. 55. 56. 57. & 62. & 92. 93.

Caluin & Luther, salles ministres du chaste Mariage
pag. 190. 191.

D.

Diuerſes confessions de foy, certain argument d'he-
refie, pag. 7. 8.

Dimanche, pag. 163.

Deux sortes de sacrifices, pag. 52.

Deux especes de ceremonies, pag. 53.

T A B L E.

Dieu dit sans exception, Voüez & rendez vos vœux
au Seigneur, *Pf. 75.* Les Ministres disent, ne voüez
pas, car vous ne sçauriez rendre voz vœux au Sei-
gneur, pag. 27.

Diuerſes Dedicaces du Temple, pag. 251. 252.

Diuerſes façons de conter aux eſcritures iuſques à 233.

D'où les Sacrifices prennent leur nom, pag. 147.
iuſques à 160.

Différence du ſermon & de ſoraiſon, pag. 39. face 2.
& pag. 40. face 2.

Dicoſtaſſie, ſchiſme & hereſie différent, 124. 125.

Deſordre és Eglifeſ fauſſement dictes reformées,
pag. 31. 32. 33. & 129. & 130.

E.

Egliſe dont le Docteur prend teſmoignage, *Eſay. 59.*
21. Rom. 10. 15. Rom. 1. 8. Collocenſ. 1. 6. & pour-ce
on ne doit croire l'interpretation particuliere
d'aucun en priué, *2. Petr. 20. 21.*

Eſcriture & interpretation de l'eſcriuain merite foy
& creance abſolument, pour la recommandation
de l'Egliſe, dont le Docteur à teſmoignage, *Rom.*
10. 15. Eſay. 59. 21.

Egliſe fauſſement dicte reformee, pag. 31. 32. 33.
& 129. 130.

Egliſe Catholique eſt la Romaine, pag. 266. iuſques
à 269.

Egliſe Romaine & ſa foy, eſt recongneüe & ſaluée
de toutes les Eglifeſ du monde, *Rom. 1. 8. Rom. 16.*
16. 19.

Egliſe Catholique ne puiſt tomber en reformation,
pag. 64. iuſques à 74.

Egliſe eſt diſtincte du peuple, & de la Republique,

T A B L E.

pag. 67. iufques à 72.

Eglife fans macule, pag. 68. face 2. 76.
Eglife pretenduë reformée, regie par le Senat fecu-
lier, pag. 72. 73.

Eglife reformée, ne fe trouue nommée exprefsemēt
en l'efcriture, ny aux anciens Docteurs, comme
l'Eglife Romaine. 4. 5. 72. 73. & 266. 267. 268.

Euchariftie portée aux malades & absens, pag. 113.
iufques à 119.

Eglife de Dieu ne peut eftre chez les Religionnaires
pag. 11.

Euchariftie donnée pour les Apoftres, & non feule-
ment aux Apoftres, pag. 81.

Ephod, Rochet, ou Surpelis, pag. 125. 126.
F.

Familiarité des Anges avec les hommes, pag. 196.
197. 198.

Fefte & ieufne Chrestien & Turquesque pag. 162.
iufques à 168.

Foy & fon office, & la prefumption Religionnaire,
pag. 25. 26. 27.

Forme de croix aux Sacrifices, 104. iufques à 107.

Filz aînez premiers Prestres & Clergé, 124. 125.

Foy de l'Eglife Romaine & de Coloffe, eft Catholi-
que, & non de Genefue, ny d'aucune autre Eglife
pretenduë, pag. 5.

Feu du Ciel, pag. 198.

Femme, en cas d'extrefme néceffité, peut baptifer
extraordinairement, pag. 128. 129. 130.

G.

Genefue eft vne Eglife nouuelle, qui à commencé
feulement 1535. pag. 5. 6. & pag. 12. face 2.

Grecs, font plus proprement fchifmatiques, que he-

T A B L E.

ticques

pag. 124. 125.

H.

Haghaalmah Vierge , contre les Iuifs & Religion-
naires, pag. 229. 230. 231. 232.

I.

Ieusne est acte de vertu , & non acte indifferent,
pag. 24. 25.

Iudas, semblable aux Predicans , calumnia l'Eucha-
ristie, pag. 97. 98. 99.

Iour des Iuifs, distinct de celuy des Romains. pag.
147. 148.

Impostures de Calvin, pag. 210. iusques à 229.

Iason Cyrenien estoit vray Iuif, pag. 216.

Inuocquer est prier: & non heriter, pag. 49. 50.

Iob, & les Cantriques , sont escritures canoniques,
non sans difficulté, pag. 175. iusques à 216.

In Beelzebub ejcit Demonia, Math. 12. 26. pag. 188. 190.

L.

L'escriture d'Exod. 12. 11. pag. 145. iusques à 149.
& 155. iusques à 158. peruertie de Satan, & inspi-
rée à Zuingle.

La Cene Religieuse à esté introduicte de Luther
& Zuingle, par la reuelation de Satan , & non de
l'Escriture, pag. 145. 146. & 155. 156. 157.

Les saincts prient pour nous selon les escritures,
nous visitent, & voyent nos prieres. 200. 202.
203. 204. 205. 206. 207. 208. 209. 210.

Les escrits des Religieuses insuffisants & d'agereux
pag. 20. & 29. fac. 2.

Leçons de la Bible en sections, pag. 29. 30.

Les saincts prient pour nous & ont soing de nous
comme les Anges. 204. 205. 206. 207. 208.
209. 210.

T A B L E.

L'écriture. 1. *Timoth.* 2. 1. à esté interpretée du Sacrifice de la Messe à l'autel, & non de la Cene Caluinique, qui n'auoit encores esté trouuée par aucuns des saincts Peres anciens pag. 85. 86. 87. 88.

Les escritures font foy de l'inspiration de Dieu & du iugement de l'Eglise & non seulement & proprement de l'authorité du Scribe. pag. 215. 216. 217. 218.

Les Religioneux ne tiennēt compte des escritures. 24. 27. 28. & 30. 31. & 69. 70. & 191. 192. 193. 194. 195.

Le significat Religioneux sans fondement, 94. 95.

Les Religioneux rescindent en la celebration de leur Cene l'ordonnance de Dieu, pour la tradition de Calvin, pag. 80.

Liures des Machabees Canoniques, pag. 195. iusques à 210.

Liures Canoniques, pag. 175. iusques à 185.

Liures apocryphes, pag. 128. 129.

Liure second des Machabees digne de foy nonobstant les impostures de Calvin, pag. 210. iusques à 222. & 244. iusques à 249.

Liures alleguez en l'écriture qui ne se trouuent point, pag. 213. 214.

Les Machabees sont efficaces à refuter les heresies, pag. 220. 221. 222.

Les Religioneux ne tiennēt compte des Docteurs, pag. 221. 222.

Les écritures ne sont falsifiees, ny corrompues combien que les Iuifs & Hereticques ce soient efforcez de les alterer & changer, pag. 235. iusques à 238.

M.

Mariage est Sacrement, pag. 159. 160. 161. Mariage

T A B L E.

Mariage licite seulement à aucuns,	pag. 7. 8. 9.
Mariage diffamé par Luther & Caluin	pag. 190. 191.
Machabeans,	pag. 195. 196.
Matkisedec & Aaron,	pag. 58. 59. & 77. 78.
Messe en Latin,	pag. 43.
Mehemmet, Corriffi, voiturier, & ses parans & sa vie & sa mort,	pag. 55. 156. 157.
Ministres ignorans	pag. 131. 132. 135. 137. 138.
Ministres extraordinaires subiects à dorer,	pag. 65. 66.
Mœurs changēt le nom & la profession sans heresie comme Leuites, Nazariens, Rechabites, Prestres, Scribes, Pharisiens, où Roys, mais non en la foy & creance,	pag. 4. 5.
Moynes hays des anciens Heretiques	pag. 7. 8. 9. 10.
Moynes estoient du temps des Apostes selon leur profession,	pag. 9.
Mutation de nom importe beaucoup,	pag. 2. 3. 4. & 93. 94.
Celebrer le Mariage n'appartient aux predicans;	pag. 158. 159.
Dissoudre le Mariage où multiplier les nopces, comme font les Iuifs, les Turcs, & les Religioneires est contre la doctrine de l'Euangile, <i>Math. 19. 6.</i>	pag. 161. 162.

N

Nature materielle du vin, est muée au sacré sang de nostre Seigneur, apres l'inuocation de Dieu, par les paroles sacramentales,	pag. 60.
Nostre nature purement humaine en la Vierge Marie & en nous, par l'omnipotence du S. Esprit en	

T A B L E.

l'incarnaaion, à esté faite chair d'une personne, vrayement diuine selon S. Iustin martyr, <i>Apolog.</i> 2. <i>pro Christianis.</i> qui n'est pas moins difficile que la mutation qui ce fait en l'Eucharistie	pag. 55. 56.
Nostre Seigneur consacra estant debout	pag. 150. 151.

O

Oraison quelque fois est proprement sacrifice	pag. 82. iusques à 88.
Oraison & sacrifice tousiours vlté pour les trepassé z en l'Eglise, <i>Leut.</i> 16. 16. <i>Iohan.</i> 11. 25. 26.	pag. 198. 199. & 256. 257. 258.
Oraison aux saincts bien-heureux	pag. 134. 135.
Ornemens Ecclesiastiques,	pag. 123. iusques à 140.

P

Pasques, & qu'il signifie,	pag. 145. iusques à 149.
Prerogatiue de l'histoire sacrée	pag. 249. iusques à 257.
Profession Monastique	pag 23.
Predication & oraison en langage diuers,	pag. 39. 40.
Presumption des Religioneux, est illusion de Sa- than,	pag. 26. 27.
Plusieurs sens literaux en l'escriture,	pag. 221. 222.
Predicans & Pharisiens preferent leur glose à la saincte parole de Dieu,	pag. 28.
& changent l'escriture par leur gloses,	30. <i>fac.</i> 2.
Plusieurs mangent à la Mess: fils veulent,	pag. 80.
Prestres benissent, & non les predicans	pag. 49. & 107.

T A B L E.

Pechez pardonnez en ce monde & en l'autre	pag. 200.
Prieres & intercessiōs des saints biē-heureux pour les viuans	pag. 200. iusques à 210.
Prieres Catholiques selon l'escriture expresse & les huguenottes & populaires contre S. Paul 1. Cor.	pag. 34. iusques à 38. & 45.
Protestans & Religionnaires sont heretiques,	p. 4.
Prieres Catholiques celebrees selon l'escriture expresse	pag. 34. iusques à 38. & 45.
Predicans ne croyent point les saints Docteurs, ains ils les alleguent pour amuser le monde	pag. 119. 120. 121.
Psalmes, mal nombrez auiourd'huy par les nouveaux Rabbins & Religionnaires,	pag. 155. 156.
Psalmes rymez & populaires interdits par le Concile de Laodicée, <i>Can. 58. 59.</i> & faussement exposez par Mehemmet & Caluin,	pag. 154.

R.

Religionnaires, ne peuuent monstrier leur Mission, tant ordinaire qu'extraordinaire,	pag. 172. iusques à 175.
Religion,	pag. 13. 14. 18. 19. 20. 21.
Religionnaires reformez, sans Ordre,	31. 32. 33. & 129. 130.
Religionnaires semblables aux Saduceans, mesme selon Caluin,	pag. 133. face 2.
Religionnaires sont sans religion,	22. 23. 24. 25. 26.
Religionnaires sont diuers au nombre des sacremēs en eux-mesmes, & contre les Protestans,	28.
Religionnaires ayment mieux l'image des Diables, que des Saints,	pag. 74.

TABLE.

S.

Sacrement, est faict par la parole,	99. 100. 101. 102.
Sacremens, à proprement parler,	pag. 93. 94.
Sacremens du tout proprement aneantis par les Religionnaires,	pag. 28. 29.
Sacrifice & oraison pour les trespassez, vñtée de tousiours en l'Eglise,	pag. 198. 199.
Sacrifice proprement dict,	pag. 28.
Sacrifice exterieur,	76. 77. <i>W W</i> 224. 225. 226. 227.
Saincteté d'Ame, & pureté de corps,	136. 137.
Sens, font certitude aux infidelles, & la parole faict foy aux fideles,	pag. 98. 99.
Significat des Religionnaires, sans fondement en l'Ecriture	pag. 94. 95.
Signification sacramentalle, differe de celle qui est de cause à l'effect,	pag. 89. 90. 91.
Succession des Sacrifices,	pag. 83. 84. 85.

T.

Table du Seigneur,	pag. 86. fac. 2.
Testament & alliance	pag. 185. 186. 187.
Trente & quatre liures canoniques,	224. 225. 226.
Traditions Apostoliques, <i>Theſſal.</i> 2. 15.	pag. 135. 136.
Tradition de l'Eglise, fondement de la foy,	185.
Traditions en l'Ecriture,	pag. 38.
Tradition de Calvin,	pag. 80.
Tu ne conuoiteras point par consentement,	24.
Turcs & infideles plus religieux & iudicieux que les Caluinistes,	pag. 162. 169. 170. 171.
Thalith, Rochet; Taleth, Surpelis, dont il y en auoit de trois sortes,	pag. 125. 126. 127.

V.

Vœuz & promesse de voier, & obligation de rēdre

T A B L E.

sesvœuz, pag. 11. 12. 13. & puissance de les
garder, pag. 27. 28.
Vn sacrifice en substance, & deux façons de sacrifier
78. 81. 82. 83.

Z.

Zuingle corrige & diffame saint Paul, pag. 19.
car saint Paul dict que le Createur est congneu
par ses creatures, *Rom.* 1. 19. 20. Zuingle dict que
non, & accuse S. Paul d'auoir Gentilisé, & parlé
autrement qu'il ne l'entendoit. pag. 18. 19.
Zuingle contredit & corrompt l'escriture expresse,
pag. 88. 89. 90. 91.
Zuingle & Luther ont introduit la Cene des Reli-
gionnaires, par la reuelation & argumens de Satan,
pag. 145. 146. & 155. 156. 157.

Fin de la Table.

Fautes suruenues en l'impression.

Page.	il est escrit.	il faut lire.
2.	<i>serres</i>	certes
5.	<i>deniez</i>	debuiez
6.	<i>Prescruiez</i>	proscriuez
6.	<i>Pontifes</i>	Pontificaux
	<i>Voyez qu'il ne dit point (par solemnité ciuile) en lettre commune.</i>	
19.	<i>couuerture</i>	coniecture
22	<i>seauice</i>	seruice
24.	<i>lisons</i>	lisez nous
24	<i>l'ocripture</i>	l'écriture
26.	<i>patties</i>	parties
26	<i>inestingables</i>	inuestigables
26.	<i>Contraires</i>	contradictaires
42	<i>bonne</i>	venue
60. b	<i>ait esté</i>	soit
65	<i>Vng Soleil</i>	au Soleil
70. 71.	<i>Heneans</i>	Heueans
85	<i>sçait</i>	soit faict
98.	<i>diuinement dicté</i>	deüment dictes
	<i>Ierobamites</i>	Hieroboamites
	<i>misteres</i>	mysteres
	<i>simbole</i>	symbole
	<i>Sinode</i>	Synode
127.	<i>Obonibrando</i>	obombrádo eos
128.	<i>S. Augustin epist. 68.</i>	S. Aug. epist. 86.
129.	<i>Aprid</i>	apud
	<i>De Iudas</i>	des Indes
133.	<i>Hetsimiero</i>	Hesnuyers,
136.	<i>le commenment</i>	le cōmencement
174.	<i>ordinaire</i>	Ordre

Page.	il est escrit.	il faut lire.
194.	<i>Stadius</i>	<i>studius</i>
196.	<i>Membres</i>	<i>Nombres</i>
197.	<i>entrepreneur</i>	<i>Empereur</i>
	<i>Functiō</i>	<i>fruitiō</i>
	<i>on</i>	<i>ou</i>
240.	<i>Un & deux</i>	<i>vingt-deux</i>
	<i>relation</i>	<i>reuelation</i>
	<i>δέξεις</i>	<i>δείξεις</i>


224. Genese ne se cōmence pas par א ains par דבר כ
dabar, parler: דבר debuar, parolle: דבר דiber, peste.
47. Ny Exode par ב ains par א contre la forme des
carmes qui se raportent à l'Alphabet hebreu, Psal.
25. 1. Psal. 33. 1. Psal. 36. 1. Psal. 110. 1. Psal. 111. 1. Ps. 118.
1. Hier. 31. 10. In Threnis Prouerb. cap. 1. 1. c. 2. 1. c. 3. 1. c. 1.

Explication des lieux obscurs.

Le sacrifice de la Croix ne se participe que par foy: c'est à dire,
que nostre seigneur Iesus Christ estant en Croix n'ordona aucune
ceremonie ou sacrement, en telle peine, pour en vser: ne requerant
que la foy des fideles. pag. 53. & pour ce est escrit incontinant
Sacrifice sans ceremonie: car ailleurs il y a des sacremēs & moyēs
de communiquer au benefice de la Croix. Effusion de sang non
violente, penale, & exterieure, non iniurieuse: qui a esté en la
Croix, sensible, penible & violente. pag. 53.

Le precieux corps & sang de nostre Seigneur Iesus-Christ, qui
auoit esté purement humain en la sainte Vierge sa mere, fut en
l'incarnation, substance du Verbe diuin. Lisez & entendez, que
l'humanité de nostre Seigneur Iesus Christ, qui eust esté puremēt
personne humaine en la sainte Vierge, & en soy, sinon qu'elle
fut preuenüe personnellement du Verbe. Dont elle eust demeuré
chair, laquelle en cet instant là, vnie vrayment au diuin Verbe,
fut personnalisée du diuin Verbe, & non en personne de sa na-
ture purement humaine.









Rare
Book
Room



9-508
6.

